

**M. ANTONII
MURETI VARIARUM
LECTIONUM LIBRI
15. AD
HIPPOLYTUM...**

Marc Antoine Muret




0
-C
47



~~8.-3.C. 47.~~





M. ANTONII
M V R E T I
V A R I A R V M
L E C T I O N V M
LIBRI XV.

A D
HIPPOLYTVM ESTENSEM
CARDINALEM, AC PRINCIPEM
ILLVSTRISSIMVM.



C. C.



ANTVERPIÆ,
Ex officina Christophori Plantini,
Architypographi Regij:

M. D. LXXX.



M. ANTONII MVRETI
IN LIBROS VARIARVM


LECTIONVM PRÆFATIO.

AD HIPPOLYTVM ESTENSEM
CARDINALEM AC PRINCIPEM
ILLVSTRISSIMVM,

Singularem omnium honestarum artium patronum.



AGNOPERE peccare mihi viderer, HIPPOLYTE, Cardinalis illustrissime, si otium illud, quod & plurimum & honestissimum tua mihi benignitate conceditur, alia vlla re, quàm litterarum, & earum artium, quibus te insigniter oblectari video, assidua tractatione consumerem. nam cùm ea te precipuè caussa commouerit, vt aditum mihi ad familiaritatem tuam vltro patefaciendum putaris, quòd ad te de mea erga illius incredibili voluntate, meis fortasse scriptis, & amicis de me summorum hominum concitata sermonibus fama peruenerat: quis me ferendū putet, nisi quam de me opinionem incognito adhuc & absente conceperas, eam præsens ipse omni studio, omni corporis & animi contentione confirmem? Ita igitur facio. quarum artium singularis pulchritudo mentem meam, vsque à puero, admirabili quodam sui desiderio incenderat, eas nunc de-



mum beneficio tuo aliis omnibus curis solutus,
magno & alacri animo persequor: neque sanè
committo, ut qui me tibi tanquam hominem &
non ineruditum, & eruditionis ac doctrinæ si-
tientissimum commendarunt, cum in illo priore
indulserint amorì erga me suo, in hoc etiam al-
tero eidem obsecuti, ac non potius id quod explo-
ratum haberent, verè apud te testati esse vidcan-
tur. quod cum facio, primùm, quo nihil dulcius
est, nihil optabilius, naturæ meæ propensionem
sequor. Verè enim hoc tibi affirmare possum, si
quis mihi deus omnes opes, omnia commoda, om-
nem potentiam proponat, ea lege ac conditione,
ut semel deponam hæc studia, & has qualescum-
que litterulas, altrices adolescentiæ meæ, fidiissi-
mas meorum omnium temporum comites dese-
ram: nunquam id faciam: neque quicquam tanti
esse ducam, quod mereri velim, ut à suavißimo
earum amplexu & contubernio abducar: quare,
ut dixi, cum in eas toto pectore incumbo, naturæ
meæ pareo: idq; facio, quod si facere vetarer, vi-
talem mihi esse vitam non putarem. deinde, quo
mihi nihil prius ac potius neque est, neque esse
debet, voluntati tuæ morem gero. sæpe enim mi-
hi, quæ tua est humanitas, affirmasti, nullū tibi
à me genus obsequij præstari posse iucundius,
quàm, si omne tempus arbitrato meo ponerem in
litteris, & aliquid assidue, quantum in me esset,
excu-

excuderem, quod & mihi ornamento, & aliis
usui, & tibi oblectationi esse posset. neque verò
me, ut id faciam, oratione tantum cohortaris,
verum etiam exemplo. Quid enim facere nos oportet,
quicumque tuis opibus non aliam ob causam
fouemur, sustentamur, ornatur, quam ut in his
studiis omni cogitatione defixa, dies noctesque
exerceamur: cum te, te inquam ipsum, quæ moderatrix
humanarum rerum providentia in altissimo
dignitatis gradu collocatum, perpetua gravissimorum
munerum procuracione districtum teneri voluit, inter tot, tam graues, tam multiplices
curas, tantoperè ad tranquillitatem & salutem publicam
pertinentes, quotidie tamen aliquid temporis harum artium tractationi tribuere
vidcamus? Numquam & unusquisque nostrum naturæ suæ, ut ait poëta quidam, semina sequitur:
& quibuscum diu ac familiariter vixit, eorum mores & instituta viuendi facile ac libenter
imitatur. Te verò cum omnis honestatis ac dignitatis
amantissimum omnium, quæ ad comparandam veram ac solidam gloriam
pertinent, appetentissimum natura genuisset: consecuta deinde
FRANCISCI VALESII, Galliarum Regis optimi, ac maximi, intima illa, qua tot annos
usus es, consuetudo magis etiam incitauit ad easdem illas vias, in quas ipsa te natura deduxerat,
animosius & constantius persequendas. Ille

homines eruditos ad se ex omnibus orbis terrarum partibus, amplissima eorum industriae praemia statuens, conuocabat. idem illud exemplum iamdudum Italia te, maxima cum tua laude, renouantem intuetur. Ad regalem illius mensam non ullum acroama aut libentiùs, aut saepius, quàm vox alicuius eruditi hominis, audiebatur. epulae quoque tuae quotidie nulla re magis, quàm grauißimis & honestißimis virorum doctrina praestantium sermonibus, condiuntur. Ille igitur ad ceteras suas laudes eam addidit, qua nulla, meo quidem iudicio, maior est, nulla praeclearior, ut communi omnium populorum consensu LITTERARVM PATER nominaretur. idẽ illud cognomen tibi apud posteros tributum iri, cuius perfacile est, qui tuam erga homines liberalium artium scientia excultos munificam, planeq; regiam voluntatem cognouerit, augurari. Nos interea, qui per te hoc otio fruimur, omnem industriam eo conferre oportet, ut quacumque ratione possumus, heroicas ac propè diuinas virtutes tuas omni genere monumentorum ad immortalem posteritatis memoriam consecremus. non quòd rerum à te gestarum gloria nostro testimonio indigeat: sed quòd alia nobis via nulla relinquitur, qua ingrati animi notam effugere valeamus. Igitur alij quidem, quibus maior doctrinae copia est, alia tibi grauiora, & maioris
opera

opera inscribent. ego autem, qui nondum eam facultatem consecutus sum, ut à me quicquam egregium expectari debeat, scribam tamen, qualiacumq. potero, & hisce parvis ac tenuibus munusculis testabor hominibus magnitudinem obsequantiae erga te meae. Illud quidem certè omni ope conabor efficere, ut scripta mea, si nullam aliam ob causam in pretio sint, utilitate tamen tueantur ipsa se, & hoc saltem nomine à studiosis hominibus non negligantur. quod & alias feci, & in iis maximè, quos nuper apud te scripsi, Variarum lectionum libris. Primum enim cum in praestantissimis utriusque linguae scriptoribus multa, vel temporum vel hominum culpa, corruptè & depravatè legantur: earum res vel non animadversa errorem, vel animadversa molestiam, & difficultatem legentibus obijcere soleat: eius incommodi ut pars aliqua per me tolleretur, operam dedi. deinde, cum & illud constet, veteres Latinos summo studio esse in Graecorum imitatione versatos, & eorum locorum quos illi ab his acceptos in usum suum transtulerunt, diligens, & accurata notatio magnam his temporibus utilitatem habere credatur: huius quoque generis inspergenda nonnulla esse duxi. narratiunculas etiam aliquot admiscui quarundam historiarum, quae neque contrita ac communes essent, neque fore iniucunda cognitu viderentur. Vbi autem

ita res tulit, ut ab iis qui vel etate nostra, vel etiam superioribus temporibus in hoc ipso curriculo industriam suam exercuerant, dissentirem: feci id, ut & natura & consuetudo mea fert, liberè: sed ea tamen moderatio servata, ut imminutam esse à me dignitatem suam, nemo conqueri possit, nisi qui tantum sibi tribuat, ut errare se posse non putet. quod neque cuiquam unquam contigit, & maius est, quàm ut convenire in humanam fragilitatē queat. sed nos quid fecerimus, ipsa res indicabit. testatum quidem omnibus esse volumus, nihil aliud nobis propositum fuisse, quàm ut sine cuiusquam offensione, auxiliij aliquid attulisse huic studiorum generi diceremur. A te autem, HIPPOLYTE Principum decus, etiam atque etiam petimus, ut quæ nos humanitate in familiarium tuorum numerum recipere dignatus es, eadem hos labores nostros, qui nulla re magis, quàm tui nominis auctoritate, nixi, in publicum prodeunt, tibi accipiendos putes: neque tam, quid amplitudini tue conveniat, quàm, quid præstari à nobis possit, expendas. nam & hæc ipsa novis indies accessionibus crescent, & alia suo tempore, quæ tibi gratiora fore confidimus, proferentur.

INDEX

INDEX EORVM QVÆ

SINGVLIS LIBRIS PER CAPITA TRACTANTVR.

LIBER I.

- TRES Isocrates. Cuius sit παραίεσις ad Dæmonium, indicatum. Cap. 1.
- Mithridatem cur Dionysius Trallianus honoris causa vocarent. Illustratus locus ex oratione pro Flacco. Eius qui Plutarchi συμποσιασάν inter-pretatus est, notatus error. Cap. 2.
- Locus quidam Ciceronis in Verrem vindicatus à praua aliorum correctione. Plinij aliter declaratus. Cap. 3.
- Horatii locus ex Euripide expressus. Cap. 4.
- Eiusdem Horatii locus ex Isocrate propè conuersus. Cap. 5.
- Ciceronis locus ex oratione pro P. Quintio præter à Paulo Manutio correctus. Cap. 6.
- Epitheton, quo Corinthiis ornauit Horatius, è Græca voce expressum videri. Cap. 7.
- Horatii locus, qui multis in libris corruptè legitur, explicatus. Cap. 8.
- Sententia quadam Terentiana ab Aeschylō etiam prolata ostenditur: & qui eandem continet, Græcus incerti scriptoris versiculus indicatur. Cap. 9.
- Equitandi verbum quod Ennio tribuit Horatius, Euripidem quoque eodem modo locum esse. Cap. 10.
- Curru pro navi, ut à Catullo, sic & à Græcis poetis dictum esse. Cap. 11.
- Libidinosarum mulierum, quæ calumniatae sunt eos à quibus sprete ac repudiatae erant, exempla octo. Cap. 12.
- Falsam quandam historiam à Petro Victorio pro vera traditam esse. Cap. 13.
- Aristotelem in Hippodamo reprehendendo parum bona fide versatum esse. Cap. 14.
- Duræ compositionis duo insignia exempla: ex Euripide vnum, alterum è Sophocle. Cap. 15.
- Coniectura de aliquot locis è libello Demetrii περί ἑρμηνείας. Cap. 16.
- De forum aperiendarum ratione apud veteres Græcos. multis Plauti ac Terentij locis allata lux. Cap. 17.

Quod de fama Virgilius dixit, idem Callimachum de Cere, Homerum de contentione dixisse. Cap. 18.

Quid sibi velit apud Ciceronem in epistolis ad Atticum pastoricia fistula, explicatum. Cap. 19.

Alius locus ex iisdem epistolis declaratus. Cap. 20.

LIBER II.

Correctus & explicatus locus è primo libro Aristotelis De arte dicendi. Cap. 1.

De Psyllis, & ophiogenesis. Allatus locus Varronis, cuius testimonio usus erat Plinius. Cap. 2.

Sententiam illam, Patria est ubicumque bene est, acutè à Lysia reprehensam. Cap. 3.

De vi verbi alloquor. Horatii in Odis explicatus locus. Cap. 4.

De Callisthene & Philislo. Locus Ciceronis emendatus, & declaratus. Capitales interdum à veteribus ingeniosos dictos esse. Cap. 5.

Pauperum cognationem à nemine libenter agnoscì. Terentij loco allatus non dissimilis Menandri. Cap. 6.

Ciceronis locus è Dinarcho expressus ostenditur. Cap. 7.

Quod Victorius de auctore libri De mundo ad Alexandrum credidit, verum non videri. Cap. 8.

Pisces parvulos à maioribus deuorari, multorum scriptorum testimonio confirmatum. emendatus Varronis locus. Cap. 9.

Iugurtham, cum in triumpho ductus esset, desipere ac delirare cepisse. Plutarchi in Mario locus. Cap. 10.

Aristotelis locus, allatis Theognidis versibus, qui eandem sententiam continent, illustratus. Cap. 11.

Genus quoddam loquendi Horatianum indicatur è Græco fonte manasse. Cap. 12.

Platonis locus conuersus à Cicrone in Hortensio, in quo Marsilius leniter lapsus est. Cap. 13.

Ciceronis locus, quem Silius eleganter imitatus est. Cap. 14.

Quodnam sit verbum illud Græcum quo usus esse Athenienses in discordiis sedandis ait Cicero in Philippicis. Cap. 15.

Ciceronis ex oratione pro Deiotaro loci duo emendati. Cap. 16.

Illustratus locus ex oratione pro Cælio. Cap. 17.

Cicero in oratione pro Sylla, locum quendam Demosthenis imitatus ostenditur. Cap. 18.

Alius

Alius Ciceronis locus è Demosthene expressus.

Cap. 19.

Theocriti ἀδὸνιαν ἐσταυς correctus & explicatus locus.

Cap. 20.

LIBER III.

De quorundam admirabili memoria.

Cap. 1.

Sublata membra quæ inhaeserat in Euripideo versu apud Porphyrium. Item

de forma dignitate quædam non indigna cogniti.

Cap. 2.

Locus Terentij è Phormione illustratus.

Cap. 3.

Duo genera loquendi, quibus Latini poeta videntur, à Grecis accepta esse.

Cap. 4.

Aeris Corinthij temperatura quomodo inuenta.

Cap. 5.

Indicata vetus scriptura annuum locorum è libro secundo de Divinatione.

Cap. 6.

Cui Tibullus porcum hostiam mysticam dixerit.

Cap. 7.

C. Verres qua ex gente fuerit. emendatus locus è libro quarto accusationis.

Cap. 8.

Correctus Plauti locus è Milite glorioso.

Cap. 9.

Que se facturos intraverint Græci cum Xerxis copiis congressuri.

Cap. 10.

Locutio quædam, quæ Euripidis esse credebatur, reiecta: & ipsius poeta emendatus locus.

Cap. 11.

Atticum loquendi genus, quod imperiti ex Euripidis Hecuba sustulerant, restitutum.

Cap. 12.

Antelodium quid. Plauti è Menæchmis correctus locus.

Cap. 13.

Historia de oraculo quod Peleo redditum est. Xenophontis locus correctus.

Cap. 14.

Xenophontis alius locus correctus.

Cap. 15.

Particulam ε, è quodam loco ex apologia Socratis apud Platonem, delendam videri.

Cap. 16.

Emendatus Plauti locus è Milite glorioso.

Cap. 17.

Lenos debitores aliter à Cicerone, aliter à Lucilio dictos. Lucilij versus apud Nonium emendati.

Cap. 18.

Horatij versus è quinto Odarum illustrati.

Cap. 19.

Declaratus locus quidam è Ciceronis Hortensio.

Cap. 20.

LIBER IIII.

Historia de Pindaro poeta, militato à suis, ornato ab Atheniensibus.

Cap. 1.

Quod Aristoteles sensit de iis qui seipsos interfecerent, Euripidis testimonio confirmatum.

Cap. 2.

Correctus

Correctus Ciceronis locus è libro tertio De legibus.	Cap. 3.
De veteri proverbio, quo dicebatur, quod pulchrum est, placere.	Cap. 4.
De loco quodam Varronis aduersus Petri Victorij sententiam disputatum.	Cap. 5.
Fragmentum Varronis è Marci pore, quo tempestas eleganter describitur.	Cap. 6.
Enniani versus ex Enripide expressi. uorata Nonij inconstantia.	Cap. 7.
Emendati Varronis loci duo.	Cap. 8.
Duo versus Horatij conuersi è Simonide.	Cap. 9.
Sententia cuidam Onidiana allata similis ex Enripide.	Cap. 10.
Quod Aristoteles in antiquis dicendi magistris reprehendit, idem Isocrates antea reprehendisse ostenditur.	Cap. 11.
Antiqui quoties die cibum sumpserint.	Cap. 12.
Terentianus versus imitatus è Cæcilio: loci cuiusdam è quarta Tusculana vulgata scriptura aduersus Nonium defensa. item eiusdem grammatici alia quedam improbata. Correctus locus è libro quarto De finibus.	Cap. 13.
Theriacam olim bibi solitam, verum non videri: emendatus Varronis locus.	Cap. 14.
Sententia quedam Horatij ab Arato prius prolata ostenditur.	Cap. 15.
De loco quodam è quarto Aeneidos aduersus Seruum.	Cap. 16.
Proverbum quoddam ab illo scriptore qui tam multa alia collegit, prætermisissimum.	Cap. 17.
In bonorum comparatione dissensio inter Platonem & Aristotelem indicata.	Cap. 18.
De loco quodam ex Oratione in Pisonem, aduersus Petrum Victorium.	Cap. 19.
Horatiana quedam ex Græco ducta.	Cap. 20.

LIBER V.

<u>Insularum fortissimarum descriptio, & situs.</u>	Cap. 1.
<u>Tibullus versus illustratus.</u>	Cap. 2.
Virgilij versus, in quo Ciceronem imitatus videri potest.	Cap. 3.
Platonis in Hippia maiore emendatus locus.	Cap. 4.
Emendatus locus è Ciceronis agrariis.	Cap. 5.
Plautina Stichi principium emendatum, & distinctum.	Cap. 6.
Adomin. Diana ira interfectum.	Cap. 7.
	Confir-

Confirmata duorum locorum Ciceronis emendationes à Petro Viſtorio factæ.	Cap. 8.
Emendati loci aliquot è Mostellaria Plauti.	Cap. 9.
Ciceronis locus conuerſus è Chryſippo.	Cap. 10.
Explicatus & emendatus locus è ſecundo Epiſtolari ad Atticum.	Cap. 11.
Virgilij verſus ex Aefchylo inuitati.	Cap. 12.
Ennij hemiſtichium ex Euripide.	Cap. 13.
Falſum argumentum allatum eſſe ab A. Gellio ad oftendendam, inter Platonem & Xenophontem aliquid ſimilitudinis interceſſiſſe.	Cap. 14.
Secundam fortunam difficile ſerri, multorum grauium ſcriptorum teſtimoniis confirmatum.	Cap. 15.
Ebrij nomien ad alia quædam à vino eleganter tralatum.	Cap. 16.
Horatianæ quædam genera loquendi è Græco expreſſa.	Cap. 17.
Breuitatem & obſcuritatem aptam eſſe ad terrorem inferendum, aliquot exemplis confirmatum.	Cap. 18.
Locus Virgilij aliter, quàm à Seruio & Macrobio expoſitus.	Cap. 19.
Illuſtratus Platonis locus ex Alcibiade primo.	Cap. 20.

LIBER VI.

De prænotionibus, quibus ſcientiarum omnium principia debentur. explicatum & correctum principium poſteriorum analyticorum Ariſtotelis.	Cap. 1.
Axiomata quomodo Latinè vocanda ſint.	Cap. 2.
Comparatione quadam Lucretiana uſus etiam Themifiſtus oſtenditur.	Cap. 3.
Vt nullas alias diphthongos, quæ nunc uſurpari deſerunt, ita oĩ præ æ, apud veteres fuiſſe: emendatus Plauti locus.	Cap. 4.
Dominos, niſi cupiditatibus ſuis imperent, ne ſeruis quidem ſuis imperare poſſe.	Cap. 5.
Homicidium & Aefchyli Athenienſes, Tyrannum Lacedæmonij quo honore affecerint.	Cap. 6.
Illuſtratus locus ex Ariſtotelis categoriis.	Cap. 7.
Correcti loci duo è primo libro Topicorum. Item alius è quinto Ethicorum.	Cap. 8.
Videri Plautum dixiſſe rem voluptatum eodem planè modo, quo Græci dicerent τὸ χρεῖμα τῶν ἡδονῶν.	Cap. 9.
De quodam Plautino ioco, itemq; de loco quodam è Catone maiore Ciceronis diſputatum.	Cap. 10.

Enipi-

Enripidem aliter, quàm ceteros omnes, de Helena fidere locutū.	Cap. 11.
Emendatus Plinij locus.	Cap. 12.
Emendatus versus quidam Horatianus.	Cap. 13.
Correcti apud Ciceronem Emij versus.	Cap. 14.
Ecquid adhibenda sint in consuiis actioamata, an minus.	Cap. 15.
Correctus locus è secundo De diuinatione.	Cap. 16.
Semiramis quo astu ad regnum peruenierit.	Cap. 17.
Vt honorem Latinis, uia Græcis ὀνειδῶ & κλέ & ambigua vocabula esse.	Cap. 18.
Correctus locus ex Oratione Ciceronis pro domo sua.	Cap. 19.
Correctus locus è secundo De finibus.	Cap. 20.

LIBER VII.

Sorores uxores ducere, num apud Athenienses licuerit.	Cap. 1.
De consuetudine Græcorum non adhibendi honestas mulieres ad conuiuia virorum. Illustratus locus ex Eunuchio Terentij: itemq; locus Ciceronis è libro primo in Verrem.	Cap. 2.
Enripidis locus in Medea correctus & declaratus.	Cap. 3.
Quid iuerfit inter imperium patris & domini. Emendati Afranij versus apud Gellium.	Cap. 4.
Emendatus Varronis locus, qui citatur à Nonio.	Cap. 5.
Ab igne ad uitam crebrò tralatas esse multas ab antiquis scriptoribus voces.	Cap. 6.
Correctus locus è primo Rhetoricorum Aristotelis. item locus Callimachi ex hymno in Apollinem.	Cap. 7.
Conatus emendandi duos locos è tertio libro Aristotelis De arte dicendi.	Cap. 8.
Illustratus locus è primo Topicorum Aristotelis.	Cap. 9.
Correctus & illustratus locus è secundo Topicorum.	Cap. 10.
Emendati loci aliquot è libello Q. Ciceronis De petitione consulatus.	Cap. 11.
Ex eodem libello emendati aliquot loci.	Cap. 12.
Ex eodem libello emendati aliquot loci.	Cap. 13.
Quod apud Ciceronem in epistolis ad Atticum legitur, ἐν αἰνυμῶνι, unde sumptum sit.	Cap. 14.
Proverbum quoddam, quo Cicero De senectute usus est, ex Euripide sumptum esse.	Cap. 15.
Vt Cicero dixit, conficere famam, uia Græci dicunt ποσὶν ὄνομα.	Cap. 16.

Quod Theopompus de Lacedaemonijs dixit, idem de fortuna quoque meritis dici posse. Cap. 17.

Ciceronis è Lucullo correctus & declaratus locus. Cap. 18.

Ciceronis locus ex Isocrate, ut videtur, imitatus. Cap. 19.

De quodam loco è secundo De finibus, neque Manutij, neque Victorij sententiam veram vident. Cap. 20.

Qui fuerint Aristotelis libri De philosophia, quodq; in eorum argumentum. Cap. 21.

Illustratus locus è primo libro Ciceronis De natura deorum. Cap. 21.

Ciceronis è tertio De natura deorum locus ex Aristotele expressus. Cap. 22.

Locus è Miloniana cum duobus Demosthenis uno, altero Lysiae comparatus. Cap. 23.

Illustrati Virgiliani versus è quarto Aeneidos. Cap. 24.

LIBER VIII.

Poëtarum & apium comparatio. Illustratus Horatij versus, Nele meo Lamia coronam. Cap. 1.

De quodam loco è libro secundo Rhetoricorum Aristotelis, aduersus Petri Victorij sententiam. Cap. 2.

Collatio loci cuiusdam è Phaedro Platonis cum eiusdem loci interpretatione Ciceroniana. Cap. 3.

Correctus & explicatus locus Platonis ex apologia Socratis. Cap. 4.

Virgilij versus è sexto Aeneidos ex Homero imitati. Cap. 5.

Notatum Petri Victorij *μνημονικὸν ἀμείπτημα*. Cap. 6.

De facultate contrariorum. emendatus & declaratus locus è secundo Aristotelis de arte dicendi. Cap. 7.

Alius locus ex eodem libro explicatus. Cap. 8.

Correctus Ciceronis locus ex oratione pro C. Rabirio perduellionis reo. Cap. 9.

Ciceronis loci duo ex AEschine, ut videtur, imitati. Cap. 10.

E declamatione in Sallustium loci duo, quorum alter ex Aeschine, alter è Demosthene expressus videtur. Cap. 11.

Inficetum, non ut vulgò, Infacetum scribi oportere: & ex eadem coniugatione cetera ad eundem modum. Cap. 12.

Correctus & illustratus Aristotelis locus è libro quinto Ethicorum. Cap. 13.

Verbum *διαφεύδειν*, quodam loco è secundo Rhetoricorum Aristotelis non videri ita accipiendum, ut Victorius censuit. Cap. 14.

Quid apud Catullum, asini nomine intelligendum esse videatur. Cap. 15.

Male conuersos videri à Cicerone tres Enripidis versus. Cap. 16.

De

De quodam loco ex epistolis ad C. Trebarium accuratè disputatū. Cap. 17.
Locus Platonis è Phædro, allata vetere quadam Atheniensium consuetudi-
ne illustratus. Cap. 18.

Quod discrimen sit accusationis & maledictionis, è Demosthene & Ci-
cerōne. Cap. 19.

De vi veritatis. Ciceronis sententia ex Aeschine, Lintij loci duo emendati.
Cap. 20.

Mulieres eruditæ plerumque libidinosas esse, duorum poetarum testimonijis
confirmatum. Iuuenalis locus cum quodam Platonis collatus. Cap. 21.
Iphicratis multa dicta, quibus elatus & excelsus ipsius animus ostenditur.

Cap. 22.

Medicum fuisse Herculem: & sanatum ab eo Alcestin, quum iam deposita
esset. Cap. 23.

De immani crudelitate regis Deiotari. Cap. 24.

De lege quadam Persarum humanitatis plena. Cap. 25.

LIBER IX.

De genere quodam loquendi quo in magni amoris significatione veteres ute-
bantur. Cap. 1.

Illustratus Horatij ex Odis locus. Cap. 2.

Emendatus versus ex Asinaria Plauti, & locus quidam Appuleij in Flo-
ridis. Cap. 3.

De loco quodam ex Odis Horatij. Cap. 4.

Emendatus locus ex Politicis Aristotelis. Cap. 5.

De locis aliquot Plauti ex Pseudolo. Cap. 6.

De duobus locis ex primo Odarum Horatij. Cap. 7.

Illustratus locus Senecæ ex epistolis. Cap. 8.

De potu aquæ aut vini circumdata nive refrigerati, Macrobij locus emen-
datus. Cap. 9.

De locis quibusdam è prima epistola libri primi ad Atticum. Cap. 10.

Illustratus Plauti ex Asinaria locus. Cap. 11.

De vetere prouerbio quo usus est Cicero in Catilinam. Cap. 12.

De locis quibusdam è Truculento Plautina. Cap. 13.

E Ciceronis Academicis emendatus locus. Cap. 14.

De locis quibusdam è Truculento Plautina. Cap. 15.

De Mytilene Horatij loci duo illustrati. Cap. 16.

Illustratus locus Horatij ex Odis. Cap. 17.

Emen-

Emendatus & illustratus locus quidam Pluarchi.	Cap. 18.
Tres antiquæ voces Ciceroni restitue.	Cap. 19.
De quibusdam locis Laërtij.	Cap. 20.

LIBER X.

<u>Quam verus sit consuetudo, in honore alicui habendo, manum suam ad es</u> <u>actionem.</u>	Cap. 1.
Vnde sumptisse videatur Ovidius, quod in oraculo terram, matrem, lapides autem ossa illius vocavit.	Cap. 2.
Versum quendam ex Odyssæa multo aliter à nonnullis accipi, quam ut ab Horatio acceptus est.	Cap. 3.
De duobus locis ex primo libro Commentariorum Cæsaris de bello Galli- co.	Cap. 4.
Expensus locus ex Asinaria Plauti, in quo Poëta ipse quiddam non satis ex arte fecisse videri potest.	Cap. 5.
Locus quidam Inuentalis aduersus aliorum omnium sententiam declara- tus.	Cap. 6.
Non modò, pro, non modò non, sæpe apud veteres legi, idè, lo- quendi genus à Græcis ductum esse.	Cap. 7.
De loco quodam ex secundo De Officijs.	Cap. 8.
Illustratus locus ex Oratione pro Flacco.	Cap. 9.
Emendatus Plauti locus in Epidico.	Cap. 10.
De libidine Eunuchorum verum esse quod à Terentio dictum est.	Cap. 11.
Euripidis vnus, Ciceronis ex epistolis ad Atticū duo loci emendati.	Cap. 12.
Ex Amphitruone Plautina loci aliquot emendati.	Cap. 13.
Emendatus, & declaratus locus quidam ex epistolis ad Atticū.	Cap. 14.
Locus Cæsaris emendatus.	Cap. 15.
Ovidij locum quendam ex Apollonio Rhodio sumptum esse.	Cap. 16.
De quibusdam qui habiti sunt impij, cum ex omnibus popularibus suis lon- gissimè ab impietate abessent.	Cap. 17.
De loco quodam ex Eunicho Terentiana verius videri sensisse Donatum, quam Turnebum.	Cap. 18.
Illustrati ex Odis Horatij aliquot loci.	Cap. 19.
Cæsaris locus è primo De bello civili emendatus.	Cap. 20.

LIBER XI.

Emendati loci aliquot ex primo libro Annalium Taciti ab excessu diti An- gusti.	Cap. 1.
	De ali-

De aliquot alijs ex eodem libro locis.	Cap. 2.
Ex eodem libro alij aliquot loci.	Cap. 3.
In eodem libro notata, & emendata nonnulla.	Cap. 4.
Notatus usus quidam verbi labor, aut dilabor.	Cap. 5.
Inanes videri regulas duas, quas super versibus heroicis & trimetris iambicis tradidit Gellius.	Cap. 6.
Quiddam quod occulte significauerat Homerus, non minori artificio a Virgilio significatum esse.	Cap. 7.
Veterum comicorum loci duo inter se collati.	Cap. 8.
Radians pro sole. Emendatus apud Ciceronem veteris poetæ versus.	Cap. 9.
Civ Iuno apud Homerum Vulcano blandiens, claudum eñ vocet.	Cap. 10.
Quod de Scipione & Laelio dictum est, idem de duobus antiquis Philosophis dictum esse. Diogenes Laertius locis aliquot illustratus.	Cap. 11.
Ciceronis locus è Sophocle expressus.	Cap. 12.
Eclogium. Conciliaturæ. Diuinaculi. Tres loci emendati apud Suetonium in Vitellio.	Cap. 13.
Restituti Ciceronis loci duo, in quibus librarij duorum veterum scriptorum nomina corruperant.	Cap. 14.
De fictis quibusdam amicis, qui lenia amicorum peccata reprehendunt, ad grauiora conuiuent.	Cap. 15.
Quod Epicurum merito à Plutarcho reprehensum A. Gellius frigide atque inepte defendere conatus sit.	Cap. 16.
De duabus antiquis vocibus, Tamēcti & Insuperhabere.	Cap. 17.
Locos quosdam è primo Rhetoricorum Aristotelis è Platone sumptos videri.	Cap. 18.
Loci aliquot è Penule Plantina emendati, & illustrati.	Cap. 19.
Vnde sumperit Horatius, quòd Amorem in Chia genis excubare dixit.	Cap. 20.

LIBER XII.

Emendati loci aliquot è libro primo Seneca De beneficijs.	Cap. 1.
Eiusdem Seneca locus illustratus.	Cap. 2.
Alius eiusdem scriptoris locus emendatus.	Cap. 3.
Vetus quada consuetudo satisfaciendi ijs, quibus malè precati erant.	Cap. 4.
Linguarum quid vocant Seneca	Cap. 5.
De naturali quadam spei & metus coniunctione.	Cap. 6.
De piscibus subterraneis emendati Seneca loci duo.	Cap. 7.

De Arimaſſis, cur dicti ſint unum tantum oculum habere: item de populis,
apud quos pueri oblongo capite naſciuntur. Cap. 8.

De loco quodam Terentij ex Eunuchis conſutata Marcelli Virgilij ſententia.
Cap. 9.

De quibusdam, qui piſo ſunt corde. Cap. 10.

De aduerbijs quibusdam, quæ aliter apud veteres interdum ſcribebantur,
quàm nunc ſolent. Emendatus Ciceronis apud Fabium locus. Cap. 11.

De Thalete Mileſio hiſtoria elegans. Cap. 12.

De quibusdam locis è primo Rhetoricorum Ariſtotelis. Cap. 13.

Locus Virgilij expreſſus è Chærillo. Cap. 14.

Emendata multa in oratione Ciceronis pro Archia. Cap. 15.

Prouerbiũ ab alijs prætermiſſum è Plutarcho. Cap. 16.

De libro Prouerborum nuper edito Florentia. Cap. 17.

Dictum elegans Io. Antonij Lucatelli epiſcopi Venuſini. Cap. 18.

Emendatus Planti locus è Bacchidibus. Cap. 19.

Loci quidam ex Oratore Ciceronis ad Brutum illuſtrati. Cap. 20.

LIBER XIII.

Nigidij rationes quedam quibus contendebat natura inſeſe in vocibus vim
ſignificandi. unde ſumptæ ſint, indicatum. Cap. 1.

Virgilij locus è ſexto Aeneidos illuſtratus. Cap. 2.

De Anchife morte variæ veterum Scriptorum ſententiæ. Cap. 3.

Verſus Græcus in eos qui robuſti cùm ſint, mendicant tamen, emendatus.
Cap. 4.

De loco quodam Horatij aduerſus ſententiam cuiusdam, qui eum corrupit,
diſputatum. Cap. 5.

Alius Horatij locus illuſtratus. Cap. 6.

Illuſtratus locus Tibulli. Cap. 7.

Refutatum impudens & impium mendacium Petri Criniti. Cap. 8.

Puerorũ liſſus quibus maximi momenti negotia præſignificata ſunt. Cap. 9.

Locus Demotheſis à Cicerone, ſingulari artificio expreſſus. Cap. 10.

Oleum nunquã congelare, contra quàm à Gellio proditum eſt. Cap. 11.

Inciſa narratio ſuper ambiguitate vocule cuiusdam, quæ duobus erudi-
tiſſimis hominibus errorem obiecit. Cap. 12.

Quidam de Urſorum adipe dictum à Theophraſto, non ſatis ex fide à Plin-
io relatum uideri. Cap. 13.

Cur maior in nonnullis ciuitatibus, quàm in alijs, exiſtere fortium virorum
copia ſoleat, ex Hippocrate explicatum. Cap. 14.

Bacides tres.	Cap. 15.
Locus Virgilij è Thucydide effictus.	Cap. 16.
Probam vocem esse, Exanclare, & temerè ab alijs damnatam.	
Cap. 17.	
Emendatus è Plauti Bacchidibus locus.	Cap. 18.
Loci aliquot veterum scriptorum apud Nonium emendati.	Cap. 19.
De Nili & Istri magnitudine non idem videri sentire Sallustium & Arrianum. tum pœna cuiusdam militaris ratio aliter, quàm à Gellio, explicata.	Cap. 20.

LIBER XIII.

Duo grauissimorum scriptorum loci, quorum in utroque eadem macula hæserat, emendati.	Cap. 1.
Illustrati loci duo ex Aeneide.	Cap. 2.
Emendati loci aliquot è tertio libro Ciceronis De officiis.	Cap. 3.
Plinij locus emendatus.	Cap. 4.
Plauti loci aliquot illustrati.	Cap. 5.
Dubitatum de ijs quæ tradit Gellius super vi musicorum cantuum in mris quibusdam sanandis.	Cap. 6.
Quid significet vox πεπερευεαδς.	Cap. 7.
Loci aliquot ex epistolis ad Atticum emendati.	Cap. 8.
E libro quarto earundem Epistolarum emendata alia.	Cap. 9.
Item alia ex eodem libro.	Cap. 10.
E libro quinto earundem emendata quedam.	Cap. 11.
Emendatus locus è secundo Politicorum Aristotelis.	Cap. 12.
Qui sint versus ιοδ-Ιηφοι. Declaratum epigramma Græcum. Item aliquot quæstiones ludicræ, quæ apud Gellium proponuntur, dissoluit.	Cap. 13.
Emendatus locus è septimo Politicorum Aristotelis.	Cap. 14.
Himera: mulieris de Dionysio tyranno somnium eodem propè modo Græcè à Timefia, quo Latine à Valerio relatum.	Cap. 15.
In Plauto & in Enripide notata quedam non-fatis ex arte facta.	Cap. 16.
Dixerbum Plantinum è Rudente restitutum.	Cap. 17.
Nisi qui capiuntur in bello, ignavi propterea habendi sint.	Illustratus
Plauti è Captivis locus.	Cap. 18.
Nihili esse verbum excolubrandi, quod quidam pro Plantino obtrudere conatus est.	Cap. 19.
Detectum Ciceronis erratum in quinto De finibus.	Cap. 20.

LIBER XV.

Sermo habitus cum Dario Bernardo de stultitia quorundam qui se Ciceronianos vocant. Cap. 1.

Conatus emendandi locum quendam Taciti pessimè à librarijs acceptum. Cap. 2.

Emendata quædam apud Tacitum in vita Iulij Agricole. Cap. 3.

Quid sit apud Ciceronem amor amicitia: & curidem in flagitiosi amoris mentione, dixerit, more Græciæ. Cap. 4.

Vetus quædam Aemilij Probi reprehensio aduersus eruditum virum qui Aemilium defendere voluit, confirmata. Cap. 5.

De Chaldaïs Ciceronis locum è Theophrasto conuersum videri. Cap. 6.

De honore qui Olympionicis & interdum imperatoribus re præclare gesta habebantur. Emendatus Aemilij Probi locus. Cap. 7.

Emendata quædam è libro sexto Epistolarum ad Atticum. Cap. 8.

Emendata multa è libro tertio De officijs. Cap. 9.

Xenophontis loci duo emendati. Cap. 10.

Suetonij in Galba unus, & alter in Otthone emendatus & illustratus locus. Cap. 11.

Aristotelis è primo Politicorum, Hippocratis è libro περί τροφῆς emendati & illustrati loci. Cap. 12.

Emendati è Trinummo Plautina loci duo. Cap. 13.

Notata quædam apud Linium, in quibus ipse sibi pugnare videri potest. Cap. 14.

Cur videatur Assa nutricibus dici solitum. Emendatus quidam Varronis locus. Cap. 15.

Emendati complures variorum scriptorum loci in quibus à librarijs eodem modo peccatum erat. Cap. 16.

Rectè scriptum à Donato, his verbis, Hoc age, silentium & attentionem imperari. Cap. 17.

Confirmatum quod de Aristotele & Hippodamo in superioribus scriptum est aduersus frigidam defensionem eius qui quod ipsemet ignorauit, alijs pro certo & explorato obtinere voluit. Cap. 18.

D litteram vocibus in vocalem desinentibus antiquitus interdum addi solitam. Et eius rei proposita aliquot exempla. Cap. 19.

Essentiæ nomen à Cicerone nouatum esse. Emendatus Seneca ex epistolis locus. Cap. 20.

C L. V.

M. A N T O N I O

M V R E T O I. C.

C H R. P L A N T I N V S

S. D.

SERIVS ad te redeunt Variæ tuæ, Vir clarissime, non
Stam mea meorumque culpa, quàm temporum & lo-
corum. Turbæ quæ exortæ sint, vides, aduersæ rebus no-
stris: & locorum inter nos id interuallum est, vt & libros
tuos tardè prorsus acceperim; & tu, vt opinor, epistolas
meas, siquid euēnit in quo consulto te opus esset. Sicut
profectò euēnit. Nam libri bona imò maxima parte iam
confecta, non tamen confidentiæ meæ fuit ad calcem
pergere, & lucem illi dare: nisi explorata voluntate tua
de noua, vt loquimur, Præfatione. quam non ignoras,
sollenni eorum qui hodie scribunt ritu, addi solere. At
cùm eam non haberem, & vererem ne expectando lon-
gius fieret: vide quid mihi sumpserim, eruditissime Mu-
rete, te vt spero non inuito. Librum tuum absolui, edidi:
nec id solum, sed epistolam hanc præscripsi, qua & ex-
cusarem factum (si error aut peccatum in eo est) & prom-
ptum paratumque me ostenderem ad ea omnia quæ de-
inceps pariet fecundissimum ingenium tuum, & inter
elegantissima sæculi nostri. Vale, & nos ama. Antver-
piæ, postridie Kalend. Mart. c l o I o L x x x.

SVMMA PRIVILEGII.

REGIÆ Maiestatis priuilegio cautum est, ne quis *M. Antonij Mureti Variarum lectionum libros x v. &c.* citra Christophori Plantini Architypographi Regij voluntatem, à die prioris editionis absolutæ ad decem annos, imprimat, vel alibi impressos importet, distrahat, venalésve habeat per omnes eius ditionis fines, sub pœna confiscationis, & graui mulcta: vt latiùs patet in litteris datis Bruxellæ pænultima Nouembris Anno M. D. LXXIIII.

Signat.

I. de Witte.



M. ANTONII MVRETI

AD HIPPOLYTVM ESTENSEM

S. R. E. CARDINALEM

AMPLISSIMUM ET

ILLVSTRIS.

VARIARVM LECTIONVM

LIBER PRIMVS.

Tres Isocrates. Cuius sit æglestis ad Demonium, indicatum. CAP. I.



LEGANS in primis, & cum saluberrimis referta præceptis, tum omnibus condita dicendi festiuitatibus oratio, quæ Parænesis ad Demonium inscribitur, non eius scriptoris est, cuius vulgo putatur. nam cum ab Isocrate illo qui Socratis & Platonis æqualis fuit, cuiusq. domus officina eloquentiæ habita est, fluxisse, eiusque ingenio elaborata esse credatur, id secus est: quodque etiam in aliis contigisse scimus: errorem hic obiecit hominibus nominum similitudo: tres enim facundiac disertis fuere homines, quibus omnibus idem Isocratis nomen fuit. Vnus is, quem modò diximus: qui à Socrate cōmendatur in Phædro; quemque Cicero, dissentiente Bruto, tantoperè laudabat. alter, huius discipulus: cuius apud Suidam inentio est. neutrius autem horum est ea, de qua loquimur, oratio: sed tertij cuiusdam Isocratis, qui Ciceronis temporibus floruit. Id ita esse, didici ex Dionysio Halicarnasseo, qui in aureolo libello De arte rhetorica,

A quen-

quendam ex ea citans locum, Isocratem ipsius auctorem, suum, & Echecratis, ad quē scribit, sodalem vocat. eius verba sunt: Ισοκράτης μὲν ὁ σὸς ἑταῖρος καὶ ἐμὸς, ὃς ἔχερσται, εἰς πῦρ ἄλλο π, φησὶ χρῆναι προσεῖναι τοῖς συνεδαίοις ἀνθρώποις, ἐν τῇ θέρμανει τῇ πρὸς τὸ Ἰσπονίκου, (ita enim legendum est, non, vt in vulgatis libris, πρὸς τὸν Ἰσπώνικον) καὶ τὴν φιλοπροσηγορίαν, ὅπερ ὅτι τὸ προσφωνεῖν τὴν ἀπαντῶντας, ὡς αὐτὸς φησι. Locus autem, quē indicauit Dionysius, ita apud Isocratem legitur: Τῷ μὲν πρῶτῳ γένου φιλοπροσήγορον, πῶς δὲ λόγῳ ἀπροσήγορον. ἔστι δὲ φιλοπροσηγορίας μὲν τὸ προσφωνεῖν τὴν ἀπαντῶντας, εὐπροσηγορίας δὲ τὸ τοῖς λόγοις αὐτοῖς οἰκείως ἐνπυχάειν. Harpocration tamen, qui sit ἐπακτὸς ὅρων, exponens, Isocratem Apolloniaten eius, de quo agimus, libelli auctorem facit. at is veteris illius Isocratis auditor fuit: vt apud Suidam est. Hermogenes autem apertè eundem Isocratem huius paræneseos, & ceterarum orationum, de quibus nulla dubitatio est, quin sint eius qui cum Socrate & Platone vixit. sed magis me ea, quæ suprâ recitavi, verba Dionysij mouent.

Mithridatem cur Dionysum Tralliani honoris causa vocarent. Illustratus locus ex oratione pro Flacco. Eius qui Plutarchi συμπεπασκὰ interpretatus est, notatus error.

C A P. I I.

M. TVLLIVS in oratione pro L. Flacco cū percenseret eas laudes quas Tralliani in Mithridatem, regem populo R. infestissimum, congefserant, ita scribit: *Mithridatem deum, illum patrem, illum conseruatorem Asiae, illum Dionysum, Bacchum, Liberum nominabans.* atq. hoc Petrus Victorius admo-

nuit

nuit dictum esse ad Demosthenis imitationē, cuius illa sunt ex oratione de corona: Οἱ μὲν κατὰ πῦρσι θεῖται, καὶ ἀναιδῆτοι θεοῖσι φίλον, δειγνέτην, σωτῆρα τὸν Φίλιππον ἤγουντο· πάντ' ἐκείνῳ ὡς αὐτοῖς. protulit etiam locum ex Athenæo, quo confirmatur, Mithridatem viuum ac videntem, diuinis affectum honoribus. sed cur Liberi patris potius, quàm cuiusquam alii dei nomine honestaretur ille rex, quando de eo sibi non liquere subobscurè indicauit Victorius, ego aperire constitui. Duæ autem eius appellationis causse à Plutarcho libro primo συμποσιακῶν afferuntur. vna, quòd Mithridates præmium proposuerit, qui plurimum edisset, quiq; plurimum bibisset: ipseq; in vtroque certamine palmam tulerit: vtpote qui omnes ætatis suæ homines bibendo superaret. ob id igitur Dionysum vocatum. sed eam causam Plutarchus ipse, vt inanem, commenticiamq; , & minus idoneam reprobatur. ac planè, si hæc vera esset, videri poterant Tralliani, cum Mithridatem Dionysum salutarent, non tam ei honorem tribuere, quàm contumeliam facere: quasi ebriosum eum & helluonem ac gurgitem vocarent. quare hæc altera causa putanda est: verior. bis eum fulmine appetitum fuisse: ita vt in hoc cuius incolumisq; remanserit. nam cum adhuc infans in cunis vagiret, collapsum fulmen, fascias, quibus inuolutus erat, exussit, neque tamen ipsum læsit. vestigium modò quoddam ignis in fronte relictum est: quod faciliè occultaret coma. rursus cum iam vir esset, ita propinquum ei dormienti cecidit, vt tela in pharetram, quæ haud procul à lecto pendeat, condita conflagrauerint. ipse tum quoque intactus. his expositis, addit Plutarch: Οἱ μὲν ἔν μάντεσι ἀτελέστατον, πλεῖστον αὐτὸν ἰχέειν ἀπὸ τῆς τοξικῆς καὶ κήρης σεσ-

παῖς. οἱ δὲ πολλοὶ Διόνυσον αὐτὸν, ἐπὶ τῶν κερκυνοβολιῶν ἰ-
μοιότητι τῇ πάθους προσηγόρευσαν. id est, Igitur vates qui-
dem pronuntiarunt, plurimum ipsum sagittariis, &
leui armatura esse valiturum. vulgus autem ei Dio-
nyso nomen fecit, ab illis fulminum iactibus: quod
ei simile quiddam, atque Dionyso, contigisset. Hanc
postremam partem quidam, qui librum illum Plu-
tarchi Latinum facere studuit, ita reddidit. Quam ob
causam vates plurimum sagittariorum manu, leuissq.
armaturæ copiis præstiturum prædixerant. Quan-
quam non desunt, qui Bacchi nomen à morbo fide-
ratis ac de cælo tactis familiare datum illi existiment.
quæ interpretatio ita est absurda & aliena, vt valde
mirer, quid tum illi homini in mentem venerit.

*Locus quidam Ciceronis in Verrem vindicatus à
prava aliorum correctione. Pliny alter de-
claratus.*

CAP. III.

V T V N T V R interdum Latini scriptores Græcis
quibusdam vocibus, easq; Latinis tamen litteris no-
tant: quod qui non animaduertunt, facile in errorem
incidunt: præcipuè cùm eæ voces eiusmodi sunt, vt
etiam Romanæ videri queant. id quod accidit ho-
mini in primis erudito explicanti orationes Cicero-
nis in Verrem. Nam cùm Cicero impurum illum
hominem æstate summa, quo tempore ceteri præto-
res obire prouinciam, & concurrere consueuerant,
torum se ad nequitiam & ad libidinem cōtulisse di-
ceret, & tabernacula carbaseis intenta velis in litto-
re collocari iussisse, vbi totos dies cum impudicis
mulieribus perpotaret: haud ita multis interiectis
verbis, ita postea locutus est: *ἢ το αὐτεμ τειπορε*
ἰστε,

iste, tamen si ea est hominis impudentia, quam nostis, ipse tamen, cum vir esset Syracusis, uxorem eius parum poterat animo soluto ac libero tot in acta dies secum habere. quorum verborum ille, quisquis est, sensum non videre se dixit: nisi pro, in acta, legatur, in lecto. neque intellexit, Ciceronem, quod antea Romano more littus dixerat, id postea actam voce Græca, ut videlicet in Sicilia loquerentur, nominasse. notum est autem, Siculos eo quondam sermone usos, qui è Græcis, Latinisque vocibus permixtus esset. Actam verò solitos eos dicere pro littore, etiā Virgilius indicio est, qui illud ipsum littus eo nomine vocavit: *At procul in sola secreta Troades acta*
Amissum Anchisen flebant.

Ita igitur actam uterque, ut Terentius, & Cicero ipse verbera Atheniensium, Astu. Sed & S. Ambrosius eadem voce usus est libro quinto Hexameron: *Quæ, inquit, non in acta, nec in littoribus, sed in Atlantici maris profundo feruntur videri.* Neque dissimili modo C. Plinius libro v i i. naturalis historiæ probata pro pecudibus dixit. eius verba sunt: *In eadem Africa familias quasdam effascinantium Ifigonus & Nymphodorus tradunt: quarum laudatione intereant probata, arescant arbores, emoriantur infantes.* non enim quæ familiæ illæ probassent, ea interire affirmavit, sed ut dixi, τὰ πρόβατα.

Horatij locus ex Euripide expressus.

CAP. I III.

QVOD Horatius lib. primo epistolarum pereleganter scripsit, esse verba & voces quasdam, quibus animi morbos lenire ac mitigare fas esset, respexisse ipsum arbitror ad locum quædam Euripidis ex Hippo-

polyto coronato, vbi nutrix Phædræ infano priuigni amore incensam alloquens, adinonet eam, vt morbum illum suum fortiter ferat: esse enim cantus & sermones quosdam, in quibus insit vis ad eum mulcendum ac molliendum. Versus Euripidis hi sunt:

Νοσῶσα δ' ὅπως τὴν νόσον χαταστέφω.

Εἰσὶν δ' ἐπ' ὦδαι, καὶ λόγοι θελκτικῆς.

Φανήσεται π' τῆσδε φάρμακος νόσος.

Horatii autem hi:

Feruet auaritia, miseròque cupidine pectus?

Sunt verba, & voces, quibus hunc lenire dolorem

Possis, & magnam morbi deponere partem.

non tamen vterque idem intellexit. nam illa de magicis carminibus: hic de sermonibus philosophicis loquitur, à quibus vera omnium morborum animi petenda medicina est. quanquam si quis Euripidem quoq. idem καὶ ἄλληγορίαν πρὸς significare voluisse censet, libenter me socium ipsius sententiæ ascripserim. Gaudet enim poëta ille eiusmodi sententiis, quæ neque à populari consuetudine discedant, & philosophicum tamen intra se aliquid occultent. nam quod in versibus Horatii lego, *miseròq. cupidine*, non, vt in plerisque libris legitur, *miseràq. cupidine*, in eo veteres libros auctores habeo, ac præterea, esse id ex Horatii consuetudine, nullo negotio probare possum. ita enim alibi:

At bona pars hominum decepta cupidine falso,

Nil satis est, inquit. & in Odis:

Nec lenes somnos timor, aut cupido

Sordidus auferit:

vt dubitari planè nō possit, quin ea vera scriptura sit.

Eiusdem

Eiusdem Horatii locus ex Isocrate propè conuersus.

C A P. V.

VENIT mihi in mentem quorundam eiusdem poëtæ versuum è sermonibus, quibus exponit, quæ primis temporibus vita hominum fuerit, agrestis videlicet, & ferina: utq. post, rationis & orationis beneficio, ad ciuiliorem viuendi modum, & humanæ naturæ magis consentaneum venerint: qui quidem versus tantam habent cum Isocrate à quadam eiusdem rei narratione similitudinem & conuenientiam, ut eam poëta non modò imitatus, sed propè interpretatus esse videatur. qua de re ut cuius vtriusque linguæ intelligenti existimare liceat, vtriusque verba subiiciam. His igitur versibus eam Latinus vates sententiam est executus:

*Cùm prorepserunt primis animalia terris,
Mutum & turpe pecus, glandē atq; cubiliæ propter,
Vnguibus & pugnīs, dein fustibus, atque ita porro
Pugnabant armis, quæ post fabricauerat usus:
Donec verba, quibus voces sensusque notarent,
Nominaque inuenere. dehinc absistere bello,
Oppida cœperunt munire, & ponere leges.*

Isocrates autem ita Nicoclem loquentem facit: Ἐγγομένον ἢ ἡμῖν τὸ πείθειν ἀλλήλους, καὶ διὰ τὴν πρὸς ἡμᾶς αὐτῶν περὶ ὧν ἂν βεληθῶμεν, ἢ μόνον τὸ θεωρῶντες ζῆν ἀπολλέσθην· ἀλλὰ καὶ σωσθῶντες πόλεις φιλίσσμεν, καὶ νόμοις ἐδέμεθα, &c. quæ sequuntur.

*Ciceronis locus ex oratione pro P. Quinctio pulchrè
à Paulo Manutio correctus.* C A P. VI.

Q V O D si facere nolit, atque inhibuerit eiusmodi rationibus illum ad suas conditiones perducere: sese nihil precari, & si quid agere velit, indicio defendere, Ita leguntur

guntur Ciceronis verba hæc ex oratione pro P. Quinctio in omnibus impressis libris, præterquam in Manutianis. quæ cum corrupta esse constaret, fuerunt, qui pro, *inhibuerit*, reponerent, *instituerit*. At præclarè, vt solet, Manutius: de quo viro meritò dubitari potest, plus ne ipse Ciceroni, an ipsi Cicero debeat. Nam & ipse tractâdis assiduè Ciceronis scriptis eam assecutus est eloquentiæ laudem, qua vincit omnes: & cum ad ingenium, quo excellit, addidisset eam diligentiam, eamque laborum perpeffionem ac tolerantiam, qua vires, ipsamque adedè valetudinem suam, magno nostro omnium, quotquot eum, quia planè nouimus, plurimieriam facimus, dolore prostrauit; incredibile est, quot ab errorum millibus eos libros felicissimè vindicarit. at ætas nostra mirificam quandam extulit vim hominum improborum, qui magnam laudem in obtrectatione positam putant, neq. quicquam cupidius faciunt, quàm vt quicquid possunt, quacunque ratione possunt, ex aliena gloria deterant, creduntq. ita se demùm emerfuros, si eos qui extant, depressoerint. quam rationem grassandi ad famam nemo vnquam sapiens approbauit. sed me amoris quidam æstus ab eo, de quo dicere cœperam, abduxit. omnino autem, cum de Paulo Manutio loquendum est, moderari orationi meæ neque volo, neq. possum, neque debeo. alij complures rationem inire poterunt, quot ipsi locos in Cicerone correxerint: illi aut vni, aut cum paucissimis, licet dicere,

Pauperis est numerare pecus.

in illius igitur libris (tandem enim ad propositum me referā tamen) is, de quo agebā, locus ita legitur: *Quod si facere nolis, atque imbiberis eiusmodi rationibus illum ad suæ conditiones perducere, &c.* præclarè, vt dixi.

Imbi-

Imbiberit enim est, hoc sibi planè proposuerit, hoc ita in mente ac cogitatione sua defixerit, vt euelli non queat. est autè ita scriptum omnibus litteris, in longè plurimis vetustis codicibus, sed insolentia locutionis fefellerat alios, quæ Manutium non fugit. meminerat enim ita locutum Lucretium lib. 111.

*Qui petere à populo fasces, sauasq. secures
Imbibit.* & libro sexto,

— non quòd violari summa deùm vis

Possit, vt ex ira pœnas petere imbibat acres.

vt ergo à Lucretio dictum est, *imbibat petere*, sic à M. Tullio, qui eum poëtam studiosissimè legerat, *imbiberit perducere*. Vfus eodem modo & Liuius libro secundo annalium: *Neque memor eius, quod initio consulatus imbiberat, reconciliandi animos plebis.*

*Epitheton, quo Corinthum ornauit Horatius, è
Græca voce expressum videri.*

CAP. VII.

BIMAREM Corinthum cùm diceret Horatius, non dubito quin exprimere voluerit Græcā vocem ἀμφιδάλας. est autem ea vox non admodum frequens, proba tamen & antiqua: vsusque ea est Xenophon, cùm vrbs Atheniensis cominoditates celebraret, docerétque, eam opportuno admodum locositam ad importanda & exportanda quæ opus foret. ita enim loquitur: καὶ μὴν ἐπείρουτός γε ἴσα, θμῶς ὅσῳ ἦσος πᾶσιν ἀνέμοις προσάγεται τε αὖ δίδται, καὶ ἀποπέμπεται ἐβέλειται ἀμφιδάλας γάρ ἐστι. Hoc eo annotare visum est, quoniam in scholiis Horatianis, quæ abhinc annos quatuor, ad Io. Auansonium V. C. qui tum Romæ Gallorum regis legatus erat, miseram, cùm ceterarum vrbiū epitheta vnde sumpta essent, indi-

cassem: nescio quo modo contigit, ut hoc, quod in-
nimè decuerat, prætermitteretur.

*Horatij locus, qui multis in libris corruptè legi-
tur, explicatus. CAP. VIII.*

VERSUS hi sunt è secundo odarum Horatij:

*Viuet extento Procleius auro,
Notus in fratres animi paterni.
Illum aget penna metuente solui
Fama superstes.*

quorum qui proximè vltimum antecedit, ita in mul-
tis libris legitur:

Illum aget penna haud metuente solui.

constat autem ita correctum esse ab aliquo, qui sen-
tentiam quidem videret, sed vim verborum non sa-
tis perspiceret: putarétque ita meliùs æternitatem fa-
mæ significatum iri, si particula illa negandi vim ha-
bens adderetur. alioqui fore, ut parum firmitatis in-
esset ea in fama, cuius pennæ solutionem metuere di-
cerétur. firmitas enim fiduciam, infirmitas metum
parit. at ille, quisquis fuit, inani & friuolo argumen-
to delusus est. nam, quia quæ metuinus, refugimus,
longissimèque nos ab iis abducimus, factum, ut Ho-
ratus pennam metuentem solui dixerit eam, quæ
semper longissimè ab omni solutione abfutura esset.
est autem simile illud Virgilij,

Arctos Oceani metuentes aquore tingi.

nam ut metuentes tingi dixit is, quæ nunquam tin-
gerentur ita hic pennam metuentem solui, quæ nun-
quam solueretur: Hoc eo libentiùs annotavi, quòd
ut alia multa, ita hoc quoque mendum in eos libros,
quibus addita sunt mea scholia, operarum negligén-
tia, me absente atque inscio, irrepserat.

Senten-

*Sententia quadam Terentiana ab Æschylo etiam
prolata ostenditur: & , qui eandem continet,
Græcus incerti scriptoris versiculus indicatur.*

CAP. IX.

Q U O D apud Terentium adolescens amore fau-
cius dixit,

Facile omnes cūm valemus, recta consilia egrotis damus:
eius non dissimile quiddam Prometheum dicentem
fecerat Æschylus. cūm enim miserum illum & æru-
mnosum deum nymphæ Oceanitides reprehende-
rent, quod peccasset: ita eum respondentem indu-
xit: facile esse iis qui malis soluti sunt, admonere ac
corripere eos qui aduersis rebus premuntur. Versus
Æschyli, si quis eos requirit, hi sunt:

Ελαφρόν, ὅς τις πυμάτων ἔξω πόδα

Εχει παραινεῖν, νουθετεῖν τε τὸς κακούς

Πράσσοντας. id est,

Haud difficile est, pars nulla quem attingit mali,

Monere eos, ac corripere, qui miseris

Urgentur.

tale igitur aliquid eo loco dixerat & Menander. sed
& hunc versum alicubi legere memini:

Τῆς νοουῦντα ῥᾶστα πᾶς τις νουθετεῖ.

*Equitandi verbum quod Euro tribuit Horatius, Eu-
ripidem quoque eodem modo locutum esse.*

CAP. X.

A V D A C I sanè metaphora vsus videtur Hora-
tius, cūm Euro vento equitandi verbum tribuit. no-
tus est enim ille versiculus,

Per Siculas equitauit undas.

neque vnquam id, vt opinor, sine veterum exemplo
ausus esset. sed meminerat, Euripidem quoq. eodem
modo

modo locutum esse de Zephyro. itaque fecit moro suo, ut, persequendis Græcorum vestigiis, τὸ ῥ' ἀέξιος κρινόντι καὶ ξενικὸν quæreret, seque quamlongissimè à trita & plebeia loquendi cōsuetudine abduceret. quo in genere planè singularis fuit: neque, meo quidem iudicio, Græcas loquendi formas Latinorū poëtarum quisquam vel frequentius, vel fidentiùs, vel feliciùs imitatus est. Locus autem ille Euripidis, quem dico, ita scriptus est in Phœnissis:

Ζεφύρε πρῶαις ἰππύπαντ' ἐν ἔργῳ.

Currum pro navi, ut à Catullo, sic & à Græcis poëtis dictum esse.

CAP. XI.

ETIAM illud Græcorum exemplo fecit Catullus, ut nauim currum vocaret, in libello De nuptiis Pelei & Thetidos:

*Dina quibus retinens in summis vrbibus arces,
Ipsa leui fecit volitantem flamine currum.*

siquidem apud Æschylum Prometheus in illa longa enumeratione artium, quas à se in vsum mortalium excogitatas & inuētas gloriatur, ait repertū suum esse currus illos nautarū, qui lineis aliis vagentur per mare.

Θαλασσὶ πλαγκτὰ δ' ἔπεσ' ἄλλα· ἀντ' ἑμοῖς
Λιτόπτερ' εὐρε ναυτίλων ὀχήματα.

Sed & Euripidem eadem figura vsum memini apud quem nuntius, qui Medeam admonet, ut se mandet fugæ, præcipit ei, ut neque id vehiculum spernat, quod nauigandi, neque id, quod terrestris itineris conficiendi causa comparatum est:

Ὡ δ' ἰνὸν ἔργον παρὰ νόμους εἰρησμένον
Μήδεια, φεύγε, φεύγε, μοῖτι ναίαν
Λιτὸν δ' ἀπλώϊον, μοῖτ' ὄχρον πεδασμένον.

Sed hoc quoque, ut totum propè veteris eloquentiæ
chora-

choragium, ab Homero est: qui primus aurigam nauis pro gubernatore dixerat. Φθέρξατο δ' ἡνίοχος νῆαυον
κτανόπρωρον. & naues, equos maris vocauerat:

Νηῶν ἀκυνόρων ὀπίσθαι νέμεα, αἳ δ' ἄλδς ἱπποὶ
Ἀνδράπ γίγνονθ'.
*Libidinosarum mulierum, qua calumniata sunt eos
 à quibus spreta ac repudiata erant, exempla octo.*

CAP. XII.

EXEMPLA octo memini legere, earum mulierum, quæ viros à se impudicè appetitos, cùm eos ad restinguendum libidinis suæ ardorem flectere nequiuissent, calumniatæ sunt postea, tanquam ab ipsis tentatæ forent: eisque partim crearunt ingens periculum, partim etiam exitium attulerunt. eorū vnum est in sacra historia, de Iosippo Iacobi filio, qui, cùm obtemperare heræ suæ, Phutipharis vxori, noluisset; structis ab ea calumniis in vitæ discrimen adductus est. atque hoc, vt quod omnibus notum sit, nihil est necesse pluribus verbis exponere. Hippolytum quoque Thesei filium vt Phædra nouerca tentarit: seq. ab eo spretam videns, reuerso ab inferis marito persuaserit, eum sibi vim afferre voluisse, (quanquam paulò aliter est apud Euripidem) utque castissimus adolescens crudelissimè ob eam rem discerptus dilaniatusque sit, & lippis, vt ait Horatius, & tonsoribus notum est. Sed & Tenni Cycni filio, Neptuni nepoti idem contigisse memoratur. eius enim ephebiæ, & vt Græci dicunt, ἀνδρὶ παίδος desiderio tacta nouerca Phylonome, seu, vt alij vocant, Peribœa, sermonem cum eo de stupro contulit. Reiecta & repudiata, insimulauit eum apud patrem, eodem planè modo quo Hippolytum Phædra. Credulus parens inclu-

inclusum in capsam quandam filium proiecit in mare, tulit opem Neptunus innocenti nepoti. delataque est capsula ad insulam Leucophryn: quam cum incolæ aperuissent, remque cognoscent: non tantum Tenni regnum detulerunt; sed etiam de nomine ipsius, insulam Tenedon nominarunt. quin & mortuum coluerunt pro deo. Eodem modo propè perditus est Bellerophon ab Antæa Præti vxore: & Peleus ab Hippolyte vxore Acasti. de quibus apud Horatiū sunt illa:

Vt Prætum mulier perfida credulum

Falsis impulerit criminibus, nimis

Casto Bellerophonti

Maturare necem, refert.

Narrat panē datum Pelea tartaro,

Magestam Hippolyten dum fugit abstinens.

Nos autem vtramque siue historiam siue fabulam alibi copiosissime exposuimus. Hippodamia quoque cum eam auheret Pelops, siti aliquādo correpta esse dicitur. cumque Pelops, quærendæ aquæ causâ descendisset è curru, iamque longius abiisset, (magnæ enim circum solitudines erant) illa Myrtilem aurigam, cum quo sola remanserat, sollicitare cœpit, ut secum rem haberet. volebat videlicet, interea dum reuerteretur Pelops, aliam quandam sitim restinguere. sed cum Myrtilem morem gerere noluisset: accusatus est apud reuersum Pelopem, quod ipsam violare conatus esset: ob idque proiectus in vicinum mare: quod ex eo Myrtilem vsurpari cœpit. Philostratus libro sexto de vita Apollonij, Timasionem quendam Ægyptium à nouerca frustra adamatum, deinde illius calumniis solum vertere coactum esse narrat. etsi illa quidem alio quodam modo, quàm ceteræ, priuignum calumniata est. Denique Fausta, Maximiani

miani filia, Constantini Magni vxor, eodem modo vt Phædra, Crispum priuignum suum accusauit. itaque imperator optimus, sed hac quidem in re non satis consideratus, immerentem filium morte multauit. idémque postea, re cognita, etiam de vxoro supplicium sumpsit. Sunt & alia duo exempla non dissimilia in libro De fluminibus, qui Plutarcho tribuitur; in Hebro, & in Lycorma.

Falsam quandam historiam à Petro Victorio pro vera traditam esse. CAP. XIII.

FALSVM est, quod Victorius tradidit libro duodecimo Variarum lectionum, extitisse quendam capitalem importunúmque hominem Athenis, qui dixerit, se, dum regno Athenarú vno die potiri posset, nullum supplicij genus recusaturum: passurúmque æquo animo, vt acerbissimis cruciatibus postea afficeretur: omnisque ipsius familia funditus periret. Nam quod putauit id Plutarchum in Solone dicere: declarauit exemplo suo, quamuis eruditos homines cæcutire & παραρᾶν, vbi aliquid conuiuentes legunt. Nihil enim tale Plutarchus, quale Victorius credit, narrat; tantùm, Solonem, cùm delatam sibi à ciuibz suis tyrannidem maximo animo reijceret, & aspernaretur: à multis reprehensum esse, & parum sanæ mentis habitum. aiebant enim, cum, si scaperet, accepturum fuisse tyrannida, vel propositis iis conditionibus quas suprà exposuimus. Ergo eos reprehensorum suorum sermones his versibus trochaicis inclusit Solo:

Οὐκ ἔφθ Σόλων βαθύτρον, ἐδὲ βελότης ἀνής.

Ἐδὲ γὰρ θεοὺς διδόντες, αὐτὸς ἐκ ἐδέξατο.

Πεισθαλὼν δ' ἄρχαν, ἀρχότης ἐκ ἀνέσπευσε μέγα

Δίκην,

Δίκτυον, θυμὸς δ' ἀμύρτων, καὶ φρενῶν ἐποστράλεις.
 Ἡθελε γάρ κεν κερτήσας, πλεῖτον ἄρδονον λαβεῖν,
 Καὶ περὶνδύσας Ἀθηνῶν μονὸν ἡμέραν μίαν,
 Ἀσκὸν ὑπερον δεδάρδαι, καὶ ἀπιτετρίφθαι γένθ.

Neque ego hæc indicarem, nisi viderem, periculum
 esse, ne quis Victorij testimonio fretus, ne quæren-
 dum quidem amplius putaret, vera essent, an minus.

*Aristotelem in Hippodamo reprehendendo parum
 bona fide versatum esse. CAP. XIII.*

VIDETUR Aristoteles interdum non satis bona
 fide retulisse eorum sententias, quos redarguere ac
 reprehendere statuisset. cuius rei libet nunc exem-
 plum proferre unū, ex quo de multis similibus con-
 iectura fieri possit. Etenim libro secundo *πλιπικῶν*,
 ubi exagitat eam reip. formam quæ ab Hippodamo
 Milesio descripta erat, ait ciuitatem ab eo distribu-
 tam esse in tres partes: nempe in artifices, in agrico-
 las, & in milites. *κατεσκεύαζε* ὅ, inquit, *τὴν πόλιν* πρὸς
πλήθει μὲν μυριάδων, εἰς τρία ὅ μέρη διηρημένῃ. ἐποίησε γὰρ
μὲν μέρος, τεχνίτας: ἐν ὃ, γεωργούς, τρίτον ὃ τὸ ἀποπολεμῶν,
καὶ τὸ ὅπλα ἔχον. quod si verum esset, inscien-
 ter sanè, & imperitè se gessisset Hippodamus, qui ciuitatem sine
 consilio, tanquam corpus sine animo, esse voluisset.
 at verò non ita inconsultus fuerat. extant enim ma-
 gna ex parte leges ipsius, quæ Aristotelis, hac quidem
 in re, singularem quandam improbitatem manife-
 stò patefaciant. Descripserat autem ille ciuitatem tres
 in partes, quarum primam fecerat eorum qui consi-
 lio remp. gubernarent: alteram eorum, qui eandem
 armis defenderent: tertiam ex iis constituerat, qui
 artes necessarias exercerent. atq. in hanc postremam,
 & opifices, & agricolas, & mercatores incluserat. Id
 adeò

adeò prolatis ipsius verbis intelligetur. Φαμί δ' ἐγὼ εἰς
 υἱέας τρεῖς διεσᾶσθαι τὰν σύμπασαν πολιτείαν, καὶ μίαν μὲν
 (εἰ) υἱέαν τ' ἀγαθῶν, κυβερνώντων τὰ κοιναί. δ' ἄτερον ὃ τ', δυ-
 νάμει, πρίταν ὃ, τῶν ἐκπαιρώσει καὶ χορηγία τ' ἀναρχαίων. ὀνο-
 μάσω ὃ τὸ μὲν παρῶτων πλάθῃ, βαλδτικόν. τὸ ὃ δ' ἄτερον, ὅπτι-
 κουρον· τὸ ὃ πρίτον, βέλταυσον. & aliquanto pòst: Τῷ ὃ βα-
 ιαύτῳ καὶ βιοπονητικῷ, τὸ μὲν ἐστὶ γλώπρον, καὶ πρὶ τὰν κατερ-
 ρασίαν τᾶς χάρας καταχολύμενον. τὸ ὃ τεχναστικόν, ὄργανα καὶ
 ὅπμαχανήματα τοῖς πρὶ βίῳ παράγμασιν ἐκπαιζόμενον. τὸ ὃ
 μεταβατικόν καὶ ἐμπροικόν, ὃ τὰ μὲν ἐν τῇ πόλει περὶ σάζοντα,
 ὅπτι τὰν ξέναν διὰ γ'· τὰ ὃ, ἀπὸ τᾶς ξενίας· ἐς τὰν πόλιν. Sed
 & cetera si quis attentè consideret, videbit, non tam
 multa in iis reprehendenda esse, quàm videtur eis,
 qui, audita tantum altera parte, pronunciant. sunt au-
 tem apud Stobæum ἐν τῷ πρὶ πολιτείας.

*Dara compositionis duo insignia exempla: ex Euripi-
 de unum, alterum è Sophocle. CAP. XV.*

INTER ea quæ duram atque insuauem orationis
 compositionem efficiunt, vix quicquam est, quod ma-
 gis reprehendatur à dicendi magistris, quàm crebra
 & continuata eiusdem litteræ repetitio. Itaq. in Vir-
 gilio, *casus Cassandra canebat*: in Terentio, *tantam,
 tam improvisam, & consilia consequi consimilia*: in Ci-
 cerone, *statua tua stabat*: & *innisa visa*, & in Cælia-
 na, *unquam quanquam*, eiusdemq. modi alia in aliis
 primæ classis auctoribus notantur. sed enim quæ duo
 eius rei exempla in duobus optimis ac præstantissi-
 mis poetis reperi, ea (ita insignia visa sunt) hoc loco
 proponenda esse duxi. eorum vnum Euripidis est:
 apud quem Medea cùm Iasoni exprobraret, illum
 sua opera seruatum esse, ita loquitur:

Εσωτά σ' ὡς ἴσυσιν Ἑλλήων ὄσοι

B

Ταυτὸ

Ταυτὸν Συμεισέβησαν Ἀργῶν σκάροθ.

quorum versuum in priore, crebra illa repetitio litteræ σ, locum etiam comicis iocis ac salibus dedit. si quidem Plato comicus, & Eubulus, eiusdem homo artificij, Euripidem ea de caussa vrbanius tetigisse traduntur. Alterum Sophoclis, & quidem ea in fabula, quæ quasi regnum possidere inter tragædias dicitur, ibi enim Oedipus cum Tiresia iurgans, eique & aurium, & mentis, & oculorum cæcitatem obijciens, hoc eum versu indignabundus incescit:

Τυφλὸς τὰ τ' ὄτι, πόντε νοῦν, τὰ τ' ὄμματ' εἶ.

vbi cum sæpius etiam inculcauerit litteram τ, quàm ille alter litteram σ; tamen Euripides dicacium aculeos expertus est: Sophocles à nemine, quod sciam, notatus. Sophoclei non dissimilis est Ennianus ille, me puero, decantatus in scholis,

O Tite tute Tati tibi tanta tyranne tulisti.

neque valdè ab eo abludit Homericum illud,

Μηδ' ἐ γέροντα κάκου κεκακωμένον.

Coniectura de aliquot locis è libello Demetrii

πρὸς ἑρμηνείας. CAP. XVI.

QVINCUNQUE ille Demetrius fuit, cuius est libellus qui nunc omnium manibus teritur, πρὸς ἑρμηνείας, (non enim mihi facillè quisquā persuaserit, Phalereum esse) vtile profectò nobis, & minimè trivialis doctrinæ plenum ingenij sui monumentum reliquit. neque verò paruum emolumentum Petrus Victorius studiosis attulisse censendus est, cum olim ad eum librum purgandum incubuit: laborq. ipsius, vt semper aliàs, ita hic quoque admodum utilis & fructuosus fuit. cuius summi viri exemplo nos etiam incitati, longè quidem ac multum impari facultate, sed
non

non dispari voluntate, eandem viam sequimur, & veterum scripta, quantum in nobis est, obscura illustrare, deprauata emendare conamur. Igitur quæ, cum cum librum attentè diligentérque legeremus, nobis & correctione aliqua indigere, & nō ita difficilè corrigi possè visa sunt, eorum hīc partem aliquam cum studiosis communicabimus: si fortè nostra quoque industria tā polito scriptori opis aliquid afferri queat. Ipsum autem libri principium scio negotium exhibuisse multis. ita enim legitur: *Ωπερ ἡ πίνσις διαιρεῖ ὅ τοῖς μέτροις, οἷον ἡμιμέτροις, ἢ ἑξαμέτροις, ἢ τοῖς ἄλλοις· ἔτω καὶ τὴν ἑρμωείαν τὴν λογικὴν διαιρεῖ καὶ διακρίνει τὰ χαλόμενα κῶλα.* sed cum absurdum sit, pro metrorum exemplo *ἡμιμέτρα* ponere, pro, *οἷον ἡμιμέτροις*, legendum censeo, *οἷον ἢ διμέτροις.*

Item, vbi loquitur de iis periodis quæ habent speciem aliquam *ἀντιθέσεως*, cum tamē *ἀντίθεσις* in eis nulla sit, exemplo quidem hoc Epicharmi vtitur,

Τόχα μὲν ἐν τῷσις ἐγὼν ἔω, τόχα δὲ παρὰ τῷσις ἐγὼν. deinde addit: *τὸ αὐτὸ μὲν γὰρ εἴρηται, καὶ ἐδὲν ἐναντίον. ὁ δὲ ῥότος τὴν ἑρμωείαν μιμνήμενος, ἀντίθεσιν πῖνα πλανῶν τι εἰσικεν.* quam ultimam partem ita lego: *Ὁ δὲ ῥόπος τὴν ἑρμωείαν μιμνήμενος ἀντίθεσιν πῖνα, πλανῶν τι εἰσικεν.* Haud ita multo pōst, vbi de similiter desinentibus verbis disputatur, ostenditurq. id ornamentum ad affectus exprimendos inutile esse: vbi legitur, *Ποίαν γὰρ πόλιν τὴν ἐχθρῶν ποιαύτην ἔλαβον, ὅποιαν δὲ ἰδίαν ἀπέλαβον;* pro *ἔλαβον*, libētius legerim, *ἀπέλαβον*. Vbi de magnifica oratione differitur, cum dixisset scriptor ille, de Aristotelis sententia, *ῥαονικῇ* orationem magnificam esse: *ῥαονα* etiā duplicem esse docuit, vnū *περιεταρκτικόν*, qui quatuor syllabis constet, longa prima, ceteris breuib: ciúsq. exemplum ponit, *ἤρξατο* δὲ: alterum, qui supe-

riori illi ex altera parte respondeat, & à tribus exorsus breuibus, in longam definat. huius autem exemplum esse vult, τὰ ἀράβεια. quod quin corruptum sit, dubitari non potest. legi autem debere arbitror, τα-εαβεία. Exemplum Antiphontis, quo docet, negligentia quadam interdum orationi dignitatem ac granditatem comparari, ita legendum videtur: Ἡ γὰρ ἡσος ἦν ἐρχομένοις δὲ λίη μὲν, καὶ πόρρωθεν μὲν ἐστὶν ὑψηλὴ, καὶ τραχὺς, καὶ τὰ μὲν χεῖρῃσιν καὶ ἐργασίᾳ μικρὰ αὐτῆς ὄντι, τὰ δὲ ἀργὰ πολλὰ, σμικρὰς αὐτῆς ὕψους. Paulo post autem, vbi agit περὶ ἀπληρωματικῶν, notatque non nullos qui eis intempestiuè utebantur: vbi est, καὶ πρὶν, καὶ πρὶν πότερον: lego, καὶ πρὶν γυ, καὶ πρὶν ποτὲ. Vnum si addidero, cetera in aliud tempus reijciam. vbi enim eos ipsos, quos modò dixi, comparat cum ineptis fabularum actoribus, verba, quibus ea comparatio exponitur, ita in omnibus libris leguntur: Οἱ δὲ πρὸς ἑδὲν ἀπληρωματικῶν, γησι, ἢ σμῶδεσμον, εἰσὶ καὶ τοῖς ὑποκειταῖς, τοῖς τὸ καὶ τὸ πρὸς ἑδὲν ἔπος λέγουσι. quibus in verbis insit fortassis etiam aliquid aliud vitij: illud quidem certè vix dubium est, quin postrema pars ita legenda sit: εἰσὶ καὶ τοῖς ὑποκειταῖς, τοῖς τὸ αἶ, καὶ τὸ πρὸς ἑδὲν ἔπος λέγουσι. non quin sciam, τὸ καὶ τὸ, Græcis valere, hoc & illud: sed exempla ipsa, quæ ponuntur à Demetrio, faciunt, vt ad eum, quem dixi, modum legi debere suspicer.

De foriū aperiendarum ratione apud veteres Græcos. multis Plauti ac Terentij locis allata lux.

CAP. XVII.

QVÆSITVM est ex me, cur in Plauti ac Terentij fabulis nunquam ferè quisquam egrederetur domo, vt non antea crepuissè fores dicerentur. Respondi, eas fabulas è Græco conuersas esse, idcircoq. quardam

rundam consuetudinū, quibus olim Græci vñ essent, impressa in eis extare vestigia. Quod autem Romæ antiquis temporibus M. Valerius Poplicolæ frater honoris insigne habuisse dicitur, vt fores ædiū ipsius, non introrsum trahendo, sed in viam publicam pel- lendo aperirentur, id quondam in Græcia vulgatum fuit: omnesque omnium ædium fores eo modo pandebantur. quoniam igitur periculum erat, ne quispiam, qui aut præteriret, aut pro foribus staret, ab im- pulsa tanua pelleretur: ideò qui exituri erant domo, solebant prius ipsimet intrinsecus fores ædium sua- rum percutere: vt illo strepitu admonerentur, qui fo- ris erant, catenæ sibi, atque catenus absistere, vt ne læderetur. Hoc à Plutarcho memoriæ proditum est: cuius hæc sunt in Poplicola: τὰς ὃ ἐλλωικὰς, de ianuis loquitur, καὶ ὅτι οὐκ ἔστιν ἄλλος ἀπὸ τῆς κοινῆς λαμβάνοντες. ὅτι κόπῃσι καὶ φορῇσι τὰς ἐαυτῶν θύρας ἔσω- δυν, οἱ πορεύεσθαι μέλλοντες, ὅπως αἰδοῦντο τῶν παρ- ερχομένων, ἢ πορεύεσθαι, καὶ μὴ καταλαμβάνοιτο πορεύεσθαι τὰς κλεισάσιν εἰς τὸν σενάτον.

*Quod de fama Virgilius dixit, idem Callimachum
de Cerere, Homerum de contentione dixisse.*

CAP. XVIII.

SUSPICARI fortasse possit quispiam, versum illum, qui de fama apud Virgilium lib. quarto Ænei- dos legitur,

Ingréditurque scto, et caput inter sidera condit,
è Callimacho versum esse. quamuis Callimachus nō de fama id, sed de Cerere dixerat: sed potuit Latinus poëta, quod de vna dea Græcus dixisset, ad aliam ac- commodare. versus quidem certè tantum non ad verbum expressus est:



Ἰθματα μὲν χέροισιν, κεφαλὰ δὲ οἱ ἀΐατ' ὀλύμπῳ.

sed tamen verisimilius est totum illum Latini poetæ locum expressum esse ex iis quæ apud Homerum de Contentione dicuntur:

Ἦτ' ὀλίγη μὲν πρῶτα κορύσσει, αὐτὰρ ἔπειτα

Οὐρανῷ ἐς ἑλκεῖ κάρη, καὶ ὅτ' ἔχοντι βραίνει.

Quid sibi velit apud Ciceronem in epistolis ad Atticum pastoricia fistula, explicatum. CAP. XIX.

CICERONIS è libro primo epistolarum ad Atticum verba sunt hæc: *Ἥταque & ludis, & gladiatoribus mirandas ὀπσημασίας sine vlla pastoricia fistula auserebamur.* quo loco ὀπσημασίας vocat plausus, acclamationes, & similia, quibus populus bonum suum animum erga quempiam significare solitus erat, & lætitiā, quam ex illius aspectu caperet, ostendere. hoc enim Græci vocant ὀπσημαίνεσθαι. ut apud Iſoetatem in Panathenaico: *Καὶ οἷς ἄλλωκ ἰδεῶν ἤ ἐς ταῖς ῥήτορίαις διαλαμπυσῶν, καὶ τὸς ἀλόνοντας ὀπσημαίνεσθαι καὶ δορυβεῖν ἀναγκάζουσιν.* sed quod addit, sine vlla pastoricia fistula, id ita declarat Paulus Manutius: Pastores qui fistula scienter utuntur, ita interdum delectant, ut qui audiunt, influentem sensibus voluptatem gestu significant. at nos, inquit, populo ita carī sumus, ut ludorum gladiatorumque confessu mirandas ὀπσημασίας, id est, significationes daret, non vlla pastoricia fistula permotus, sed amore studioque impulsus. quæ declaratio cur mihi nullo modo placeat, non dicam, quod mihi verum videtur, id proponere satis habebō. veritatis enim prolata lux omnis faciliè tenebras dissipabit. Intelligendum igitur est, non nunquam contigisse, ut cum quispiam alicui parti multitudinis carus & acceptus erat, ceteris autem odiosus & inuisus, partim plausu exciperetur, partim sibilo. plaudentibus

dentibus enim iis quos aspectus ipsius hilarabat, ceteri sibilabant. Ergo Cicero ut ostendat, *ὀπισμασίας* illas suas eiusmodi non fuisse, sed puras omnino, & *ἡλικευῆς*, ait eas fuisse sine vlla pastoricia fistula: id est, sine sibilo, cuius similem sonum notum est è pastoriciis fistulis reddi. itaque Græci in utroque dicunt *αρίζεν*: iidemq. interdum *σύεργα*, id est pastoriciam fistulam pro sibilo dicunt. Hæc cum iam scripsissem: venit ad me Petrus Morinus Parisiensis, adolescens variusque linguæ peritissimus, idemq. omnium artium, quæ quidem ingenuum hominē decent, scienti: mirificè instructus, quicum ego, quàm diu hic fuit, mea omnia ioca seria, ut dicitur, libentissimè communicabam: cum propè assidua quadriennij consuetudine raram quandā in eo & exquisitam eruditionem pari coniunctam bonitate cognossem. is igitur non modò declarationi meæ calculum suum adiecit, verum etiam, quòd tum in legendis Platonis libri: De legibus studiosissimè versabatur, locū mihi indicauit, qui eam summo perè confirmaret. quem appingere libuit: ut & sententiam stabilirem meam, & uerandissimam magni athenici memoriamigrata recordatione renouarem. ergo ita scriptum est in extremo tertio De legibus: Τὸ ὃ κερὸς τέτοις, γινῶναι τε, καὶ ἄμα γινόντα δικᾶται, ζημιῶν τε αὖ τὸν μὴ τειρόμενον, ἢ σύεργξ αὖ, ἰδέσθινες ἄμουσαι βοαὶ πλήθοις, καὶ δ' ὅρτανω, ἢ δ' αὖ κρέτοι παίνοις ἀποδιδόντες· ἀλλὰ τοῖς μὲν γεγῆροσι σείσασθουσιν, δεικνόμενον ἀκείνῳ αὐτοῖς μὲν σιγῆς διὰ τέλει, παισὶ δ' ἢ καὶ παιδαγωγῆς, καὶ τῶ πλείεσσι ὀχλοῖσι βῆσδου κοσμήσεσι καὶ νοῦδέεσις ἐγγεγο. ubi Plato idem planè *σύεργα* dixit, quod Cicero pastoriciam fistulam. Sed quam supra ad verbum è Pauli Manutij commentariis declarationem descripsi, eam admono in iis tantum exemplaribus

legi, quæ edita sunt antequàm hi libri à me in publicum emitterentur. Nam ab iis quæ biennio pòst edidit, deleta sunt ea omnia: & in eorum locum substituta quædam, quæ cum hac mea interpretatione consentiunt. cuius rei eo admonere lectores volui, ne quis fortè quæ à me, vt suo iure potest, accepit Manutius, ea me ipsi surripuisse suspicaretur. Profecto enim, me, non more multorum, quicquid ab aliis accepi, id semper ad auctores ipsos referre: cùm contrà quidam, qui mea impudenter compilauit, compilatum se à me impudentiùs conqueratur.

Alius locus ex iisdem epistolis declaratus.

C A P. X X.

N E hæc quidè satisfaciunt, quæ posita sunt in epistola prima libri secundi: *Prognostica nesci oratiunculis propediem expecta*, ait enim Manutius, putare se, libellum significari, qui prognostica Ciceronis de rep. cõplecteretur. sed ego malo tenere quod scio, quàm putare quod nescio. Scio autem Cicronem interpretatũ versibus Arati prognostica: vt constat è libris De diuinatione. quare nō habeo dubium, quin ea intelligat. meminit horum etiam libro earundem epistolarum x v. his verbis: *Equidem etiam pluias metuo, si prognostica nostra vera sunt. rana enim* *ῥιτορδουσι*. Respicit autem ad illos versus:

Vos quoque signa videtis aquai dulcis alumnae,

Cum clamore paratis inanes fundere voces,

Absurdòque sono fontes & stagna cietis.

qui conuersi sunt ex illis Arateis, sed liberius, id est, Ciceronis more, *Ἡ μάλλον δειλὰ γενεὰ, ὕδριστον ὄνειδος*,

Αὐτόθεν ἐξ ὕδατος πατέρες βοῶσι γυρίων. Hic quoque meam sententiam secutus est Manutius, in libris quos biennio post horum editionem diuulgauit.

M. AN-

M. ANTONII MVRETI

AD HIPPOLYTVM ESTENSEM

S. R. E. CARDINALEM

ILLVSTRISSIMVM,

VARIARVM LECTIONVM

LIBER SECVNDVS.

Correctus & explicatus locus è primo libro Aristotelis De arte dicendi. CAP. I.

MORES dicentis plurimum valere ad persuadendum, & à magnis ac sapientibus viris traditum est, & res ipsa loquitur. omnes enim facile adducimur, vt assentiamur iis quos bonis moribus præditos esse opinamur. sed opinio & fama probitatis duobus modis comparari potest. prium ipso genere ac ratione viuendi; quæ certissima & honestissima est via. deinde etiam spargenda eiusmodi sententiis oratione, quæ significationem habeant animi ingenui ac liberalis, & honestatem omnibus aliis rebus anteponentis. prior ille modus ad rhetoricum artificium non pertinet. posterioris cum ab aliis dicendi magistris, tum in primis ab Aristotele multa præcepta traduntur. qui etiam negat se eorum sententiæ accedere, qui iis in libris quos de arte ediderant, posuerant, probitatem dicentis nihil habere momenti ad faciendam fidem. à quibus ipse ita dissentit, vt ferè plurimum in ea positum esse dicat. Sed cum verba quibus hoc exprimitur, corrupta sint in eis codicibus qui non immerito ceteris emendatiores putantur: homóque doctissimus,

qui primus verò ac seriò prætulit faciem omnibus Aristotelicam in eo genere doctrinam intelligere cupientibus, in eorum explicatione sui dissimilis fuisse videatur : constitui primùm ipsa philosophi verba proponere, ut leguntur. deinde quid in eis mutandum putem, & cur putem, indicare : quo præstito, simul etiam sententia, quæ illum, quem dico, summum virum latuit, faciliè intelligetur. Ergo ita Aristoteles: Οὐ γὰρ, ὡς ἄρ' ἐνίοι τῇ τεχνολογικῶν πιδέασιν ἐν τῇ τέχνῃ ἐν τῷ δῆλῳ δεικνύειαν τὸ λέγειν. quibus verbis optimus interpretres accusari putat eos qui, cùm artem exponerēt, in arte, dicentis integritatem collocabant. deinde, ὡς ἐδὲν συμβαλλομένῃ πρὸς τὸ πιδανόν. hoc idem interpretres putat cū stomacho & contemptu illorum magistrorū pronunciatum esse. sed profectò & valdè coacta videtur hæc declaratio: & ipsemet, quasi hoc sentiens, titubāter loqui videtur. Sequitur, ἀλλὰ δεδὼν, ὡς εἰπεῖν, κυριωτάτῳ ἔχει πίσιν τὸ ἦθος. vbi ille, Hinc, inquit, in scitia horū doctorum intelligi potest: qui nihil momēti ad fidem faciendam habere crediderint, quod maximam omnium fermè vim habet. Hæc ille. quæ quàm cohæreant, quàmq. inter se apta sint, omnibus perspicuum esse arbitror. Ego quæ ille diuulsit, coniungenda duco: & quam scripturam ipse, cùm reperisset in illo suo optimo & antiquissimo libro, rationē eius se non dispicere falsus est, verissimam esse statuo: συμβαλλομένῳ videlicet, non συμβαλλομένῃ. etiam voculam καὶ delco multis impressis libris auctoribus: atque ita lego denique: Οὐ γὰρ, ὡς ἄρ' ἐνίοι τῇ τεχνολογικῶν πιδέασιν ἐν τῇ τέχνῃ τῷ δῆλῳ δεικνύειαν τὸ λέγειν, ὡς ἐδὲν συμβαλλομένῳ πρὸς τὸ πιδανόν· ἀλλὰ δεδὼν, ὡς εἰπεῖν, κυριωτάτῳ ἔχει πίσιν τὸ ἦθος. quid autē tam manifestum, quàm illud, συμβαλλομένῳ, πρὸς τῷ δῆλῳ δεικνύειαν referri? ἐν τέχνῃ autem est,

est, in libris de arte scriptis. Particulam *ῥηδὸν*, eo addidit, quia sine dubio plurimum ad fidem valent *αἱ ἀποδείξεις*. In eodem etiam libro, ubi ostendit rhetoricen æqualem esse dialecticæ: atque inter cetera argumenta eius rei ponit id quoque, ut dialecticus adhibeat ad probandum duo instrumenta, syllogismum & inductionem, sic à rhetore adhiberi alia duo, quæ illis respondeant, enthymema & exemplum, non dubito quin ita legendum sit: *Τῶν ὅτι διὰ τὸ δεκνύσαι, ἢ φαίνεσθαι δεκνύσαι, καὶ δ' ἄλλ' ἐν τοῖς διαλεκτικοῖς τὸ μὲν ἐπαγωγὴ ὄστι, τὸ δ' συλλογισμός, καὶ ὡς ἐνθύμημα μὲν, ῥητορικὸν συλλογισμὸν παράδειγμα δ', ἐπαγωγὴν ῥητορικὴν*. quæcunq. autem inculcata sunt, rectè aberāt ab aliis libris: & addita sunt ab iis qui, errore ducti, deesse aliquid existimarent: cùm tamen nihil desit. hoc enim dicit Aristoteles: Eorum quæ faciunt fidem, quòd aut demōstrent, aut demonstrare videantur, aliud syllogismum esse, aliud inductionem: quemadmodum & in dialecticis. se enim vocare enthymema, syllogismum oratorium; exemplum verò, oratorium inductionem. Verbum φαίνεσθαι, & vox καὶ δ' ἄλλ' obieciisse errorem videntur iis qui aliquid præterea addendum censuerunt.

De Psyllis, & ophiogenesis. Allatus locus Varronis, cuius testimonio usus erat Plinius. CAP. II.

PLINII verba sunt hæc è capite secundo libri septimi: Crates Pergamenus in Hellesponto circa Parium genus hominū fuisse tradit, quos Ophiogenes vocat, serpentum iētus contactu lenare solitos, & manu imposita, venena extrahere corpori. Varro etiam nunc esse paucos ibi, quorum salina contra iētus serpentum medeantur. Similis & in Africa gens Psyllorum fuit, ut Agatharchides scribit, à Psyllo rege dicta, cuius sepulcrum
in parte

in parte Syrtium maiorum est. Horum corpori ingentum fuit virus exitiale serpentibus, ut cuius odore sopirent eas. Mos verò, liberos genitos protinus obijciendi sanctissimis earum: eaq. genere pudicitiam coniugum experienti: non profugientibus adulterino sanguine natos serpentibus. Hæc Plinius, qui cum Varronis testimonio utatur, cuius scripta, maximo studiorum incommodo, desiderantur; ego autem ea, quibus hoc ipsum doctissimus ille scriptor exposuerat, verba repererim, operæpretium facturum esse me duxi, si ea hinc apponerem, ac cum Plinianis contenderem. Citat igitur hæc Priscianus è Varronis libro primo rerum humanarum: *Ut habent Parij, qui vocantur deij, creis, & in Africa Psyllos, quorum deij, creis cum arbitrantur, suppositum esse aliquem in stirpe, ei admonent, ut pungat, colubram. cum pupugerit, si de genere sit, vinere; si non sit, mori.* In eodem: *Admota aspis cum pupugerit, si non occidat, sciat, ex Psyllorum stirpe esse.*

Sententiam illam, Patria est, ubicunque bene est, acutè à Lysia reprehensum. CAP. III.

QVOD in vetere tragœdia Telamonis filius Teucer dixisse traditur, Patriam esse cuique, ubicunque cuique esset bene; id et si pulchrè ac sapienter dictum videtur, profectumque ab animo exœlso, & despiciente omnes acerbitates, quas homini obijcere fortuita posset: graviter tamen & verè reprehensum est ab oratore prudentissimo, & acutissimo Lysia: demonstratumque eam sententiam hominis esse de suis tantum commodis solliciti, neque ad civilem communionem apti. non enim valdè laborabit, quid patria sua fiat, quicunque eo erit animo, ut illius caritatem opportunitatibus suis metiatur. solum ipsum, cui

cui primum institit, & cælum ipsum, vnde primum spiritum duxit, diligit oportet, qui se bonum ciuem perhiberi vult: aut, si fortè, cùm alibi natus esset, ciuitate donatus est, eam imbibat opinionem, vt, nisi ciuitati bene sit, ne sibi quidem putet bene esse posse. Itaque Vlixes, vt est in fabulis, cùm apud Calypsonem posset in omnibus deliciis viuere, tamen illam asperam & lapidosam patriam suam anteposuit etiam immortalitati: non ita facturum, si illam, quam diximus, Teucris sententiam approbasset. Verùm ipsa verba, quibus eam exagitat Lysias, præstat, vt opinor, ascribere. Sunt autem in oratione aduersus Philonem, hoc modo: Καὶ γὰρ οἱ φύσιν μὲν πελιταί εἰσι, γνώμῃ δὲ χερσίν τε, ὡς πάσα γῆ πατρίς αὐτοῖς ὄζειν, ἐν ᾗ ἂν τὰ ὀππιδέα ἔχουσιν, ἔτι δὴλοὶ εἰσιν, ὅτι ἂν παρέντες τὸ τὴ πόλεως κοινὸν ἀγαθόν, ὅπῃ τὸ ἐαυτῶν ἴδιον κέρδος ἔλθῃ, διὰ τὸ μὴ τιμῶν πόλιν, ἀλλὰ τιμῶν ὑσίου πατρίδα αὐτοῖς ἡγεῖσθαι. Igitur dictum illud Teucris, bonum quidem virum aliquādo fortasse non dedeceat: bonum certè ciuem non decet. Est apud Ouidium sententia quædam non valdè dissimilis, nisi quòd latius patet. ita enim apud eum Carmenta:

Omne solum forti patria est, vt piscibus aquor:

Vt volucris vacuo quicquid in orbe patet.

Sunt autem ij versus expressi ex illis Euripideis:

Ἄπας μὲν ἄνθρωπος ἀεὶ τὸ παράπλιος.

Ἄπασου δὲ χερσὶν ἄνδρὶ γενναίῳ πατρίς.

De vi verbi alloquor. Horatij in Odis explicatus locus.

CAP. IIII.

ALLOQVENDI verbum propriè admodum & venustè vsurpatum esse à veteribus in eo sermone quileuandi ac minuendi alieni doloris causâ habetur, è Varronis libris iampridem Petrus Victorius

anno-

annotauit. acceptū autem id à Græcis videtur. παρα-
μυθεῖν enim, aut παραγορεῖν, verbū è verbo, est alloqui.
præclare igitur Seneca : apud quem ita in Troade
Vlysses: *Alios parentes alloqui in luctu decet.*

Tibi gratulandum est.

quo exemplo haud scio an nullū in scriptoribus anti-
quis extet insignius, & illustrius. & est profectò poë-
ta ille præclarior, & vetusti sermonis diligētior, quàm
quidam ineptè fastidiosi suspicantur. Allocutionem
etiam dixerunt παραγορεῖν ἢ παραμυθία: vt Catullus,

Quem tu, quod minimum facillimūque est,

Qua solatus es allocutione?

& alloquiū, παραμύθιον. quod cū esset ignotius, data
est occasio imperitis corruppēdi carminis cuiusdam
Horatiani. quod cū in veteribus libris ita legeretur,

Illic omne malum vino cantūque lenato,

Deformis ægrimonia dulcibus alloquiis,

isti fecerunt, Deformis ægrimonix, & dulcibus allo-
quiis. atque ita interpretati sunt, moneri Achillem à
Chirone, vt ad Troiam leuaret omne malum defor-
mis ægrimonix tribus rebus; vino, cantu, & iucun-
dis sermonibus. Non autem id dixit Horatius: sed
vinum & cantum vocauit dulcia deformis ægrimo-
nix alloquia, id est γλυκεία παραμύθια.

*De Callisthene & Philisto. locus Ciceronis emenda-
tus, & declaratus. Capitales interdum à veteri-
bus ingeniosos dictos esse.* CAP. V.

M. TVLLII verba hæc sunt in epistola quadam
ad Q. fratrem: *Itaque ad Callisthenem & Philistum
redeo: in quibus te video volutatum. Callisthenis qui-
dem vulgare & notum negotium: quemadmodum Græci
aliquot locuti sunt: Siculus ille capitalis, creber, acu-
tus, bre-*

tus, brevis, panè pusillus Thucydides. Sed est apud me liber vetus, in quo hæc ita scripta animaduerti: *Itaque ad Callisthenem & Philistum video: in quibus te video volutatum.* Vnde suspicor, primùm quidem errore librarij bis positum esse verbum, video, quod semel tantùm poni oporteret. deinde aliquem, qui corrigere vellet, ex, video, illo priori fecisse redeo. satis autem erat delere. videtur enim Cicero ἐλλειπτικῶς, vt sæpè aliàs, locutus, hoc modo: *Itaque ad Callisthenem & Philistum; in quibus te video volutatum.* eo magis, quòd in iis quæ antecesserunt, de duobus illis historicis nulla mentio est: vt ad eos redire dicatur. Sequitur in eodem illo libro: *Callisthenes quidem vulgare & notum negotium: quemadmodum Græci aliquot: Siculo ille capitalis, creber, acutus, brevis, pane pusillus Thucydides.* quam scripturam veram & emendatam esse iudico. Ipsum enim Callisthenem dicit esse vulgare & notum negotium, id est, καταφρόντων πρᾶγμα, καὶ ὁ πολλὴ ἀξίον. negotiùmq. ita dixit, vt Græci interdum πρᾶγμα. Lucianus in asino: Ζέοντο, καταφρόντων πρᾶγμα. aut χεῖμα. Theocritus: σφόδρὸν π χεῖμα ἄνθρωπον. & Cicero ipse alibi: Teucris illa, lentum sanè negotium. Vulgare autem & notum, triuiale, & in quo nihil admodum excellat. Horatius,

Jeunus stomachus rarò vulgaria temnit. Idem:
Ex noto fictum carmen sequar.

quod enim ibi notum dicit, paulo pòst vocat de medio sumptum. Iam illa verba, locuti sunt, quin melius absint, non dubito. hoc enim dicit, aliquot alios Græcos similes esse Callisthenis, i. non magni ipsos quoq. pretij. Nam quod à Manutio dictum scio, Callisthenem locutum in historia non exquisitè, sed quomodo vulgò loquerentur; miror vnde id sumpsit: cum

cùm ipsius scripta non extent: Cicero autem ipse alibi aiatur, eum fuisse rhetorico more historiam scripsisse. Dissentio etiã ab eodem, in eo quòd capitalem, grauem, & capita rerum attingentem exponit. primum, quoniam si Philistus capita modò rerum attigit, planè Thucydidi similis non fuit. fuisse autem, & Cicero hic, & libro secundo de Oratore, & Marcus Fabius libro decimo docet. omnium autem optimè ac luculentissimè Dionysius Halicarnasseus, cuius verba melius erit ascribere: cùm & admodum peruulgata non sint, & illud ostendant, Philistum neque grauem fuisse, sed humilem & abiectum: neque capita modò rerum attigisse, sed potiùs eo nomine reprehensum, quòd in descriptionibus quibusdã propè otiosis nimis immoraretur. Φίλιστος δὲ μιμητὴς ὄντι Θεκυδίδου, ἔξω τῶ ἥτοις, τὸ μὲν γὰρ, ἐλαύτερον, καὶ φρονήματος μεσόν. τὸτο δὲ θεωρητικὸν τῆς τυράννων καὶ ἄλλων πλεονεξίας. ἐξήλωκε δὲ παρῶν μὲν τὸ τιλὸν ὑπερθεσιν ἀτελεῖ χαταλιπεῖν, τὸν αὐτὸν ἐκείνῳ τρόπον, ὃ μὲν ἀλλὰ καὶ τιλὸν ἀταξίαν αὐτῆς τῆς οἰκονομίας. καὶ διαπαρεσκοῦσθαι τὸν παρὰ γαματίας τῇ συγχύσει καὶ εἰρημένων πεποιθεῖ. τὴ δὲ λέξεως τὸ μὲν γλωσσηματικὸν καὶ παρὰ γὰρ ἐκ ἐξήλωκε Θεκυδίδου, τὸ δὲ σφογύλον, καὶ πυκνόν, καὶ εὐτόνον, καὶ ἐταγώνιον πάντῃ ἀκριβῶς ἀπιδάξατο. ὃ μὲν οὐοίως δὲ χαλλισορίαν, καὶ τιλὸν σεμνότητα, καὶ τιλὸν ἀρδορίαν τῇ ἐνθυμημάτων, καὶ τα βάρη, καὶ τὰ πάθη, καὶ τὰς ὁρηματισμούς. μικρὸς δὲ ὄντι καὶ ταπεινὸς κομιδῆ, ταῖς ἐκφράσιν ἦτοι τόπων, ἢ ναυμωχῶν, ἢ πεζῶν πατάξεων, ἢ οἰκισμοῖς πόλεων. ἐδὲ ὁ λόγος τὰ μετὰ γένει τῶ παρὰ γαματίας ἐξισού. (ὡς τὸς μέντοι, καὶ κατὰ τιλὸν ἐρμηνείαν, Θεκυδίδου παρὰ τὰς ἀληθεῖς ἀγῶνας ὡς ἐλεμώτερον. Hæc igitur, cur ei declarationi non assentiar, una causa est. altera, quòd nomen capitalis eam vim habere apud Latinos non puto. Quo fit, ut hoc loco capitalem accipiam ingeniosum, &, ut paulo post dicitur,

dicatur, acutum. Id autem valuisse vocabulum illud apud veteres, docet Ovidius libro tertio Fastorum, qui de Minerua capta disserens, multasque eius appellationis causas proferens: hanc primam ponit, dictam videri posse captā, quasi capitalem: quod ingeniosa sit. Versus, quibus ea sententia continetur, hi sunt:

Parua licet videas capta delubra Minerua,

Quae dea natali coepit habere suo.

Numinis in dubio causa est capitale vocamus

Ingenium sollers: ingeniosa dea est.

neque me latet, alibi Philisti breuitatem à Cicérone laudari. sed aliud est breuem esse, aliud capita rerum attingere. Breuitas quidem etiam in Thucydide, Salustioque laudatur. Fieri tamen potest, ut ille aliud quippiam secutus sit; quod me fugiat. neq. ego ipsius iudicio meum anteponi postulo: tantum, quid mihi videatur, apertè ac liberè dico: iudicium aliorum facio.

Pauperum cognationem à nemine libenter agnoscit.

Terentij loco allatus non dissimilis Menandri.

CAP. VI.

QVOD homo impurus apud Terentium subdole & malitiose Phormio dicit, ideirco nolle Demiphonem agnoscere, eam puellam, cuius ipse se defensores esse simulabat, tanquam cognatam sibi; quod illa egens relicta esset: id olim Menander generatim atque vniuerse, summa cum elegantia, dixerat: pronunciaratque, difficile & operosum esse, reperire cognatum pauperis. neminem enim fateri, sibi quicquam esse eum, qui auxilij alicuius indigeret: propterea quod statim putaret à se aliquid petiturum iri. Terentij versus sunt:

Quia egens relicta est misera, ignoratur parens,

C

Negli-

Negligitur ipsa. vide, auaritia quid facit.

Menandri autem, ἔργον δρεῖν συγχεῖν

Πένητός δστιν. κ' δέεις γδ ὁμολογεῖ,

Αὐτῷ προσήκειν ἢ βοηθείας πνὸς

Δεόμενον, αἰτεῖσθαι γδ ἅμα τὸ προσδοκᾷ.

Menandrea verò hæc ita in Latinum sermonem conuerterit quispiam:

——— *agrè inueneris*

Cognatum egentis. nemo enim agnoscit libens,

Ad se attinere eum, opis alicuius qui indiget,

Nam mox petittum quippiam à se iri putat.

Ciceronis locus è Dinarcho expressus ostenditur.

CAP. VII.

M. TULLIUM in orationibus suis multa è Græcis oratoribus mutuatum esse constat: neque tantum artificij, quo illos in versandis ac regendis auditorum animis vfos esse perspiceret, acrem ac diligètem imitatore[m] fuisse, verum etiam integra non parum sæpe enthymemata illorum, in orationes suas transtulisse. Iuuat autem me, quatenus licet, id obseruare: profiteorque me ex eiusmodi locorum contentione singularem quandam, eamque, ut opinor, neque illiberalem, neque frugis expertem capere animo voluptatem. & quia ex meo sensu de aliis iudico, puto ceteris quoq. idem vsuuenire: nemo ut sit paulò humanior, cui non gratum ac iucundum sit cognoscere, quid à quoq. Cicero sumpserit, quoq. modo quæ illorum erant, imitatio fecerit sua. Quocirca talia quædam his libris inspergere est animus: nō vlllo quidem certo ordine, neque enim genus hoc descriptionis ordinem postulat; sed ut quicque in mentem venerit. Nunc autē occurrit illud quod scriptum est in priorē actio.

re actione in Verrem. Nam cum iudicium fidem non nihil suspectam haberet orator, acutè vidit, quomodo eos excitare ac perterrefacere, ne se corrumpi sinerent, oporteret. affirmavit enim, totam ciuitatem esse in speculis, obseruantem, quam quisque reipub. præstaret fidem: & vt ipsi de Verre iudicassent, ita de ipsis populum R. iudicaturum. Idem autem, & iisdem propè verbis dixerat antiquis temporibus Dinarchus in acerbissima oratione qua insectatus est Demosthenem: vt non sine causa videri possit, Ciceronem, cum illa scriberet, Dinarchi locum sibi propositum, quem imitaretur, habuisse. quod vt magis intelligatur, Ciceronis primùm, deinde Dinarchi verba subiiciam. Cicero: *Nunc autem homines in speculis sunt: obseruant, quemadmodum se unusquisque vestrum gerat in retinenda religione, conseruandisque legibus.* & paulo post: *Hoc est iudicium, in quo vos de reo, populus R. de vobis indicabit.* Dinarchus: Ορᾷ γὰρ ὁ ἀθηναῖος, ὅτι παρὰ μὲν ὑμῖν Δημοσθένης ἔποτι κρίνεται, παρὰ δὲ τοῖς ἄλλοις ὑμῖν, οἱ σκοτῶσι τινὰ ποτὶ γνώμῳ ἔξετε θεῖ τῇ πατρίδι συμφερόντων. καὶ πρότερον τὰς ἰδίας ἴτων δωροδοκίας καὶ πονηρίας ἀναδείχοντες εἰς ὑμᾶς αὐτοὺς, ἢ φανερὸν πᾶσιν ἀνθρώποις ποιήτετ, ὅτι μάλιστα τὴν καὶ τὴν πολιτείαν δῶρε λαμβάνοντες.

Quod Victorinus de auctore libri de mundo ad Alexandrum credidit, verum non videri.

CAP. VIII.

LIBER qui vulgò Aristoteli tribuitur, de mundo ad Alexandrum, quin Aristotelis non sit, nemini dubium esse arbitror. nam, si nihil aliud, ipsum certè dictionis genus ita ab Aristoteleo dissidet, vt eam discrepantiam qui non videat, nihil omnino videat; etsi Iustinus Martyr ἐν τῇ πρὸς ἑλλήνας παρρησιακῇ λό-

20, cum Aristoteli tribuere videtur. sed quòd P. Victorius putauit e verum illius auctorem reperisse, in eo falsus opinione sua videtur. neq. sanè satis mirari possum, quid hominem & magna doctrina, & acuti iudicio præditum mouerit, vt, nullo alio argumento, nisi quòd Nicolaus Damascenus aliquid iisdem de rebus scripserit, librum eum illius esse affirmarit. Nicolaus enim, vt notum est, Augusti temporibus vixit. at liber ille ad Alexandrū Philippi filium scriptus est. quomodo igitur hæc quadrare possunt? non enim minus ridiculus fuisset hac ratione Nicolaus, quàm si quis hodie ad Priamum, aut ad Hectorem scriberet. Itaque etiā si antea creditum esset, librum illum à Nicolao scriptum, tamen id falsum esse, apertè, eo quòd dixi, argumento conuinceretur. nedum, in tanta temporum repugnantia, sine vlla firma ratione ei tribui debeat.

Pisces paruulos à maioribus deuorari, multorum scriptorum testimoniis confirmatum. emendatus Varronis locus.

CAP. IX.

PETRVS Victorius libro sexto Variarum lectio-
num, cum doceret, id quòd hodièque prouerbij loco dicitur, minutos pisces maioribus pro cibo esse, etiā antiquis temporibus dici solitum: confirmauit id duobus locis prolatis, vno Polybij, altero Varronis. sed Varronis versus, nisi me fallit opinio, non satis emendatè scriptos protulit. Visum est igitur ita eos proponere, vt distinguendos emendandosque arbitraret. Varro Margopoli ἀεὶ ἀρχῶν:

Natura humanis omnia sunt paria.

Quis pote plus, vrget, pisces vt sæpè minutos

Magnis comest: vt aues enecat accipiter.

eam autem esse in piscibus feritatē, ut in genus suum
 sæviant, multi optimæ notæ auctores prodiderunt:
 ut Oppianus libro secundo ἀλιόπων, his versibus:

Ιχθύσι δ' ἔτε δίκη μεταριθμεῖται, ἔτε πρὸς αἰδῶς
 Οὐ φιλότης. πάντες γὰρ ἀνέροισι ἀλλήλοισιν
 Δυσμένεες πλώουσιν. ὃ δ' ἤ κεκατέρωτες αἰεὶ
 Δαίνυντ' ἀμαυρότερος. ἄλλω δ' ὀπιήχει ἄλλω
 Πότιμον ἄγων ἔτι τ' ἑτέρω πόρσυνεν ἐδωδὴν.

neque tantum à maioribus minores, sed interdum
 quoque maiores à minoribus arte superari ac vorari
 docet. Homerus quoque Troianos Achillem fugien-
 tes comparat piscibus delphina fugientibus, ne ab
 ipso vorentur. Versus ipsius sunt Iliados c.

Ὡς δ' ὑπὸ δελφῖνι μεγαλήτερι ἰχθύες ἄλλοι
 Φάγοντες πιμπᾶσι μυχὸς λιμένι εὐόρμυ,
 Δεδιδότες· μάλα γάρ τε κατεδίει ὃν κε λάβουσιν.
 Ὡς πρῶες ποταμῷ καὶ δεινοῖο ῥέεθρα
 Πτῶσον ὑπὸ κρημνός.

Sed & apud Ælium principio librorum De variā
 historia, & apud Aristotelem libro vii. De naturā
 animalium, quædam idem confirmantia leguntur.

*Iugurtham, cum in triumpho ductus esset, desipere ac
 delirare cœpisse. Plutarchi in Mario locus.*

CAP. X.

DE VI doloris Venetiis, magna stipatus studio-
 rum hominum corona, aliquando disputabam:
 cumq. mihi occurrisset, ut dicerem, eo dolore, quē
 è magnis infortuniis & calamitatibus homines cape-
 rent, mentem quoque ipsam sæpè turbari; adigique
 ad insaniam eos, qui antea cati in primis & sollertes
 fuissent: cum alios complures nominaui quibus id
 contigisset, tum Numidarum regem Iugurtham. eius

autem rei testem atq. auctorem laudaui Plutarchum in Mario. Postridie eius diei venit ad me vnus eorum qui sermoni illi interfuerant, homo & probus, & ceteroqui non ineruditus, sed Græcarum inscius litterarum. Is cū mihi prius, siue officij causa, siue quod ipse errore ductus ita sentiret, magnoperè gratulatus esset, dixissetque, me & sibi & aliis valdè in eo sermone placuisse: Vnum, inquit, est, quod magnam herculè mihi molestiam exhibuit. nam cū, domum reuersus, in bibliothecam me abdidiissem, cœpi ea quæ tu dixeras, mecum in animo recolere. ac cetera quidem, nihil abfuit, non sanè multum quin ita vt tu dixeras, in iis, quos dixeras, libris scripta repererim. vnum de Iugurtha reperiendi nulla potestas fuit. & quidem ea causa totam Marij vitam ita diligenter perlegi, vt ne littera quidem vna me fugerit. Velim igitur, si commodum est, quem mihi inieciisti scrupulum, tute eximas; recogitesque tecum, vnde id sumpseris. nam de Plutarcho quidem, fugit te ratio. Tum ego: Facile istuc quidem, inquam, fuerit. nam & memoria nemo est hominum qui valeat minus: & here ad dicendum non sanè valdè meditaturs accesseram. sed tamen quid vetat Plutarchum à me quoque inspicere? Vt tibi quidem, inquit, planè satisfacias, animūque expleas. nam quod reperire te id posse censeas, nihil est. Hæc eo dicente, ego iam puerum codicem poposceram: in quem vt primū conieci oculos, obtulit se mihi id quod quærebam, his verbis explicatum: *Καὶ Μάριος ἐν Λιβύῃς μὲν τὸ στρατῦματος διακομιθεὶς, αὐταῖς χαλάνδαῖς Ἰανουαρίαις, λυγροῖς ἀρχὴν ἄρουσι Ρωμαῖοι, τινὲς ὑπατείας ἀνέλαβε, καὶ θ' ἑπ' αὐτῶν εἰσήλασεν, ἅπσιν ὁπλίσταμένους δέμα Ρωμαίοις, ἰαγέρσαν αἰχμάλων, ἔζωντος ἑδ' αὖ εἰς ἑλπίσι πολεμίων κερτή-*

ὅτι ἔτι τις ἦν ποικίλ' ἀνὴρ τύχαις ὁμιλῆσαι, καὶ πανουργίᾳ
 πολλῇ μεμυγμένον ἔχων τὸ θυμωδές· ἀλλ' ἐξέστη γὰρ πομπευθεὶς,
 ὡς λέγουσι, τότε τῷ θρονεῖν· καὶ μὲν τὸν θρίαμβον εἰς τὸ δεσμοτίειον
 ἐμπιστῶν, ὡς οἱ μὲν αὐτὲ βίβλ' ἀπεκέρρηξαν τὸν χιτῶνίσκον, οἱ δ'
 ἀπὸ δόντες ἀρελέδωκεν βίβλ' τὸ χυσοῦν ἐλλόγιον, ἅμα τ' ἄλσεν συν-
 ἀπέρρηξαν, ὡς οἷος δ' ἡμιμὸς εἰς τὸ βάραθρον καταβλήθη, μετὰ
 ὧν παρὰ χῆς, καὶ διασεπρῶς, Ἡράκλεις, εἶπεν, ὡς ψυχρὸν ὑμῶν
 τὸ βαλανεῖον. quæ, pro tempore, ipsius caussa, ita tum à
 me in Latinum sermonem conuersa sunt: At Marius
 ex Africa cum exercitu aduectus, kal. Ian. ipsis, quod
 anni principium Romanis est, tum consulatū denuò
 iniit, tum triumphum egit, in quo incredibile Roma-
 nis spectaculum exhibuit, captiuum Iugurtham; quo
 uiuo se potiturum, nemo hostium ipsius sperasset. ita
 vario erat vir ille, & multiplici ingenio, & ad fortunæ
 vicissitudines versatili; & ea præditus audacia, cui
 multa calliditas esset admista. sed in triumpho du-
 ctus, desipere, vt fertur, ac delirare cæpit. itaque post
 triumphum, in carcerem compactus, vt ei alij qui-
 dem violenter abrumpere tuniculam, alij autem au-
 ream inaurem per vim eripere properantes, infimam
 vnà quoq. auriculam disciderunt, ipse autem nudus
 in barathrum pulsus ac deiectus est, stuporis plenus,
 reiectis, ridentis in morem, dentibus, Iupiter, inquit,
 vt frigidum vestrum balneum est. His lectis, & in-
 terpretatis, miratus ille, suum quoque librum afferri
 voluit. sed in eo ita erant omnia hæc nō illepidè mo-
 dō & inconditè, verumetiam absurdè, & procul à
 vero posita, vt meminisse pigeat. Indignatus igitur, &
 multa mala precatus istis librorum contortoribus, ita
 tum discessit à me, vt qui se, etsi natu iam grandior,
 primo quoque tempore alicui Græcæ linguæ magi-
 stro operam daturum esse iuraret. Nō est autem præ-

tereundum silentio, suspicari me, quod apud Plutarchum legitur, τύχαις ὁμιλῆσαι, legi debere, ὁμιλῆσαι. puto enim τύχαις ὁμιλῆσαι, esse, naturam suam versare, & ad fortunæ mutationes inflectere. sed de hoc alij iudicabunt.

Aristotelis locus, allatis Theognidis versibus, qui eandem sententiam continent, illustratus.

CAP. XI.

ARISTOTELES primo Rhetoricorum, cum enumeraret ea quæ animum facere alicui possent ad iniuriam alteri inferendam; id quoque posuit, quod quotidie experimur: amicitiam, non illam quidem veram & perfectam, sed ut vulgò amicitia nomine utimur, cum quamlibet familiaritatem ac consuetudinem vitæ, amicitiam vocamus: eam igitur efficere, ut homines improbi ad imponendam iniuriam sint audientiores. facilius enim se id quod volunt, effecturos esse credunt: cum ab inimicis omnes sibi caveant: ab amicis nemo sibi cauendum putet. id autem ante Aristotelem sapientissimus poëta dixerat Theognis: cuius hi versus sunt:

Ἐχθρὸν μὲν χαλεπὸν ἢ δυσμενῇ ἐξαπατῆται

Κύρνε, φίλον ἢ φίλῳ ῥέον ἐξαπατᾷ.

quos versus ita ludibundi conuertimus:

Fallere difficile est inimicum. at amicus amicum

Fallere non magno Cyrne labore potest.

Sed & Cicero lib. primo accusationis ait, nullas esse occultiores insidias, quàm eas quæ latent in simulatione officij, aut in aliquo necessitudinis nomine.

Genus quoddam loquendi Horatianum indicatur è Græco fonte manasse. CAP. XII.

Cui me querelis exanimas tuis?

Nec

*Nec diis amicum est, nec mihi, te prius
Obire Macenas, mearum
Grande decus columenque rerum.*

Verius hi sunt, vt notum est, è secundo lib. Odarum Horatij: in quibus genere loquendi vsus est apto illo quidem & eleganti, sed apud Latinos non valdè, nisi me fallit animus, vsitato. nam amicum esse aliquid diis, pro eo quod est, diis ita videri, ac placere, vbi prætereà legatur, equidem haud facilè dixerim. neque sanè ea dicendi ratio Romanis domestica ac vernacula est, sed trans mare petita, ob idque non obse-
naris hominibus ἡδίστης πινὸς ὁ ζῆτα ξένιας. id vt magis perspiciatur, aliquot illius exempla è duorum post homines natos eloquentissimorum hominum sumpta libris proferam; Homeri, & eius quem Panætius Homerum philosophorū vocabat. apud Homerum igitur Pallas ad Iouem pro Vlyssè verba faciens, orat eum, vt, si quidem diis amicum est eum domum redire, Mercurium mittat, qui id Calypsoni nuntiet, eius verba sunt:

Ω πάτερ ἡμέτερε Κρονίδῃ ὕπατε κρείόντων,

Εἰ μὲν δὴ νῦν τῷτο φίλον μακάρεσσι θεοῖσι,

Νοστήσαι Οδυσῆα δαιμόνιοι δὴ δόμονδε, & cetera.

Apud Platonem autem Socrates, in apologia, cùm dixisset, se tentaturum, si posset è iudicium animis euellere prauam illam opinionem, quam, adducti calumniatorum sermonibus, de ipso conceperant: sed putare, id difficile factu fore: Verùm tamen, inquit, hac quidem de re ita sit, vt deo amicum est. ὁμῶς δὲ τὸ μὲν ἦτοι, ὅτι πρὸ θεῶν φίλον. & in dialogo περὶ περικυβ., cùm ei dixisset Crito nauem eo die è Delo appulsuram; ideóque ipsi postridie è vita migrandum fore: Atquì, inquit, ὦ Crito, bene eueniat: si ita diis ami-

cum est, ita esto. ego tamen eam hodie venturam non puto. Ἄλλ' ὃ κρίτων τύχη ἀγαθὴ. εἰ ταύτη τοῖς θεοῖς φίλον, ταύτη ἔστω. ἢ μέντοι οἶμαι ἤξεν αὐτὸ τήμερον. & in Theage: Εἰ μὲν πρὸ θεῶν φίλον ἦ, πάνυ πολὺ ὁπιδώσεις, καὶ ταχύ. & libro x. legū: Τα μὲν ἔν δ' ἔτ' ἀρχαίων πέρι, μεθείδω, καὶ χαίρετω, καὶ ὅπου θεοῖσι φίλον, λεγνέω ταύτη. tale quoq. est illud Æschyli:

— ὦς μάθῃ τί χεῖν

Δρῶντ' ἢ λέγοντα δαίμοσι πράττειν φίλα.

Sed & illa non dissimilia sunt: Πηλυδάμαστος μὲν ἐκ ἑτ' ἐμοὶ φίλα ταύτ' ἀρεσάει: & in Protagora: εἴσοι φίλον: & apud Euripidem in Ione, πρὸ θεῶν γὰρ καὶ φίλον. eiusdemque generis alia. Sæpe autem monui, solitum Horatium, inspergenda scriptis suis Græcitate, falem eis ac Venerem quærere.

Platonis locus conuersus à Cicero in Hortensio, in quo Marfilius leniter lapsus est. CAP. XIII.

QVI aut aucupandæ inanis gloriolæ studio, aut conuincendi magis quàm docendi aduersarij gratia disputant; ii acriter virgere ac premere eum solent: neq. ferè, si quid ipse inconsideratiùs aut fassus, aut infitatus est, mutandæ postea sententiæ potestatem facere. at qui veritatem modò in disputando spectant, & docere eos cum quibus agunt, volunt, æquiores liberalioresque sunt; neque ad viuum omnia rescant: sed si quid is quicum sermo est, dederit, cuius postea dati pœniteat; in eo non peritunt, peruiacésque sunt: lubentibusque ipsis, corrigere se, qui sibi lapsus videtur, potest. Id se facere, cum significare vellent Socrates in Hipparcho, eleganti admodum similitudine vsus est, sumpta à ludo xii. scriptorum, his verbis:

Ἀλλὰ μὴν καὶ, ὡς περ πεπιδώων, ἐθέλω σε ἐν τοῖς λόγοις ἀναδέεσθαι ὅ, π βύλῃ τ' ἐρημένων, ἵνα μὴ οἷα ἐξαπατάωμαι, quæ summi philo-

philosophi verba cùm à summo oratore Romano in Latinum sermonem elegantissimè conuersa reperissem, non indignum id putavi, quod annotarem. Citat igitur hæc Nonius Marcellus è Ciceronis Hortensio: *ἴταque tibi concedo, quod in xii. scriptis solemus, ut calculum reducas, si te alicuius dati pœnitet.* Marsilius autem, qui locum illū Platonis ad ludum talorum retulit, falsus videtur. Sed & in illo è Protagora, *ἀλλ' ἐπὶ καὶ τοῖς ἀναδέεσσι ἔστιν*, & in primo *πολιτεῖαν*, vbi Polemarchus, aliter amicum & inimicum definire volens, quàm prius fecerat, ita loquitur: *ἀλλὰ μεταδώμεθα. κινδυνόμεν γὰρ ἢ ὀρθῶς ἢ φέρον καὶ ἐχθρὸν δέεσθαι*: & aliis similibus locis, faciliè crediderim, metaphorā ex eodem illo xii. scriptorum ludo desumptam subesse.

Ciceronis locus, quem Silius eleganter imitatus est.

C A P. X I I I I.

SILIVM Italicum poëtam, meo quidem iudicio, præstantem, Ciceronis apprimè studiosum fuisse, eiúsque libros diligentissimè atque assiduissimè lectitasse, non modò Martialis, qui eius coæuus fuit, testimonio cognoscimus, sed multo magis ex eo intelligimus, quòd eum multa Ciceronis in poëma suum transtulisse, eaque scienter admodum accommodasse ad illa, quæ tum tractabat, videmus. cuius rei exemplum hic vnum proponere libitum est. Libro igitur septimo, cùm Q. Fabius Annibalem ludificando, & cunctando, & bellum trahendo frangeret; Romanique milites pugnae avidi, & conferendarum cum hostibus manuum ingenti desiderio incensi, quidque mora proficeretur, nescientes, imperatorem suum, tanquam ignauum, &, vt Horatius loquitur, inaudacem, summa verborum immoderatione increpa-

creparent : iamque sublato clamore, iniussu ipsius rem gerendam esse vociferarentur: graui oratione furentem illorum impetum repressurus Fabius, ita exorditur, vt dicat, nunquam sibi Romanos in tanto discrimine summam rerum tradituros fuisse, si se talibus clamoribus turbatum iri credidissent.

*Fervida si nobis corda, abruptumque putassent
Ingenium patres, & si clamoribus, inquit,
Turbari facilem mentem: non ultima rerum,
Et deplorati mandassent Martis habenas.*

Cicero quoque in ea oratione qua C. Rabirium perduellionis reum protexit & eripuit, cum quiddam paulo confidentius dixisset, clamorque concionalis secutus esset: *Nihil me, inquit, clamor iste commouet; sed consolatur: cum indicat, esse quosdam ciues imperitios, sed non multos. Nunquam, mihi credite, populus R. hic, hic qui silet, consulem me fecisset, si vestro clamore perturbatum iri arbitraretur.*

*Quodnam sit verbum illud Græcum quo vsos esse
Athenienses in discordiis sedandis ait Cicero
in Philippicis. CAP. XV.*

VERBUM Græcum, quo in sedandis discordiis ait Cicero vsam esse Atheniensium ciuitatem, non est, vt opinor, ἀμυνσία: quanquam ab omnibus qui eum locum attigerunt, ita esse traditum scio. neque me mouet, quod Plutarchus ἐν τοῖς πολιτικοῖς ἀδελφείας scitum illud vocat τὸ τῶν ἀμυνσιῶν νόμισμα: quodque alij scriptores Latini idem confirmant. neque enim nego ita eam legem postea vocatam esse, at verbum ipsum, quod in lege positum est, aio fuisse, μνηστειχέειν. cuius rei multos locupleres & idoneos auctores habeo, vt Xenophontem, cuius hæc sunt ἐς δεύτερον

cundo ἑλλητικῶν· Καὶ ὁμοῦσαντες ὄρεοις ἢ μὴ μὴ μνησιχακή-
σειν, ἐπὶ καὶ νῦν ὁμοῦς τε πολιτεύοντες, καὶ τοῖς ὄρεοις ἐμμένει ὁ δῆ-
μος: vt Æschinem, qui in oratione De corona ita lo-
quitur: Νῦν δ' ἐκείνοι μὲν, μεγάλων χακῶν συμβάντων, ἔσωσαν
τὴν πόλιν, τὸ κάλλιστον ἐκ παιδείας ῥῆμα ἐβρυχάμενοι, μὴ μνη-
σικακεῖν. Quint & Aristoph. eodē respexit hoc versus:

Μὴ μνησιχακήσης ἐγὼ σὺ φυλὴν κατέλαβες.

Sed quid coniecturis, vt in re dubia, vtimur? triplex
iusiurandum fuit: quo se, compōsitis rebus, obstrin-
xerunt Athenienses. vnum cōmune totius ciuita-
tis, quod in hæc verba conceptum est: Οὐ μνησιχακήσω
τὴν πολιτῶν ἐδέην, πλὴν τῆς τριάκοιτά, καὶ τὴν ἐνδεκα, ἐδὲ τέτων ὅς
αὖ ἐδέλοι εὐθυίας διδόναι τὴν ἀρχῆς ἥς ἦρξεν. alterum sena-
tus: Οὐδέξομαι ἐνδεκῆιν, ἐδὲ ἀπαργαλίαν ἐνδεκά τὴν πρότερον γε-
γνημένων, πλὴν τὴν φερόντων. tertium eorum, qui res iu-
dicabant: Οὐ μνησιχακήσω, ἐδὲ ἄλλο πέποιμαι. ἤγετομαι δ'
καὶ τὰς κειμένους νόμους. Hæc ita scripta sunt apud An-
docidem in oratione De mysteriis: +

Ciceronis ex oratione pro Deiotaro loci duo emendati.

CAP. XVI,

S O L E O libenter veteres libros, quicumq; in ma-
nus meas incidunt euoluere: cuiusmodi tandem illi
sint, & quocunque litterarum charactere exarati.
quod enim Plinius de toto librorum genere dicere
solebat, nullum esse tam malum, ex quo non cape-
retur aliquid fructus: id ego in his maximè verum
esse comperio. multos enim nanciscor mutilos, lacer-
atos, corruptos, euanescentibus litteris: tum, quod
molestius est, descriptos ab hominibus imperitissi-
mis, ideoque ἑλασι βρύντας, vt in eis legendis incredi-
bilis quædam molestia exhaustienda sit. sed non in
multos incido, qui omni ex parte frustrentur opi-
nionem

nionem meam . ferè enim semper aliquid tamen
lucelli facio. siue autem hæc constantia vocanda est,
siue etiam quidam mentis error, (non enim, quomi-
nus quisque quo volet nomine appellet, impedio) ita
obstinato animo sum, nulla ut sit tanta errorum
multitudo, quæ me à legendo absterreat. neque mihi
malè operam collocasse videor, cum ex illis difficul-
tatibus, tanquam è salebris quibusdam, emerſus, in
recensione reperio, vnum aut alterum boni alicuius
scriptoris locum bidui triduiue labore purgatum esse.
multi autem amici, qui me hoc morbo teneri sciunt,
multas ad me scidas vndecunque collectas mittunt.
neque ego illa mihi *σποβλητὰ δῶρα* esse duco; quin
auide arripio quicquid offertur; & in hac inopia, vbi
siligineus panis deest, cibario me, ut possum, tueor:
beatos illos esse ducens, quibus amplæ illæ ac nobi-
les bibliothecæ patent, vbi tam lautè, tam copiosè,
tam splendidè pascere animos suos hoc genere epu-
larum queunt. nos tenuiores victitamus ut possumus;
neque inuidemus aliis fortunam suam: sed, ut
eadem nobis quoque aliquando contingat, optamus.
nunc cuius rei causâ susceptus hic à me sermo, & vn-
de ortus sit, exequar. Habeo librum quendam, aut
potius discerpti & dilacerati libri aliquot paginas,
ipsas quoque ita malè acceptas, ut alicubi canum lu-
dibrium fuisse videantur: in quibus hæc scripta sunt:
pars orationis pro Marcello: tota ferè pro Ligario: &
pro Deiotaro ferè dimidiata. Nuper igitur placuit ea
omnia cum vulgatis libris conferre: itaque feci. in
duabus autem prioribus nihil admodum repperi,
quod alicuius momèti videretur. in ea quæ pro Deio-
taro est, hæc quæ subijciam, non indigna, quæ nota-
rentur, censui. Primum ergo vbi vulgo legitur, *Cui*

tamen ipsi regi veniam te daturum fuisse dicebas, si tamen auxilia Pompeio, vel si etiam filium misisset, ipse tamen excusatione atatis vsus esset. in illis fragmentis elegantius, ni fallor, & verius ita scriptum est: Cui tamen ipsi regi veniam te daturum fuisse dicebas, si, cum auxilia Pompeio, vel etiam filium misisset, ipse tamen excusatione atatis vsus esset. Item hoc, quod non ad nitorem & elegantiam orationis, sed ad sententiam ipsam non mediocriter pertinet. In iis enim libris quibus vulgo utimur, ita legimus: Ego meherculè C. Caesar initio, cum est ad me ista causa delata, Phidippum medicum, seruum regium, qui cum legatis missus esset, ab isto ipso adolescente existimari esse corruptum: hac suspitione sum perculsus. medicum indicem subornabit, finget videlicet aliquod crimen veneni. at in illis *eloquistis*, (ita enim planè vocari possunt) multo sincerius multoq. emendatius, meo quidem iudicio, scriptum est: Ego meherculè C. Caesar initio, cum est ad me ista causa delata, Phidippum medicum, seruum regium, qui cum legatis missus esset, ab isto adolescente esse corruptum: hac suspitione sum perculsus. medicum indicem subornauit & finget videlicet aliquod crimen veneni. Quæ scriptura quin planè integra & incorrupta sit, nemo dubitabit, qui locum illum paulo attentius considerauerit.

Illustratus locus ex oratione pro Cælio.

C A P. X V I I.

IN oratione pro Cælio cum conatus esset M. Tullius impuram mulierè Clodiam in eam suspicionem adducere, vt qui aderant, veneno ab ea sublatum Q. Metellum existimarent; hac postea amplificatione vsus est: Ex hac igitur domo progressa ista mulier, de veneni celeritate dicere audebit? nonne ipsam domum metuet,

tuet, ne quam vocem eliciat? non parietes conscios, non noctem illam funestam ac luctuosam perhorrescet? Suspicio autem, ubi eliciat legitur, ejiciat legi debere. significat enim, hoc ipsum metuere debere Clodiam; ne vocem ipsa domus tam impij facinoris conscia emittat. eliciendi autem verbum, ad hoc indicandum, non nimis aptum videtur. Euripidis etiam versibus quibusdam ex Hippolyto coronato. hanc coniecturam non nihil adjuvari puto: è quibus totus ille locus manifesto expressus est. sunt autem hi:

Οὐδὲ σκότειν φέρουσι τὸν ξυμπαίοντα,

Τέρεντα τ' οἶκον, μὴ ποτὶ φθογῇ δέη;

Neque tenebras noctis perhorrent conscia,

Neque, ipsa ne quando ejiciat vocem domus?

loquitur autem ibi Phædra de mulieribus, quæ se pudicas esse simulant, cum tamen clanculum libidini feruiat: quas miratur prodire audere in conspectum virorum: neque timere, ne à nocte ipsa, & à domo conscia indicentur. Hanc meam coniecturam Lambinus, homo omniū, sed nolo in mortuum, quoquo modo de me meritum, grauius dicere, principio quidem ita exagitaui, vt illa sollemnia effunderet, barbaros esse, & omnium bonarum rerum imperitos, & quæcumque præterea solebat, quoties ab aliquo dissentiebat, si qui putarent, ejicere vocem, Latine dici. deinde, mutata sententia, in notis ad Ciceronem, ipse se ad illum imperitorum numerum aggregauit: neque tamen mihi prorsus assensus est, sed nutauit, vt plerumque in grauioribus rebus solebat: falsus, coniecturam meam duorum veterum librorum testimonio comprobari. Exitit deinde, qui, gratiam, credo, Lambini aucupari volens, quam tamen, cuiusmodi esset, ipse postea expertus est, cum emendationem
meam

meam aliquot Lucretij locis confirmari videret, scuturus quidem eam est: sed eius Lambinum fecit auctorem, à quo illa diu oppugnata, non me, à quo primum prolata erat. Sed hæc & leuia sunt, & à me ipso mirabiliter negliguntur. Aut non curanda gloria, aut ex grauioribus rebus petenda est.

Cicero in oratione pro Sylla, locum quendam Demosthenis imitatus ostenditur. CAP. XVIII.

VIDE TVR Cicero duobus ex oratione pro Sylla locis Demosthenicum quendam adumbrasse: qua in parte excusat se, quod in reo defendendo multa de seipso dicere cogatur: cuius sermonis impositam sibi esse dicit ab accusatore necessitatem. nam & Demosthenes idem in defendendo Ctesiphonte dixerat: quem quomodo Latinus orator sit imitatus, vt appareat, vtriusque verba describam. Ita igitur Demosth. Εἰ μὲν γὰρ περὶ ὧν ἐδίδωκε μόνον κατηγορήσῃν Αἰσχίνης, καὶ γὰρ περὶ αὐτῆς τῆς κατηγορίας ἐνθὺς ἂν ἀπολογέμην. ἐπεὶ δὲ ἐκ ἐλάττω λόγον, τὰλλα διεξιών, ἀνάλωκε, καὶ τὰ πλεῖστα κατεψεύσατό με, ἀναγκάσθων ἔτι νομίζω καὶ δίχτυον αἶμα, βραχέα, ὧς ἂν δρῶς ἀθηνᾶιοι, περὶ τούτων παρῶτον εἰπεῖν. Cicero autem: *E* quoniam L. Torquatus, meus familiaris ac necessarius, indices, existimavit, si nostram in accusatione sua necessitudinem familiaritatemque violasset, aliquid se de auctoritate mea defensionis posse detrudere, cum huius periculi propulsatione coniungam defensionem officij mei. Pòst autem etiam apertius: Nam si Torquatus Syllam solum accusasset, ego quoque hoc tempore nihil aliud agerem, nisi eum qui accusatus esset, defenderem: sed cum ille tota oratione in me esset inuectus, & cum, ut initio dixi, defensionem meam auctoritate spoliare voluisset, etiam si dolor meus respondere non cogeret, tamen ipsa causa hanc à me orationem flagitasset.

Alius Ciceronis locus è Demosthene expressus.

CAP. XIX.

SUMPTVM ex eadem illa Demosthenis oratione videtur & id, quod in secunda Philippica scriptum est: *Ut igitur in seminibus est causa arborum & stirpium: sic huius luctuosissimi belli semen tu fuisti.* Nam & ille cum Æschinem omnibus calamitatibus, quibus Athenienses conflictati erant, causam præbuisse dixisset, ita id confirmavit: Ο γὰρ τὸ σπέρμα τῷ ἀρχόν, ὅστις τῶν πρώτων κακῶν αἴτιον.

Theocriti ἀδωνιαζῶσαι correctus & explicatus locus.

CAP. XX.

NON puto merem studiosis ingratam facturum fore, quanquam hic Latinorum præcipuè scriptorum causa susceptus à me labor est, si non numquam etiam Græcis opis aliquid afferre coner. iam pridem enim persuasum esse existimo omnibus qui versantur in litteris, sine Græci sermonis cognitione mancam omnem ac mutilam esse doctrinam, & qui eius expertes sint, ab eis ne Latinè quidem scripta penitus percipi. nunc igitur Theocriti versus quosdam, quos neque satis emendatè scriptos circumferri, neque satis intelligi arbitror, quomodo scribendi, quoque modo accipiendi videantur, aperiam. sed primùm eos describam ita, ut legantur:

Γ. Μὰ πῶθεν ἄνθρωπος; τίς δὲ τὴν εἰ κατῆλαι εἰμές;

Πασάμενθ' ὀπίτασε. συρκοσίαις ὀπιτάσεις,

ὡς εἰδῆς καὶ τὸτο. καρίνθαι εἰμές ἄνωθεν,

ὡς καὶ ὁ Βελλεροφῶν, πελοποννασιεὶ λαλούμες.

Δωρίσθεν δ' ἔξῃσι, δοκῶ, τοῖς Δωριέεσσι.

Π. Μὴ φυῇ μιλῶνδες, ὅς ἀμῶν χαρτερὸς εἴη,

Πλάγ

Πλὰν ἐνός. ἢ ἀλέγω μί μοι κενεὸν ὑπομάχη.

Inducuntur autem ibi duæ mulieres Syracusanæ, Gorgo & Praxinoa, quæ profectæ ad spectandâ pompam factorum Adonidis, cùm, qui mos mulierum est, assiduè garrientes, implerent omnia strepitu, & aures eorum, qui propè erant, obtunderent; offensus tanta earum garrulitate hospes quidam, illâmq. ferre ampliùs non valens, subcontumeliosè imperavit eis, ut tacerent. Tum indignata Gorgo, quæso, inquit, quid hoc tandem hominis est? quid verò tua refert, si garrulis esse nobis libet? addit deinde: Πασάμεν ὅτι παρσι. ubi legendum censeo, πασάμεν, non πασάμεν. nequè verò parùm interest. nam πάπιος prima syllaba breui, est γέπουος. ex quo poëtæ, cùm eam syllabam producere volunt, faciunt πάσασαι. at πάσασαι prima longa, est κτήσασαι. unde est πλυπάμμων. estque ea vox Dorum propria. erit igitur πασάμεν, κτησάμεν. atque hoc dicet Gorgo hospiti: Impera ancillis tuis, ὅτι παρσι αἱς κέκτηται. nobis enim cùm imperas, scito te Syracusanis imperare: ne forrè nos viles aliquas & abiectas esse feminas putes. Corinthiæ sumus à prima origine, non minus quàm Bellerophon. Postremò, quoniam hospes reprehenderat eas, tanquam πλοτησθῆσαι, id est, lato & diducto ore pronuntiantes: (erat enim Dorum in Græcia eadem ferè pronuntiatio, quæ in Italia Bergomatium) iccirco addit; se ita loqui, ut in Peloponneso loquerentur: ceterùm non putare, causâ esse vllam, cur nō Doribus Doricè pronuntiare fas esset. In iis autem duobus versibus, qui postea dicuntur à Praxinoa, mihi quidem tenebræ sunt. Nam quod Scholiastes ait, μαλιτώδη vocari Persephonē; vix credibile mihi videbatur, ante quàm legerem Porphyrij Commentario-

lum *πῶς τὸ ἐν ὀδυσεύῃ τῇ νυμφῶν ἄντρει*, qui mihi omnem
 hac de re scrupulum exemit. Ita enim ibi scriptum
 est: Πηγαὶ δ' αὖ νάματα οἰκέαταις ὑδριάσι νύμφαις· καὶ ἐπὶ γε
 μάλλον νύμφαις ταῖς ψυχαῖς· αἳ ἰδίως μελίσσας οἱ παλαιοὶ ἐκά-
 λουον, ἡδονῆς ἕσας ἐργαστικὰς· ὅθεν καὶ ὁ σοφοκλῆς ἐκ ἀνοικείως τῇ
 ψυχῶν ἔφη· Βομβεὶ δ' νεκρῶν σμικρῶν, ἔρχετο δ' ἄλῃ. καὶ τὰς
 δημητρὸς ἱρέας, αἳ τῆς χθορίας θεᾶς μυσίδας, μελίσσας οἱ πα-
 λαοὶ ἐκάλουν, αὐτὴν πετλὴν κόρην, μελιτάδην. Optat igitur
 mulier à Persephone, quæ partibus præest, ne quis
 vnquam nascatur, qui in ipsas imperium exercent.
 addit autem, præter vnum: quoniam alioqui malè
 precari videretur reginæ, & optare, ne quis vnquam
 ex ipsa filius nasceretur. Iam quod sequitur, *ἐκ ἀλέγῳ;*
μοί μοι κενεᾶν ἀπομάξῃς, quam sententiam habere volue-
 rit scholiastes, ipse viderit, cum illa sua præclara ex-
 positione: *μοί μοι κενεᾶν ἀπομάξῃς. μή μοι κενὸν τὸ μέτρον*
ἀποφῆσῃς. & ille alter, qui ita reddidit:

Non metuo, ne mensura tibi ludar inani.

ego non dubito, quin pro *κενεᾶν*, legendum sit *κονίαν*:
 vt hoc mulier dicat: Non vereor, ne in me puluerem
 abstergeas: id est, ne me impunè contemptam ac de-
 spicatam habeas. esset enim extremi contemptus si-
 gnum, si quis puluerem è calceis, aut è veste sua, lu-
 dibrij causa, abstergere in alios vellet. sed & in illo
 versu qui paulo infra est,

Ἄπες καὶ Σπέρχην τὸν Ιάλεμον ἡρίσευσε,

pro *Ιάλεμον*, legendum crediderim *Ιαλέμεν*. Sed & il-
 lud *κενεᾶν* defendit & explicat in Nouis lectionibus
 Canterus: idque ex Aurati sententia. Cedamus igitur
 non inuiti. Aurato enim in litteris aduersari,
 ὅς τις.

M. ANTONII MVRETI

AD HIPPOLYTVM ESTENSEM

S. R. E. CARDINALEM

ILLVSTRISSIMVM,

VARIARVM LECTIONVM

LIBER TERTIVS.

De quorundam admirabili memoria.

CAP. I.

HIPPITAS apud Platonem, tanquam de magno quodam & præstanti bono gloria-
tur, posse se quinquaginta nomina semel
tantum audita recitare. at hoc nihil est,
præut quæ de se Seneca scribit: cuius hæc sunt è libro
primo declamationum: *Sed cum multa iam mihi ex
me desideranda senectus fecerit, oculorum aciem retude-
rit, aurium sensum hebetauerit, nervorum firmitatem
fatigauerit: inter ea quæ retuli, memoria est, res ex om-
nibus partibus animi maximè delicata & fragilis, in
quam primum senectus incurrit. Hanc aliquando in me
floruisse, ut non tantum ad vsum sufficeret, sed in mira-
culum vsque procederet, non nego. Nam duo millia no-
minum recitata, quo ordine erant dicta, referebam: & ab
ijs qui ad audiendum præceptorem nostrum conuenerāt,
singulos versus a singulis datos, cum plures quàm du-
centi efficerentur, ab ultimo incipiens vsque ad primum,
recitabam. nec ad complectenda tantum quæ vellem, ve-
lox erat mihi memoria, sed etiam ad continenda quæ ac-
ceperat. Hæc Seneca: quæ semper mihi mirabilia, ac*

propè dixerim, incredibilia visa erant, donec vidi
ipse, quod nunquam credidissem. Habebat Pata-
uij in vicinia mea homo adolescens, genere Corsicus,
honesto, vt ferebatur, & credibile erat, apud suos lo-
co natus, qui eò venerat ad ius ciuile discendum;
quo in studio ita diligenter & attentè annos aliquot
consumpserat, vt magna iam esset de doctrina illius
hominum opinio. Veniebat autem ferè quotidie in
aedes meas, deuexo iam & inclinato Sole, æstas enim
erat: ibique, quòd aedes satis amplæ erant, satisque
apricæ, aut sub dio ambulans, & cum æqualibus suis
iucundissimè colloquens, aut saltu, aut lucta, aut tri-
gonali pila corpus exercens, festas studiorum labori-
bus vires honestissimè reficiebat. rumor erat, tenere
eum artem quandam memoriæ, cuius auxilio multa
efficeret, quæ credi, nisi spectata, non possent. is cum
ad aures meas perlatus esset, cupido me incessit mi-
rabilia illa & inaudita spectandi. eiusmodi enim in
rebus minimè omnium auditis credulus esse soleo.
visum est igitur, quando ipse domo mea arbitrato suo
vteretur, hoc ab eo quasi *εὐχόμενον* exigere, vt, quod sibi
commodum foret, præsentem me, artis suæ specimen
aliquod daret. ille nihil grauatus, lubentissimo ani-
mo se, cum vellem, facturum esse respondit. placuit.
statim, cum per ipsum mora non esset, vnà omnes
qui aderamus, in proximum cubiculum ingressi, con-
sedimus. cœpi ego dictare nomina Latina, Græca,
Barbara, significantia, nihil significantia, tam varia,
tam nihil inter se cohærentia, tam multa, vt & ego di-
ctando, & puer, cui mandatum erat, vt ea exciperet,
scribendo, & ceteri qui aderant, audiendo atq. expe-
ctando, fessi iam miris modis essemus omnes. ipse
vnus ex omni numero alacer ac recens, assiduè plura
posce-

poscebat. Sed cùm ego ipse modum aliquem fieri oportere dixissem, abunde mihi satisfactum iri, si vel dimidiam partem eorum quę dicta erant, recitare potuisset: tum ille fixo ad terram obtutu, magna nostra omnium expectatione, tacitus aliquādiu stetit. quid verbis opus est? vidi facinus, vt ille ait, mirificissimū. ὁ δὲ δαιμόνιος ἐμὲν exorsus loqui, planè omnia, eodem ordine, nusquam propè insistens, nusquam hæsitans, nobis stupentibus, reddidit. deinde ab vltimo incipiens, sursum versus peruenit ad primum. rursus ita, vt primum, tertium, quintum, ac sic deinceps omnia diceret. quo denique quisque voluerat ordine, sine vlllo errore omnia referebat. idem postea, cùm ei iam familiarior factus essem, sæpè expertus, vsquequaque verum deprehendi. ipse mihi aliquando asseruit, & erat ab omni iactantia alienissimus, se triginta sex millia nominum eo modo recitare posse. Quòdque admirabilius est, ita hærebant omnia in animo, vt vel post annum diceret, se quæcumque memoriæ commendasset, minimo negotio repetiturum. ego certè post multos dies facto periculo, verum comperi. Neque hoc satis. Diuersabatur apud me Franciscus Molinus, patricius Venetus, adolescens optimarum artium studiis mirificè deditus, qui cùm se memoria parùm firma esse sentiret, oraret hominem, vti se artem illam doceret. vix ostenderat se id velle; cùm Corsicus operam ei suam prolixissimè detulit. dictus est locus, dicta hora, ad quam cotidie conuenirent. nondum sex aut septem dies abierant, cùm ille quoque alter nomina amplius quingenta sine vlla difficultate, aut eodem, aut quocunque alio libuisset, ordine repetebat. Hæc ego vix auderem litteris prode-
re, mendacij suspicionem reuerens, nisi & res adhuc

recens esset, (nondum enim annus est) & Nicolaum Lippomanum Petri Alexandri filium, Lazarum Moccenicum Francisci filium, Ioannem Malipetrum Nicolai filium, Georgium Contarenum Laurentij filium, patricios Venetos, optimos & nobilissimos adolescentes, aliosque præterea innumerabiles eius rei testes haberem. à quibus, si mentirer, vanitatem meam coargui nollem. artem verò illam Corsicus accepisse se dicebat ab homine Gallo, quo puer domestico præceptore usus esset. Huic ego ne ex antiquitate quidem, quem opponam, habeo: nisi fortè Cyrum, quem Plinius, Quinctilianus, & alij Latini scriptores tradiderunt, tenuisse omnium militum nomina. Sed hoc, ut verum fatear, semper veritus sum, quàm consideratè atque exploratè tradidissent. Xenophon enim, à quo illi vel vno, vel præcipuè, quæ de Cyro dicebant, accipere potuerunt, istud tam incredibile non dicit; sed tantum cum tenuisse nomina *οἱ ὅφ' αὐτὸν ἠγεμόνων*. quod ut in imperatore laudabile est, ita non excedit fidem. Locus, si quis requirit, est libro quinto *παιδείας*. Fieri autem potest, ut Latinorum aliquis, qui locum illum Xenophontis malè accepisset, alios postea auctoritate sua in errorem induxerit. hoc enim non semel nouimus cōtigisse. sed tamen hac de re nihil affirmo. Non erit alienum, ut puto, ascribere hoc loco distichon, quo Simonides, qui eius, de qua locuti sumus, artis pater fuisse traditur, iam octogenarius gloriatus est, neminem sibi memoria parem esse.

Μνήμην δ' ἔπνεέ φημι Σιμωνίδῃ ἰσοπαρίζων

Οὐδ' ὀνηκότε τιτὶ παίδι Λεωπαρέτῳ.

At Apollonius Tyaneus, cum centum haberet annos, tum quoque memoria excelluisse fertur.

Sublata

*Sublata menda quæ in hæserat in Euripideo versu
apud Porphyrium . Item de forma dignitate
quædam non indigna cognitu.*

CAP. II.

C V M Porphyrij libellus De quinque vocibus, quo via muniri putatur ad totum illud corpus librorum Aristotelis quod ὄργανον vocant, teratur quotidie omnium manibus, mirum est tam diu in eo insedisse mendum quoddam, quod nunc indicabo. etsi enim non est eiulmodi, vt cuiquam errorem possit obijcere; tamen in bonis libris vt ne qua vel minima macula insit, opera danda est. Porphyrius, vt probet, εἰδέναι ὅτι ὁ δὲ λέγει de forma corporis ea quæ sub aspectum cadit, ex qua formosi aut deformes nominantur, citat hunc Euripidis versum:

Πρῶτον μὲν εἶδος ἀξίον περιγνῖνδαι.

ita enim vulgò legitur: cum tamē non ἀξίον, sed ἀξίως legi debeat. siquidem erant hæc verba apud Euripidem cuiuspiam optantis videre è filiis, vt opinor, suis maribus procreatos mares, qui primùm quidem ea forma essent, in qua inesset regalis quædam dignitas, deinde aliis etiam bonis excellèrent. hoc cognoscere est de Stobæo, apud quem ἐν τῷ ὑπὲρ κάλλους λόγῳ hæc scripta sunt:

Ἰδοιμι δ' αὐτῶν ἔκρον' ἄρρεν' ἀρρένων,

Πρῶτον μὲν εἶδος ἀξίως περιγνῖνδαι.

Πλείων γὰρ ἀρετὴ τῷ ὑπάρχοντι ἐν βίῳ,

Τὴν ἀξίωσιν ἢ καλῶν τὸ σῶμα ἔχειν.

Vt autem Euripides quandam formam esse voluit quæ regium quiddam haberet: ita Plautus; qui eam etiam formam regiam dixit:

Sed ubi Artotrogiſt? Hic est. ſtat propter virum

Fortem atque fortunatum, & forma regia.

Xenophon quoque in conuiuio ait, φύσει βασιλικόν π τὸ κάλλος ἔν. Aristoteles primo politicôn affirmat, si qui reperirentur ea corporis pulchritudine, quam in deorum statuis ceruimus, neminem dubitaturum, quin eos aliis omnibus imperare oporteret. Idemque libro quarto & libro septimo ait, Æthiopas & Indos in mandandis imperiis, proceritatis ac pulchritudinis habere rationem. & notum est, multatum à Lacedæmoniis Archidamum regem, quod exiguam duxisset uxorem: querebantur enim, non reges, sed regulos sibi procreatum iri. Ita enim hoc dictum commemorat Athenæus libro xiii. βασιλίσκοις ἀντὶ βασιλείων. At Plutarchus, ἐν τῇ περὶ παίδων ἀγωγῆς, paulò aliter: ἔβασιλέας, ἀλλὰ βασιλίδας.

Locus Terentij è Phormione illustratus.

CAP. III.

ITA scripti leguntur in omnibus libris hi versus è Terentij Phormione:

PH. *Ἰνὸν verò τῇ uxorem cedo.* DE. *Ἰνὸν ius ambula.*

PH. *Ἰνὸν ius? enim uerò si porro esse odiosi pergitis.*

ego autem in scholiis quibus non nullos eius poëtæ locos illustraui, fassus sum, mihi non satis constare, quid de illo in ius facerem. nam & non inuenustam esse illam repetitionem, & confirmari auctoritate librorum veterum, & tamen versum, ea recepta, vno pede, quàm deceret, fieri longiorem. postea autem mihi venit in mentem, solitos esse olim histriones talia quædam de suo in recitandis fabulis addere; ut oratio quotidianæ similior videretur: id quod & Demetrius in libello περὶ ἑρμηνείας prodidit: & multa eius rei vestigia in Euripidis fabulis reperiuntur. quorum aliquot hoc loco proponam: ut, quod dico, clariùs ab omni-

omnibus perspicui queat. Ita ergo loquitur Polydorus in Hecuba;

φεδ. ὦ μῆτερ ἥ τις ἐκ τυραννικῶν δόμων,
vbi illud φεδ, extra versum est, ab histrione additum,
& in eadem Agamemnon:

Εἴα. Πολυμήτορ ὦ δύσατε, τίς σ' ἀπώλεσιν;
& Clytæmnestra in Iphigenia in Aulide:

φεδ. Πῶς ἂν σ' ἐπαινέσαιμι μὴ λίαν λόγῳ;
& Medea: Εἶεν. καὶ δὴ περναῖσι τίς με δέξει πόλιν;
Sed talia multa colligere, nihil negotij fuerit. Vt ergo
illa φεδ, εἶα, εἶεν, sunt extra versum; sic & illud, In ius?
eiusdem generis esse apud Terentium puto,

*Duo genera loquendi, quibus Latini poëta vtuntur,
à Græcis accepta esse. CAP. II II.*

VIRTUTEM Catonis pro Catone ipso dixit Horatius in hoc versu,

*Narratur & magni Catonis
Sapè mero caluisse virtus.*

& alibi quoque eodem genere loquendi vsus est:

Virtus Scipiade, & mitis sapientia Lali.

Dictum autem id est ad Græcorum poëtarum consuetudinem, qui βίω η̄εγκληίω, & βίω ιφικληίω pro Hercule & Iphiclo dicunt, ad eundemque modum alia multa: quod & alij notarunt, & Plutarch. in lib. aduersus Coloten. sed & eiusdem generis est, quod Turni corpus pro ipso Turno Virgilius dixit,

—quo pulchrior alter

Non fuit, excepto Laurentis corpore Turni.

ita enim & Eurip. Εγὼ τὸ μὲν σὸν σῶμα ὑφ' ἐπερ ἡνύχευ,

Σώζεις ἐτοιμὸς εἰμι. & alibi:

Ἀλλ' εἰσερῶ γὰρ τῆδε διαπύτου δέμας

Ἀγαμέμνονα,

& in

& in Phœnissis, οὐδὲ δέμας ἐν πάσῃσι. ut ergo illi Græ-
cadicendi genera exprimebant, ita facere oporteret
eos, qui se nostris tēporibus poëtas perhiberi volunt.

Æris Corinthij temperatura quomodo inuenta.

CAP. V.

SUPER ære Corinthio, quænam illius origo fue-
rit, varia tradita sunt ab antiquis. Plinius casu mistū
esse ait, Corintho, cū caperetur, incensa. L. quoque
Florus eandem sententiam sequitur, à quo ita hac de
re scriptum est: Æris notam pretiosorem ipsa opu-
lentissimæ vrbis fecit iniuria: quia incendio perustis
plurimis statuis atque simulacris, æris, auri, argenti-
que venæ in commune fluxere. At alij vnam modò
antiquis temporibus domū Corinthi arsisse dicunt,
in qua cū auri argentique nonnihil inesset, æris au-
tem magna vis; commista illa, & in eandem confusa
massam, ex eo metallo cuius maior inerat pars, Co-
rinthij æris nomen acceperint. Alij etiam, quod pro-
pius ad veri similitudinem accedere videtur, narrant,
ærarium quendam fabrum Corinthi fuisse, qui cū
incidisset in thecam auri plenam, eamque sibi abstu-
lisset, ne id resciretur, metuens, dissectum in minutas
particulas aurum paulatim æri admiscuerit, admira-
bilēmq. illam temperaturam effecerit, qua magnas
sibi opes postea comparauit.

*Indicata vetus scriptura duum locorum è libro secun-
do de Diuinatione.* CAP. VI.

BENE & emendatè scriptus erat in veteribus li-
bris locus hic è secundo de Diuinatione: *Ad nostri
augurij consuetudinem dixit Ennius:*

Quom tonuit lauum bene tempestate serena.

At

At Homericus Vlysses apud Achillem querens de ferocitate Troianorum, nescio quid hoc modo nuntiat:

Prospera Iupiter his dextris fulgoribus edit.

atque ita eum legit Petrus Marsus: indicatque, verum esse sumptum ex Iliados nono. ut valdè mirer; quæ fuerit eorum audacia, qui Aiacem postea pro Vlyssè scripserunt. Nam quod Victorius credidit esse *μνημονικὸν* Ciceronis *ἀμάρτυρα*, non viderat videlicet veteres libros, neque commentarium Marfi. Quem si legisset, cognouisset etiam, se non valde necessitatem operam sumere in emendando quodam loco è primo eorundem librorum: ubi de Iamidarum familia mentio est. eum enim Marsus & probè ac incorruptè scriptū repererat, & eruditè interpretatus erat, adducto eo ipso Pindari loco, quem adduxit postea Victorius. Iniquum autem puto, quenquam sua laude fraudari: ideoque verum harum emendationum auctorem indicaui. neque dubito, quin Victorius ipse, què ut insigniter eruditum esse video, ita insigniter probum & planè ingenuum esse audio, si & hæc, & alia quædam, quæ ut noua profert, ab aliis notata sciuiſſet, aut non attigisset, aut suis auctoribus accepta retulisset. quod idem mihi etiam de aliis quibusdā eruditissimis hominibus facilè persuadeo. Elegan-tem enim & liberalem doctrinam liberalis etiam natura plerumque comitatur.

Cur Tibullus porcum hostiam mysticam dixerit..

CAP. VII.

NON satis, quod sciam, à quoquam explicatum est, cur Tibullus porcum hostiam mysticam vocauerit, eo versu,

Hostiaq; è plena mystica porcus hara.

quin-

quinetiam eius rei ignoratione, in quibusdam libris
 è mystica factum est, rustica. sciendum autem est, in
 iis Cereris sacris quæ mysteria dicebantur, eam con-
 suetudinem fuisse, ut quisque pro se Cereri porco fa-
 ceret. seu quod animal illud infestum Cereri crede-
 rent: quia semina pando, ut ait Ovidius, cruisset ro-
 stro, anni que spem interceptisset; ob idque deam eius
 cæde gaudere crederet: seu quod è suillo rostro aran-
 dæ & inuertendæ terræ ratio primùm accepta esset:
 nam id quoque multi prodiderunt. neque sanè satis
 conuenit inter antiquos scriptores, de causis, ob quas
 hoc aut illud animal huic aut illi deo immolaretur.
 alij enim, quod cuique deo gratissimum esset, id ad
 illius aras mactari solitum aiunt. itaque equus Martis
 erat hostia. & quod aper Adonin interfecisset, apro
 Veneri rem diuinam fieri nefas erat. alij, quod quisq.
 deus odisset, eius potissimè illū cæde oblectari puta-
 bant. itaque Nocti sacrificabatur gallus gallinaceus:
 quod cātu suo diem prouocare, noctē fugare videret-
 ur. capra Palladi: quod oleam insigniter læderet. Sed
 vtra de causâ porcus Cereri caderet: illud certè ob-
 seruabatur, ut & præpinguis esset, & nulla sui parte
 mancus ac mutilus. quod etiā vniuersè in toto victi-
 marum genere seruabant. ergo porcos mysticos aut
 mystericos vocabant, qui pinguiissimi & integerri-
 mi essent. Plautus sinceros sacres vocat. quare Mega-
 rensis ille Aristophaneus, qui filias suas pro porcis
 vendere cuperet, iubet eis, ut saccum ingressæ ita
 grunniant, ut porci mystерици esse videantur:

Κ' ἢ φάτεν ἐς τὸν σάκκον ὧδ' ἐσθλαίνετε.

Ὅπως ὃ γρυλλίζετε καὶ κοίζετε,

Χ' ἢ σείτε θωνὰν χοίρειων μυστηρικῶν.

& paulo post interrogatus à Dicæopoli, quid ferret,
 por-

porcas se mysticas ferre responderet.

Δι. π δαὶ ἐξέεις; Μ2. χολέας ἐζώνγα μυστικάς.

C. *Verris qua ex gente fuerit. emendatus locus è libro quarto accusationis.* CAP. VI II.

ORIVNDVM è gente Cornelia fuisse C. Verrem, à quibusdam Romanarum antiquitatum peritissimis hominibus traditum est: quod tamē mihi persuaderi nō potest. vix enim verisimile videtur, è tam illustri gente ortum eum, cuius pater fur ac diuisor fuisse dicatur. Sed & illud non inmerito miretur aliquis: hoc, quod isti volunt, posito, cur nullum eum Cicero gentis nomine appellauerit: præsertim cum illud ipsum iudicium lege Cornelia exerceretur. non enim obscurum est, ex eo sententiā quampiam aptam & accommodatā ad exasperandos iudicum animos, facile potuisse duci. sunt & alia non pauca, quæ mihi quidem videntur aliquid iustæ admirationis habitura, si Cornelium eum fuisse fateamur. nituntur autem, qui hoc dicunt, argumento, quod sciam, vnico. aiunt enim libertum quendam Verris à Cicerone Cornelium Haruspitem vocari. Sed ego eum omnes accusationis libros & sæpe & diligenter euoluerim, videor affirmare posse, nullam in eis esse istius Corneli mentionē. ipsi igitur viderint. Cornelius quidem Verris liCTOR libro primo accusationis nominatur. Sed quid ad Verris gentem ea res pertinet? Fieri ergo potest, vt fallar: nunquā enim harum rerum valde diligēs indagator fui: non equidem quo eas contemnam ac despiciam; sed quod diffidam parem esse me posse perferendo labori, quem video capiendum esse iis qui subtiliter talia perscrutari volunt: & alioqui suo quisque studio ducitur. quare, vt antè dixi, fieri potest, vt fallar: sed tamen existimo, ipsum

psum Verris nomē gentilicium esse. Hoc arbitror colligi posse è fine libri secundi, vbi de illa tabularum corruptione sermo est, in quibus Verres se pro Verre Verrutium fecerat. nam si in illis ita scriptum fuisset, C. CORNELIVS VERRES, non sanè oportuerat, ex Verre fecisse Verrutium. neq. procederēt illa, quæ à Cicerone vrbaniſſimè dicta sunt: *Respōde mihi nunc tu Verres, quem esse hunc tuum pane gentilē Verrutium putes*. nam nominis cū cognomine similitudo nihil ad gentilitatem pertinet. Alium locum proferam, qui hoc quod dico, ita manifestò confirmet, vt vix vllum dubitationi locum relictum iri putem. atque hunc eo recitabo libentius, quòd & in vulgatis libris corruptè legitur, & quidam emendare conati, magis etiam corruerunt. Ita igitur Cicero libro quarto accusationis: *Ridiculum est nunc de Verre me dicere, cum de Pisone Frugi dixerim. veruntamen, quantum intersit, videte. Iste cum aliquot abacorum faceret vasa aurea, non laborauit, quid non modò in Sicilia, verumetiam Roma in iudicio audiret. ille in auri semūcia totam Hispaniam scire voluit, unde pratori annulus fieret. nimirum vt hic nomen suum comprobauit, sic ille cognomen. Nunquam, vt opinor, ita locutus esset Cicero, si & Verres, & Frugi cognomina fuissent.*

Correctus Plauti locus è Milite glorioso.

CAP. IX.

APVD Plautum in Milite glorioso ita vulgo leguntur hi versus:

*Nam ego hanc macheram mihi consolari volo,
Ne lamentetur, nène animum despondeat,
Quia se iam pridem feriatam gestitem,
Quæ misera gestit fractum facere ex hostibus.*

Cum

Cum autem illud, fractum facere, deprauatum esse, liquidò constaret, homo eruditissimus, cuius labore & industria Plautinæ fabulæ plurimis sanè locis emendatiores leguntur, scribendum eo loco censuit, fratrem facere. &, quoniam fratres interdum à Græcis *φράτρι* dicuntur, qua in voce eiusdem sanguinis significatio est, iccirco hoc militem dicere credidit, cupere machæram, tingi hostium sanguine. quod si reciperem, fratres tamen potius legerem, quàm fratrem: ne perturbata numeris esset oratio. sed suum cuique, ut dicitur. mihi displicere nondum potest ea coniectura, quam, cum adolescētulus in Gallia Plautinas fabulas explicarem, iamdudum de hoc loco feceram. *fractum* enim legendum admonueram, ubi vulgo legitur *fractum*. atque ea voce *farcimen*, ut *isitium*, aut eius generis aliquid, credideram indicari. ut, quoniam tales cibi è carnibus minutissimè dissectis confici solent, diceretur machæra gestire hostes ita minutatim cōcidere, ut ex eis *farcimē* fieri posset.

Quæ se facturos iurauerint Græci cum Xerxis copiis congressuri. CAP. X.

PRÆCLARVM sanè & magni animi plenum est iusiurandum illud, quo se obstrinxerunt Græci omnes cum aduersus copias Xerxis dimicaturi essent. id autem in hæc verba cōceptum est. Vitam libertate pluris non faciam. neque deseram imperatores, neque viuos, neque mortuos, sed eos è fociis, qui in prælio occubuerint, omnes sepeliam: & ubi barbaros deuicero ex iis quidem ciuitatibus quæ pro Græcia pugnaverint, nullam deuastabo: quæ autem barbari partes sequi maluerunt, omnes decimabo. fanorum quæ à barbaris incensæ & diruta sunt, nullum omni-

no excitabo. sed sinam, impietatis barbaricæ extet in omni posteritate monumentum. Adscribam & Græcâ, si quis ea fortè cognoscere cupiat. Οὐ ποιήσονται οὐδὲ πλείον· τὸ ζῆν τ' ἐλάττω· εἰ δὲ καταλείψω τὴν ἡγεμόνας, ὅτε ζῶντας, ὅτε ἀποθανόντας. ἀλλὰ τὴν ἐν τῇ μάχῃ τελευτήσαντας τ' συμμάχων ἀπαντας θάψω. καὶ κρατήσας τῶν πολέμων τὴν βαρβάρους, τῶν μὲν μαχεσαμένων ἑσθλὰ τ' ἐλλὰδ· τὴν πόλεων ἐδευίαν ἀνάσσειν ποιήσω. τὰς δὲ τὰ τῶν βαρβάρων παρελόμενας ἀπάσας δευγύσω. καὶ τ' ἱερῶν τ' ἐμπροθέεντων καὶ καταβληθέντων ὑπὸ τῶν βαρβάρων ἐδὲν ἀνοικοδομήσω παντάτασιν. ἀλλ' ὑπόμνημα τοῖς ὀπινημένοις ἑάσω καταλείπειν τ' τ' βαρβάρων ἀσέβειας.

Locutio quedam, quæ Euripidis esse credebatur, reiecta: & ipsius poetæ emendatus locus.

CAP. XI.

TRADITVM est à quibusdam, & quidē iis in libris, qui clarissimi, & vtriusque linguæ intelligentia præcellentissimi viri Gulielmi Budæi nomen præferunt, καλλίνικον φέρεσθαι apud Euripidem legi, pro eo quod est, victoriam reportare. ego autem, qui poëta illo singulariter oblectatus sum, plurimumque studii in eius fabulis posui, præstare ausim, nusquam id loquendi genus apud ipsum reperiri; sed eos ita putasse, inductos in errorem, his è Medea versibus:

Δεινὴ γῆ. ὅτοι ῥαδίως συμβαλὼν

Ἐχθραν πρὸς αὐτῇ, καλλίνικον οἶσε.

cùm tamen ibi legendum sit, ἄσεται, non οἶπται. est enim καλλίνικον genus cantilenæ, quod canebatur victoribus, quos etiam honoris causâ καλλινίκους appellabant: vt, Iopæan, aut, Io triumphæ. idque disertè tradidit Athenæus libro xiiii. tripudiantes autem eam cantilenam canebant. vnde apud eundem poëtam in Hercule furente,

Τὸν καλλίνικον μὲν θεῶν ἐνώμασιν.

ait igitur nutrix, non facile fore, ut præana canat, quæ cum Medea inimicitias susceperit. ne quis autem dubitet, quin ita, ut dixi, legendum sit, proferam alium locum similem ex eodem poëta, eaque, quam proximè nominaui, fabula, ubi senum chorus se ait Herculi reduci καλλίνικόν canere velle. Versus hi sunt:

Επὶ τὰν Ἡερκλέους

Καλλίνικον αἰέσω.

& in Electra: ἀλλ' ἐπάειδε καλλίνικον φῶδ' ἂν ἐμῷ χορῷ.

Atticam loquendi genus, quod imperiti ex Euripidis Hecuba sustulerant, restitutum.

C A P. X I I.

A R V D Euripidem Hecuba, versus hi sunt Vlyssis Hecubam alloquentis:

Οἷδ' οὐκ ὁ δράσεις; μήτ' ὑποσσεσθῆς βίη,

Μήτ' εἰς χερῶν ἄμυλλαν ἐξέλθης ἐμοί.

in quorum priore erratum est ab iis qui Atticæ linguæ imperiti essent. non enim scribendum erat, Οἷδ' ἔν' ὁ δράσεις; sed, Οἷδ' ἔν' ὁ δρᾶσιν; quod valet quidem planè idem cum illo superiori: sed venustius, & ἀττικώτερον dicitur. Itaque scholiastes quoque ita legit: & simile exemplum è Menandro citat,

Οἷδ' ὁ, π ποιήσιν;

Ego autem sæpe admodum Euripidem ita locutum annotavi. ut Iphigenia in Aulide:

Οἷδ' οὐκ ὁ δρᾶσιν ὦ γυνῆαι; πιδὸς δέ μοι.

& in Helena:

Οἷδ' οὐκ ὁ δρᾶσιν; τ' παρ' αὐτῆς λαδοίμεθα.

& in Ione:

Οἷδ' οὐκ ὁ δρᾶσιν; χεῖρ' ἐξ ἐμῆς λαβὼν

χρυσὸν μ' Ἀθάνας, & cetera. sed & alii Attici eodem

modo locuti reperiuntur. vt Aristophanes in Auibus,

Οἷδ' οὐκ ὁ δρᾶσιν ὦ πρόχυλε; τὸν δεσπότην

Ἡμῖν κάλεσον.

quare sine controuersia ita etiam in illo ex Hecuba versu legendum est. etiamque illud, quod in Cyclope ita legitur,

Οἷδ' οὐκ ὁ δρᾶσιν, ὥς ἀπαύρωμεν χθονός;

eodem modo emendandum facile crediderim.

Antelogium quid. Plauti è Menachmis correctus locus. CAP. XIII.

QVOD dixi suprâ, cùm, quid valeret apud Ciceronem, in acta, explicarem, Siciliam eo olim sermone vsam, qui neque planè Græcus, neque planè Latinus, sed quasi cinnus quidam ex utroq. mistus esset: id & è Cicerone, & è Q. Asconio intelligi potest. Plautus autem, qui iocâdi occasionem vndique quæreret, in Menæchmis, quòd ea fabula, ut ipse ait, Sicilissitabat, nomen quoddam finxit è duabus vocibus, altera Latina, & Græca altera iunctum. Antelogium enim dixit pro eo, quod olim Pacuuius dixerat prologium. quod qui non intelligebant, ex Antelogium, fecerunt ante elogium: cùm tamen elogium nihil neque Græcis, neque Latinis significet: vt alibi docebimus. sed præstat Plauti versus subiicere, simul enim alia corrigentur.

Atque adeò hoc argumentum Gracissat tamen:

Verùm non Atticissat, at Sicilissat.

Pabergenſis Plauti corrector, præter cetera peccata, è secundo horum versuum detraxerat particulam, at: deinde cùm animaduerneret, vna syllaba minus esse, quàm requireret lex carminis; pro Sicilissat, scripsit, Sicilicissat. acutè. Siciliciam pro Sicilia hac ratione diceremus. sequitur:

Huius argumento antelogium quoddam hoc fuit.

Idem, vna lepidissima voce lacerata, nullo sensu scripsit, ante elogium. & pro, quoddam, quidē. sequitur:

Nunc argumentum vobis demensum dabo,

Non modio, neque trimodio, verum ipso horreo.

Tanta ad narrandum argumentum est benignitas.

Tanta enim legi debet: nō, vt in illius libris, tantum. quippe cū hoc dicat, tantam esse sibi benignitatem ac largitatem ad narrandum argumentum, seque ita illius esse ~~πομπήν~~, vt daturus sit illud demensum, non modio, neque trimodio, verum ipso horreo. Sed & ex eadem illa, de qua dixi, Siculorum consuetudine, ioco dictum est in eadem fabula, Epidamni nomen iūctum esse ex ἐπὶ, & damnum: quia illuc nemo ferē, nisi damno suo, diuertere soleret. quod omen fugiens populus R. antiquum oppido restituit Dyrrachii nomen. Hæc à me ante hos quindecim annos edita, nuper Cælius quidam pro nouis ac suis venditauit.

Historia de oraculo quod Peleo redditum est.

Xenophontis locus correctus.

CAP. XIII.

QUI crebrò Veneri operantur, eorum genitalem humorem liquidiorē, iccircoque minus aptum ad generandum effici constat. quare inter ea quæ præcipi solent iis qui liberos procreare cupiunt, id quoque est, vt congressu Venereo non ita frequenter vtantur. atque is erat sensus oraculi quod Aegeo quondam redditum traditur. qui cū petiisset à deo indicari sibi rationem aliquam, qua pater fieri posset; multos enim iam annos frustra vxoris hortum conseruerat: responsum hoc tulit:

Ne soluas ex utre pedem qui prominet, ante

Cecropia pingues quàm sis delatus in agros.

ita enim putavi hos versus reddi utcumque posse:

Τὸν προὔχοντ' ἀτρεῖ ποδῶν ὃ φίλτατε λαῶν

Μὴ λύσαι, πρὶν ῥωμῶν Αθηναίων ἀρκεῖσθαι.

Utrem vocabat deus vĕtrem ipsius Aegēi: ex quo qui promineret ποδῶν, nihil vĕlo opus est Ōedipo ad intelligendum. illo igitur verborū circuitu prācipiebat, vt se vxori castum & integellum seruariet, afferretque ad eam graues & plenos probatæ pecuniæ loculos. Illud quoque cognitum est & ratione & experientia, si quid gignatur ab iis qui se nimis sæpe in illa palæstra exercēt, infirmum id atque imbecillum esse: cūm contrā qui parcē ac bono modo id faciunt, rōbastiores plerumque ac solidiores filios edolent. Quam ob causam Lycurgus instituerat, vt noui mariti & rarō & furtim congregarentur cum vxoribus: hac ratione iudicans fore, vt & ardentius se mutuo desiderarent, & vegetiores liberos producerent. Xenophontis verba, quibus hoc de Lycurgo exponit, hæc sunt: ἔθηκε γὰρ αἰδεῖσθαι μὲν εἰσόντα, αἰδεῖσθαι δὲ ἐξίόντα. ἔτω δὲ συνόντων, περὶ νεότερος μὲν ἀνάγκη σφῶν αὐτῶν ἔχειν, ἐρρωμένους δὲ γίγνεσθαι, ἐπὶ βλάσειν, οὐ τῷ μᾶλλον, ἢ εἰ διακοροὶ ἀλλήλων εἶεν. Recitavi autem illa, vt legi debere censeō, non vt vulgo leguntur. in omnibus enim, quos ego quidem viderim, libris, pro βλάσειν, legitur βλάπτειν. qui primo aspectu pusillus error quas Frācisco Philelpho tenebras offuderit, scient, qui interpretationem illius inspexerint. quin autem verbum βλαστάνειν, ab iis quæ oriuntur è terra, elegantissimè ad homines transferri potuerit, dubitaturum existimo neminem.

Xenophontis alius locus correctus.

CAP. XV.

MVLTÀ deprauata sunt in Xenophontis libris: plura, malè intellecta ab iis qui eos in Latinū sermonem

nem conuertere studuerūt: quale est quod modò protulimus: itidemque quod nunc prolaturi sumus. sed hoc Xenophontis proprium non est. optimi quique scriptores & Græci, & Latini, quanquam Græci magis, sed tamen & Græci & Latini ita multis vlceribus scarent, vt vix eorum πολλοσημέριον quoddam sanum integrumque permanferit. Indoctorum autem audacia nunquam solutior, nunquam proiecior, quàm nostris temporibus, fuit. Conuertunt, aut inuertunt potius, & peruertunt omnia, philosophos, poëtas, oratores, historicos, rhetores, grammaticos, etiàm ea quæ naturam, vt verti possint, non habent: suntque ita impudentes, vt quæ se intelligere profiteri non audent, audeant interpretari. Quo magis laudanda est Petri Viëtorii, Pauli Manutij, Adriani Turnëbi, præclarorum hominum, ac primorum, signiferumque, & aliorum similium industria: qui omne studium suum eò conferunt, vt omnes, καθ' ὅσον οἶόν τε, maculas ex antiquorum monumētis eluant; & labore suo laborē minuunt iis, qui ex animo aspirant ad veteres illos vero ac serio intelligendos. Equidem neque horum institutum satis laudare, neque illorum impudentiam satis mirari queo: neque satis miserari eorum vicem, quibus, quòd aditum sibi ad fontes patefacere neglexerint, ex impuris illis ac turbulentis talium interpretum lacunis hauriendum est. Sed opprimamus hæc, & quod instituimus, vnum etiam mendum è Xenophonte tollamus. & si enim parum videri potest, cùm tam multa sint, vnum aut alterum tollere: tamen nihil est tam pusillum, quod non auidè accipi debeat, quod quidem ad tam politum, tamque vtilem scriptorem pertineat. Paruum est, quod afferimus; sed magnus is, quem adiuvamus. Ergo in

libello de rep. Lacedæmoniorum, cū dixisset ita
 instituissē Lycurgum publica illa ciuium suorū con-
 uiuia, vt neque deessent epulæ, neque superessent,
 addis: Πολλὰ δὲ καὶ παράλογα γίνετ' ἀπὸ τῶν ἀργευσμένων.
 οἱ δὲ πᾶσι τοῖς εἶσιν ὅτε καὶ ἀργὸν ἀντιπαραβάλλουσιν. ὥστε ἔτε ἑρημός
 ποτε ἢ τράπεζα βρωτῶν γίνεται, ἔς' αὖ διασκεψίσιν, ἔτε πο-
 λυδάπαν. quæ verba ita interpretatus est Philelphus:
 Permulta quoq. ab otiosis & absurda patrari solent.
 ac locupletes interdum otiosi similitudinem reddūt.
 proinde neque vacua cibus mensa vnquam fit, quo ad
 discubuerint; neque item sumptuosa. In quo illud
 primum est, quod admirer. crediderit ne reuera, id
 quod ipse diceret, è Xenophontis verbis colligi pos-
 se. si enim ita credidit, valde stupidus, valdeque im-
 peritus fuit. sin, cū sibi conscius esset, Xenophon-
 tem nullo modo hoc dicere: quiduis tamen maluit,
 quàm institutum omittere, & abiicere illas paucas
 paginas, quas iam conuertisset, & conuertere se ad
 aliquid aliud, quod præstare posset: hoc, inquam, si
 fecit. nolo quicquam asperius dicere. malo in aliorum
 cogitationibus relinquere, quo illum nomine fuissē
 dignum putem. Deinde illud libenter ex eo, si viue-
 ret, quærerem: illa absurda, quæ patrari ab otiosis
 diceret, quid tandem ad conuiuia attinerent: aut qua
 ratione fieret, vt, quia multa absurda patrarentur ab
 otiosis, iccirco mensa neque inanis, neque sumptuosa
 esset. sed ego fortasse culpandus, qui tam apertam
 stultitiam tam multis verbis insecter. Locus Xeno-
 phontis corruptus est. hoc primum. ita autem corri-
 gēdus videtur: vt pro ἀργευσμένων, quod verbum nihili
 est, legamus, ἀργευσμένων: & pro ἀργὸν, ἀργεαν. Ita hoc
 dicet Xenophon: præter quotidianum illum & legi-
 timum apparatus, multa inexpectata afferri solita ab
 iis qui

iis qui venati essent. Illi enim libenter ea quæ ceperant, ad publicas illas mensas afferebant. interdum etiam diuites afferre solitos aliquid, quo quasi compensarent aliorum capturam: ne viderentur a symboli venire ad ea fruenda quæ alieno labore parta essent. Hac ratione mensa sine magno sumptu commodè instruebatur.

Particulam ε, è quodam loco ex apologia Socratis apud Platonem, delendam videri.

C A P. X V I.

ACCUSATORES Socratis, ut eius orationi fidem detraherent, eamque suspectam iudicibus efficerent, præmonuerant eos, ut cauèrent sibi: multum enim eum posse dicendo, & habere eam vim eamque calliditatem, ut inferiorem causam dicendo efficeret superiorem. Quare Plato in defensione, quam homini sanctissimo scripsit, ita eum, cupientem amoliri à se illam opinionem, loquentem facit: ut dicat se mirari quid ipsis venerit in mentem id dicere, quod ipse statim re ipsa refutaturus esset: locuturum enim non ornatè & exquisitè, sed simpliciter ac populariter, ut soleret. itaque sperare, omnes facilè iudicaturos, se minimè esse, quod illi dixerant, δεινὸν λέγειν. addit deinde: εἰ μὴ ἄρα δεινὸν χαλεπὸν αὐτοὶ λέγειν, τὸν τ' ἀληθῆ λέγοντα. εἰ δὲ τῷτο λέγουσιν, ὁμολογεῖν αὐτὸν ἔγωγε ὡς κατὰ γένος εἶναι ῥήτωρ. Sed ego ex illo ε κατὰ γένος, particulam ε, delendam putarem: ut hoc diceret Socrates: si illi fortè aliter acciperent nomen eloquentis, quàm vulgus soleret: & eloquentem vocarent non eum qui ornatè diceret, sed eum qui vera loqueretur: se tunc fassurum, se non illo vsitato ac populari modo, sed ex ipsorum sententia rhetorem esse. Marfilius tamen

illud i, agnoscit, & alio quodam modo exponit: cui non assentior.

Emendatus Plauti locus è Milite glorioso.

CAP. XVII.

PLAUTINI versus sunt è Milite glorioso:

Quid istuc quaeso? quid oculo factum est tuo?

PL. *Habeo quidem hercle oculum.* PYR. *at laeuum dico.* PL. *eloquar.*

Maris caussa hercle ego hoc vtor oculo minus.

Nam si abstinuisssem à mari, tanquam hoc vterer.

in quibus cum iocus elegantissimus, & Plautino dignissimus ingenio subsit, vna litterula deprauata ita eum corrumpit, vix vt à quoquam sentiri queat. nam cum Atheniensis ille adolescens, qui ornatu naucle-rio amicam à milite per fallaciam abducturus vene- rat, oculum sibi laeuum, ne agnosceretur, obligasset: interrogatus à milite, cur id faceret, vrbanius re- spondet, se id maris caussa facere. nam, inquit, si amare abstinuisssem, eo æquè atque altero vterer. lu- dit autem militem ambiguitate vocabuli. cum enim dicere videatur duabus vocibus, si à mare abstinuif- sem; non id dicit: sed, si amare abstinuisssem. reuera enim amor ipsi in caussa fuerat, vt eo oculo minus vteretur: aut saltem ita fingeret. Mare autem sexto casu dixisse veteres constat. Sic Varro:

Clauditur Oceano, Libyco mare, flumine Nilo.

Sed & Ouidius: — *Et Libyco*, inquit, *de mare carpat aquam.* ita igitur Plautinus ille versus legendus est:

Nam si abstinuisssem amare, tanquam hoc vterer.

Hoc quoque pro suo nuper edidit Cælius: sed Se- cundus. Ego enim abhinc quindecim annos primus edideram.

Lentos debitores aliter à Cicerone, aliter à Lucilio dictos: Lucilii versus apud Nonium emendati.
CAP. XVIII.

LENTOS vſitatè vocamus tardos & ſegnes: oppo-
niq. tum id nomen prompto ac celerì videtur. inter-
dum autem lentum aliter accipimus: vt cùm lentum
vimen dicimus: & cùm Virgilius lentam ſalicem: &
— *lento ducunt argento.* lentum enim tum idem va-
let quod molle, cedens, quodque, quocumque ve-
lis, facilè trahi ducive poſſit. id denique, quod *χαλ-
ρον* Græci vocant, Latini non nunquam facile: vt Ti-
bullus:

Ficilia antiquus primùm ſibi fecit agreſtis

Pocula, de facili compoſuitq. luto.

candem enim qualitatem ſignificauit in luto, quam
in cera Plinius, his verſibus,

Vt laus eſt cera, mollis cedensq. ſequatur

Si doctos digitos, inſſaq. fiat opus.

flexibilem videlicet naturam quandam, & minimè
contumacem: Ad priorem illam huius vocabuli vſm
reſpexit M. Tullius, cùm C. Antonium lentum vo-
cavit: *Tencriſ*, inquit, *illa, lentum ſanè negotium.*
hoc enim ſignificauit, eum libenter ſubterfugere, &
tergiuerſari, & diem ex die ducere, neque promptum
eſſe ad diſſoluendum quod deberet: at contra olim
Lucilius lentum ſoluere acceperat, pro eo, qui facilè
ſolueret, bonumque nomen eſſet. Credo, quòd len-
ta quæ ſunt, facilè ſequuntur quòd velis: lentum
quoque vocauit eum, qui facilè ad ſoluendum ad-
duceretur. Verſus eius, in quibus hoc vocabulum ita
ponitur, extant apud Nonium Marcellum: ſed miſe-
rè deprauati. ſic enim ibi legitur: *Tricones, moroſi*
et ad

& ad reddendum duri. Lucilius satyrarum lib. ix. *Lucil. Cotta senex Crassi pater huius pacem magnus fuit triconum, Marius solvere nulli lentus, id est facilis.* Mihi ita legendum videtur: *Tricones, morosi & ad reddendum duri.* Lucilius satyrarum libro ix.

*Luciu' Cotta senex Crassi pater huius peracer,
Magnu' fuit trico nummariu', solvere nulli
Lentus, id est, facilis.*

Iam qui fuerit ille Cotta, & qui potuerit, nisi fortè per adoptionem, Crassi cuiusquam pater esse; cùm alterum Aurelium, alterum Licinium fuisse verisimile sit: quanquam fieri etiam potest, ut Crassi nomen hoc loco proprium non sit: sed hoc, ut est, quarant, quibus ista curæ sunt, ego quod potui, præstiti.

Horatii versus è quinto odarum illustrati.

C A P. X I X.

HORATIANI versus sunt ex ode qua εἰσπνεύμεν & veniam à Canidia venefica petit:

Vnxere matres Ilia addictum feris

Alitibus atque canibus homicidam Hectorem:

Postquam relictis mœnibus rex procidit

Heu pernicious ad pedes Achillei.

variant autem libri veteres: quòd in aliis, *Vnxere*, legitur in aliis, *Luxere*. quam posteriorem scripturam mirificè Homerus confirmat: apud quem Iliados omega, Hectorem relatum ad suos Andromacha, & Hecuba, & Helena εἰσπνεύσας, ceteræ autem mulieres ἐπαισέζουσιν, καὶ σεραχέζουσιν. neq, tamen illa prior repudianda est: cùm constet, vngi solita apud antiquos cadauera, ut diutius integra conseruarentur: eiusque muneris muliebrè curatione fuisse, vel ex illo Ennii,

Tarquini corpus bona femina lauit & vnxit.

Itaque

Itaque & urbanus scurra Martialis, non illepidum dictum ex eo duxit:

*Qui non cœnat, & vngitur Fabulle,
Is vero mihi mortuus videtur.*

& quidam Græcus epigrammatum scriptor ait, malle se viuum madere vnguentis & vino, quàm vtrumq. seruare ad exequias suas. sed ea quidem res dubitationem non habet. quare vtro quis modo legerit, peccaturum non crediderim. Id quod sequitur, *addictum feris alitibus atque canibus*, Homericum est: nota enim sunt illa,

— αὐτὲς δ' ἐλώρια πύχε κυέουσιν
Οἰωνοῖσί τε πᾶσι. &
Ὀν δ' ἐκ' ἐγὼν ἀπάνευθε μάχης πλώσονται ναῖσιν,
Μιμνάζειν παρὰ νηυσὶ κεράνισιν, ἃ οἱ ἔπειτα
Ἀρκίον ἐαυτοῖσι φυγέειν κυῶας, ἢ δ' οἰαροῦς.

epitheton quoque, quo Hector ornatur, ex eodem poëta sumptum est:

— εὖτ' ἂν πολλοὶ ὑφ' Ἑκτορος ἀνδροφόνου
Θηήσκοντες πίπῃσι. &
Θεασσάμεθα ἀλαλήτῳ ὑφ' Ἑκτορὸς ἀνδροφόνου
Φεύγοντες. itemque,
Ἑκτορὸς ἀνδροφόνου κάρη μετὰ χερσὶν ἔχουσα.

languidius tamē, & ut ita dixerim, enervatius est Latinum, quàm id Græcum vnde expressum est. ἀνδροφόνος enim significari videtur is, qui viris fortibus in acie animam eripiat: at homicida magis est ἀνθρωποκτόνος. ut quantum inter hominem & virum interest, tantum inter hæc duo epitheta interesse videatur.

Declaratus locus quidam è Ciceronis Hortensio. CAP. XX.

CICERONIS ex Hortensio apud Nonium hæc verba

verba referuntur. *Accum videat me, & meas comites, fortitudinem, magnitudinem animi, patientiam, constantiam, gravitatem; fidem, ipsa se subducatur? quamvis autem liber ipse non extrahatur; tamen non est difficile homini in Ciceronis scriptis exercitato videre, quorsus illa dicta essent. Erat enim magnis inter philosophos agitata contentione quaestio: posset ne quis in tormentis beatus esse. Theophrastus dixisse putabatur, vitam beatam in rotam non ascendere. Stoici contra pugnabant: &, qui beatitudinem in sola virtute ponerent, acerrime defendebant, etiam in saevissimis asperissimisque cruciatibus, hominem virtute praeditum beatum fore. Vtebantur autem ad eam sententiam illustrandam, & subiiciendam ante oculos quadam imagine: ut dicerent, cum chorus ipse virtutum raperetur ad tortorem, beatam vitam non subducere se, neque manere extra ostium, sed illas usque comitari. Cicero igitur aut iustitiam, aut quam aliam virtutem, sed iustitiam, ut puto, ea de quibus agitur verba dicentem fecerat. id ita esse cognoscitur ex v. Tusculanarum, ubi Cicero ipse ita loquitur: *Quid igitur? sola ne beata vita quaeso relinquitur extra ostium limenque carceris, cum constantia, gravitas, fortitudo, sapientia, reliquaque virtutes rapiantur ad tortorem, nullumque recussent nec supplicium, nec dolorem?* & in eodem libro: *Dabit, dabit, inquam, se in tormenta vita beata, nec iustitiam, temperantiam, in primisque fortitudinem, magnitudinem animi, patientiam profecta, cum tortoris os viderit, consistet, virtutibusque omnibus sine ullo animi terrore ad cruciatum profectis, resistet extra fores, ut ante dixi, limenque carceris.* Possesse multo plura colligere, quae hoc verum esse ostenderent: sed haec satis esse duco.*

M. ANTONII MURETI

AD HIPPOLYTVM ESTENSEM

S. R. E. CARDINALEM

ILLVSTRISSIMVM,

VARIARVM LECTIIONVM

LIBER QVARTVS.

*Historia de Pindaro poëta, multato à suis, orna-
to ab Atheniensibus.*

CAP. I.



PAVSANIAS in Atticis narrat, Athenienses, quòd à Pindaro in quodam asmate laudati essent, tãti fecisse ampli illius ac grandiloqui poëtæ testimonium, vt & dona ei plurima ob id miserint, & statuam in ciuitate sua statuerint. Non igitur mirum est, si illis temporibus multi ac præstantes poëtæ fuerunt; cùm qui ea facultate excellebant, & maximis muneribus honestarentur, & honoribus amplissimis maectarentur. ætate nostra vocalis ille olim Musarum chorus conticuit; quæque auaritia marsupia potentium clusit, eadem venas Heliconij liquoris obstruxit. Sed quod de Pindaro perstringit Pausanias, id fusiùs edisserit in quadam epistola Æschines. Ait enim illum, cùm Atheniensium urbem commendasset his verbis, αἵ τε λιπαροὶ καὶ αἰοίδμοι Ἑλλάδος ἔρεττον Ἀθῆναι, multatum esse à ciuibz suis, ægreferētibus, alienis eum potius, quàm suis, illam tantam laudem dedisse. quod vbi rescitente Athenienses, confestim miserunt ei duplum eius pecuniæ,

pecuniæ, quam multæ nomine erat exactus: ipsumq.
ænea statua ornarunt. ea statua visebatur Æschinīs
ætate ante regiam porticum: sedens Pindarus cum
pallio, & diademate, lyram tenens: & supra genua
apertum librum.

Quod Aristoteles sensit de iis qui seipsos interficerent, Euripidis testimonio confirmatum.

CAP. II.

CUM vulgò crederetur, viri fortis esse, mortem sibi cōsciscere potius, quàm graue aliquod & acerbum malum perpeti: sapienter animaduertit Aristoteles, falsam esse illam hominum opinionem: eosque qui ita facerent, non modò fortes, sed ignauos, paruique & abiecti animi habendos pronuntiauit. docet enim, se id quod fugiunt, ferre non posse, neque pares esse ei casui sustinendo, propter quem vitam relinquunt. id autem effeminatam potius animi mollietiem, quàm magnitudinem arguit. Disputauit eadem de re doctissimè ac sapientissimè diuus Aurelius Augustinus lib. 1. De ciuitate Dei, multisque rationibus ostendit, Lucretiam, Catonem, ceterosque eiusmodi, frustra in historiis à fortitudine laudari. longius etiam progressus, demonstrauit nullam esse posse bono ac sapienti viro ἐξαργωγήν, vt Stoici loquebantur, ἄλογον. Sed & Euripides id antè docuerat: qui Herculé primò facit succumbentem magnitudini eius doloris quē hauriebat è cæde vxoris & liberum, quam ipsemet, furore diuinitus immisso correptus, perpetrauerat: & ob id è vita discedere meditantem: deinde redeuntem ad se, & mutantem consilium, verentem, ne id sibi ignauix ascriberetur, si lucem relinqueret, tanquam ægritudini impar ferendæ. Aristoteles ita
hac de

hac de re scribit, lib. I I I. νικομαχείων· τὸ δ' ἀποθνήσκειν,
φάροντα πνίαν, ἢ ἔρωτα, ἢ τὸ λυπηρὸν, ἐκ ἀνδρείου, ἀλλὰ μᾶλ-
λον διὰ τὴν μαλακίαν, καὶ τὸ φάγειν τὰ ἐπιπλέοντα. καὶ ἔχ' ὅτι καλὸν,
ὑπομένει, ἀλλὰ φάρον κακόν. Eurip. autem versus hi sunt:

Εσκέψάμην ὅ, καί ποτε ἐν κακοῖσιν ὦν,

Μὴ δειλίαν ὅστω πν', ἐκλιπὼν φάθ'.

Ταῖς συμφορῇ καὶ ὅστις ἔχ' ὑφίσταθ',

Οὐδ' ἀνδρὸς ἀνδύσαιθ' ὑποστυῖναι βέλθ'.

sed & apud Martialē memini esse epigramma quod-
dam in hanc sententiam: cuius hæc clausula est:

Rebus in aduersis facile est contemnere vitam.

Fortiter ille facit qui miser esse potest.

Correctus Ciceronis locus è libro tertio De legibus.

CAP. III.

DE tribunicia potestate longa & copiosa est di-
sputatio apud Ciceronem lib. I I I. De legibus. nam
cum illam Q. Cicero pestiferam & exitiosam esse
dixisset; respondens Marcus, multa ei vitia inesse non
negat: sed quæ tamen facile compensentur pluribus
& maioribus bonis: eo maximè, quòd nihil ea uti-
lius cogitari potuerit ad plebem cum patribus in con-
cordia continendam. tum dissoluens ea quæ Quin-
ctus aduersus eam dixerat, ita loquitur: *At duo Grac-
chi fuerunt. & præter eos, quamuis enumeres. multos li-
cet, cum deni crearentur: nullos in omni memoria repe-
ries perniciosos tribunos: leues, etiam non bonos fortasse
plures. inuidia quidem summus ordo caret. Sed habet
dubitationem, quid sit quod Cicero ait, Cum deni
crearentur. ita enim loqui, quasi deni creari desierint,
videtur. Neque melius, aliquanto etiam deterius, vi-
detur, quod Adrianus Turnebus scripsit, qui locum
hunc ita edidit: At duo Gracchi fuerunt? & præter*

eos, quamvis enumeres multos, licet. Cùm deni creantur, nullos in omni memoria, &c. quasi aliquando deni creentur, aliquando aliquo alio numero: &, cùm deni creantur, tum nulli perniciosi reperiantur. quod si esset, ne mirificam ille viam numerus habuisset. ego addendam particulam, non: & totum locum ita legendum puto: At duo Gracchi fuerunt. Et præter eos quamvis enumeres multos licet, cùm deni creantur. Non nullos in omni memoria, &c. Illud enim, At duo Gracchi fuerunt, quasi ex Quinti persona Cicero dicit. Deinde respondens ait, non eos tantum proferri posse, verumetiam eorum similes quamvis multos. neque id mirum esse, cùm deni creantur. etenim in tanto numero, non est mirabile plures improbos extitisse, quàm in iis magistratibus qui bini creabantur. Tum subiungit: si euoluantur annales, & antiquitatis memoria replicetur; nonnullos repperitum iri perniciosos tribunos: leues aut etiam non bonos fortassè plures. Hoc tamen magnum bonum in tribunatu inesse: quod efficit, ut ordo senatorius inuidia careat. Nullos autem in omni memoria perniciosos tribunos fuisse, nemo, opinor, nisi planè aversentur dixerit.

De veteri proverbio, quo dicebatur, quod pulchrum est, placere. CAP. IIII.

QVÆ pulchra sunt, habere eam vim, ut statim conspecta, omnium sibi voluntatem concilient, amoremque adiungant, nemini ignotum esse, nisi communis sensus experti, potest. Itaque scitum est illud Aristotelis, qui interrogatus ab aliquo, quid fieret ut pulchri tam facile ab omnibus amarentur: cæci eam interrogationem esse respondit. & Græci sapienter sua lingua pulchro ex eo indidere nomen, quod omnes ad

nes ad se alliciat: dixerunt enim καλὸν, καλὸν τὸ καλεῖν, ὅτι πάντας ἐρ' ἑαυτὸ καλεῖ. Testati sunt idem vulgato olim prouerbio: quo dicebant, quod pulchrum esset, id demum amicū esse. eo vsus est Euripides in Bacchis: vbi hic versiculus legitur,

Ο, π καλὸν φίλον αἰεί.

& Plato in Lyfide: Ἀλλὰ τῷ ὄντι αὐτὸς ἰλιγγίῳ ὑπὸ τῷ λόγῳ ἀπορίας, καὶ κινδυνεύει, καὶ τὴν ἀρχαίαν παροιμίαν, τὸ καλὸν φίλον (ἦ). Eius autem originem ad Musas & ad Grantias referunt: quæ cū conuenissent ad nuptias Cadmi & Harmoniæ, pulchrum carmē, quo ea sententia contineretur, immortali ore cecinerint: nouæ nuptæ pulchritudinem, vt verisimile est, commendantes. Hoc de sapientissimo poëta Theognide cognouimus: cuius hæc sunt,

Μῦσαι καὶ Χάριτες, κοῦραι Διὸς, αἱ ποτὶ Κάδμῳ

Εὐγάμον ἐλθοῦσαι, καλὸν αἰείπατ' ἔπος.

Οτ, π καλὸν φίλον ὅτι, τὸ δ' εἰ καλὸν εἰ φίλον ὅτι.

Τούτ' ἔπος ἀθανάτων ἦλθε διὰ σοιμάτων.

nam ad illas nuptias venisse diuos, testatur etiam Euripides in Phœnissis:

Ἀριονίης δ' ἐποτ' εἰς ὑμναίοις

Ἠλθον ἑρηνίδαι.

Sed & Hellanicus, & Apollodorus Musas cecinisse in nuptiis Cadmi, ad easque conuenisse diuos, & nouæ nuptæ munera obtulisse scripserant.

De loco quodam Varronis aduersus Petri Victorij sententiam disputatum.

CAP. V.

Posui iam pridem magnum studium in iis fragmentis M. Varronis, quæ dispersa passim apud veteres grāmaticos, ac præcipuè apud Nonium leguntur. magis autem mihi placere meum illud studium cœpit: Posteaquam Petri Victorij (quem ego homi-

nem, etsi sæpè ab eo dissentio, longè tamen facio plurimi) Variarum lectionum libri præclari sanè & utiles in lucem prodierunt. Laudat enim ille pluribus locis eos qui id faciunt: datque plurimas luculentas significationes diligentix quam ipse in iisdem illis fragmentis reconcinnandis adhibuerit. sed ita contingit, vt multos locos, quos ego cōiectura tantùm vsus emendare conatus eram, ipse postea longè aliter à se emendatos ediderit. quare etsi non sum tam stultus, vt me cogitem tanto viro ἀντιπατρὸς ἀλαϊν, proferam tamen veteres quasdam opiniones meas; vt de iis cum ab aliis, tum ab ipso in primis Victorio iudicetur. Citantur igitur illa è Varrone Margopoli, πρὸ ἀρχῆς: *Cui celer die nos lemmatos logos Antipatri Stoici filius rutro caput displanat*. quæ cū corrupta esse appareat, putat Victorius legendū esse dilemmatos logos. Sed ea coniectura mihi quidem parū digna auctore suo videtur. primū, quòd nimium recedit à veterē scriptura. Deinde quòd Antipater logis utebatur non dileminatis, sed monolemmatis. vt testatur Alexander his verbis: ὅς γ' οἱ πρὸς Ἀντίπατρον μονολημμάτοις συλλογισμὸς λέγουσιν, οὐκ εἰς τὸ συλλογισμοῖ, ἀλλ' ἐνδεῶς ἐρωτῶν. quæ verba ille cū ad stabiliendam coniecturam suam attulit, videtur suo se gladio, quod aiunt. Nam dilemmati quidem syllogismi sunt ex Aristotelis sententia. quis est enim ita hospes in analyticis, vt nesciat, duo lemmata præcedere ad efficiendam conclusionem? Sed quid in hac re pluribus moror? Ego, nihil addens, nihil detrahens, locum ita legendum semper credideram: neque sanè me sententiæ pœnitet. Cui celer δ' ἐνδὲς lemmatos logos. Idem enim putō esse λόγους μονολημμάτους, & λόγους δ' ἐνδὲς ἀλήματ. cuius rei volo Victorium ipsum iudicem esse.

*Fragmentum Varronis è Marcipore, quo
tempeſtas eleganter deſcribitur.*

CAP. VI.

AT TEXA Metiam huic loco elegantem quandam deſcriptionem tempeſtatis, quæ verſibus iambicis incluſa, apud eundem grammaticum, è Varronis Marcipore legitur; ſed diuulſa. neque tamen quenquam puto inſitiaturum, eam à me rectè & verè coniunctam eſſe. eſt autem hæc:

*Nubes aquali frigido velo leues
Celi cauernas aureas ſubduxerant,
Aquam vomentes inferam mortalibus.
Ventiq; frigido ſe ab axe eruperant.
Phrenetici, ſeptem trionum filii,
Secum ferentes tegulas, ramos, ſyrus.*

mutaui pauca quædam: tutò, ni fallor, ſed tamen indicabuntur. Aurea, in vulgatis libris legitur, non, aureas: & frigidos, vbi ſcripſi, frigido ſe: &, erumpebant, non, eruperant. ſed hoc poſterius verum eſſe demonſtrat carminis lex, & præterea orationis ipſius ἀκολουθία, propter illud, ſubduxerant.

Enniani verſus ex Euripide expreſſi. notata

Nonii inconstantia. CAP. VII.

CERNERE, ait Nonius, amittere. Varro γέροντος ἰδουκάλῳ. Non vides, apud Ennium eſſe ſcriptum, ter ſub armis malim vitā cernere, Quàm ſemel modò parere? Sed falſam eſſe & ineptam illam eius verbi declarationē, ipſomet, qui eam attulit, teſte peruincam. cū enim paulo poſt docuiſſet, cernere, nō nunquā eſſe idem, quod dimicare, aut contendere: ei rei probandæ hoc exemplum ſubiicit, Ennius Medea exules

Nam ter sub armis malim vitam cernere.

Hoc autem Euripides, ex quo illam fabulam verterat Ennius, dixerat, παρ' ἀπιδὰ σῆναι. cum enim Medea multa quæstasset de infelicitate mulierum: addit, errare eos, qui putant, melius agi cum mulieribus, quàm cum viris; propterea quòd illæ domi vitam sine periculo exigant: cum viris sæpe sit de vita in bello dimicandum. se enim, si optio detur, malle ter vitam sub arimis, vt locutus est Latinus poëta, cernere, quàm semel parere. Euripidi versus subiiciam:

Λέγουσι δ' ἡμᾶς, ὡς ἀκύνδιον βίον
 Ζῶμεν κατ' οἴκους, οἱ δ' ἐμάρτανται θρη,
 Κακῶς φρονέοντες ὡς τρὶς ἂν παρ' ἀπιδὰ
 Στῆναι θέλοιμ' ἂν μάλλον, ἢ τεκῆν ἀπαξ.

Emendati Varronis loci duo.

CAP. VIII.

ARISTOTELES libro tertio ad Nicomachum, homines intemperātes & afotos, cum in iis voluptatibus versari dixisset quæ cōmunes sunt nobis cum mutis animantibus, iis nempe, quæ gustatu percipiuntur, quæque tactu; addit postea, eos gustatu aut nihil omnino, aut perparum, vti. cum enim gurgites illi ita vinum in guttur suum quasi in virem aliquem inuergant, nihil curantes, nisi vt quamplurimum exhauriant, propè vt percolando vino nati esse videantur, non admodum possunt eius suauitatem gustando percipere: cum contrà delicati & elegantes homines, qui grato illo liquore linguam sibi ac palatum probè titillari volunt, paulatim eum in gurgulionem instillent veriùs, quàm infundant, guttatim propè ducètes: etiam antequam bibant, oculis poculū sæpe ac naribus adiuuantes, nulla vt sit in eo particula suauita-

suauitatis, quam non ipsi accuratè exprimant, exquisitèque persentiant. quod in Euripidi Sileno optimè cerni potest. id non faciunt, qui gutture tantùm pro infundibulo vtuntur. Hoc autem auguror dixisse etiam Varronem in ea satyra quæ inscribebatur, Est modus. matula. *πρὶ μέδουσ.* inde enim citantur hæc: *Quis in omni vita heluo probè olfacit temetum?* quæ ego ita quodammodo legenda censuerim; *Quis in omni vita heluo probè olfacit temetum?* potest autè aut propriè vsus esse olfaciendi verbo, aut etiam illud ad gustatum transtulisse. Sed hæud alienum fore puto, si ex eadem satyra versus aliquot attulerim, quibus vinum elegantissimè celebratur.

Vino nihil incundius quidquam cluit.

Hoc agritudinem ad medendam inueniunt.

Hoc hilaritatis dulce seminarium.

Hoc continet coagulum conuiuia.

Duo versus Horatii conuersi è Simonide.

C A P. I X.

D V D V M admonui, versum illum Horatianum,

Mors & fugacem persequitur virum,

ad verbum expressum esse è Simonide; illum enim ita cecinisse:

Οδ' αὖ δάνατ' ἐπὶ καὶ τὸν ευχόμενον.

nunc cùm in alium inciderim, qui iudem ex eodem poëta conuersus est, annotandum duxi. est igitur Horatii quidem hic:

Quicumque terra munere vescimur:

Simonidis verò, *Εὐρύδης ὅστι καρπὸν αἰνύμεθα χθονός.*

qui ex Homero, vt videtur, sumferat:

Εἰ δέ τις ἐσθλὸς ἐσθλῶν, οἱ ἀρεῆς καρπὸν ἔδωκε.

reperitur autem Simonideus apud Platonem in Pro-

tagora. & apud Plutarchum in commētario De communibus notionibus aduersus Stoicos : sed lacer & mutilus . Vtinam exstarent veterum illorum lyricorum poëmata. non dubito, quin propemodum omnia ornamenta , quibus Horatius splendet, ab eis corrogata esse constaret.

Sententia cuidam Ouidiana allata similis ex Euripide. CAP. X.

OVIDIVS in epistola quadam earum quas scripsit exul, cum multa incommoda collegisset, quæ in tali fortuna obstarent sibi carmen pangere cupienti, illud etiam ponit, quod tristitia & mærore confectus esset, cum carmina sint opus hilaræ mentis, serenoque, ut ipse loquitur, animo deducta proueniant. Idem autem multis antè sæculis dixerat & Euripides: addideratque hanc causam; quod qui domesticis ac propriis doloribus angitur, alios delectare non possit. Sed præstat, ut versus quibus ea sententia continetur, ascribam. Sunt autem ἰκασίαι:

Τὸν θ' ὕμνοιοισιν, αὐτὸς ἂν ἱκτῆρ' ἔμην,
καίροντα τίκτειν. ἥν δ' ἐμὴ πάχ' ἡ τόδε,
οὔτοι δούαιτ' ἂν οἰκοδέν γ' ἀτάμην,
τέρπειν ἂν ἄλλος. ἐδὲ γὰρ δίκην ἔχει.

Utrum igitur Ouidius ad illa Euripidea respexerit, an idem ipsi, quod illi, in mentem venerit, incertum est. idem certè vterque dixit.

Quod Aristoteles in antiquis dicendi magistris reprehendit, idem Isocrates antea reprehendisse ostenditur. CAP. XI.

NON primus Aristoteles accusauit eos, qui ante ipsum de arte rhetorica scripserant, quod cum vna eadem-

eademque sit methodus deliberatiui generis & iudicialis, illi, relicto eo in quo multo plus inerat dignitatis, tractandarum modo caussarum forensium se rationem tradere professi essent, omnesque præceptiones suas ad id vnum genus contulissent. Sed & Isocrates antea idem reprehēderat, insignemque eorum fuisse stultitiam ostenderat, qui arti suæ nomen ab ea parte quæ odiosissima erat, indidissent: cū tamen artis rhetoricæ præcepta nihilo magis ad lites iudiciarias, quàm ad quodlibet aliud orationis genus pertineant, fecerant igitur, quod illos potius facere decue- rat, qui ei facultati odium conciliare vellent. qui enim infensi sunt alicui disciplinæ, eamque in odium adducere cupiunt; si quid in ea est odiosum ac mole- stum, ab eo potissimum eam appellare consueverunt: contraque qui eam se aut tenere, aut docere profiten- tur, solent, quod ipsa in se pulcherrimum ac specio- sissimum habet, ex eo ipsi nomen imponere. Vtrius- que verba, si quis requirit, apponam. Aristoteles igitur ita scribit libro primo τῆς ῥητορικῆς τέχνης· Δια τὸ τοῦ, τῆς αὐτῆς ὕψους μεθόδου περὶ τὰ δημηγορικά, καὶ καλλίων, καὶ πολιτικωτέρας τῆς δημηγορικῆς πραγματοειᾶς ὕψους, ὅ τῆς περὶ τὰ συναλλάγματα, περὶ μὲν ἐκείνης ἐδὲν λέγεται· περὶ δὲ τῆς δικάζεσθαι, πάντες πειρῶνται τεχνολογεῖν. Isocrates autem in Oratione aduersus sophistas: λοιπὶ δὲ εἰσιν ἡμῖν οἱ πρὸ ἡμῶν γινόμενοι, καὶ τὰς καλεῖσθαι τέχνας γράφαι τομῆσαντες, ὥς ἐκ ἀρετέον ἀνεπιπλήνους, εἰ πινες ὑπέχοντο δικάζεσθαι διδά- ζειν, ἐκλεξάμενοι τὸ δυσχερές αὐτοῦ τῶν ὀνομάτων. ὁ τῶν φθινέν- των ἔργον ὡς λέγειν, ἀλλ' ὅ τ' ὡρεσώπων τ' τοιαύτης παιδεί- σης. καὶ ταῦτα, τῆς πραγματος, καὶ ὅσον ἐστὶ διδακτὸν, ἐδὲν μάλλον πρὸς τοὺς δικαιοκλῆς λόγους, ἢ πρὸς τοὺς ἄλλους ἀπαντας, ὡφελὲς διωαμένον.

Antiqui quoties die cibum sumpserint. CAP. XII.

FALSA multorum animos occupauit opinio, veteres semel tantum die cibum sumplisse. quam, ut puto, conceperunt è verbis Platonis, qui in illa nobili epistola ait, displicuisse sibi, quòd in Sicilia bis die saturi fierent. Sed aliud est, capere cibum, aliud ἐμπιπᾶσαι. Ego in Græcorum commētariis reperiò, quater diè ipsos cibo ac potu corpus reficere solitos: quod etiam hodie multis locis fit apud quasdam transalpinas nationes. primùm quidem diluculo. id vocabant ἀραππιδόν, aut ἀράπωμα: quòd non dilutum, sed merum. ut ait Aulonius, merum biberent: aut etiam διατρεσιπιδόν, quàm vocem vnà cum re ipsa nostrates retinuerunt. sequebatur ἄριστον: ita dictum, quòd postea oportueret ἀριστέον. inde ἐπερίστωμα: cuius hora erat, cum iam noctesceret, antequam tamen contenebrasset. postremò δειπνον, aut δόππον, aut ἐπιδόρπις. aliter tamen hæc ab aliis traduntur: sunt enim, qui tantum tria agnoscant, ἄριστον, δειπνον, δόππον. & de ipso τὸ δειπνῆν tempore ac nomine non omnes idem sentiunt: omninoque confunduntur hæc apud veteres. In Romanis scriptoribus reperiò silatum, siue ientaculum, prandium, cœnam, vespernam. miror autem, quid sibi voluerint, cum fili vinum condirent: iucunditatem ne aliquam in eo, an salubritatem spectauerint.

Terentianus versus imitatus è Cecilio. loci cuiusdam è quarta Tusculana vulgata scriptura aduersus Nonium defensa. item eiusdem grammatici alia quadam improbata. Correctus locus è libro quarta. De sinibus. CAP. XIII.

VERSUS est Terentii, in fabula quæ inscribitur Adelphæ, in extremo:

Quod

Quod proluuium, quæ istæc subita est largitas?

cùm autem constet, multa sumpsisse eum è veteribus poëtis Latinis: non iniuria credi potest, in hoc versu Cæcilium imitatus esse. eius enim est illud ex Hypobolimo: — *mea rastraria,*

Quod proluuium, quæ voluptas, quæ te lætât largitas?

Hunc versum citat Nonius exponens, quæ sit vis verbi, lætare: apud quem tamen, vitio librariorum, Cælius, non Cæcilius legitur. sed enim quem ibidem Ciceronis è quarta Tusculana adducit locum, melius in vulgatis libris legi, quàm quomodo ipse vult, arbitror; ostendit enim se ita legere, *Voluptati maleuolentia lætans malo alieno, delectatio, iactatio, & similia.* melius autem vulgo legitur, *maleuolentia lætans malo alieno*, non enim dubium est, quin Cicero expresserit Græcum vocabulū *ἐμχαρῆσανία*. Sed multa eo modo & apud Nonium, & apud eiusdem classis alios parùm emendatè leguntur; quale est illud ex Academicis, *Qui enim serius honores adhamauerunt; in quo quis est, qui aliquem sermonis Romani sensum habeat, quin multo malit, adamauerunt?* eius generis est & illud quod apud eundem Nonium legitur, *Coniectarium, efficax, perfectum.* M. Tullius De finibus bonorum & malorum lib. IIII. *Illud verò minime coniectarium, sed in primis hebes illorum.* Hæc ille. Sed profectò aut locum ipsum non legerat, aut quid eum hominis fuisse dicam, nescio, si, cùm legisset, non animaduertit, *confectarium*, non *coniectarium*, legendum esse: eamque vocem neque efficacis, neque perfecti significationem ullam habere. Vt cunque autem sit, præclare agitur cum quibusdam Grammaticis, quod tam multa eorum qui ab ipsis citantur, auctororum monumenta perierint. perierant ipsi, nisi illa periissent.

periissent. emolumento mihi tamen alicui hoc quoque loco Nonius fuit; lumen enim prætulit ad locum illum è libro quarto De finibus corrigendum. neque pigebit, hoc quicquid est lucelli ac quæsticuli communicare cum ceteris. Ciceronis igitur verba ita in vulgatis libris leguntur: *Illud verò minimè consuetarium, sed in primis hebes, illorum scilicet nominum gloriatione dignam esse beatam vitam, quæ non possit sine honestate contingere, ut iure quisquam gloriatur.* Quare primum miratus sum, quid ita venisset in inentem Nonio, ut in voce, illorum, fisteret: curq; non aut eam omisisset potius, aut aliquanto longius progressus esset. deinde attentius cogitanti illud quoque loquendi genus insolens visum, illorum scilicet nominum gloriatione dignam. etenim, gloriatione dignum, apud Ciceronem reperias: dignum gloriatione alicuius nominis, non videor legisse. Quid plura? cœpi suspicari, voces illas duas, scilicet nominum, suppositicias esse, & delapsas ex aliquo glossemate, locum occupasse non suum. pòst autè idem illud non iam suspicatus sum, sed ita visus videre, ut ea quæ cernuntur oculis; inspecto vetere libro, in quo erat, Illorum scilicet nominum aut Stoicorum gloriatione &c. quis est enim, qui dubitet, quin totum illud, scilicet nominum, aut Stoicorum, magistri fuerit ἀμυχανύτης, ἢ ἀπορρητός, & illud, illorum, quò referri diceret, ambigenti? comprobavit autem ille, quicumque fuit, exemplo suo Euripidis dictum: posteriorem enim cogitationem habuit sapientiolem, sed & in eodem libro scriptum erat paulo pòst, quòd non possit, non, ut in aliis, quæ non possit. Quare ἀναμνηστὴς ἡμῶν ita legendum est: *Illud verò minimè consuetarium, sed in primis hebes illorum; gloriatione dignam esse beatam vitam:*
quòd

quòd non possit sine honestate contingere, ut iure quisquam gloriatur. Atque hoc ita esse, magis, qui magis confiderauerit, iudicabit.

*Theriacam olim bibi solitam, verum non
videri: emendatus Varronis locus.*

CAP. XIIII.

PROFECTO quo quisq. plus auctoritatis habet in litteris, eo sollicitius ac circumspectius cauere debet, ne quid sibi, quod parum exploratum habeat, excidere patiatur. nam leues ac cōtempti homines, cū tale aliquid designant, facilis iactura est. non est verendum, nequis eos sequatur duces. horum vt maximo quisque in pretio est; ita maximo periculo peccat. sed humanus animus nouitatis studio ducitur. eius interdum specie illectus, neque satis id quod obiectum est attendens, vana pro veris, pro solidis inania amplexatur. Equidem de Petro Victorio nihil à me, nisi vt de viro summa doctrina prædico, dictum velim. neque aliter decet: qui non fateri tantum, sed præ me ferre etiam ac prædicare soleam, tantum me ex illius vigiliis cepisse fructus, quantum ex alii, qui hoc tempore vixerit, neminis. sed cogor interdum, quod bona ipsius pace ac venia dictum sit, plusculum in eo diligentia & accuratationis desiderare. Nam quale tandem est, quod de Leda matre Helenes prodidit eam, Euripidem facere, in lænam esse conuersam: cū in eadem illa tragœdia, vnde ipse se mirificam illam metamorphosin eruerè putauit, tam sæpe legitur, Ledā laqueo sibi elisisse fauces, præ dolore quem è filia dedecore perceperat. sunt enim hi versus in ipsa embasi:

Ελῶ. ἀπωλόμην. θεῖας δ' ἐστὶ κόρη;

Τεῦ.

Τεῦ. Λήδαν ἔλεξας; οἶχεται θανῆσα δὴ.
 Ελέ. Οὐπω νῦν Ελένης αἶχρὸν ὤλεσι κλέει;
 Τεῦ. Φασὶ, βρόχῳ γ' ἀΐψασαν εὐγενῆ δέριν.

Itaque Helena ipsa paulo pòst mala sua perconsens, ita de matris morte loquitur:

Λήδα δ' ἐν ἀγχόνας
 Θάνατον ἔλαβεν αἰχρὺ-
 νας ἐμαῖς ὑπ' ἀλγέων.

sic enim legendum puto. & chorus ἐπαιάζων

Μάτῃς μὲν οἶχεται.

locum autem illum, quem ipse de Leda accepit, de Callistone accipiendum esse, vel cæco appareat. quid, quod in primo de Oratore, actionibus, sine vlllo certo argumento, legi voluit? vbi noster postea Duarenus, cretionibus, legendum esse demonstravit. ac sunt sanè in illis Variarū lectionū libris eiusmodi plura, quàm vellem. valde enim eius viri gloriæ fauco. sed quod libro primo de theriaca prodidit, id, quia errorē obii-cere alicui potest, dissimulandum non videtur. Ait enim theriacam videri olim bibi solitam: quare necesse esse, vt tum liquidior fuèrit: hoc enim tempore crassiorem ac duriolem conformari. hoc elici ex ver-bis M. Varronis, quæ leguntur apud Nonium, è li-bro De liberis educandis. sunt autem hæc: *Vel maxi-mè illic didici, & sitiēti, theriacam, mulsam; & esurienti, panem cibarium, siligineum: & exercitato somnum sua-uem*. Non, ita viuam, possum satis mirari, hoc Vi-ctorium, talem ac tantum virum, dixisse. primum enim vbi tandem verbum vnum de ista liquida the-riaca legerat? nam nostram quidem, quæ, vt opinor, & veterum fuit, cuiusmodi sit, omnes agyræ ac phar-macopolæ sciunt. deinde cùm constet, ibi Varronem vulgares, & plebeios cibos lautis & opiparis oppone-re: quæro,

re: quæro, cui se hoc probare posse sperauerit, tennes
olim & egenos homines, vt panem cibarium esse, ita
theriacam, amaram videlicet quandam & tristem po-
tionem, bibere solitos. quam quidem cuiquam odi
singas, oportebit, vt reor, pluris venire, quàm mul-
sum, quasi verò aquam gratis sumere non præstiterit,
quàm emere quod torqueret. nam si amarum aliquid
è medicinis quærebat, quod mulso opponeret; debuit
sanè eadem ratione siligineo pani opponere, non pa-
nem cibarium, sed agaricum, aut colocynthidas. Ego
quod senseram de illo Varronis loco, antequam Vi-
ctorius Variarum lectionum libros ederet; idem nūc
quoque sentio: id quæ nunc aperiam, vt ex contentio-
ne, vtra verior sententia sit, existimetur. Puto igitur
ita legendum esse: *Vel maximè illic didici, sitienti vi-
deri acam mulsum, esuriēti panem cibarium siligineum,
& exercitato somnum suauem* Nam è duabus vocibus,
sitienti videri, suspicor factum ab imperitis librariis,
sitienti teri. Acam autē pro, aquam, antiqua scriptura
est: vt loci, pro loqui: coad, pro quoad: cotidie, pro
quotidie. Hoc igitur dicet Varro, se illic didicisse, si-
tienti videri aquam mulsum. quæ coniectura si cui
displicet, ipse meliorem afferat. quiduis certè potius,
quàm vt illam liquidam theriacam sibi beamus. Cre-
diderim autem, Varronem, cū illa scriberet. respe-
xisse ad hunc locum Xenophontis è primo παιδείας· ἐν
δὲ τῆς αὐτῆς οἰεται ἡ ἐκείνου ἀνθ' ὧς, ὅταν καὶ δαίμον μόνον ἔχω-
σαν ἐπὶ τῇ σίτῳ, ἢ πίνειν ἀνθ' ὧς, ὅταν ὑδωρ πίνωσιν, ἀναμνησθή-
ται, πῶς ἡδὺ μὲν μέζα, καὶ ἄρτι πινόντων οὐκ εἶναι, πῶς δὲ ἡδὺ
ὑδωρ διατίθεται πρὸς. eo magis, quod alium locū reperio
ex eodem Varronis libro, qui ex eodem Xenophontis
conuersus est. Xenoph. ἀγρὸν μὲν γὰρ ἔπαι καὶ εὖν ἐστὶ πέρ-
σας, καὶ τὸ ἀποκτείνειν, καὶ τὸ ἀπομύγειν, καὶ τὸ φύγαις μαστὸν φάειν.

Ἰταλ. Varro : *Persa propter exercitationes pueriles modicas , eam sunt consecuti corpore siccitatem , ut neque spuerentur , neque emungerentur , sufflatoq; corpore essent.*

Sententia quaedam Horatii ab Arato prius prolata ostenditur. CAP. XV.

Q U O D Horatius in odis elegatissimè cecinit, cum ostenderet, quanta facta esset ad hominum nequitiam accessio, quasi que vaticinaretur, eam maiorem assidue factum iri, videndum est, num ex Arato sumpsit. Cerrè ut hic noster dixit, ab auis deteriores esse prosemnatos patres; se deinde editos nequiores patribus; ac liberos etiam corruptiores à se procreatum iri: ita Græcus ille Iustitiā fecerat, cum argētæ ætatis mortales alloqueretur, exprobrātem iis, quod tantopere degenerassent à patribus, simulq. prædicentem, fore, ut tamen perditiores etiam liberos gignerent.

οἶνον, inquit, χρύσειοι πατέρες γενεὴν ἐλίποντο

χειροτέρην. ὑμεῖς ὃ κακώτερον τεξείεσθε.

à quibus non ita multum abludunt Horatiana illa:

Ætas parentum peior auis tulit

Nos nequiores: mox daturus

Progeniem vitiosiore.

Princeps autem Homerus, tot antè sæculis, materiam hisce sententiis dederat; cum sapientissimam deam introduxisset dicentem, paucos filios patrum similes euadere, deteriores plerosque, paucos præstantiores.

Παῦροι γάρ τοι παῖδες ὁμοῖοι πατρὶ τέλονται,

Οἱ πλείονες κακίους, παῦροι δὲ τε πατρὸς ἀρεῖας.

De loco quodam è quarto Aeneidos aduersus Seruium. CAP. XVI.

NAM quia nec fato, merita nec morte peribat,

Non-

*Nondum illi flauum Proserpina vertice crinem
Abstulerat, Stygiôq; caput damnauerat Orco.*

Hos è quarto Aeneidos versus Seruius grammaticus oscitanter interpretatus est; ita enim scribit: Trahit hoc de Alcesti Euripidis, qui inducit Mercurium ei comam secantem, quia fato peribat mariti. Sed apud Euripidem nulla prorsus, hac quidem in re, Mercurii mētio est. Introducitur quidem Mors, quæ se venisse ait, ut illi optimæ mulieri crinem secet: neque tamen id fieri ait, quòd illa mariti fato peritura esset. quin ostendit, eum secari solitum eis omnibus quibus fatalis aduenisset dies. Vniuersè enim pronunciat, eum sacrum esse diis manibus, cuius ipsa crinem hasta libauerit. ita enim loquitur:

Σταίχω δ' ἐπ' αὐτὴν, ὡς κατάρξωμαι ξίρι.

Ἰερὸς γάρ ἐστ' τῶν κατὰ χθονὸς θεῶν,

ὅτε τὸδ' ἔγχετο κατὰς ἀγνίστην τρίχα.

Hæc igitur apud Euripidem ὁ Θάνατος loquitur: qui tamen illic quoque, librariorum vitio, falsò esse putatur Charon.

Proverbium quoddam ab illo scriptore qui tam multa alia collegit, prætermissum.

CAP. XVII.

MVLTA ac variæ lectionis hominem, qui memoria nostra ex vtriusque linguæ scriptoribus tantam vim collegit prouerbiorum, fugere quædam, & quidem illustri in primis loco sita: quod quidē mihi non nunquam peruideri mirum solet. Nam, si ommissa essent, quæ vel è raris inuentu, vel obscuris & ignobilibus libris petenda erant, minus mirum foret: at verò præterita esse, quæ & in promptu posita sunt, & apud præstantissimos auctores leguntur, id verò iu-

itam, ut opinor, admirationem habet. Ex hoc numero est, quod apud Ciceronem legitur, *familiam ducere*, eo enim prouerbio homo eloquentissimus utitur, cum præcipuum aliquid significat, quodque principem in re quapiam obtineat locum. Ter autem id me legere memini. Primum in epistola qua C. Trebatium Testam commendat Cæsari. nam cum eum multis laudibus affectisset, ad postremum addit: Accedit etiam, quod familiam ducit, in iure civili singularis memoria, summa scientia. quibus verbis significauit, hanc primam & præcipuam Trebatii esse laudem: ceteras ei cum multis fortasse communes: hoc esse ipsius pænè proprium bonum. Deinde libro quarto De finibus: ubi Catonem alloquens: Sed primum illud, inquit, vide: grauissimam illam vestram sententiam, quæ familiam ducit, honestum quod sit, id esse solum bonum, honesteque viuere, bonorum finem: communem fore vobis cum omnibus, qui in vna virtute constituunt finem bonorum. Et quinta oratione in Antonium: Lucius quidem frater eius, utpote qui peregrè depugnauit, familiam ducit.

In bonorum comparatione dissensio inter Platonem & Aristotelem indicata.

CAP. XVIII.

INTER multas ac varias bonorum diuisiones quas ab antiquis sapientibus accepimus, hæc quoque tradita est. Bonorum partim suapte tantum vi expetiti: neque vsquam aliò referri: alia & per se, & aliorum causa, quæ ex ipsis efficiantur: nonnulla etiam, cum in se nihil expetendum habeant, aliorum modo gratia amari. Primi generis est voluptas. neque enim eam propter aliud expetimus. ipsa per se, à quocumque senti-

turi

tiri potest, ei desiderium incutit sui, in secundo ordine sensus collocari licet, quos & per se, & propter vitæ comoditates diligimus. sed & valetudinis ac virium firmitas eundem in numerum coniici potest. Tertiæ, vt ita dixerim, classis sunt laboriosæ exercitationes corporum, sectiones venarum, adustiones quarundam partium, amarorum medicamentorum sumpptiones. quæ omnia, & eodem de genere alia, eo tantum expetuntur, quod ad aliud quippiam conducere putentur. Hac igitur tripartita distributione proposita; vtri superiorum generum debeat principatus, (nam tertium quidem in hoc se certamen non offert) non conuenit inter principes philosophorum. Plato enim principio secundi πολιτικῶν Socratem ei generi, quod secundo loco posuimus, τὰ πρωτῆα adiudicantem facit. quod enim duobus nominibus expetitur, melius esse, quàm quod vno tantum. At Aristoteles à magistro dissentiens, id summè bonum esse definit, quod tantum propter se, nullo autem modo propter aliud expetatur. Finem enim omniū optimum esse. Itaque vt in quodque ὁ τῷ τέλος λόγος maximè conueniat, ita id optimum ac præstantissimum esse. Finis autem proprium est, cùm ad eum pertineant cetera, ipsum nusquā aliò dirigi. Hunc nodum dissoluent ij, qui Platonem & Aristotelem vbique συμφωνεῖν volunt. ego quidem, quid mihi tenendum sit, non valde dubium habeo.

*De loco quodam ex Oratione in Pisonem, aduersus
Petrum Victorium.*

CAP. XIX.

RECTE emendatus est locus Ciceronis ex Oratione in Pisonem, vbi de rationibus à Pisone ipso ad

ararium relatis agitur, & Plautinus hic è Trinummo
versus adducitur,

Ratio quidem hercle apparet: argentum οἷχεται.

nam quod Budæus, deceptus corruptis antiquæ scri-
pturæ vestigiis, putavit, legendum esse, *Ratio qui-*
dem hercle apparet: argentum decoctum οἷχεται: id
ipsa carminis ratio manifestò repudiat. Tota enim illa
pars apud Plautum trimetris iambicis constat; qualis
hic quoque est: qui planè corrumpetur, si vocem il-
lam inferferis. Quare non illi peccarunt, qui eam sus-
tulerunt: sed ij peccant, qui peccasse illos putant.
Nam quòd Petrus Victorius (is enim se corruptæ il-
lius scripturæ defensore[m] professus est) pro firmo ac
solido argumento attulit, Græcos veteres semper ad-
iungere eo modo participium aliquod ad verbum οἷ-
χεται: miror equidem, homini accuratè & diligenter
versato in Græcis litteris, earumque, vt res ipsa lo-
quitur, in primis intelligenti, quicquam ita perspicuè
falsum excidisse. neque verò nego, id eos interdum ac
sæpe facere: sed interdum etiàm, ac non minus sæpe
aliter eo verbo vti, sexcentis exemplis, si opus sit, me
docere paratum esse profiteor. Aliquot proferam: ne
Victorii auctoritas quempiam inducat.

Homerus: Ως μὲν Τηλεμάχῳ ὁ μὲν οἷχεται· ἐδ' ἐοῖ ἄλλοι
Εἴς', οἷ κεν κατὰ δῆμον ἀλάλκοιεν κακότητα.

Aeschylus: Τοιόνδ' ἄνθ' περσίδ' αἶας
Οἷχεται ἀνδρῶν.

Sophocles: Ἰὲ, ἰὲ. δύσῃ οἷχομαι τάλας.

Theognis: Ωχετο μὲν πῖσις μεγάλη θεός.

Euripides: Μάτηρ μὲν οἷχεται,
Δίδυμοί τε Δίδας ἐκ εὐ-
δαιμονεῖ τέκεα φίλα.

Idem: Νεφέλης λέγεις ἄγαλμα; ἐς αἰθέρ' οἷχεται.

Idem:

Idem: Ἀλλ' ἐξέδραμον . καὶ πόλις μὲν οἴχεται,
Ψυχὴ δ' ἐσώθη.

Idem: Βέβακα δύσποτμος . οἴχομαι

Ἀτάλαινα, ἃ δυσχεσάτω προσέπεσα κλήρω.

Plato Parmenide: ἄρπ γδ' ἐνθένδε οἰκαδεοἴχεται . Idem
Hippia maiore: ἐκείνο μὲν τοίνυν οἴχεται, τὸ δ' ὠσαυτὸν τε καὶ
χρησιμον ἀπλῶς εἶναι καλόν . Aristophanes: Αὐτὴ μὲν ἡμῖν
ἢ πίπτειπτος οἴχεται . Aristoteles: Ἀλλ' οἴχεται τὸ ἐν καὶ τὸ ὅ-
λον ἐκ τῆς θεωρίας . Lucianus: δις κατηρμημένω . Ἀσκνον χρη-
αὐτίκα μάλα παρέρχεται σωείροντα τὰς χρησιμὰς, ἢ οἴχεσθαι οἱ
τὴν δόξαν τῆς τέχνης . Plutarchus περὶ σωικῶν ἐναντιωμα-
τῶν . Οἴχεται γδ' ἡ τάξις, εἰ πάντων ἐν πᾶσι μεταλαμβάνειν δε-
ήσει . Sed mihi facile fuerit vel iustæ magnitudinis li-
brum ex eiusmodi exemplis conficere : nisi sic quo-
que verear, ne qui hæc legent, in re satis aperta
plus satis immoratum esse me iudicent . cuius ta-
men rei in me culpa non hæret : non enim qui dili-
genter falsa conuincit, sed qui indiligenter ea pro ve-
ris prodit, culpandus est.

Horatiana quædam ex Græco ducta.

CAP. XX.

LEGEBAMVS Tibure, æstiuis mensibus, à pran-
dio, dum se calor frāgeret, vitædi somni caussa, & δια-
γωγῆς χάριν, Odas Horatij, easq. libentissimè, quæ de
veterè illius loci salubritate atque amœnitate loque-
bantur: ac, si quid veniebat in mentem, quod aut è
Græcis effictum, aut exquisitius dictū, aut deniq. ab
eius poetæ interpretibus prætermissum, neq. tamen
cognitu indignum, videretur, id, pro suo quisque
captu, quasi symbolas quasdam, amicè & simplici-
ter in medium conferebamus. Atq. ex illis colloca-
tionibus excerpta pleraq. in his libris legentur. Qua-

le est hoc, quod cū recitata essent illa,

Quem tu Melpomene semel

Nascentem placido lumine videris:

& quę sequuntur: dixi, ea mihi videri expressa de sententia quadam Callimachi, qui in epitaphio patris sui posuit, quos Musę pueros aspexerunt, eos per totam vitam Musis amicos manere.

μῦσαι γὰρ ὅσους ἴδον ὀμματι παῖδας,

Ἄξει βίη, πολὺς ἔκ ἀπ' ἐντο φίλος.

Venit & ex eo in mētem, quod ex vetere quodam refert Eustathius, quos non aspiciunt Musę, eis Circes pocula exitio esse. ἥς ἔ' προσερῶσιν αἱ μῦσαι, τούτους ποτ' ὦ δηλῶσατο Κίρκη. Sed & illud quasi prętereuntes notauimus, quod in eodem illo epigrammate est,

ὁ δ' ἤειπεν κρείσσονα Λασκαίνης,

consimiliter locutum videri Horatium quodam alio loco, vbi se inuidia maiorem vaticinatur fore.

MARCI

M. ANTONII MVRETI

AD HIPPOLYTVM ESTENSEM

S. R. E. CARDINALEM

ILLVSTRISSIMUM,

VARIARVM LECTIONVM

LIBER QVINTVS.

Insularum fortunatarum descriptio, & situs.

CAP. I.



PRODITVM est à veteribus poëtis, esse quasdam in Oceano insulas, ad quas post mortem deferantur eorum animi qui sanctè religioseque vixerint. ibi eos inter se iucundissimè ac suauissimè viuere, in amœnissimo quodam prato, quod gemmea florum oculis naribusque gratissimorum varietate perpetuò distinctum picturatumque sit. nunquam non illic nitere cælum, frondere arbores, pubescere herbas, ridere omnia. spirare assiduè mollissimos Fauonios, quorū flabel- lis arborū comæ leniter ventilatæ, placidissimo murmure auribus blandiantur. eò accedere innumerabilem vim ac copiam immortalium auicularū, quæ usque & usque liquidissimos cantus tenui gutture funditantes, intimos audientium sensus incredibili voluptate permulceant. pratum ipsum perennibus ri- uulis variè interfecari, quorum aquula nitidissima ad versicolores lapillos molliter fracta & allisa susurrum efficiat dulcissimum. ita, quā flosculorum ambrosios odores exhalantium suauitate, quā Zephyrorum vi-

ridantibus arborum ramis illudentium sibilo, quàm volucrum concentibus, quàm blando murmurantium riuulorum strepitu beatas illas mētes continenter hilarari. ergo alios ad Orphei, Amphionisve lyrā choreas agere, alios psallere, alios corollas texere, alios in herba fusos, quàm tellus tremulis laurorum ac myrtorum opacatur umbraculis, iucundissimos sermones conferere: humum ipsam opum suarum prodigam, sine ullo cultu, ter quotquot annis, ybertate summa, alimentorum copiam eis suggerere ac subministrare. Hæc aliaq. similia de insulis illis poëtæ, vt dixi, fabulantur. sed de earum situ non idem ab omnibus traditur. nam cum pleriq. omnes, Homerum secuti, eas in Hispaniæ finibus collocent: non desunt tamē qui Indiæ vicinas esse dicant. in primis autem mihi visum est admirabile & absurdū, quod apud Græcum quendam grammaticum repperi, eas in Britannia esse. talem enim quādam fabulam narrat. esse in littore eius maris quod insulam Britanniam alluat, homines quosdam piscibus capiendis victitantes: qui Francis quidem pareant, neque tamen sint vectigales. li non nunquam in edibus suis dormientes, audiunt vocem, qua inclamantur; sentiuntque, pro foribus adesse multitudinem quandam hominum summa cum hilaritate plaudentium. expergefacti autem, & domo exeuntes, neminem quidem conspiciunt: naues tantum quasdam reperiunt, non suas, quas, ex ipso strepitu, vectorum plenas esse intelligunt. subeunt igitur illas, & ex consuetudine, remigant Britanniam versus. & quò alioqui ne velis quidem passis, secundo vento, suis nauibus peruenire breuiore quàm quatuor & viginti horarum spatio solent: eò tum vnica, eaque non longa, remigatione deferuntur. ibi incognitos

gnitos illos vectores exponūt. cumq; neminem omnino videant, sentiunt tamen ingentem concursum fieri ad litus, hominum congratulantium iis qui recentes venerunt, eosq; maxima cum lætitia exipientium. audiunt etiam eos inter se humanissimè consalutantes: cūm alius alium proprio nomine, alius à tribu, alius ab artificio, alius etiam gentis ac cognationis nomine appellet. tum iisdem illis nauibus conscensis, qua celeritate venerant, eadem reuehuntur domum. Quinetiam à quodam historiæ scriptore proditum est, C. Iulium Cæsarem eò aliquando vna triremi cum centum hominibus delatum: cumq;que incredibili loci amœnitate captus, sedes ibi capere vellet, ab illis ἀειδόντων incolis inuitum & reluctantem eiectum esse.

Tibulli versus illustratus.

CAP. II.

SUPERIORE anno edidi scholia quædam in Tibullum; &, quantum licuit per angustias temporis, perq; occupationes quibus distinebar, operam dedi, vt mea industria poëta ille & emendatius legi, & minore negotio intelligi posset. multos enim locos deprauatos restitui, obscuros declarauī, non nullos etiam, qui integri putabantur, mancos ac mutilos esse indicaui: ne quem obducta fortè cicatrix falleret. sed, inter cetera, cū versus illi è libro secūdo ita legeretur,

Ludite. iam Nox iungit equos: currumq; sequuntur

Martis lasciuo sidera fulua choro:

admonui, non *Martis*, sed *Matris*, legendum esse. ipsam enim Noctem, matrē siderum dici. Hoc nullo testimonio confirmandū ratus sum: quòd neminem putabam ita stolidum fore, qui non statim illius

emendationis bonitatem ac veritatem perspiceret. Nunc, cùm videam, reperiri quosdam vsque eò ἀμύσους, vt negent, satis lepidè dici posse Noctem siderum matrem: ideoque ad illam vulgatam scripturam defendendam inepta quædam de Martis sidere comminiscantur: visum est testari, primū in libro vetere, qui penes me est, *Matris*, non *Martis*, legi: deinde ita etiam locutum Euripidem; ac Noctem siderum nutricem vocasse, ita enim apud eum Electra loquitur:

Ω νύξ μέλαινα, χρυσέων ἄστρων τροφή. id est;

Nox aureorum furua nutritrix siderum.

sed & alia, quæ idem confirmarent, afferre quamlibet multa possem: nisi hoc satis superque fore arbitrarer.

Virgilii versus, in quo Ciceronem imitatus videri potest.

CAP. III.

MVLTÀ sumpsisse Virgilium non à poëtis modò, qui ante ipsum fuerant, verum etiam ab iis, qui soluta oratione scripserant, notum est. quare facillè crediderim, versum illum è secundo *Æneidos*,

Quanquam animus meminisse horret, luctuq; refugit,
è Cicerone imitatum esse. ita enim ille oratione XIII. in Antonium scripserat: Refugit animus P. C. eaq; formidat dicere, quæ L. Antonius in Parmensium liberis & coniugibus effecerit.

Platonis in Hippiâ maiore emendatus locus.

CAP. IIII.

APVD Platonem in Hippiâ maiore, cùm sophistes ille de cuius nomine dialogo impositum nomen est, etiam τὸ καλὸν definire conatus esset; neque tamen attulisset quicquam, quod non Socrates falsum & absurdum esse docuisset: ita denique loquens inducitur.

ducitur. ponam autem verba Platonis, ita ut vulgo leguntur: deinde Marfilii interpretationē subtexam: tum demum, quia ea deprauata esse existimo, ostendam, quomodo corrigenda, quoque modo interpretanda videantur. Platonis igitur hæc sunt: *Ιπ. Εγώ σε ἐρώ. ζητεῖν γάρ μοι δοκεῖς, τιούδ' τὸν π τὸ καλὸν ἀποκρίνασθαι, ὃ μὴδέποτε αἰσχρὸν μὴδαμὸς μὴδ' ἐνὶ φανήτοι. Σω. Πάνυ μὲν οὐκ ὦ Ἰππία, καὶ καλῶς γε νῦν ὑπολαμβάνεις. ἄκουε δὴ, πρὸς γ' ὅτ' τοῖσι δ' αὖτις ἔχῃ ὁ, π ἀντίπῃ, φάναι ἐμὲ μὴδ' ὅπῃν ἐπαινεῖν. λέγει δὴ ὡς τάχιστα πρὸς θεῶν.* quæ Marfilius ita interpretatur. *Hip.* Dicam equidem. requirere nanque mihi videris tale quiddam pulchrum respondere, quod nunquam alicui turpe videri queat. *Soc.* Omnino ὦ Hippia, rectè nūc accipis. audi modò, & vide si quis contra hoc obijcere possit, dicereq; nihil me laudare posse. dic per deos citò. Ego verò primùm malè distinetam esse personis orationem existimo: deinde, non ἐπαινεῖν, sed ἐπαῖνιν lego. describam autem eam tantùm partem, in qua vitium inesse arbitror. *Σω. Πάνυ μὲν ὦ Ἰππία, καὶ καλῶς γε νῦν ὑπολαμβάνεις. Ιπ. Ἄκουε δὴ. πρὸς γ' ὅτ' τοῖσι δ' αὖτις ἔχῃ ὁ, π ἀντίπῃ, φάναι ἐμὲ μὴδ' ὅπῃν ἐπαινεῖν. Σω. λέγει δὴ ὡς τάχιστα πρὸς θεῶν.* Iam totum locum hoc modo interpretor. *Hip.* Ego dicam tibi. videris enim mihi quærere, quomodo tale aliquid pulchrum esse respondeas, quod nullo vnquam modo cuiquam turpe esse videatur. *So.* Plane ὦ Hippia. rectè tu quidem nunc putas. *Hip.* Ausculta igitur. aduersus id enim, quod nunc afferam, si quis quod dicere possit habeat, scito me fassurum, nullius me omnino rei narum atque intelligentem esse. Hanc ego interpretationem veriolem puto. cùm autem & Platonis auctoritas tanta sit; & Marfilii cōuersio meritò ab omnibus magni fiat: nō malè mihi operam nauare videor,

videor, cùm, quæ minus bene ab eo reddita putem, indico. neque verò id facio, quòd de ipso parum magnificè sentiam. potius ex eo intelligi volo, eum à me in bonorum & eruditorum interpretum numero haberi. nam ni ita esset, nunquam sanè ipsum tanti facerem, quid bene aut malè vertisset.

Emendatus locus è Ciceronis agrariis.

CAP. V.

CICERONIS in Rullum hæc verba sunt, vbi eum cum Cn. Domitio cõparat: *Ille, quod dari populo nullo modo poterat, tamen quodammodo dedit; hic, quod adimi nullo pacto poterat potestate, quadam ratione eripere conatur.* quæ si emendatè leguntur, necesse est, ibi Cicero dixerit, potestate, id quod alibi, pro potestate, aut, per potestatem, dicere consuevit. Sed ego quidem eam scripturam vitium in se continere arbitror: neq. admodum dubito, quin ita legendum sit: *Hic, quod adimi nullo pacto poterat, potestve, quadam ratione eripere conatur.* Nondú tamen mihi cõtigit, quemquam veterem librum videre, qui cõiecturam meam confirmaret. sed facilè in eo labi potuisse librariorum, nemo, vt opinor, non videt.

Plautine Stichii principium emendatum, & distinctum.

CAP. VI.

CVM multa mihi impedimento sint, ne possim Plautum à me emendatum tam cito, quàm speraueram, edere; cõstitui interea inspergere libris meis non nullos eius poëtæ locos, eosque quomodo legendos arbitrer, exponere: vt & aliquem gustum dem conatus mei, &, iuxta præceptum Hesiodi, *σμηρὸν ἐπὶ σμῆρῳ*

κρὸν καταδέμεν & paulatim totum opus absoluiam. neque verò me pigebit, Apellis exemplo, si quis quid monuerit, in quo peccasse videar, errorem corrigere, & quod rationi magis cōsentaneum videbitur, id amplecti. quin id ab eruditis & harum rerum intelligentibus hominibus in magni beneficii loco etiam atque etiam peto, vt qua tum libertate, tum moderatione alienos à me errores detegi vident, eadem ipsi meos detegant: vt sine vlla maledicentia studia harum verè ingenuarum artium adiuuentur. Nunc igitur principium Stichi, quod in omnibus libris corruptissimè legitur, describam ita, vti legendum censeo. in quo optima fide affirmare possum, vculas aliquot, quas sustuli, auctoribus antiquis libris esse sublatas. in ordine ipso verborum, & in versibus distinguendis, fateor, me coniectura tantummodo esse vsum. cū enim quidam homo eruditus tradidisset, versus illos esse numeris permistis, τριμέτρους, & διμέτρους, ἀκαταλίκτους, καταληκτικούς, & βραχυκαταλίκτους, putaui hanc confessionem potius quandam esse ἀμυχανίας, quàm certi atque explorati iudicii professionem. itaque qui omnes senarios esse crederem, ita distinxi:

PANEGY. Credo ego miseram fuisse Penelopam soror,
 Ex animo, quæ tam diu suo caruit viro.
 Nam nos eius animum de nostris noscimus.
 Quorum viri nunc hinc absunt: quorumce nos
 Negotiis, ut æquom est, absentium
 Sollicita noctes & dies soror sumus.

PINAC. Semper nostrum officiū nos facere æquom est: neq.
 Id faciemus magis, quàm nos pietas monet.
 Sed hic mea soror asis: multa dum volo
 Tecum loqui de re viri. PA. Salua ne amabo?

PI. Spero

PI. Spero quidem, & volo: sed hoc crucior soror:

Patrem tuum, meumq³, adeo qui vnus vnice
Ex omnibus perhibetur ciuibus probus,
Eum nunc improbi officio fungi viri.
Tantus viris qui absentibus nostris facit
Iniurias immerito: nosq³ abducere

Ab iis volt. ha res vna me saturant soror:

Ha mihi diuidia & senio sunt. PA. ne lacrima

Soror: ne ve tuo id animo fac, tibi quod tuus

Minatur facturum pater. spes est, eum

Melius facturum. noni ego illum. istac ioco

Dicit. neque ille mereat Persarum sibi

Montes, qui esse perhibentur aurei, istud vt

Faciat, quod tu metuis. & si faciat, tamen

Minime irasci decet. neque id immerito eueniet.

Nam tertius hic est annus, vt nostri domo

Viri abierunt. PI. ita vt memoras. PA. cū ipsi interea,

Vuant, valeāt, vbi sint, quid agant, ecquid ve agant,

Neque participant nos, neque redeunt. PI. an id doles

Soror, quia illi officium non colunt suum,

Cum tuū facis? PA. ita pol. PI. tace sis. caue audiam

Ego istuc posthac ex te. PA. nam quid iam? PI. quia

Pol meo animo sapientis officium suum

Aequomst colere, & facere. quamobrē ego te hoc soror,

Tamet si es maior, monco, vt memineris tuum.

Et si improbi sint illi, atque aliter nos faciant,

Quam aequomst, tamen, ne quid malis obnoxia

Simus, opibus omnib⁹ nostrum officium nos decet

Meminisse. PA. placet. taceo. PI. at, vt memineri, facito.

PA. Nolo ego soror, me credi esse immemorem viri.

Neque ille honores mihi quos habuit, perdidit.

Nam pol mihi grata acceptaq³, huius benignitas.

Et me quidem has condicio nunc non pœnitet.

Neque

Neque est, cur studeam has nuptias mutarier.

Verum postremò in patri potestate est situm.

Faciendum id nobis, quod parentes imperant.

PI. Scio, atque cogitando, marore augeor.

Nam propemodum iam ostendit suam sententiam.

PA. Igitur queramus, nobis quid facto usui sit.

Quæso autem, si qui reprehendere hæc volent, ut prius diligenter & accuratè considerent. nolim enim me ita reprehendi, ut in refutandis temerariis reprehensionibus novus mihi capiendus sit labor. Hoc quoque Cælius, os hominis, non veritus est pro suo venditare.

Adonin Dianæ ira interfectum.

CAP. VII.

DIANA apud Euripidem in Hippolyto coronato, indignè ferens honestissimi adolescentis mortem, cuius culpa omnis in Venere hærebat, minatur, eam non impune laturam. nam se quoque interfecturam aliquem, qui Veneri eximiè carus sit, ut ipsam pari dolore afficiat.

Εγὼ γὰρ, inquit, αὐτῆς ἄλλον ἐξ ἐμῆς χερῶς,

ὅς ἐν μάλιστα φίλτατος κυροῖ βροτῶν,

τόξοις ἀφύκτοις τοῖςδε πμωξήσομαι.

quem locum declarans scholiastes: Sunt, inquit, qui putent, obscurè significari Adonin. sed nugari hoc quidem est. neque enim Dianæ sagittis, sed à Marte, interfectus est Adonis. quem igitur dicat, obscurum est. Hæc ille. Apollodorus tamen, non malus harum quidem rerum auctor, libro tertio bibliothecæ, Ἀδωνίς, inquit, ἐπὶ παῖς ὦν, ἀρτέμιδι ὁ γόλῳ πληγὴς ἐν θήρῃς ὑπὸ σὸς, ἀπέθανε.

Consir-

Confirmata duorum locorum Ciceronis emendationes a Petro Victorio factæ.

CAP. VIII.

RECTE iudicauit Victorius locum illum è secūda Ciceronis Philippica ita legi debere, vt in multis antiquis libris, & in Manutianis legitur. *Illam suas res sibi habere iussit, ex xii. tabulis clauēs ademīt, exegit.* non, vt in aliis, *Causam addidit, exegit.* Nani & Nonius Marcellus apertè id confirmat, qui in libro De varia significatione sermonum, cū dixisset, exigere idem esse quod excludere; M. Tullius, inquit, Philippicis lib. ii. *Clauēs ademīt, forasque exegit.* Illud autem, forasque, an recipiendum sit, alii viderint. mihi quidem non displicet. quamuis non legitur in veteribus libris, quos ego quidem viderim. Sed & aliam coniecturam eiusdem Victorii de loco quodam è primo libro accusationis, siue ex actione secunda in Verrem (ita enim liber ille citandus est; non vt à Victorio, qui, accommodans, credo, se ad consuetudinem vulgi, septem facit actiones in Verrem, cū sint tantū duæ) eam igitur cōiecturam non inanem fuisse, idem grammaticus ostendit. Cū enim vulgo ita legatur, *Quod ubi est Philodamo nuntiatum, tametsi non erat ignarus,* &c. Victorius admonet legendum, *tametsi non erat gnarus.* apud Nonium autem paulo aliter legitur, sed eadem planè sententia; nempe hoc modo: *Tametsi erat ignarus.* Has igitur doctissimi hominis coniecturas veteris grammatici auctoritate confirmare, operæpretium duxi.

Emendati loci aliquot è Mostellaria Plauti.

CAP. IX.

APUD Plautum in prima Mostellaria lepidissimum

mum colloquium est duorum seruorum, Grumionis rustici, qui, absente sene, herilem filium corrumpi, remq. familiarem dissipari doleret: & Tranionis, nequam hominis, qui hero adolescētiori esset voluptatū ac libidīnū administer. sed ea tota pars & in omnibus libris corruptè legitur, & in iis, quos Ioachimus emendauit, corruptissimè. Nunc igitur libet locos aliquot emendare: cetera aliās, cū videbitur. vbi ergo Grumio ita minitans dicit:

Augebis ruri numerum, genus ferratile:
legendum est:

Augebis ruri numero genus ferratile.
genus enim ferratile vocat seruos, qui ruri in compedibus agerent: atque id genus numero, id est, breui, nempe cū redierit senex, à Tranione auctum iri ait. Aliquot versibus pōst, vbi ita loquitur Tranio:

Quid tibi, malum, mea, ut quid ego agam, curatio est? legi debet:

Quid tibi, malum, me, aut quid ego agam, curatio est? ita enim dictum est, ut illud, quid tibi hanc ratio est? ille autem versus,

Meum bonum me, te tuum maneat malum,
à Grumione dicitur, hoc sensu: Non recuso, quominus ego nunc duriter viuam, tu lautè, & opiparè: dum me quidem maneat bonum meum, te verò maneat malum tuum, cū venerit senex. Vnum etiam mendum tollam: cetera in aliud tempus reiciam. In libris Ioachimi ita leguntur hi versus:

Quid est? quid tu me nunc obtuere furcifer?

GR. *Pol tibi istuc credo nomen actutum fore.*

TR. *Dum intereas, sic sit istud actutum sino.*

postremus autem eorum ita legendus est:

Dum interea sic, sit istud actutum: sino.

H

est

est enim hæc oratio hominis præsentia tantum spectantis, futura negligentis. Dum, inquit, interea sic sit, ut nunc est, quid actutum futurum sit, non laboro.

Ciceronis locus conuersus è Chrysippo.

CAP. X.

QVOD apud Ciceronem libro secundo De natura deorum, de societate, quam parandi cibi gratia ineat pinna cum parua squilla, è Chrysippo sumptum esse arbitror: eo magis, quòd ibi Balbum de Stoicorum sententia disputantem facit: ut credibile sit, magnam partem illius disputationis non aliunde potius, quàm è Stoicorum libris esse hauistam. Sunt autem Cicero- nis verba hæc: *Pinna verò* (sic enim græcè dicitur) *duabus grandibus patula conchis, cum parua squilla quasi societatem contrahit comparandi cibi. Itaque cum pisci- culi parui in copiam hiantem innatauerint, tum admo- nita à squilla pinna morsu, comprimit conchas. sic dissi- milibus bestiolis communiter cibus queritur. In quo ad- mirandum est, congressu ne aliquo inter se, an iam inde ab ortu natura congregata sint. Neque non eam coniec- turam adiuuat, quòd hanc ipsam societatem exponi facit à Catone, libro tertio De finibus: ubi etiam Stoi- corum placita defēdebat: ut planè videatur hoc Stoi- cum quiddam esse. Chrysippus autem libro quinto*

περὶ γὰρ καὶ ἡ θοοῦς ita scripserat: Ἡ πίννη, καὶ ὁ πιννοθήρης
 συναρτὰ ἀλλήλοις, κατ' ἰδίαν ἔδωκέμενα συμμύειν. ἡ μὲν ὅν
 πίννη ὄστρεόν ἐστιν. ὁ δὲ πιννοθήρης χαρκίνος μικρός. καὶ ἡ πίννη
 διατίσσει τὸ ὄστρεον ἡσυχάζει, τῆρεσσι τὰ ἐπεισόντα ἰχθύδια.
 ὁ δὲ πιννοθήρης παρὲς αὐτὸς, ὅταν εἰσέλθῃ τι, δάκνει αὐτὴν, ὥσπερ
 σσημαίων. ἡ δὲ θηχθεῖσα συμμύει. καὶ ὥτως τὸ ἀποληφθὲν, ἐνδον
 κατεδίεσι κοινῇ. φασὶ δὲ πνυς, καὶ συγγενεῖται αὐτὰ αὐτοῖς, καὶ
 ὡς ἀνὲξ ἑνὸς ἀνδρὸς γίνεσθαι. neque tantū eo in loco,
 sed &

sed & multis aliis eandem historiam repetierat: ut ostendit Plutarchus in commentario quo quaerit, Terrestriane an in aquis degentia animalia prudentiora sint: his verbis. *ὅτι ἐστὶ καὶ ὁ τὸ πλεῖστον ἐξαναλώσας χρυσίππε μέλαν πιννοτύχης, παντὶ καὶ οὐτεκῶ βέλῳ καὶ ἡδικῶ προσεδρίαν ἔχων.* Plinius quoque postea & Oppianus libro secundo idem prodiderunt.

Explicatus & emendatus locus è secundo Epistolarum ad Atticum. CAP. XI.

CICERO in quadam epistola libri secundi ad Atticum, cum scripsisset, se cupere Alexandriam & reliquam Aegyptum visere, rogat eum postea, ut ad se scribat, quoniam Nepos proficiscitur, cui nam auguratus deferatur: Quo quidem, inquit, vno ego ab istis capi possum. addit deinde: Videte civitatem meam. sed quid ego hæc, quæ cupio deponere, & toto animo, atque omni cura φιλοσφεῖν? sic, inquam, in animo. sic vellem ab initio. Hæc igitur verba, *Videte civitatem meam*, quem sensum habeat alius viderit. Manutius ait, esse hemistichium ex veteti poetâ in miserabilem civitatis aspectum. ego locum corruptum esse opinor, & ita legendum, *Vide levitatem meam*. planè enim levitatem quandam & inconstantiam consiliorum suorum tota illa epistola indicat Cicero. fieri autem potest, ut ex, *vide te*, factum sit, *videte*. deinde illud, *vitatem*, quod nihil significaret, transierit in *civitatem*.

Virgilii versus ex Æschylo imitati.

CAP. XII.

PRÆCIPERE ac præsumere oportere sapientem omnia, quæ homini acerba & gravia accidere possunt: taliq; præmeditatione leviora illa, & perpeffu faci-

lora effici, disputatum est copiose à Cicerone, libro quarto Tusculanarum, allatique versus Euripidis è Theſeo, & Terentii è Phormione, quibus id confirmaretur. Virgilius autè Æneæ suo, quem omnis virtutis exemplar eſſe voluit, ut ceteras laudes, ita hanc quoque tribuit; cùm eum his verbis de ſe videntem fecit:

— non vlla laborum,

O virgo, noua mi facies, inopinave ſurgit.

Omnia præcepi, atque animo mecum ante peregi.

qui quidè videri non immeritò poſſit hoc ex Æſchylo ſumpſiſſe, apud quem Prometheus ita loquitur:

Καίτοι τί φημι; πάντα προῖξ' ἐπίσταμαι

Σχεθρῶς τὰ μέλλοντ'. ἔδ' ἐμοὶ ποταίνιον

Πῆμ' ἔδδ' ἐν ἤξει. id eſt:

Quaquam quid aio? cuncta prænouì optimè

Futura. nec ventura calamitas mihi

Inopina quiſquam eſt.

Ennii hemiſtichium ex Euripide.

CAP. XIII.

CICERO libro ſecundo De finibus aduerſus Epicureos diſputans, qui ſummam voluptatem detractiōe omnis doloris terminabant: *Hoc*, inquit, *dixerit potius Ennius;*

— nimium boni eſt, cui nil mali eſt.

nos beatam vitam non depulſione mali, ſed adeptiōe boni iudicemus. quaquam autem non exprimit, ubi id Ennius dixerit: facilè tamen crediderim, eſſe hoc hemiſtichium ex Hecuba; idque Hecubam ipſam pronunſiaſſe. apud Euripidem certè infelix anus exemplo ſuo docet, inania eſſe bona illa, quæ plerunque in animis hominum ſuperbiam pariant. eum itaque
feli-

felicissimum habendum, cui nihil eo die obtingat mali. versus hi sunt:

— κείνῳ ὁ δολιχότατος,

Ὅτ' ἡμᾶρ πυχάνει μηδ' ἐν πικρόν.

Falsum argumentum allatum esse ab A. Gellio ad ostendendum, inter Platonem & Xenophontem aliquid similitudinis intercessisse. CAP. XIII.

A. GELLIVS libro XIII. noctium Atticarum, aliquot argumenta collegit, quibus doceret, inter Platonem & Xenophontem nescio quid occultæ similitudinis intercessisse. multo plura autem, & multo accuratius exposita apud Athenæum libro vndecimo leguntur. sed eorum, quæ posuit Gellius, primum falsum esse, comperi. ait enim, neque à Platone Xenophontis, neq. contrà à Xenophonte Platonis ullam vñquam factam esse mentionem: cum tamen vterque complurium Socratis sectatorum meminerit. Ego autem, ecquid Plato Xenophontem vsquam nominauerit, non sanè pronunciare ausim. apud Xenophontem quidem libro tertio ἀπομνημονεύματων, Platonem nominati video. Narrat enim Xenophon, Glauconem Aristonis filium, qui ad populum verba facere, & remp. gerere cuperet, cum annos viginti nondum haberet, sæpe ob id delusum, & detractum è suggesto: neque tamen amicorum ac domesticorum precibus à tam temerario incepto eum reuocare cupientium obtemperantem, destitisse tandem Socratis auctoritate adductum. Socratem autem ei amicum fuisse ait propter Charmidem Glauconis filium, & propter Platonem. Γλαύκωνα ὅ, inquit, τὸν Ἀρίστωνος, ὅτ' ἐπιχείρει δημηγορεῖν, ἐπιθυμῶν προσάτευσεν τῆς πόλεως, καὶ ἐπεὶ εἰκοσι ἔτη γεγραπτός, ὄντων ἄλλων οἰκείων καὶ φίλων, καὶ εἰς ἐδωμάτο παύσαι, ἐλ-

κείμενοντε ἀπὸ τῆς δόξης, καὶ καταγέλαστον ὄντα. Σωκράτης ὅς
 εὖτος ὢν αὐτῷ διὰ τε Χαρίμδην τὸν Γλαύκωνος, καὶ διὰ Πλάτωνα
 τα, μόνον ἐπαυσεν. Hoc cum primū scripsi, non me-
 mineram, idem à Laërtio in Platonis vitā notatū esse.

*Secundam fortunam difficile ferri, multorum
 grauium scriptorum testimoniis confir-
 matum. CAP. XV.*

GRAVEM admodum sententiam Gobryæ Xe-
 nophon dedit: quamque quotidiana experientia ve-
 ram esse declarat. Difficilius videlicet reperiri qui se-
 cundam, quā qui aduersam fortunam bene ferant.
 Secundis enim rebus insolescunt plerique homines,
 & efferuntur: aduersis omnes ad temperantiam ino-
 derationemque reuocantur. id quod ille expressit his
 verbis: δοκεῖ δέ μοι, ὦ Κύριε, χαλεπώτερον εἶναι εὖρεῖν ἢ ἄνδρα
 τ' ἀγαθὰ καλῶς φέροντα, ὃ τὰ κακά. τὰ μὲν γὰρ ὕβρις τοῖς πολ-
 λοῖς, τὰ δὲ σωφροσύνην τοῖς πάντεσσι ἐμπειεῖ. M. autem Cato
 ille Censorius, etsi à Xenophōte, ut opinor, non hau-
 serat, ut qui à Græcis litteris abhorreret: prope ta-
 men idem dixerat in Oratione pro Rhodiensibus. ex
 ea enim citantur hæc: *Aduersares se domant, & do-
 cent, quid opus sit facto: secundares latitia transuersum
 trudere solent à rectè consulendo atque intelligendo.*
 Itaque non sine causa dictum est ab Horatio:

— bene ferre magnam

Disce fortunam. &

Æquam memento rebus in arduis

Sernare mentem: non secus in bonis

Ab insolenti temperatam.

Latitæ. &

Rebus angustis animosus atque

Fortis appare. sapienter idem.

Con-

*Contrahes vento nimium secundo**Turgida vela.*

aliaque multa eodem pertinentia . Non paucos enim fortuna , quos aduersa non mouerat , propitia percussit . multisque contingere videmus id quod Tantalos contigisse ait Pindarus: quem ait nequiuisse concoquere felicitatem suam. εἰ δὲ δὴ πρ' ἀνδρα θνατὸν οὐλύμπου σκοποὶ ἐτίμασαν, ἦν Τάνταλος ἔτ'· ἀλλὰ γὰρ κατεπέλασε μέγαν ὄλβον ἐκ ἐδωάδου.

*Ebrii nomen ad alia quedam à vino
elegantè tralatnm.*

CAP. XVI.

INFA TVATVM prosperis rerum successibus Cleopatraz animum eleganter admodum ac significanter expressit Horatius , cum eam dulci fortuna ebriam fuisse dixit . Pari autem elegantia olim Euripides , cum induceret Electram conquerentem de contumeliis quas patri suo mortuo imponeret Ægysthus , fecit ipsam dicentem , ea omnia illum Clytemnestra ebrium facere . Ita enim loquitur :

Μέθῃ ὃ βραχδεὶς τῆς ἐμῆς μυττὸς πόσις

Ο κλεινὸς , ὡς λέρουσιν , ἐνθρώσκει τάφῳ ,

Πέτρεις τελευτοῖ· μνημα λαΐνον πατρός.

sed & Flavius Philostratus in Herodis vita simili modo dixit homines diuitiis ebrios . ita enim scribit: οἱ γὰρ τλήτῳ μεθύοντες, ἔβριον τοῖς ἀνθρώποις ἐπαντλῶσιν . & alibi Lucretius homines ebrios curis . quam ad formam nos quoque haud ita pridem in ode quadam ad Anastasium Iusbertum Melchioris F. adolescentem eleganti ingenio , moribusque optimis præditum , ita cecinimus :

— non didicit modum.

H 4

Ser-

*Servare, nec se legibus alligat,
Sed semper impermissa querit
Immodica ebria mens amore.*

*Horatiana quedam genera loquendi è Græco
expressa. CAP. XVII.*

CUM multa & in his libris & in aliis loquendi genera notaverim, quæ Horatius à Græcis poëtis mutuatus est, videor mihi convenienter instituto meo consuetudiniq; facturum, si plura etiam notare perrexero. nam & de meipso coniecturam faciens, hanc curiositatem meam iis qui colunt hæc studia, non iniucundam fore duco: & utile puto esse iis, qui pandendis versibus laudem aliquam sibi parare in animo habent, pernoscere, quomodo veteres Latini poëtæ Græcos loquendi modos in Latium inuexerint: ut ipsi quoque, illorum exemplo, in eodem illo peregrinitatis aucupio elaborent. Ergo quod Nereus Paridi prædicens ea mala quæ ob raptam Helenam consecutura erant, quasi iam in re præsentis versaretur, ita loquitur:

— *ecce furis te reperire atrox*

Tydides melior patre:

id quisquis legit, sentit, opinor, quiddam transmari-
num, neque in Romanorum consuetudine positum.
Nam, *furis reperire*, vehemens quidem, & illustre, &
evidentiæ plenum loquendi genus est; sed Latinis
non usitatum. est autem Euripidis, apud quem in
Phœnissis, is qui enarrat, quemadmodum mutuis se
icibus Eteocles & Polynices interfecerint, ita eos
mox pugnatueros describit:

Εσαν δ' χαμπάρω, χερσὶ μάτ' ἐκ ἡλλαξέτην,

Μαρζῶντ' ἐπ' ἀλλήλοισιν ἰέναι δόρυ. id est:

Steterunt cornisci, vultu eodem quo prius,

Haslam

Hastam fidentes mittere alter in alterum.

neque non illud ἐλλήνισεν, quod meliorem patre dixit, cum significet fortiozem. ita enim Græci κρείττονα, aut ἀμείνονα. vt, Μὴδ' ἔθελ' ἐξ ἐρίδος στυ ἀμείνοσι φῶτι μάχεσθαι. & ipse alibi, *Ceruius equum pugna melior.* vbi etiam minorem dixit, qui vinceretur: id est τὸν ἥττονα.

Breuitatem & obscuritatem aptam esse ad terrorem inferendum, aliquot exemplis confirmatum.

C A P. XVII.

BREUITAS loquendi, & sermonis obscuritas imperiosum quiddam habet: ideoque aptissima est minantibus vtraque, mitissimeque prodest, ad animos eorum quibuscum agimus, perterrefaciendos. nam vt in tenebris magis timentur omnia, quam in luce; sic illæ orationis quasi tenebræ terribiliora reddunt ea quæ proponuntur. Idque, vt opinor, secuti sunt Lacedæmonii, cum ad Philippum ita scripserunt: *Lacedæmonij Philippo. Dionysius Corinthi.* Multo enim fortior, & vt Lucretii verbo vtar, penetratior illa breuitas fuit, quam si ita dixissent: Dionysius cum aliquando præpotens tyrannus fuerit, vti tu es, nunc tamen regno exutus priuatam Corinthi vitam agit. Vide, ne, dum aliorum libertatem studes opprimere, idem tibi quoque contingat: quæ iam non detertere, sed admonere cupientium fuisset oratio. Neque dissimile illud Demetrii ad Locrenses: *Faxo, cicada apud vos humi canant.* cum significaret, totam à se illorum regionem deuastatam iri. Atcæas quoque Scytharum rex hanc olim epistolam ad Byzantinos misisse fertur: *Nolite vestigalibus meis detrimento esse ne equa mea ad vos aquatum eant.* Idanthuras autem, qui & ipse Scythis regio imperio præfuit, multo etiam

H 5 obscu-

obscurius. nam ad Darium, qui Istrum traiecerat, litteras quidem, quibus ei minaretur, misit nullas, sed pro litteris symbolū hoc: *murem, ranam, auem, sagittam, aratrum*. Cumq. hæc in Darii castris alius aliter interpretaretur: Orontopagas tribunus militum censuit significari, eos omnium rerum deditionē esse facturos. domorum: hoc murem innuere. aquarum, acris, armorum, regionis: harum rerum symbola esse, ranam, auem, sagittam, aratrum. At Xiphodres longè alio modo interpretatus, Nos verò, inquit, quantum hæc symbola ostendunt, nisi aut terram subeamus, ut mures: aut aquam, ut ranæ: aut euolemus, ut aues: non effugiemus ipsorum tela. neque enim terræ, quam ipsi arant, domini sumus. Hoc Pherecydem Syrium narrare, ait Clemens Alexandrinus. Herodotus autem in Melpomene hanc ipsam historiam aliquanto aliter narrat.

*Locus Virgilii aliter, quàm à Servio & Macrobio
expositus. CAP. XVIII.*

*EXCESSERE omnes, adytis, arisq. relictis,
Di, quibus imperium hoc steterat.*

Hos versus, qui ab Ænea in secundo Æneidos proferuntur, Servius, & post eum Macrobius referendos censuerunt ad veterem quandam Romanorum consuetudinem, qui cum obsiderent urbem hostium, eamque iam capi posse confiderent, certo carmine euocarent tutelares illius deos: quod aut aliter urbem capi posse non crederent: aut, etiam si posset, nefas existimarent, deos habere captiuos. Ego autem, cum iis qui hanc opinionem sequuntur, non sanè contenderim. nam & ratione satis probabili nixa est, & à bonis auctoribus profecta,
neque

neque non tamen hanc veriore & simpliciorem puto: ea nocte, qua capta est Troia, visos esse deos Æneæ, exeuntes è templis, & simulacra sua asportantes. Solitas certè à diis suis deferi eas ciuitates, quæ mox in hostium potestatem venturæ essent, aut saltem eam fuisse veterum opinionem, ostendit Æschylus, apud quē Eteocles offensus superstitione mulierum, quæ vagantes per templa, in tanto ciuitatis periculo, implebant omnia clamoribus, iubet eas id modò optare ac precari, vt turris ciues ab armis hostium protegat. quem cū illæ interrogassent, vndenam id, nisi à diis, futurum putaret: respondens ille, quasi quæ illudens, ait vulgo dici solitum, excedere deos, cū vrbs aliqua capitur. Versus hī sunt è fabula, quæ inscribitur ἐπὶ τὰ ἐπὶ Θήβαις.

ΕΤ. Πύργον εἶχεν εὐχεσθε πολέμιων δόρυ.

ΧΘ. Οὐκ ἔν τὰ δ' ἔσαι πρὸς θεῶν; ΕΤ. ἀλλ' ἔθις

Τὴς τῆς ἀλύσης πόλεως ἐκλείπειν λόγος;

quem in locum scholiastes ait, id contigisse Troianis. λέγει γὰρ, inquit, ὅτι ὅταν ἔμελλε περιθιῆναι ἡ Τροία, ἐφάνησαν οἱ θεοὶ τοῖς Τρωσὶν ἀνελόμενοι ἐκ τῶν νεῶν τὰ ἀγάλματα αὐτῶν. Æneæ autem, propter singularem ipsius pietatem, eos potius, quàm cuiquam alii, apparuisse, credibile est. Sic & Tyrionum multis, cū Tyrum Alexander Philippi filius obsideret, visus est in somnis Apollo dicere, se ad Alexādrum abire: non enim sibi placere quæ in ciuitate fierent. neque ita multo post capta est Tyrus.

Illustratus Platonis locus ex Alcibiade primo.

C A P. XX.

VRBANO & eleganti artificio vsus est Socrates ad reprimendum Alcibiadis fastum, in eo dialogo qui in-

qui inscribitur Alcibiades primus, nam cum sibi persuaderet adolescens ille, (quod eius ætatis esse ingenium solet) abunde iam instructum esse se iis omnibus rebus, quæ ad administrandam remp. pertinerent, blandè aggressus hominem Socrates, paulatim interrogando eò perduxit, ut ex ipsius responsionibus aperte efficeretur, eum nullam esse adhuc iusti & iniusti scientiam consecutum. cumque agreferrèt quodammodo Alcibiades, & indignaretur, quod inscientiam sibi exprobrari putaret: purgat se Socrates, affirmatque, se nihil prorsus tale in eū dicere: ipsum esse Alcibiadem qui de se fateretur. Ita autem loquitur: Τὸ τῷ Εὐριπίδῃ ἄρα συμβαίνει ὃ Ἀλκιβιάδῃ. σὺ γὰρ δὲ κινδυνεύεις, ἀλλ' ἐκ ἐμοῦ ἀκηροῦναι. ἐγὼ εἰμι ὁ ταῦτα λέγων, ἀλλὰ σὺ. ἐμέ γ' αἰπὴ μάτην. Vsuvenit, inquit, nobis ὁ Alcibiade, id quod ait Euripides. periculum est, ne tu ex te ipso hæc; non ex me, audias: neque ego sum huius sermonis auctor, sed tu. me autem frustra incusas. Quæ verba, si quis fortè auct scire, quem ad locum Euripidis referantur: legat Hippolytum coronatum. ibi enim hos versus reperiet:

Τρ. Τί φής; ἐρεῖς ὃ τέκνον ἀνθρώπων τίν' ὀ;

Φαι. Ὅς τίς ποθ' ἔπος ἐδ' ὁ τῆς ἀμαζόν' ὀ.

Τρ. Ἰππόλυτον ἀνδρῶν; Φαι. σὺ γὰρ δ' ἐκ ἐμοῦ κλύεις.

MARCI

M. ANTONII MURETI

AD HIPPOLYTVM ESTENSEM

S. R. E. CARDINALEM

ILLVSTRISSIMVM,

VARIARVM LECTIIONVM

LIBER SEXTVS.

De pranotionibus, quibus scientiarum omnium principia debentur. explicatum & correctum principium posteriorum analyticorum Aristotelis.

CAP. I.

EORVM quæ ab hominibus aut discuntur, aut docentur, non nulla eiusmodi sunt, ut planè nullam mentis agitationem requirentia; sensu propè nitantur vno: alia, in quibus motus quasi quidam mētis necessarius est, progredientis ex vno in aliud, viamq; sibi paulatim ex aliis ad alia munientis. etenim vbi quis, exempli causa, saltare discit, nullo ad eam rem mentis motu indiget: tantum opus est, ut quod magistrum facientem viderit, id ipse quoque imitari studeat, & ea quæ videt, in memoria infigere: ut, cùm volet postea, etiam sine doctoris opera, eodem modo, atque ordine corpus mouere possit. iis autem in rebus nullum omnino mentis esse munus, vel ex eo intelligi potest, quod talia etiam bestię discunt: quodque in hominum genere non minùs sepe tardo & hebeti quàm celeri & acuto præditis ingenio, talium artium præstantiam contingere videmus: ac cùm illa philosophiæ, ut ita dixerim progymnasmatata discimus, quæ,

mus, quæ, propter perfectionem, cōmune disciplinarum nomē effecerunt suum: multoq̃. magis, cum ad illam ipsam bonorū omnium parētem philosophiam accedimus: ibi verò cernitur & exercetur illa vis, quā Græci, quorum fuit & doctrina maior & verborum copia vberior, *διδασκαίαν*, vulgares sapientiæ magistri, non v̄sitato veteribus, magis quā ad rem exprimendam non apto vocabulo, discursum nominarunt. Quod utinam venisset in mentem priscis illis Latini sermonis auctoribus aut hoc ipso vti, aut aliud nobis quo vteremur tradere: simulque alia quamplurima procudere, quorum ope philosophia Latinis litteris explicari commodè posset. præstiterat, aliquid diligentiae, sine fūco, & sine pompa, conferre ad eam rem, quā stultos illos non modò ante victoriam, sed propè ante pugnam pænanas canere: & tam sæpe gloriari, ac clamare, victam à se etiam verborū copia Græciam: cuius ipsi lautam illam ac copiosam supellectilem non modò adæquare, sed ne contemplari quidem satis atque inspicere potuissent. sed profectò ita est, ut dicam; nulli vnquam, qui res ignorarent, nomina, quibus eas exprimerent, quæsierunt. beati autem illi, & opulenti, & omnium gentium victores Romani in petendis honoribus, & in prensandis ciuibus, & in exteris nationibus verbo componendis, re compilandis occupati, philosophandi curam seruis aut libertis suis, & Græculis esurientibus relinquebāt. ipsi, quod ab avaritia, quod ab ambitione, quod à voluptatibus reliquum erat temporis, eius si partem aliquam aut ad audiendum Græcum quempiam philosophum, aut ad aliquem de philosophia libellum vel legendum, vel scribendum contulissent, iam se ad eruditionis culinē peruenisse, iam victam à se & profligatam

fligatam iacere Græciam somniabant. sed nos, eis omissis, pergamus id exequi, de quo dicere institueramus. Est igitur quædam *διδασκαλία τε ἢ μάθησις διανοητική*: quædam in qua τῆς διανοίας nullum munus, nullum officium est. ad hanc nullius rei necessaria est prænotio. illa perfici, nisi antecepta aliqua & antegressa notione, non potest. è perceptis enim quibusdam & cognitis rebus moneatur ἡ διάνοια, necesse est: & ex iis ad alia quæ nondum etiam cognita sunt, feratur. atque id causæ est, cur summus magister, Aristoteles, principio libri tertii analyticorum scripserit, omnem *διδασκαλίαν*, & omnem *μάθησιν*, quæ quidem sit *διανοητικὴ*, effici & existere ex anticipata notione. Atque id in Geometria, ceterisque mathematicis facillimè perspicui potest. etenim quem, quæso, ordinem tenet, qui eas docent? num acceptum auditorem confestim deducunt ad ea, in quibus vi & facultate τῆς διανοίας opus est? minimè verò: sed primùm tradunt finitiones, postulata, communes sententias: quæ omnia sine ullo (ut ita dicam) discursu mens apprehendit. tum demùm veniunt ad theorematum, & ad problemata, in quibus iam ἡ διάνοια ἐνεργεῖ: quod facere nunquā posset, nisi eas, quas diximus, notiones antecessissent. Semper enim (dicam Græcè, quòd dicam meliùs) τῇ τῆς διανοίας ἐνεργείᾳ ἢ νῦν, ἢ αἰδιόσις ἀπορηγεῖ. Neq. non idem in ceteris artibus fieri videmus. etiamque tum qui syllogismo, tum qui inductione ad aliquid probandum vtuntur, eandem viam tenent. illi enim sumunt τὸ καθόλου, tanquam notum & exploratum iis quibuscum verba faciunt: hi è singulis rebus, quæ notæ sint ei quocum disputant, probant τὸ καθόλου. eandemque apud rhetoras exemplorum & enthymematum ratio est. Duo sunt autem genera prænotionum.

nam

nam & quæ sit cuiusque vocabuli vis, præcognitum esse oportet, antequàm accedas ad ullam διδασκαλίαν διανοητικὴν, & quæ ponuntur in disputando, ut ea esse præcognoscatur, necesse est. duæ igitur prænotiones: τί ἐστὶ τὸ λεγόμενον, καὶ ὅτι ἐστὶ: quarum aliis in rebus altera tantum necessaria est, in aliis utraque. Iam poterat ex iis, quæ dicta sunt, dubitatio quædam exoriri. Si enim discere est cognitionē alicuius rei assequi, quomodo fieri potest, ut è præcedenti cognitione fiat μάθησις? quid autem opus est doceri, id, quod iam antea prænoueris? ad hanc dubitationem eximendam, ait Aristoteles. Εἰς τὸ γινώριζεν, τὰ μὲν πρότερον γινώριζοντα, τὰ δὲ καὶ ἄμα λαμβάνοντα τὴν γνῶσιν. id est: Fieri autem potest, ut aliquis γινώριζοι id, quod partim prius ἐγνώκεισε, partim eius eo ipso tempore λαμβάνει τὴν γνῶσιν. Scio autem hæc verba longè aliter ab omnibus interpretibus accipi. quorum si sententiam probarem, causilla non erat, cur his de rebus verbum facerem. Nunc, rectè an minus, alii viderint: certè quidem ab eis toto, ut dicitur, cælo dissensio. Τὰ μὲν & τὰ δὲ, accipio, ut in illo è libro primo De arte dicendi: τὰ μὲν, διὰ παιδείαν, τὰ δὲ, διὰ λαζονείαν, τὰ δὲ καὶ διὰ ἄλλας αἰτίας ἀνθρωπικὰς. Ac quamuis posteriore loco vulgo legitur, τῶν δὲ, tamen in quibusdam vetustis libris, eam, quam ipsi afferimus, scripturam fuisse, vel de Philopono cognosci potest. neq. non libentiùs, pro γινώριζοντα, legerem, γινώρισαντα. sed tamen nihil refert. Non est igitur absurdum, etiam si quis dicatur discere id, quod antea quodammodo sciebat. sed si diceretur eodem modo discere quo antea sciuerat: id demum absurdum esset. quod Aristoteles ipse his verbis exprimit: Ἀποπυνδῶ, ἢ καὶ εἰ ὁ οἶδ' ἐπεὶ μανθάνει, ἀλλ' εἰ ἄδ'. οἷον ἢ μανθάνει, καὶ ὧς. ita enim legenda illa sunt, non, ut vulgo leguntur

guntur. idque etiam de illa rudi & inculta, sed fideli
 vetere translatione cognoscitur. Etenim fieri potest, ut
 quis, vniuersè sciat, omnia frigida habere vim ad
 inducendum somnum, qui tamen papauer aut la-
 ctuam eius generis esse nesciat. Is cum de eorum al-
 terutro idem γινώσκει, discet id, quod quodammodo
 antea scieverat. quod enim de toto genere scitur, etiam
 de qualibet parte scitur: sed tamen ita distinctè ac de-
 finitè nescieverat. Ergo τὰ μὲν πρότερον ἐγνώκει, τὰ δ'
 καὶ ἄμα λαμβάνει τὴν γνῶσιν. Sic quoque qui didicit fini-
 tiones, postulata communes sententias, à quibus ex-
 orditur Euclides: is cum postea discit, Super propo-
 sita linea recta triangulum æquilaterum constitui
 posse; discit id, quod quodā modo præscieverat. nam
 ex illis hoc efficitur. & qui nouit principia, nouit
 quodammodo conclusionem. non tamen discit. ἢ καὶ
 αἰς ἐγνώκει, sed distinctiùs & enucleatiùs. Non autem
 in omnibus quæ discuntur, διὰ τὸ μέσθ τὸ ἔχατον γινώ-
 σκει: imò verò sunt quædam, quæ αὐτίκως cognoscun-
 tur: ut principia, & ea quæ sub sensum cadunt. Mentis
 enim & sensus αἰστος cognitio est. Aristoteles eo loco
 ponit ratum exemplum ἐν τοῖς καὶ δ' ἐκείναι: sed de prin-
 cipiis idem alibi docet. Cum autem vulgo legatur,
 ὅσα ἐστὶ τῶν καὶ δ' ἔχαστα, τοῦ χάκει ἄντα, non ἐστὶ legendum
 est, sed ἐστὶ, ut & vetus interpretes legit, in quo falsi
 sunt ii qui se disertos, quàm intelligentes, haberi
 maluerunt. His autem de rebus disputauerat etiam
 Aristoteles eo libro qui proxime antecesserat, ἐν τῷ
 περὶ τῆς καὶ δ' ἀπὸ νῦν ἀπὸ τῆς. Hac iudicant cuncto ab
 hominibus & Græcæ linguæ intelligentibus, & re,
 non verbis, philosophis. ἀγνοοῖσι καὶ αἰστος quomodo
 accepturi sint, & ὅρα τὴν ἀπὸ καὶ δ'.

Axiomata quomodo Latine vocanda sint.

CAP. II.

INEPTI faciunt, qui ἀξιόματα dignitates vocāt: cuius prauæ consuetudinis Hermolaus Barbarus auctor fuit. neque nego ἀξιωμα interdum idem valere, quod dignitatem; sed nihil hoc ad ea, de quibus agimus, axiomata. neque minus ineptiunt, qui proloquia vocant, aut pronuntiata: in quorum tamen posteriore Ciceronem se habere auctorem putant. sed falluntur. Nam Cicero hanc vocem, ita ut à Stoicis accipiebatur, interpretatus est: qui axioma vocabant quamlibet enuntiationem, id est ἀπόφασις. id quod Laërtius docet. ac si quis eo modo ἀξιωμα accipiat, tum sanè vel pronuntiātū, vel, si volet, proloquium dicat. Apud Aristotelem quidem & mathematicos alia huius vocabuli vis est. qui, ut notum est, axiomata vocant communes quasdam sententias, quæ non tantum veræ sunt, sed etiam veræ omnibus videtur. Verbum autem ἀξιῶν, sæpè apud Græcos, sine ulla dignitatis aut indignitatis significatione, idem valet, quod existimare ac sentire. Inde igitur ἀξιόματα, ὅτι πάντες οὕτως ἀξιοδοτοῦν. unde & κοινὰ ἔννοια vocantur. Aut igitur vocem Græcam retinuerim, aut sententias potius, quam vel pronuntiata, vel proloquia, vel dignitates dixerim.

Comparatione quadam Lucretiana usus etiam Themistius ostenditur. CAP. III.

NOTA est comparatio, qua usus est Lucretius, cum se idem facere dixit, quod medicos: qui amarum aliquam potionem pueris dare cupientes,

— prius oras pocula circum

Contingunt dulci mellis flanoq; liquore.

videtur

videtur autem ea fuisse etiam apud Græcos celebris. Theinistius quidem certè ea vitur: quem verisimile est eam ex aliquo vetustiore sumpsisse. Nam in oratione, qua Nicomedenses ad philosophiam exhortatus est: Imitandi sunt, inquit, nobis sapientiores medici: qui pharmaca ea, quæ amariora sunt, circumlito prius melle poculo, bibenda præbent. *μιμητέον ἡμῖν τοὺς σοφωτέρους τῶν ἰατρῶν, οἱ τὰ πικρότερα τῶν φαρμάκων, μέλιτι τινὲς κύλικα περιχέσαντες, πίνειν διδόνασιν.*

Ut multas alias diphthongos, quæ nunc usurpæri desierunt, ita oī pro æ, apud veteres fuisse. emendatus Plauti locus.

CAP. IIII.

MULTIS vsos diphthongis veteres, præter eas, quibus hodie vitur, constat. nam & Furius dicebant pro Furiis, & Paitos ac Aimilios pro Patīs & Æmiliis & de Sabineis triumphasse Tarquinium, de Etrusceis Ser. Tullium, in veteribus monumentis legimus. Quinetiam vt *ai* pro *e*, sic *oi* pro *æ* interdum scribere, vt opinor, solebant. itaque apud Plautum in Menæchmis *proilium*, & *proilio*, in veteribus libris scriptum animaduerti, pro eo, quod nunc prælium, & prælio scriberemus. Versus hi sunt, quibus Erotij meretricis cum parasito Peniculo, & cum Menæchmorum fratrum altero colloquium quoddam continetur.

E R. *Anime mi Menachme salve. Pæ. quid ego? E R. extra humerum ei mihi.*

P E. *Istud idem aliis ascriptum fieri ad legionem solet. M E. Ego istic mihi hodie apparari iussi apud te proilium,*

Hodie ut fieret, in eo uterque proilio potabimus. Hoc qui non intellexerant, priore loco discesserunt à

vetere scriptura. & fecerunt, *prælium*: posteriore autem, unam vocem disceperunt in duas, & scripserunt, *pro Ilo*. quod qui ad Troianas pugnas retulerunt, etsi ei, plurimum tribuo, adduci tamen, ut ipsis assentiar, hac quidem in parte non possum.

Dominos, nisi cupiditatibus suis imperent, ne servis quidem suis imperare posse. CAP. V.

QUIBUS in domibus aut paterfamilias, aut materfamilias nequiter libidinosèq. vivat, in eis servos non esse servos, neque communi conditione servitutis uti, sed liberiùs, licentiùs, dissolutiùs vivere, & quotidiana docet experiètia & M. Tullius in Cæliana defensione gravissimè ac sapientissimè dixit. servi enim, ut alicubi falsissimus, vrbatissimèque scriptor posuit Lucianus, omnium conscij sunt, quæ à dominis aut pulchrè aut turpiter fiunt. quocirca qui ea designant flagitia. quæ latère atque occultari expediat, ij, tantùm abest ut metuantur à servis, ipsi metuentur servos: utpote quos necessariò habeant assiduos suorum facinorum testes. Hoc igitur argumento usus est Cicero, ut doceret, verissimile nō esse, M. Cælium cum Clodiæ servis consilium de veneno ei præbendo communicasse. Lysias quoque in Oratione, quam scripsit ei qui sacram oleam incidisse arguebatur, hoc ipso eum argumento utentem fecit: nunquam ausurum fuisse se id facinus committere, cum & conscios eius servos adhibere oporteret, & ipse, eo perpetrato, non servos eos postea, sed dominos habiturus esset: neque vlllo modo ausurus in eos animadvertere, quicquid illi tandem fecissent.

παῖς οὖν. inquit, ἐκ τῶν ἀδελφῶν τῶν ἀνθρώπων ἀπάντων, ὃς τῶν ἑμαυτοῦ σκλάβωντας, μήτε πρὸς τοῖς ἑμαυτοῦ ἔχοντες ἀλλὰ

ἀλλὰ Λεωπύτας ἢ Λυσιπὸν βίον, τοιοῦτον ἔργον σωηδόντας; ὥστε εἰ
 καὶ τα μέγιστα εἰς ἐμὲ ἐξημέραντα νοσῇ, καὶ ἂν οἶόν τε ἦν, δίκην με παρ
 αὐτῶν λαμβάνειν. εὖ γὰρ αἰ εἰδέναι, ὅτι ἐπ' ἐκείνοις ὡς καὶ ἐμὲ
 πτωρήσας, καὶ αὐτοῖς μελῶντα πνέειν ἐλδοθέροις θύεσθαι. Miser-
 rima igitur est impurè ac turpiter viuentium condi-
 cio, quibus ad cetera damna illud etiam accedit, vt in
 quos imperium exercere debuerant, eos reuereri ac
 metuere adiga itur.

*Homerum & Aeschylum Athenienses, Tyrtaum
 Lacedaemonij quo honore affecerint.*

CAP. VI.

HOMERI poëmata quanti fecerint Athenienses,
 quamq. vtilia esse ad inflammandos honestatis ac digni-
 tatis amore animos iudicarint, hinc existimari licet:
 quod legem tulerunt, vt quinto quoque anno in Pa-
 nathenæis, eius vnus ex omni poëtarum numero car-
 mina publicè canerentur ita enim cogitabant, leges
 præcipere quidem, quid faciendum, fugiendumque
 sit, sed propter breuitatem, non docere: at poëtas, qui
 vitam hominum imitantes, res præclare ac fortiter
 gestas, copiosè exponerent, easque propemodum an-
 te oculos constituerent, aptiores esse ad persuaden-
 dum. Similem autem honorem habuerunt Lacedæ-
 monij Tyrtao: cum enim ceteroqui à poëticis stu-
 diis alieni essent, neque poëtarum cantus libenter au-
 dirent, lege tamen constituerant, vt quoties cum ho-
 stibus dimicaturus in procinctu cōstitisset exercitus;
 conuocarentur milites in tabernaculum regium:
 ibique audiendis Tyrtaei carminibus ad spernendam
 pro patria vitam incitarentur. Æschylo quoq. idem
 propè honos à populo Atheniensi tributus est. vnus
 enim ex omnibus tragicis fabulæ, ipso etiam mortuo,

ut docerentur, decreto publico statutum erat.

Illustratus locus ex Aristotelis categoriis.

CAP. VII.

ARISTOTELES in extremo libro Categoria-
rum cū docuisset multis modis *habendi* verbum
accipi, addit: λέγει ὅτι καὶ ὁ ἀνὴρ γυναῖκα ἔχειν, καὶ ἡ γυνὴ
ἄνδρα. Quid autem illud sit, cū vir mulierem, aut
mulier virum habere dicitur: id quia vulgò non satis
intelligi video, explicabo. Is ergo mulierem quam-
piam habere dicebatur, aut qui eam vxorē duxerat,
aut etiam cui illa dicto audiens erat, qui ad eam, pro
suo iure, cū volebat, vētitabat, eaquē ad arbitrium
suum fruebatur. atque ita dictum est olim ab Ari-
stippo, ἔχω Λαΐδα, ἀνδρὶ ἐκ ἔχουαι. & apud Lucianum:
Τὸν σεβαστῶν Θεὶ τὸν Αἰχράνα, ὃς πάλαι μὲν Ἀβρότονον
εἶχε, αὖ ταῦτα ὅτι ἡράδην ἐμοί, οἶδα; neque non Latini
idem eodem verbo indicabant. ut Cicero, qui illud
voluptarij philosophi dictum, quod modò memo-
rauimus, ita extulit: Sed tamen ne Aristippus qui-
dem ille Socraticus erubuit, cū esset obiectum, ha-
bere eum Laida. habeo, inquit, non habeor. Græcò
hoc melius. tu, si voles, interpretabere. Nam illum
Ciceronis locum, ut hoc ὁδὸς πάρεργον admoneam, ita
legendum iudico: & quas omisi voces, glossas esse.
neque alio sensu dictum est à Terentio:

—— *heus puer,*

Dic sodes. quis heri Chrysidem habuit?

ad eandem etiam rem exprimendam *ductandi* verbo
utebantur. ut enim ductat exercitum is, cui paret ex-
ercitus: ita ductare mulierem dicitur is, cui illa ob-
temperat, morigeraq. est in rebus omnibus. Plautus:

Solus solitudine ego sed atque ab egestate abstuli.

Solus

Solus si ductim, referre gratiam nunquam potes.

Solus ductato, si semper solus quæ poscam dabis.

& eodem modo Terentius,

Ut phaleratis dictis ducas me, & meâ ductes gratiæ?
atque ita intelligendum est illud Fabij libro octauo:
Ductare exercitus, & patrare bellum, apud Sallustium
dicta sanctè & antiquè, videntur à nobis, si diis placet.
Nam de illo altero verbo in Catullum diximus. Sed
& idem significantes, mulierem cum aliquo esse dicebant. Plautus:

Mane, mane, audi. dic quid me aequom censes pro
illa tibi dare,

Annum hunc ne cum quiquam alio sit? Idem:

Diabolus filius Nicocli Clereta

Lena dedit dono argenti viginti mnas,

Philænum ut secum esset noctes & dies,

Hunc annum totum.

Græci autem *ζωεῖναι* sæpius, ut videtur, *πεὶ τ' ἐνεργίας αὐτῆς*, hoc est, de ipsa corporum commistione accipiebant. non nunquam tamen aliter, ut, *ὁ μὲν νικιότης σου χαρίδης, ὁ τὸ γέγονε Δεισιπύτου υἱός, γαυρὸν ἦδ' ἐκ σπυρονεῖ. σὺ δ' ἐμέχρ' ἐταίρῳ ζῶεις*; Neque non Aristoteles ipse significauit, se hoc, quod dico, intelligere: sed tecto verbo, & pudoris ac verecundiæ pleno. subiunxit enim: *ἐδὲν γὰρ ἄλλο πρὸς ἔχειν γυναικὰ σημαίνοντα, ἢ ὅτι συνοικεῖ*. nam *συνοικεῖν* si quis hoc loco idem valere putat, quod in iisdem ædibus degere, ac non illud potius ipsum, quod suprà dixi *πεὶ τὸ ἔχειν*, fallitur. ita enim eos hoc quoque vfos esse constat. Hippocrates, *πεὶ παρδένιον. Κελδῶ δ' ἐγὼ γὰρ τὰς παρδένους, ἵκταν τὸ τοιοῦτον πάχωση, ὡς τάχιστα ξυνοικῆται ἀνδράσιν.*

Indocides: *καὶ ζῶσκει ὁ πάντων χειλῶτατος ἀνδράπων ἱμνητὴς καὶ τῇ θυγατρὶ. Lucianus, Θεῶν κρίσει. Δοκῆ τις*

αὐτῷ σωσκεῖν ἑαυτὴν γὰρ & Laërtius in Aristippo: Πρὸς
τὸ ἀπεικάζειν ὅτι ἐταῖρα συμποικίῃ ἀξιά γε, εἰπεῖν, μὴ τι διεύχεται
οὐκίαν λαβεῖν, ἐν ᾗ πολλοὶ ποτὶ ὄψιν, ἢ μηδεὶς; id autem
quod vocauerat *Σωσκεῖν*, paulo infra vocat *σωτῆραι*.

*Correcti loci duo è primo libro Topicorum. Item alius
è quinto Ethicorum.*

CAP. VIII.

LIBRO primo De arte Dialectica, quæ Topica vo-
cantur, ita scriptum est: Εξομεν ὃ τελείως τὴν μέθεδον, ὅταν
οὐκίαν ἔχωμεν, ὡς περὶ ὅτι ῥητορικῆς, καὶ ἱατρικῆς, καὶ τῶν πλείων
διωμάτων. τὸ δὲ ὅτι, τὸ ἐκ τῶν ἐνδεχόμενων πείναι ἀπεραι-
ρῆμεθα. semper autem mihi suspectus fuit is locus:
neque unquam aliter mihi persuadere potui, quàm
totum illud, τὸ δὲ ὅτι τὸ ἐκ τῶν ἐνδεχόμενων πείναι ἀπεραι-
ρῆμεθα, inducendum esse: neque scriptum ab Aristo-
tele, sed temerè inculcatum ab aliquo imperito, nul-
lus enim iis verbis videtur subesse sensus: etsi non
sum nescius, quomodo ea vulgò accipi soleant. sed
qui purgatas aures habent, facilè mihi hoc, ut spera-
re videor, assentientur. Neque leue argumentum ad
hanc coniecturam firmadam putari debet: quod ve-
tus Latinus interpret facit à me; illaque verba om-
nino non agnoscit. nam constat eum & expressisse, si
non eleganter, fideliter quidem certè, omnia quæ re-
pererat: & vsum libro, ἀμύχανον ὄσον, meliore & emen-
datiore iis omnibus qui nunc circumferuntur. Alex-
ander quoque, aut quisquis est Græcus ille, qui com-
mentarios scripsit, nullo modo ea videtur agnoscere.
quod me magis, ut in sentètia permaneam, facit. Sed
& paulo infra. eodem modo peccatum est. ubi enim
vulgò legitur: ἐστὶ δὲ ἀειδμῶ ἴσα καὶ τὰ αὐτὰ, ἐξ ὧν τε οἱ λό-
γοι, καὶ περὶ ὧν οἱ συλλογισμοί. γίνονται μὲν γὰρ οἱ λόγοι ἐκ τῶν περὶ αὐ-
τῶν

σιν, καὶ ὅτι οἱ πολλοὶ τοὺς περὶ ἀρετῆς λόγους οὕτως ἔγραψαν: ibi ergo
 neminem, qui Aristotelicam dicendi rationem cal-
 leat, dubitaturum puto, quin præster ita legi: ἔστι δὲ
 ἀρετὴ ἡ ἴσα, καὶ τὰ αὐτὰ, ἐξ ὧν τε οἱ λόγοι, καὶ καὶ ὧν. γινόν-
 μιν γὰρ καὶ τὰς ἀρετὰς, καὶ ὧν, τὰ περὶ ἀρετῆς λόγους. λόγων
 autem nomine & syllogismos intelligit & induc-
 tiones. eodem propè modo memini, correctum esse à
 me iampridem locum quendam è quinto νικομαχείων:
 qui vulgò ita legitur: ὁ δὲ ἀδικὸς ἐκ ἀεὶ τὸ πλεοναίρειται,
 ἀλλὰ καὶ τὸ ἐλαττον ὅτι τὸ ἀπὸ ὧν κακῶν. ἀλλ' ὅτι δοκεῖ καὶ τὸ μείον
 κακὸν ἀγαθὸν πως εἶναι, τοῦ δὲ ἀγαθοῦ ὅτι καὶ πλεονεξία, διὰ τοῦτο
 δοκεῖ πλεονεξίας εἶναι. ἔστι δὲ ἀνισός. τοῦτο γὰρ φαίνεται, καὶ κοινόν.
 καὶ φαίνεται. τοῦτο γὰρ, ἢ φαίνεται, ἢ πᾶσι ἢ αἰστούς. φαί-
 νεται πᾶσιν ἀδικίαν, καὶ κοινόν ὅτι πάσης ἀδικίας. ego autem
 legendum censeo: ἔστι δὲ ἀνισός, καὶ φαίνεται. τοῦτο γὰρ πε-
 ρὶ φαίνεται καὶ κοινόν ὅτι. cetera verba, iis admista, delenda
 esse. In quo quid librariorum deceiverit, non est diffi-
 cile cōiicere hominibus in hoc genere exercitatis. Hanc
 correctionem à me acceptam, Dionysius Lambinus,
 vir acutissimo ingenio, acerrimoque iudicio prædi-
 tus, rettulit in scholia in eos libros sua. nisi quòd,
 cum meam sententiam exponeret, verba illa, πᾶσιν
 ἀδικίαν, & πάσης ἀδικίας, reliquit. quæ mihi vel maxi-
 ma causâ fuit hoc quoque loco testificandi, quid
 sentirem. non tantum enim existimo, è glossematibus
 illa fluxisse, verum etiam è falsis & ineptis glossema-
 tibus. nam verba illa, φαίνεται καὶ κοινόν ὅτι, si quis attentè
 consideret. non ἀπὸ πᾶσιν ἀδικίαν, sed ἀπὸ τοῦ πλεον, καὶ
 ἀπὸ τοῦ ἐλαττον referenda sunt.

*Videri Plautum dixisse rem voluptatum eodem
 planè modo, quo Græci dicerent τὸ χεῖμα τῶν
 ἡδονῶν.*

CAP. IX.

REM voluptatum, pro iplis voluptatibus dixisse

videtur Plautus in Amphitruone: ubi Alcumenam ita loquentem facit:

Satin' parua est res voluptatum in vita atque atate agunda

Prae quod molestum est? cuique hominum in atate ita comparatumst,

Ita dis est placitum, voluptati ut mæror comes consequatur.

quod si est, haud faciliè dixerim, ubi prætereà in tota lingua Latina hoc loquendi genus reperiat. sed videri potest sumptum à Græcis. illi enim planè ita dicerent, τὸ χεῖμα τῇ ἡδονῶν. Ita locutus est Euripides in Phœnissis:

φιλόφρον γὰρ χεῖμα θυλειῶν ἔφϋ.

qui tamen versus ab imperitis deprauatus, ita vulgò legitur,

φιλόφρον γὰρ χεῖμα θυλειῶν ἡμῶν ἔφϋ.

sed vocem ἡμῶν delendam esse, & lex carminis indicio est, & è scholiaste faciliè colligitur. Ita etiam Xenophon libro secundo παιδείας: Τὸν Ἀράβιον ὃ Μάεσθον, ἰπτεῖας τε εἰς μυρίοις, καὶ ἄρματα εἰς ἑκατὸν, καὶ σφενδονητῶν πέντε καὶ πέντε χεῖμα. & Herodotus libro tertio: πολλὸν τε χεῖμα τῇ ὀφίων ἐκλέπουσι. & Aristophanes Pluto, .

Πολὺ χεῖμα τοῖς μαχῶν, καὶ κρεῶν ἀπὸ ἡμέων.

& principio νεφελῶν,

Ὡς βασιλεὺς, τὸ χεῖμα τῶν νυκτῶν, ὅσον

Ἀπὸ ἑσπέρου. ἔπειθ' ἡμέρας ἡμῶν;

quos versus ita olim pueri interpretati sumus, cùm eam fabulam, exercitationis causa, in Latinum sermonem conuerteremus:

Rex Iupiter, quàm immensa res est noctium.

Nunquam ne pulsa nocte nascetur dies?

*De quodam Plantino loco, itemq; de loco quodam
e Catone maiore Ciceronis disputatum.*

CAP. X.

LOCATVS est, vt solet, Plautus, cùm in Pseudolo
ita cum lenone loquentem induxit coquum:

Quia sorbitione faciam ego te hodie mea,

Item vti Medea Peliam concoxit senem:

Quem medicamento, & suis venenis dicitur

Fecisse rursus ex sene adolescentulum,

Item te ego faciam.

Neque enim Peliam Medea, sed Æsonem è sene iu-
uenem reddidit: cùm autem recepisset, idem se fa-
cturam Pelix; effecit, vt infelix senex natarum sua-
rum manibus concideretur. quod si coquus ille item
fecisset iuuenem Ballionem, vt Medea Peliam fece-
rat; non sanè bonam neque expetendam operam ei
dedisset. fieri etiam potest, vt personæ seruierit: &
cùm loquentem induxisset hominem sordidum &
abiectum, de industria perperam ab eo narrari vete-
rem illam fabulam fecerit. Quòd si Ciceronis etiam
illud è Catone maiore ita legendum est (vt sanè le-
gendum puto.) *Quò quidem me proficiscentem haud
sanè quis facile retraxerit: nèue tanquam Peliam reco-
xerit:* nimirum tale aliquid hic quoq. comminiscen-
dum est. nam aut decorum id & consentaneum Cato-
ni credidit: quòd & memoria vacillare *μεμνηκόν ὄντιν*:
& interdum habet aliquid grauitatis in magnis viris
minus accurata fabulatum & talium rerum cogni-
tio: aut hoc quoque inter *μυμιονικά* Ciceronis *ἀμύρτη-
ματα* numerandum est.

Enripidem aliter, quàm ceteros omnes, de Helena

fidere locutum. CAP. XI.

DE fidere Helenæ nō idem ab omnibus traditum
est.

est. Plinius quidem libro secundo naturalis historię, de eo, ut nauigantibus exitioso, locutus est nam cūm geminas illas flamas, quę Castoris ac Pollucis esse putabantur salutes ac prosperi cursus pręnuncias esse dixisset: Harum, inquit, aduentu fugari diram illam ac minacem, appellatam Helenam ferunt Solinus quoque cūm exposuisset multa mala, quę menstruus mulierum efficeret cruor: Habet, inquit, planē id solum salutare, quod auertit sidus Helenę perniciosissimum nauigantibus Papinius quoque idem de illis fulgoribus sentire se ostendit hoc versu:

— *cūm iam damnata sororis*

igne Therappai fugerunt carbasa fratres.

Quinetiam Franciscus Vicomercatus Aristotelis Meteorologica exponens, & cur Castor ac Pollux salutes essent, & cur dirę ominis Helena, causas, ut in eiusmodi re, satis probabiles reddidit. At Euripides tamen in Oreste salutarem eam nautis esse pronunciat. Ita enim de ea Apollinem loquentem facit.

Ζῆν' ὃν ἔγωγε, ζῆν' ἢν ἀφ' ὅτου χρεάιν.

Κάστωί τε, Ποσειδόνει τ' ἐν αἰθέρι πύλαις

Συνδαμῶ ἔσαι, ναυτίλοις σωτήριον.

Emendatus Plinii locus.

CAP. XII.

REDUNDARE videtur vox, voluptatibus, apud Plinium libro XIII. ubi de natura vini agitur. cūm enim vulgo ita legatur, *Prorsus ut iure dici possit, neque viribus corporis utilius aliud, neque aliud voluptatibus perniciosius, si modus absit:* melior videtur fore sententia, si ea, quam dixi, vox deleatur. hoc enim dicet: immodico vīno maximē debilitari corporis vires: quod & Lucilius dixerat his versibus:

Scito

*Scito etenim bene longinquum mortalibus morbum
In vino esse, ubi qui inuitavit dapilinus se.*

& Theognis:

Οἱ πινόμενοι πάλιν κακός, ἢν δ' ἔς τις αὐτῶν

Πίνῃ ἐπισυμένως, ἢ κακός, ἀλλ' ἀγαθός.

& Parvafis:

Ὡς οἱ θνητοὶ θεῶν πάρα δῶρον ἄριστον,

Πινόμενοι κατὰ μέτρον, ὑπέρμετρος ᾗ χερσίων.

sed & libri testimoniorum pleni sunt, & exemplo-
rum plena vita. illud tamen, voluptatibus, quod nos
expungendum esse credimus, & Hermolaus, & Po-
litianus agnoscunt.

Emendatus versus quidam Horatianus.

CAP. XIII.

HORATII versus hi sunt è libro odarum tertio

Testus mearum centimanus gigas

Sententiarum notus, & integræ

Tentator Orion Dianæ

Virginea domit no sagittæ.

Eamq; scripturam veteres grammatici comprobant:
qui etiam centimanum gigantem Briareum acci-
piunt ego autem in quibusdam non contemnendæ
auctoritatis libris scriptum reperio, non gigas, sed Gy-
ges. & sanè de Gyge illud etiam apud Ovidium le-
gere memini:

Sphynxag, & Harprias, serpentipedesq; gigantes,

Centimanumq; Gygen semibovumq; virum.

Hesiodus quoque Cæli & Terræ filios facit Cottum,
Briareum, & Gygen, centenis singulos manibus,
quinquagenis capitibus metuendos.

Ἄλλοι δ' αὖ γὰρ τὴν τε καὶ ἑσσαντ' ἐξέζέοντο

Τρεῖς παλαιὸς μέγαλοι καὶ ὀμβρικοί, ἐκ ὀνομαστοί,

Κόπτε.

κόπῃ τε Βεῖαρῶς τε, Γύγης δ' ὑπερήφανα τέκνα.
 Τῶν ἐκατὸν μὲν χεῖρες ἀπ' ὧμων αἰῶσοντο
 Ἀπλάσι, κεφαλὰ δ' ἐκάσθῃ πνιγκοντα
 Εξ ὧμων ἐπέφυκον.

Sed & iam pridem admonui, scriptum esse in quibusdam veteribus libris; Gyas: meq: de eo amplius querendum putare. quanquam enim mihi nouum erat illud nomen; tamen ne eam quidem varietatem aut dissimulandam, aut contemnendam esse ducebam. Nuper ergo cum Apollodori bibliothecam, quæ tunc primùm in meas manus venerat, percurrerem: in ipso statim principio hæc repperi: Οὐρεσὸς περὶ τῶν τῶν παρ-
 τὸς ἐδιδάσσευσε κόσμῳ. γήμας δ' γῆν, ἐτέλανε τε πρώτης τῆς ἐ-
 κατόν· χεῖρας περὶ ἀπὸν ἐξέτας, Βεῖαρῶν, Γύγην, Κοῖον. quæ
 verba ita reddidit Benedictus Ægius Spoletinus: Cæ-
 lus primus orbis vniuersi imperio præfuit. qui ducta
 vxore Tellure priores ex ea filios sustulit, quos Cen-
 timanos appellarūt, Briareum, Gyan, ac Cæum. quin
 & apud Hesiodum in iis, quos citauī, versibus, quæ-
 dam optimæ notæ exemplaria non Γύγης habent, sed
 Γύγης.

Correcti apud Ciceronem Ennii versus.

CAP. XIII.

ENNII versus de Q. Fabio Maximo ita vulgò
 apud Ciceronem leguntur:

Vnus homo nobis cunctando restituit rem.

Non ponebat enim rumores ante salutem.

Ergo postq, magisq, viri nunc gloria claret.

sed in multis veteribus libris eorum postremus ita
 scriptus est:

Ergo magisq, viri nunc gloria claret.

vt valde vercar, ne quis, vt versum, ad cuius mensu-
 ram

tam aliquid deesse videbat, expleret, de suo addiderit illud, *postque*. ego autem potius crediderim, illud; *magisq;*, geminandum esse. non rarò enim contingit, ut eæ voces, quæ geminandæ erant, semel tantum ab imperitis librariis ponerentur. notum est autem, magis magis, & magis magisque, sæpe ab antiquis scriptoribus dici. pro quo Ennius fortasse dixerit, magisq; magisque. *ut* sit simile illi Catulliano:

Omnibus inq; locis celebretur fama sepulti:

Clarescatq; magis mortuus atque magis.

Ecquid adhibenda sint in conuiuiis acroamata,
an minus. CAP. XV.

RECTE ne faciant an secus, qui tibicines, aut citharædos, aut alia id genus acroamata in conuiuiis adhibent, meritò ut dubitati posse videatur, duorum in philosophia summorum hominum hac de re, ut videtur, dissentientium facit auctoritas. Nam apud Platonem in Protagora Socrates abiectos modò, & imperitos, & circumforaneos homines id facere solitos dicit: qui cum eam vim non habeant, ut urbana aliqua & eleganti colloctione tempus illud epularis accubationis traducere, & mutuis sermonibus animos suos hilarare possint, eius rei remedium à mîmis, & ab histrionibus, & à vocum fidiûmve cantibus petunt. at quas ad epulas boni & eruditi conuiue conuenerint, in eis neque tibicinam, neque psalteriam audiri, neque saltatricem spectari vllam: ablegatis eos eiusmodi nugis atque ineptiis, modestè inter se & hilarè colloqui: neque vnquam deesse ipsis de quo sermones iucundissimos conferant; etiam si multam in noctem conuiuium producat. itaque ex illo nobili apud Agathonè conuiuiò eicitur tibicina, & aut sibi

sibi, aut mulieribus canere, iubetur. At hercule alumnus eiusdem disciplinæ Xenophon in id cōuiuium in quo & Socrates esset, & Antisthenes, & alii sapientia præstantes viri, non modò Philippam excitandi risus artificem induxit, verùm etiam sublati epulis, Syracusanum illum comessatorem cum tibi-cina, & saltatrice, & formoso puero, qui & ipse tum saltando, tum fidibus canendo, summa eos, qui aderant, voluptate perfunderet. In Homericis etiam epulis & Phemius canit, & Demodocus, & in Virgiliano Iopas. sed hæc fortasse aliquis, intemperantium procorum, & luxuriosi regis, & reginæ iam tum amoris telo percussæ dixerit esse conuiuia. Quid quòd epulantibus diis, canere Apollinem & Muses ferunt? Nam Euripidi quidem sententiam mirari sæpe soleo: qui non in cōuiuiis, sed in luctu potius Musicam adhibendam esse censet: quòd conuiuia satis ipsa per se læta sint: in luctu autem quarendum sit aliquid, quò minuatur dolor. Ego verò si usquam, inter pocula maximè, talibus blandimentis & relaxationibus animi locum esse duco: neque, dum ea moderatio retineatur, ut turpitude omnis & obscenitas ablit, causam video ullam, cur in mensa aut comædum aut cæcari, aut aulædum, fidicinæ uero refugere sapiens debeat. nam si semper tam fatundi ac disertæ conuiuia contingerent, quàm illi sunt Platonici: tum fortasse non immerito talia omnia excluderentur. quòd uisum esse potest tam mirabile acroamæ, quòd non tollat illi cum illorum sermonibus sordescat? quos equidem arbitror, si Apollinem vidissent ipsum cum lyra & plectro ingredientem, vno ore omnes oratos fuisse, ut aut abcederet, aut ne cantu suo sermones abruptaret institutos. Et tamen, nisi valde fallor, non mul-

to tur-

to turpius fuisset, tibiciorum alicuius cantum audire, quam vel orationem Aristophanis, vel ea quæ de Socratis temperantia ebrius Alcibiades intemperantissimè narrat.

Correctus locus è secundo De diuinatione.

C A P. X V I.

TOTAS noctes somniamus: neque vlla fere est, qua non dormiamus: & miramur aliquando id, quod somniamus, euadere? Ciceronis hæc verba sunt è secundo libro De diuinatione, exagitantis vanitatem somniorum, & negantis, si quædam somnia euentus comprobet, ex eo effici, vt ne somnia pro somniis habenda sint. nam in tanta copia & varietate, magis mirum foret, si nihil vnquam eorum quæ per quietem videntur, eueniret. quanquam autem, vt ego Ciceronis verba recitauì, ita in omnibus, quos vidi, libris leguntur: tamen excuti hoc mihi non potest, quin deprauata illa, & ad hunc modum corrigenda sint: *Totas noctes dormimus: neque vlla fere est, qua non somniamus: & miramur, aliquando id, quod somniamus, euadere?* Quod quidem ita mihi perspicuum videtur, vt ne cõfirmatione quidem egeat. aliorum tamen iudicium facio.

Semiramis quo astu ad regnum peruenierit.

C A P. X V I I.

V A F R A in primis & astuta ratione ad regnum ex humili & abiecta conditione peruenisse Semiramis dicitur. quæ historia cum haud ita multis nota sit, neque Latinis, quod sciam, litteris prodita, referetur à me ita, vt scriptam in Græcorum commentariis repperi. Ajunt igitur eam initio vernæ cuiusdam regii ancillam, ac concubinam fuisse. in quam cum aliquando

K. incidit-

incidisset rex Ninus, forma ipsius & lepore captus, amare cœpit: obsecuta regi mulier, ita eum sibi paulatim stupri consuetudine astrinxit: vt nihil esset tantum, quod aut à rege petere non auderet Semiramis, aut petenti rex auderet negare. Ergo cùm aliquando iniecisset in sermone, quiddam se valde cupere, rexq. eam, quicquid tandem illud esset, apertè ac liberè proferre iussisset: Cuperem, inquit, hoc mihi à te tribui, vt vnum modò diem sedere mihi liceret in solio tuo, & ius dicere: vtq. omnes toto illo die, quemadmodum tibi faciunt, ita mihi obtemperarent. Risit rex: & quod petebatur, concessit. nec mora. edicatur, vt certo quodā die omnes Semiramidi dicto audientes sint. ita regi placere: eam illo die, regio imperio ac potestate præesse omnibus. vbi ille aduenit dies: mulier regio cultu in solio assedit. fit cōcursus maximus. illa de principio, experiendi causā, quædam haud magni momenti imperat. vbi serìò omnes sibi omnibus in rebus parère vidit, iubet satellitibus, ac stipatoribus corporis regii, vt regem ipsum comprehendant. comprehenditur. vt vinciant. vincitur. vt interficiant. interficitur. ita imperium ex diurno diuturnum efficitur. hæc est, quæ Babylonem muris latericiis cinxit: cuius horti illi pensiles tantam admirationem habuerunt: quæ cum equo concubuisse dicitur: quæ postremò cùm filii quoque sui concubitum petiisset, ab eo trucidata memoratur.

*Vt honorem Latinis, ita Græcis ὄνδος & κλέος
ambigua vocabula esse.*

CAP. XVIII.

SIGNIFICATIONIS, ambiguæ verbum esse *honorem*, tradidit Gellius: idq. probauit his verbis ex

bis ex Oratione Q Metelli Numidici de triūpho suo:
Qua in re quanto vniuersi me vnum antestatis, tanto vobis, quā mihi, maiorem iniuriam atq. contumeliam facit, Quirites. & quanto probi iniuriam facilius accipiunt, quā alteri tradunt: tanto ille vobis, quā mihi, peiorem honorem habuit. Nam me iniuriam ferre, vos facere vult, Quirites: ut hic conquestio, istuc vituperatio relinquatur. Eodem autē modo Græci quoq. ὄνειδος, cū ferē in infamiae ac turpitudinis significatione ponatur: non nunquā tamen pro gloria accipiunt. vt;

Καλὸν γέ μοι τὸ ὄνειδος ἢ ἐξ ὀνειδίστου. &

Θίβαις κάλλιστον ὄνειδος. &

Καλὸν γ' ὄνειδος τὸ νέωσι νυμφίῳ.

Sed & κλέος non nunquam in malam partem accipitur. idque non ex eo tantum intelligi potest, quod apud Homerū saepe legitur καλὸν κλέος: vt ex eo conijciamus, esse etiā aliquod καλέος ἢ καλόν: sed multò magis ex hoc Euripidi versu, quē apud ipsum dicic Helena: Οὐπω νιν Ελένης αἰσχρὸν ὦλεσε κλέος;

In illis autem Metelli verbis nescio, an illud annotare debeam: *facere contumeliam*, quod loquendi genus Cicero in Antonio reprehenderat, legi. sed & apud Plautum, & apud Terentium crebra illius exempla sunt. Neq. tamen iniuria notauerat Antonium Cicero: quod vulgo creditur. nam Antonius ita dixerat, *facere contumeliam*, vt, *facere damnum*, aut *facere iacturam* dicimus. quo modo nunquam quisquam, opinor, præter eum locutus reperietur.

Correctus locus ex Oratione Ciceronis pro domo sua.

C A P. XIX.

V O C A B U L V M, *actus*, pro eo quod Græci dicunt ἐργεῖαι, planè barbarū est, & priscis illis temporibus,

quibus Romani sermonis integritas viguit, inauditum. co tamen non nullos uti video, & quidē eorum, qui se non Latinē modō, sed etiam, si diis placet, Ciceronis more loqui putant. Decipiuntur autem precipuē corrupto quodam loco ex Oratione pro domo sua ad pontifices: quem emendare institui: ut isti, qui se ē Nizolii libro germanos Cicerones esse credunt, errore hoc suo liberentur. Non enim ita locus ille legendus est: *Omne diu collectam vim improborum, quæ inueterata compresso odio atque tacito iam erumpebat in actum, tam audaces duces excepti meo corpore.* Sed hoc modo, ut in antiquis libris esse, homines certi & fide digni affirmant: *Omne diu collectam vim improborū, quæ inueterata compresso odio atq; tacito iam erumpebat, nacta tam audaces duces, excepti meo corpore.*

Correctus locus ē secundo De finibus. CAP. XX.

EIVSDEM generis est *odrilicium*: quæ inepta vox, & nihil planē significans, ita insedit in loco quodam ē secundo De finibus, ut omnes propē iam libros occuparit. ita enim ibi legitur: *Assint etiam formosi pueri, qui ministrent. resplendeat his vestis, argentum, odrilicium, locus ipse.* at in libris veteribus hoc modo: *Assint etiam formosi pueri, qui ministrent. respondeat his vestis, argentum, Corinthium as, aut Deliacum, edificium, locus ipse.* quæ quin vera scriptura sit, non est cur quisquam dubitandum putet. Itaque ipsum quoq. resplendēdi verbum mihi quidem valde suspectum est. nam hoc vno loco nitebantur, qui illud, ut Latinum, recipiebant. nunc autem, nisi aliquod aliud testimonium reperiat, videtur sanē ei quoque lege Papia periculi aliquid imminere. hoc igitur alij cogitabunt.

M. A N-

M. ANTONII MVRETI

AD HIPPOLYTVM ESTENSEM

S. R. E. CARDINALEM

ILLVSTRISSIMVM,

VARIARVM LECTIIONVM

LIBER SEPTIMVS.

*Sorores uxores ducere, num apud Athenienses
licuerit.* CAP. I.



ERELEGANS extat Æmilii Probi ad T. Pomponium Atticum libellus, quo Græcorum imperatorum vitæ mundissimo ac castissimo orationis genere explicantur. eum nuper cùm animi causâ euoluereamus, in ipsa statim præfatione, quiddam deprehendimus, quod sanè mirati sumus. Negat enim, Cimoni, summo Atheniensium viro, turpe fuisse, sororem germanâ habere in matrimonio: quippe cùm ciues eius eodem vterentur instituto. Ego verò de Persis & aliis quibusdam barbaris nationibus sæpè id legeram: de Atheniensibus nihil tale, nisi ab eo, memineram proditum esse. Itaque cùm attentius de eo cogitare cœpisssem, quasiq̃ excutere memoriâ meam; recordatus sum loci cuiusdam ex oratione, quam antiquissimus & nobilissimus orator Andocides aduersus Alcibiadem habuit: qui ex diametro, vt aiunt. cum eo, quod ab Æmilio dicitur, pugnat. ostendit enim, eam ipsam fuisse causâ, cur Cimon in exilium missus sit, tanquam legum contemptor. neque quicquam

ei profuisse, quod & ipse Olympia vicisset, & pater. veteres enim illos, non certaminū, aut victoriarum, sed legum & institutorum, in iudicando habuisse rationem. Andocidis verba si quis requirit, hæc sunt: *Αναμνήσθε ὅτι καὶ τὰς προνομίας, ὡς ἀγαθοὶ καὶ σώφρονες ἦσαν. οἱ πρὶν ἐξ ὧς ἐκίσταν Κίμωνα διὰ παρθονίαν, ὅτι τῇ ἀδελφῇ τῇ ἑαυτοῦ συμφέκιστε. καίτοι ἔμνον αὐτὸς ὀλυμπονίκης ἦν, ἀλλὰ καὶ ὁ πατὴρ αὐτοῦ Μιλτιάδης. ἀλλ' ὁμῶς ἐδὲν ὑπελογίζοντο τὰς νίκας. ἔπειτα ἐκ τῶν ἀγώνων ἀλλ' ἐκ τῶν ἐπιτηδευμάτων, ἔκρινον αὐτόν.* in vulgatis tamen libris Κόνωνα, non Κίμωνα legimus: quod mendum esse librariorum puto. ab aliis enim omnibus Cimonein vocari video. Neque pigebit emendare locum quendam è libro sexto Valerii Maximi, vbi de hoc ipso Cimone ita scriptum est: *Cimonis verò incunabula opinione stultitiæ fuerunt referta. eiusdem stultitiæ imperia salutaria Athenienses senserunt.* Ego autem non dubito, quin vox, *stultitiæ*, è posteriori loco delenda sit. Cimonis enim, non stultitiæ, dicit imperia Atheniensibus salutaria fuisse.

De consuetudine Græcorum non adhibendi honestas mulieres ad conuiuia virorum. Illustratus locus ex Eunuchō Terentii: itemq; locus Ciceronis è libro primo in Verrem. CAP. II.

IN conuiuiis liberius & hilarius fere loqui homines solent: neque quisquam ita seuerus est, qui non inter vinum & epulas tum iocetur interdū ipse, tum libenter iocantes alios audiat. fieri autem vix potest, quin vacuo & soluto animo iocantibus non nunquam parum verecundum aliquid excidat, quodque si alibi diceretur, reprehensione merita non careret. quocirca prudenter olim Græcorum consuetudo mulie-

brem

brein sexum à conuiuiis amouerat: neq. vlla in viro-
rum sympoſis accumbibat mulier, niſi quæ quiduis
non audire modò, verumetiam perpeti poſſet. vide-
bantenim alioqui fore, vt aut matronalem virginalémve pudorem libertas iocantium offenderet, aut
iocandi libertatem illius habita ratio retardaret. Inde
igitur eſt, quòd cùm apud Terentium Thraſo intro-
duci iuſſiſſet in conuiuium Pamphilam, indignata
Thais, minimè, inquit, gentium. In conuiuium tu
illam? quòd enim ſuis integram eam ac pudicam red-
dere ac reſtituere cupiebat, vix id conſequi poſſe vi-
debatur, ſi hoc, quod poſtulabat miles, paſſa eſſet. Ex
eadem etiam conſuetudine intelligendum eſt id
quod apud Ciceronem libro primo accuſationis legi-
tur. *Posteaquam ſatis valere res Rubrio viſa eſt: Quoſo,*
inquit, Philodame, cur ad nos filiam tuam non intro vo-
cari iubes? homo, qui & ſumma grauitate, & iam id æ-
tatis, & parcens eſſet, obſtupuit hominis improbi dicto. in-
ſtare Rubrius. tum ille, vt aliquid reſponderet, negauit,
moris eſſe Græcorum, vt in conuiuiis viroꝝ accumbe-
rent mulieres. hic tum alius ex alia parte. Enimvero ſe-
rendum hoc non eſt. vocetur mulier. & ſimul ſerui ſuis
Rubrius, vt ianuam clauderent, & ipſi ad ſores aſſiſte-
rent, imperat. Quod ubi ille intellexit, idugi, atque id
parari, vt filie ſue viſ aſſerretur, ſervos ſuos ad ſe vocat:
his imperat, vt ſeipſum negligant, filiam defendant.
Nam quod non nullos ceteroqui non ineruditos ho-
mines opinari video, id tum à Philodamo pro tem-
pore conſictum eſſe: quantopere in eo fallantur, vel
de his, quæ ſubiiciam, nobiliſſimis oratoris Mæi, quem
veteres Demotheſenicæ in dicendo facultatis fontem
vocarunt, verbis cognosci poteſt. ita enim loquitur
in oratione, quæ de Pyrrhi cuiuſdam hereditate con-

tenditur. Καὶ περὶ δὲ ἴππευ ὅτι γαμετας γυναῖκας ὁδεῖς ἀν κω-
μᾶζειν πολυήταιεν, ὁδὲ αἱ γαμεταὶ γυναῖκες ἔρχονται μετὰ
τῶν ἀνδρῶν ὅτι τὰ δαίπνα, ὁδὲ σωδειπιεῖν εἰζῆσι μετὰ
τῶν ἀλλοτρίων, καὶ ταῦτα μετὰ τῶν ὀπιπυχόντων. Romani
autem innuptas modò virgines, quod quidem sciam,
à conuiuio amoueabant: quod hæc Varronis verba
ostendunt: *Virgo de conuiuio abdicatur ideo, quòd
maiores nostri virginis acerba aures Veneris vocabulis
imbui noluerunt.*

Euripidis locus in Medea correctus & declaratus.

CAP. III.

INTERPOSITA iurisiurandi religio in obser-
uandis conuentionibus homines plerunque diligen-
tiores facit. quanquam enim boni viri est fidem ser-
uare etiam nullo eiusmodi vinculo alligatam: contin-
gere tamen videmus, vt sæpe causam aliquam repe-
riant, qui ea quæ receperunt, præstare nolunt: cùm in
iis quæ affirmatè quasi deo teste promissa sunt, nemo
id facere, nisi planè impius, soleat. itaque prudenter
& callidè apud Euripidem Medea, cùm Ægeus tu-
tum ei apud se hospitium fore promississet; non teme-
re tamen ei statim fidem habere vult: sed illud ipsum
iureiurando sibi confirmari petit. quòd cùm ille mi-
raretur, quæreretque ex ea, an non sibi fideret: ita va-
fra & astuta mulier respondens inducitur:

Πέποιθα. Πελίη δ' ἐχθρός ἐστὶ μοι δόμου,
Κρέωντε. τέτοις δ' ὀρκίοισι μὲν ζυγείς,
Λησιν ὃ μεθ' ἡς ἀν ἐκ γαίης ἐμέ.
Λόγοις δ' συμβαῖς, καὶ θεῶν ἀνάμοιτο,
Φίλητο γένοι' ἀν, κ' ἀπικμησυχεύμασιν
Οὐκ ἀν πίθοιο. τὰ μὰ μὲν γὰρ ἀδινῆ,
Τοῖς δ' ὁλόος ἐστὶ, καὶ δόμου περηνικός.

qui

qui quidem versus & aliquot locis deprauati vulgò leguntur, & à scholiaste, mea quidem sententia, non intelliguntur. ego igitur ita eos interpretor. Fido equidem tibi. ceterum inimica mihi est Peliae domus: itemque Creon. τέτοίς ὃ, nempe Peliae & Creonti: ἄγουν ἐμὲ ἐκ γαίης, si venerint, cupientes me à finibus tuis abducere: & μεθῆς ἀν, tu id non permittes, neque me eis trades: siquidem iureiurando fidem mihi tuam obligaueris. At si nudis tantum sermonibus mecum conueneris: (hoc enim est, λόγοις ὃ συμβῶς) neque deos testes adhibueris: tum te fortassis amicè cum illis geres, neque stabis iis, quæ inter nos conuenta erunt. ea enim vocat ἐπικηρυκείατα. addit deinde causam probabilē, cur vereatur, ne ita eueniat. Cum autem vulgò legatur μεθεῖσαν, aut μεθεῖς ἀν, ubi ego legendum censeo, μεθῆς ἀν: & ἐνώμοτος, ubi ego, ἀνώμοτος: quantam ea res ἀμυχανίαν scholiastæ obiecerit; quamque longè eum à poetæ sententia abduxerit: dicerem, si liberet ostentare me in exagitandis aliorum erroribus. nunc eo ingenio sum, ut id, quod mihi verum videtur, nudè ac simpliciter proponere, satius ducam.

Quid intersit inter imperium patris & domini.

Emendati Afranii versus apud Gellium.

CAP. IIII.

MVLTVM interesse inter imperium patris & domini, longèq. alia ratione regendos esse liberos, alia seruos, multi & philosophi & poetæ veteres tradiderunt. nam seruilis quidem animus naturali quodam dominorum odio imbutus, coërceri fere, nisi malo, non potest. liberi, quos cum parentibus arctissimo caritatis vinculo natura copulauit, officiis sunt, & obsequio, & beneuolentia deuinciendi. sed haben-

duſ diligenter eſt modus. neque enim laudandi ſunt, qui ita indulgenter filios habent, vt ad omnia eorum peccata conniueant: qualis à Terentio inducitur Mitrion: multoq̃ue minus ſi qui ſe eis præbent inhoneſtarum libidinum adminiſtros, &, quod ait apud Euripidem Medæ nutritrix, ἡμορφικὸς κύριε σωεσχομένης. Vt fugiamus enim proponuntur illa in theatris, non vt imitemur:

*Omnes parentes Libane liberis ſuis,
Obſequelam facient, qui auſcultabunt mihi:
Quippe qui magis amico vtantur gnato, & benefeculo.
Atque ego me id facere ſtudeo: volo amari à meis.
Volo mei patris me ſimilem, qui, cauſſa mea,
Nauclerio ipſe ornatu per fallaciam,
Quam amabam abduxit à lenone mulierem.
Neque puduit eum id ætatis ſycophantias
Struere, & beneficiis me emere gnatum ſuum ſibi.
Eos me decretumſt perſequi mores patris.
Nam me hodie orauit Argyrippus filius,
Amanti vt facerem argenti copiam ſibi.
Et id ego percipio obſequi gnato meo.
Volo amoris obſecutum illius. volo amet me patrem.*

Flagitioſa quidem illa ſunt, & à paterna lenitate nimium quantum abhorrentia. an verò ſi quis pater filium aut brachio, aut crure, aut aliqua corporis parte debilitet, inutilemque reddat, teter & immanis habeatur: qui animum, quo nihil eſt diuinius, detorquebit, deprauabit, corrumpet, hunc lenem, atque indulgentem putemus? ego verò immitem potius, & crudelem pominauerim. non hercle minus, quàm ſi deſipienti ac deliranti, & mentis vitio moriferum venenum petenti pro cibo, præbeat, eiſque ſe nihil negare poſſe dicat. Satis ſit errantes admonere, & admiſta

mista blanditiis seueritate in viam reducere, lapsos erigere, ignoscere: non sauire, non domo excludere, non in manicis & cōpedibus habere: præcipitare quidem labātes, & suapte sponte ruentes in exitium impellere, non comitatis est, neque clementiæ, sed crudelitatis, & dementia: neque hoc qui faciunt, benigni patres, sed importunissimi filiorum suorum hostes sunt iudicandi. Pari quoque propemodum in vitio sunt, qui ad illam summam veritatis normam exigere omnia, quæ à liberis fiunt, volunt: neque fas putant, inconsultam illam & improuidam ætatem vsquam offendere, & illectam blanditiis voluptatum à rationis præscripto deflectere: cū senes quoque ipsos, quibus multo facilius est domitas & compressas libidines habere, non nunquam tamen abripi earum æstu, neque ἐξ δὲ τῶν καὶ τοῦ perpetuò tenere posse videamus. Illi ergo superiores à filiis pro amore contemptum ferunt. nunquam enim contemptum cognita nequitia effugit. hi, quibus, naturæ lege, vita ipsa cariōres esse debuērant, eis inuisos se, odiososque reddunt: & illud consequuntur, vt filii paternæ vitæ finem, suæ principium putent fore. Iam qui ne liberis quidem carus sit, cum consentaneum est, ne ceteræ quidem familiæ carum esse. Cui autem dulcē quicquam esse possit in vita, qui se viuere tota sua domo norit inuita?

Θένομαι δὲ, εἴ τις πάντες εὐχεται διαίην.

ait ille. non malè. nam quid miserius, quàm ita viuere, vt neminem videas, qui te saluum velit? quod consequuntur illi, vt dixi, qui metu potius, quàm reuerentia quadam, filios in officio continendos putant. Itaque præclarè Afranius:

Horumce parentum est vita bilis liberis,

Qui

Qui malunt metui, quàm vereri se a suis.

cuius versus colibentiùs adduxi, vt emēdarem. apud Gellium enim mirabiliter deprauati leguntur. Quare neque exultanti iuuenum libidini frena laxāda sunt: neque ferox ætas durior, quàm par est, imperio magis etiam exasperanda: sed ea vtendum dexteritate, vt ij qui reprehenduntur ipsi, non odio sui, sed amore potius & beneuolentia id fieri sentiant: omninoq; ita temperanda omnia, vt & ab odio seueritatem comitas vindicet, & à contemptu seueritas comitem.

Emendatus Varronis locus, qui citatur à Nonio.

CAP. V.

ASSE vinum: asse pulmentarium. sed eas, quò natura aurigatur, non necessitudo. Ita planè citantur hæc verba Varronis à Nonio: nisi quòd librariorum vitio, sed eas, coniunctè legitur pro, sed eas. Mirum est autem, Victorium, qui hæc verba diligenter considerauit, eorumque sententiam satis commodè exposuit, non vidisse, magnū in eis adhuc hære vitium, idque tale, vt sententiam planè absurdam & ineptam efficiat. nam quid est tandem, quò natura aurigatur, non necessitudo? aut quò aurigatur natura, nisi quò etiam necessitudo? puto autem tres primas litteras vltimæ vocis ab aliquo librario sine caussa geminatas esse, hoc modo: nec necessitudo. deinde illud, nec, mutatum esse ab aliis in, non. vt planè ita legendum sit. Asse vinum: asse pulmentarium. sed eas, quò natura aurigatur necessitudo.

Ab igne ad vitam crebrò tralatas esse multas ab antiquis scriptoribus voces. CAP. VI.

IGNEÆ naturæ esse animum, plerique veteres crediderunt. adducebantur autem in eam opinionem,

nem, quòd calore foueri, ac vegetari omnia viderent: tum quòd frigere cadauera: vnde & *frigidam vitai pausam* dixit Lucretius. Sed & mouetur per se ignis, & pascitur: quæ certo quodam modo propria animalium sunt. ergo ex ea opinione multa loquendi genera fluxere in quotidianam loquendi consuetudinem. nam extinguendi verbum, quod in igne proprium est, etiam in animalibus dicitur. vt, — *natumq; patremq; Cum genere extinxem. & animam extinguam seni.* & viuere, ab iis quæ animata sunt, ad ignem transfertur. Plautus:

Nam si ignis viuet, tu extinguere extempulo.

& Horatius *vikas lucernas* dixit, *accensas:*

Vnaq; producent lucerna,

Dum rediens fuget astra Phæbus.

quod autem mihi rarum in primis visum est, etiam interfectum torrem pro extincto Accius dixit. eius enim extant hi versus Meleagro:

*Tum suum vita finem, ac fati internecionem fore
Meleagro, cum torris esset interfectus flammæ.*

Correctus locus è primo Rhetoricorum Aristotelis.

item locus Callimachi ex hymno in Apollinem.

CAP. VII.

A R I S T O T E L E S libro primo De arte dicendi, vbi felicitatis partes percenset, *εὐνπρίαν*, id est, vt Victorius eruditè & eleganter interpretatur, bonam commodamque senectutem in eo positam esse dicit, vt & tardè senescat quis, & sine dolore ac molestia senescat: nam neque quem citò deserit iuuentus, feliciter senescere dicendus est; neque is, cuius ingrauescentem ætatem magni dolores molestiæque comitantur. In iis autem verbis, quæ statim apud Aristotelem

telem sequuntur, vitii aliquid inesse arbitror: neque Victorii aut scripturam, aut interpretationem ea in parte probo. Ille enim legit: *Εστὶ καὶ ἐκ τῶν τῆ σάματος ἀρετῶν, καὶ τύχης. μὴ ἄνους γὰρ ἂν, μηδὲ ἰσχυρὸς, ἐκ ἔσαι ἀπαθῆς, ἔδ' ἄλυπος, καὶ πολυχρόνιος, ἔτ' ἂν εὐτυχὴς διαμένειεν ἂν.* quibus ex verbis quam sententiam efficiat, ex ipsius commentario perspicui potest. ego autem ita legendum censeo: *μὴ ἄνους γὰρ ἂν, μηδὲ ἰσχυρὸς, ἐκ ἔσαι ἀπαθῆς, ἔδ' ἄλυπος, καὶ πολυχρόνιος ἄνευ τύχης διαμένειεν ἂν.* cum enim dixisset, ad *εὐγυρίαν* concurrere oportere tum corporis, tum fortunæ bonæ: causam statim addidit, cur utraq; necessaria essent. nam & nisi qui prospera utatur valetudine, integrisque sit corporis viribus, is ut ἀπαθῆς sit, fieri prorsus non potest: & cui parum amica fortuna sit, neque vacare molestiis poterit, neque diu vivere. multa enim fortuito obici possunt, quæ partim magnas & graues molestias afferant, partim etiam vitæ spatium contrahant. hoc est igitur quod ait, *ἄνευ τύχης ἔτε ἄλυπον, ἔτε πολυχρόνιον διαμένειν οἶόν τε εἶναι.* Eodem propè modo memini correctum olim esse ab Io. Aurato, homine doctissimo, mihiq; amicissimo, versum quendam Callimachi ex hymno in Apollinem: qui cum vulgo ita legatur:

Οὐδ' ὁ χορὸς τ' φοῖβον ἐφ' ἐν λόγον ἦμαρ αἰείδει.

Εστὶ γὰρ εὐμυγὸς πρ. ἂν ἔρεα φοῖβον αἰείδει.

legendus est, ut is, quem modò dixi, vir eruditissimus admonuit, hoc modo:

Εστὶ γὰρ εὐμυγὸς. τίς ἂν ἐρέα φοῖβον αἰείδει;

hoc enim dicit poëta, neminem esse usque eò rudem & indifertum, cui non facillimum sit laudare Apollinem. nam ita multa in eo laudanda esse, ut nemini, ne infantissimo quidem, qui eum celebrare instituerit, deesse possit oratio.

Conatus emendandi duos locos è tertio libro Aristotelis De arte dicendi. CAP. VIII.

S V M M V M studium adhibere debent, quicunq. aliquid dicendo persuadere meditantur, in ipso dicendi artificio occultando & obtegendo. natura enim comparatum est, ut facilius assentiamur iis, qui ita uti naturæ impetus fert, loqui videntur, quàm illis, à quibus naturalem illum cursum arte quadam inflecti opinamur. etenim veritatis, ut ait Euripides, simplex est oratio. quo fit, ut quicunque ab illa naturali simplicitate discedunt, veniant nobis in suspicionem, quasi decipere nos, ac circumscribere moliantur. Sapienter igitur à dicendi magistris præcipitur, summam artem in arte dissimulanda sitam esse. quod Aristoteles libro tertio his verbis complexus est: Διὸ δεῖ λαβάνειν, ποιεῖντας. καὶ μὴ δοκεῖν λέγειν πεπρασμένους, ἀλλὰ περυσκότας. τὸτο γὰρ πιθανόν, ἐκείνο δὲ τήναντίον. ὥς γὰρ πρὸς ἐπιεικεύοντα διαβάλλον. Quæ verba exponens optimus interpretum, ait, verbū διαβάλλον ἄλλοιῳ quodam modo accipi, quàm plerunq. soleat. cum enim διαβάλλεται vsitatè dicatur pro eo quod est criminari, aut calumniari, hinc valere idem, quod malè animo affectos esse. ego autem, quod bona ipsius venia dictum sit, nūquam id verbum eam vim habere arbitror: neque sanè eo loco quem ipse ex Plutarcho protulit, declarationem illam vlllo modo confirmari puto. potius autem crediderim, erratum esse à librariis, qui διαβάλλονται scripserint, cum scribendum esset διαλαβέν. ac ne illud quidem pigebit admonere: paulo supra eum quem modò recitauimus, locum, ubi in vulgatis libris legitur, ἐν δὲ τοῖς ψιλοῖς λόγοις πολλῶ ἐλάττωσιν, mihi quidem legendum videri, ἐν δὲ τοῖς ψιλοῖς λόγοις πολλῶ ἐλάττω

λάττωσιν . ipsa enim orationis ἀκολουθία, nisi valde fallor, aliter constare non potest.

Illustratus locus è primo Topicorum Aristotelis.

CAP. IX.

QVODAM loco è primo Topicorum Aristotelis, vis particulæ πρὸς non satis è Latinis interpretibus percipi potest: vbi sic philosophus loquitur: Μὴ λαττανάτω δ' ἡμᾶς, ὅπ τὰ πρὸς τὸ ἴδιον, καὶ τὸ γένος καὶ τὸ συμβεβηκὸς πάντα λεγόμενα, καὶ πρὸς τὸς ὅρισμους ἀρμόζει λέγειν. Non enim vertendum est, ita vt illi faciunt, *ad proprium, ad genus, ad euentum, ad definitiones*: sed, *aduersus*. Hoc enim docet philosophus: quæ argumenta afferri solent ad docendum aliquid non esse alicuius rei proprium, aut euentum, aut genus, eadē valere aduersus definitiones. Nam vt, si quid non reciprocat, proprium non est, ita neque definitio. & si doceatur, genus non esse id, quod in definitione pro genere positum est: ipsa quoque definitio perimetur. quinetiam si quid ostēdatur eorum quæ ad definiendum adhibita sunt, μὴ ὑπάρχειν, tolletur definitio: cū in tollendis etiam euentis eadem ratio valeat. est autem ita dictum πρὸς, vt in illis, πρὸς Λεπτήν, πρὸς τὴν Φιλίππου ἐπιστολήν, & similibus. Sic & libro secundo τὰ πρὸς τῇ θέσιν vocauit ea, quæ ad oppugnandam θέσιν valerent.

Correctus & illustratus locus è secundo Topicorum.

CAP. X.

SI QVANDO thesis nobis aliqua impugnanda sit, quæ sterilis, vt ita dicam, & ieiuna sit, neque magnum vllum habeat campum, in quo excurrere possit oratio: qua ratione huic incommodo occurrere ac mæderi

ac mederi debeamus, copiose Aristoteles libro secundo Topicorum docet. inter cetera autem quæ ponit apta & accommodata ad orationem in planum ac patientem locum ex illis angustis educendam, vafrum quoddam & callidum artificium detegit, quo sophistæ uti solerent: ob idque locum illum sophisticum vocat: *τόπος* enim planè, non *τόπος* Θ , eo loco legendum videtur. id erat huiusmodi. habebant sophistæ meditados ac paratos multos diuersis de rebus communes locos. in iis & ornamentorum & argumentorum omni genere abundabant. ergo si fortè in suis illis *ἐπιδείξει*, quæstio inciderat quæpiam, ad quã ipsi tractandam minus instructi forent, quacunque via poterant, abducebant disputationem à re proposita ad vnum aliquem è locis illis communibus, in eoque postea sese iactabant. Id quatuor modis fieri potest. quorum priores duo neminem dedecent: tertius habet aliquid sophisticum: ideoque parcè ac modicè eo utendum. quartus autem continet apertam significationem impudentiæ. quare totus sophistis relinquendus est. Primus modus est, cum eorum quæ à nobis sumuntur ad euertendam thesin, aliquid negatur ab aduersario. ita autem res fert, ut ad id ipsum, quod negatur, tractandum instructiores simus, quàm ad eam, cuius causa id sumptum erat, quæstionem. tunc enim licebit, diis hominibusque approbantibus, quanta maxima poterimus orationis vbertate ac copia versari in eo confirmando quod negatur. Exempli causa. finge, disputari inter duos de summo bono: quorum vnus in voluptate illud ponendum esse defendat: alter eam sententiã impugnet. hunc autem ponamus, non valde tritum esse in ea parte philosophiæ, quæ format mores: sed in phisicis egregiè ex-

ercitatum . nempe igitur ad propositam quaestionem ,
 quæ ethica est , non poterit ei magna vis argumēto-
 rum suppetere . quòd si quid physicum ageretur , ha-
 beret , vbi facultatem ostentaret suam . accingit se ta-
 men ad disputationem : in eamque ingreditur hoc
 modo . Motionem omnem imperfectum quiddam
 esse . quare voluptatem , cùm motio sit , esse etiam im-
 perfectum quiddam : neque dignandum summi boni
 nomine . Neget ille alter , quod prioris syllogismi in-
 itio sumptum est . omnem videlicet motionem esse
 imperfectam . quis inficiari audeat , voluptatem im-
 pugnantem licere , traferre orationem ad demonstnan-
 dum id quod negatum est ? pandet igitur vela , &
 emerfus ex illo , in quo deprehensus erat , fretum , in
 explicanda vi ac natura motionis , pleno mari feretur .
 quippe . est enim ea tractatio Physicorum . Altera ra-
 tio his verbis ab Aristotele exponitur : *ὁμοίως ὅτι ὅταν*
ἐπαγωγὴν ὡς πρὸς τὸ κεκείμενον πομπάμεν , ἀναρῶν ἐπι-
χειρῇ . τότε γὰρ ἀναρῶντος , καὶ τὸ προκειμένον ἀναρῶται .
 quæ verba magnum negotium facefferunt Alexan-
 dro . ita enim sanè vocemuse eruditum illum interpre-
 tem , si non suo , at vñtato tamen nomine . cuius quæ
 hoc loco sit ἀμυχανία , videre est . ego autem , cùm ab
 eo dissentiam , non constitui sententiam ipsius refer-
 re . petant eam è libro , qui volent . meam proponam :
 ut , cui placuerit , eam sequatur . Primum igitur Ari-
 stotelis verba ita legenda censeo : *ὁμοίως ὅτι ὅταν ἀπα-*
γωγὴν ὡς πρὸς τὸ προκειμένον πομπάμεν , ἀναρῶν
ἐπιχειρῇ . πύττε γὰρ ἀναρῶντος , καὶ τὸ προκειμένον ἀνα-
ρῶται . In quo , ne quis fortè aliter putet , profiteor ,
 me vnam tantum litteram ex me mutare esse ausum .
 nam quòd pro ἐπαγωγὴν , scripsi ἀπαγωγὴν , coniec-
 ta ductus , ut verum fatear , feci . *προκειμένον* , vbi vul-
 go legi-

go legitur κείμενα, apud Alexandrum repperi. idque melius visum est, propter id, quod sequitur: καὶ τὸ προκείμενον ἀνατρέχεται. ποιησάμεν, pro πιησάμενα, antiqua scriptura est. ut apparet ex eodem Græco interprete. vnam autem litteram mutare, non nimis improbum, neque inuerecundum esse arbitror. Nunc dicam, quam subesse his verbis sententiam putem. In illa superiori ratione, abducebatur disputatio ad antecedentia: hinc ad consequentia abducitur. ait enim, si non satis multa nobis occurrant argumenta, quæ propriè pertineant ad labefactandam thesin: videndum esse; num quid ex ea consequatur, quod multis argumentis impugnare possimus. licebit enim eò traducere disputationem: cum, si quid alicui consequens est, euerso eo, id quoque vnde consequitur corruat. Exempli gratia. si quis disputet aduersus eos, qui animos cum corporibus interire censent: & ostendat, eo, quod illi volunt, posito, omnem cultum diuinum, atque omnem religionem funditus sublatum iri. Deinde nactus dicendi campum, ostendat, quanta confusio ac perturbatio omnium rerum, quanta generis humani miseria & infelicitas consequutura sit, sublata religione. quæ si vel cogitatu horrenda sunt: exterminanda quoque est e mentibus hominum opinio illa, quæ animos mortales facit. eodem modo licebit, differentem aduersus necessitatem fati, ostendere, si ea sit, superuacaneas esse leges: tum disputare amplè ac copiosè de legum dignitate, ac præstantia: & quantopere sint necessariae; vtpote quibus, tanquam nervis, hominum societas deuincta teneatur. Hanc ego germanam esse Aristotelis sententiam existimo: eamque facilè ex ipsius verbis elici, ad eum, quem dixi, modum emendatis. Ter-

tius modus est, cum videtur quidem is, qui disputationem aliò deriuat, necessariò id facere: neque tamen facit. vt si quis disputaturus de motibus animi: repetat sermonis principia ab iis, quæ de motu apud Physicos disputantur. videbitur enim auditoribus non acutissimis aliquid, quod ad rem faciat, dicere; cum de motu vtroque agatur. ac tum maximè, si aduersarius eorum aliquid negauerit. Illud autem præteriens admonebo: in hoc loco explicando, vbi apud Aristotelem legitur, εἴτε ἀπὸ ἐπαγωγῆς ἐνδόξου, miki legendum videri, εἴτε ἀπαγωγῆς ἐνδόξου. Quartus modus est, qui neque necessitatem, neque necessitatis similitudinem habet vllam. quale sit, si τῶ ἀντιπάλῳ inter disputandum exciderit solæcisimus, aut falsa historia, aut aliquid tale: & tu in eo cum vrgeas.

*Emendati loci aliquot è libello Q. Ciceronis De
petitione consulatus.*

CAP. XI.

N V N C, quia non omnes eadem iuuant: est quæ, κατ' ἐκείνο τὸ εὐεπίδεικτον, μεταβολὴ πάντων γλυκὺ, omit-
tamus paullisper Aristotelem: & alios leuioris operæ scriptores, quoad possumus, adiuuemus. Est autem in omni re laudabili atque honesta, etiam non consecuta operis effectione, voluntatis laudanda propensio. ac quoniam M. Tullii libros à mendis iam aliquot vindicauimus: volumus quidem certè, Q. etiā Tullio eius fratri præstemus idem officium: & quem illius vnicum habemus de petitione consulatus commentariolum accuratissimè atque artificiosissimè scriptum, operæ aliquid in eo purgando sumamus. Igitur ex ipso quidem limine ac vestibulo mendum
vnum

unum sustulimus iam, iis in scholiis, quæ anno in Propertium edidimus. cùm enim vulgo ita legatur, *Etsi tibi omnia suppetunt, quæ consequi ingenio, aut usu homines, aut diligentia possunt.* docuimus, vocem, *homines*, temere additam, & illud, *consequi*, παρρηκῶς positum esse. paulo pòst autem vbi fratris amicitias generatim enumerat: ita legitur.

Deinde & amicorum multitudo, & genera appareant. habes enim ea, quæ noui habuerunt: omnes ferè publicanos, totum ferè equestrem ordinem, multa præterea municipia, & cetera. quo loco, quin isti παντολῆτορες, qui præclaras suas glossas vbique inferciebant, verbum, *habuerunt*, de suo addiderint, neminem, considerata re, dubitaturum opinor. Nam qui tandem illa noui habuerant? aut quid magni erat, ea habere Ciceronem, quæ noui habuissent? Noui igitur, priore syllaba producta legendum est: vt sit: ἔχεις ᾧ ἂ ἐγὼ δα: non autem, ἔχεις ᾧ ἂ εἶχον οἱ χεῖνολ. leuiusculum hoc est, quod dicturus sum: sed dicam tamen. nulla est enim tam parua macula, quam, non pulchrum sit, è bonis libris eluere. vbi ergo est, *Iam P. Galbam, & L. Cassium*: pro, *Iam*, legendum puto, *Nam*. Illud grauius. quòd cùm exposuisset multas causas, ob quas Antonium Cicero pro nihilo putare deberet: de Catilina ingrediens loqui, ita scribit. *Alter verò, dii boni, quo splendore est? primum nobilitate eadem. num maiore? non: sed virtute.*

Iidem autem illi stercorei glossographi, quos glossis suis aliquid aliud facere, non libros contaminare oportebat: ad illa verba, *Primum nobilitate eadem*, auctarium addiderunt, *quæ Catilina*. atque ita fuere bardi, vt non animaduernerent, de ipso Catilina sermonem esse. Nam illa, quæ sequuntur, *Quamobrem*

qui inanius umbram suam metuit, corrupta esse video: quomodo emendari debeant, non video. Venit mihi quidem in mentem aliquid: sed nihil satis firmi. nemo autem, qui præstat quod potest, quòd quædam non possit, reprehendendus est.

Ex eodem libello emendati aliquot loci.

CAP. XII.

NON eos modò, qui corruptos præstantium scriptorum locos emendant, præclarè operam suam ponere arbitror: verùm illos quoque, qui, cùm aliud nihil possunt, eos indicant; proponunt enim hominibus ingeniosis, & copiosa veterum codicum suppellectile instructis, materiam, in qua se exerceant: eosq. excitant ad aliquid excogitandum. quod nunc faciam: locumque indicabo, ex eodem illo libello, qui sine dubio corruptus est. quomodo corrigi debeat, diuinabit fortassis alius. *Deinde ut quisque optimus, ac maximè domesticus, ut is amet, quisque fidelissimum esse te cupiat, valde elaborandum puto: tum ut tribules, ut vicini, ut clientes, ut denique liberti, postremò etiam seruitus.* Huius periodi prima pars ita deformata est, ut, quid sibi velit, suspicari potius, quàm intelligere, liceat. in extremo autem, ubi est, *seruitus*, legendum censeo, *serui tui*. Sequitur: *Nam fere omnis sermo ad forensẽ famam à domesticis emanat auctoribus.* quæ verba ut integra & incorrupta sunt, ita deprauata & malè distincta, quæ sequuntur. *Deinde instituendi sunt cuiuscunque generis amici ad speciem hominis illustris honore ac nomine: qui etiam si suffragandi studia non nauant; tamen afferunt petitori aliquid dignitatis ad iustitiam obtinendam. Magistratus, ex quibus maximè consules, deinde tribunos plebis*

plebis ad conficiendum centurias homines excellenti gratia, qui tribuent centuriam, & cetera. Spero, omnes homines mihi assensuros, nullam omnino idoneam sententiam ex iis verbis extundi posse. Ego autem puto eum facere tria genera amicorum: vnum, ad speciem: alterum, ad iustitiam obtinendam: siquis fortè competitorum malis artibus eum deiicere molitur: tertium, ad conficiendum centurias. ac, ne longum faciam, ita legendum censeo: *Deinde instituendi sunt cuiusque generis amici. Ad speciem, homines illustres honore ac nomine: qui etiam si suffragandi studia non nautant, tamen afferunt petitori aliquid dignitatis. Ad iustitiam obtinendam, magistratus: ex quibus maximè consules, deinde tribuni plebis. Ad conficiendum centurias, homines excellenti gratia.* Illud autem, *Qui tribuent centuriam*, alterius periodi principium est. quæ ne ipsa quidem vitio vacat. Haud ita multo infra, in eodem libello ita legitur: *Et omnino, quoniam eo genere amicitiarum petitio tua maximè initiata est, quod caussarum defensionibus adeptus es, &c.* Ego pro initiata, libenter legerim, *innixa*. Paulo post: *Et quemadmodum memini, quòd nulla in re illis vnquam molestus fuisti, sic cura, ut intelligant, omnia te, quæ ab illis tibi deberi putaris, ad hoc tempus reservasse.* Sed quis est, qui cùm illas sermonis fordes videt, *Memini, quòd nulla in re fuisti molestus illis,* non clamet, *ὅτε μοι ἀεὶ ἐμνν?* Vox illis, abest à quibusdam olim impressis libris. vnde mihi verisimile fit, ita legi debere: *Et quemadmodum nemini vlla in re vnquam molestus fuisti, &c.*

Ex eodem libello emendati aliquot loci.

CAP. XIII.

PRÆSERTIM cùm id tibi casus afferat, uti tecum petant, quorum amicitia aut contemnenda, aut fugienda sit. ex eodem illo commentariolo sunt hæc: in quibus libentius legerim, *Vt ii tecum petant.* at hoc non magni momenti est. Illud paulo grauius: quòd, *rem honestam*, scripserunt, vbi sine dubio scribere oportuerat, *honestatem*. Quis enim non offendatur, hæc legens? *Hæc tu planè ab iis postulato, vt, quoniam nulla impensa per te alii rem honestam, alii salutem ac fortunas omnes obtinuerunt. &c.* Honestatem autem dicit dignitatem & existimationem. Assentior etiam homini eruditissimo Dionysio Lambino, qui ignorance antiqui verbi locum hunc ex eodem libro deprauatum iudicat. *Nam cùm id petitur, quod honestè, aut sine detrimento nostro promittere non possumus: quomodo si quis roget, vt contra amicum aliquam causam recipiamus; bellè negandum est: vt ostendas necessitudinem: demonstras, quàm molestè feras: aliis te id rebus exacturum esse persuadeas. neque enim censet ille, ibi legi debere, exacturum: sed, exsarturum. idem quæ ita legit versus illos ex Heauton timorumenno:*

Ancillas, seruos: nisi eos, qui, opere rustico

Faciundo, facile victum exsarcirent suum.

vnum etiam locum Q. Ciceronis corrigam: qui in optimis omnium Manutianis libris asterisco notatus est: deinde aliò me conuertam. Ita ergo ibi legitur: *Præsertim cùm multo magis irascantur iis qui negent, quàm iis, quem videant ea causa impeditum, vt facere quod promisit cupiat, si vllò modo possit.* Legendum autem videtur, *Quàm ei, quem videant, &c.* Errorem obiecit

obiecit obsoleta iam scribendi ratio. *Eii* enim scribebant, pro *ei*: & *reii* pro *rei*. & de eodem genere cetera ad eundem modum.

Quod apud Ciceronem in epistolis ad Atticum legitur, ἐν αἰνιγμοῖς, vnde sumptum sit.

CAP. XIII.

NOTUM est, Ciceronem in veteribus vtriusque linguae poetis lectitandis multum fuisse: crebroque eorum modò integros, modò dimidiatos versus, modò etiam leuiter immutatos scriptis suis immiscuisse: quin & non nunquam vnā aut alterā vocem ab iis sumptam vsurpasse, quæ tamen faciliè ab hominibus in eodem studio tritis agnosceretur. Tale est, quod in epistola quadam ad Atticum posuit, ἐν αἰνιγμοῖσι. Cùm enim diceret, se, si perfidelem haberet tabellarium, omnia de rep. scripturum planè: sin aliter esset, subobscurè quidem: sed tamen, vt Atticum faciliè intellecturum confideret: *⁊ in iis, inquit, epistolis me Lalium, te Furium faciam. cetera erunt ἐν αἰνιγμοῖσι.* Sumpsisse autem hoc videtur ex Euripide: apud quem in Rheseo ita loquitur chorus:

Τὰ δ' ἐκ ἐν αἰνιγμοῖσι σημαίνει κακά.

Σαφὲς γὰρ αὐδᾶ συμμάχες δλωλότας.

Proverbium quoddam, quo Cicero De senectute vsus est, ex Euripide sumptum esse.

CAP. XV.

PRINCIPIUM libri De senectute è primo Platonis πολιτειῶν propè ad verbum conuersum esse, nemo paulum modò humanior nescit. sed quod ibi dicentem facit Scipionem de quibusdam senibus, quibus ita odiosa senectus esset, vt onus se Ætna gra-

uius dicerent sustinere : id vnde sumptū sit, à nemine, quod sciam, proditum est. Eruditus sanè vir, ac multæ lectionis, qui tot millia περιμίων vnum in corpus contulit, hoc non vidit. Est autem ex Euripide: apud quem Ηρακλεῖ μαυνομένῳ chorus, qui è senibus constat, iuuentutem quidem celebrat ac prædicat: malam verò, vt veteres loquebantur, ætatem miris modis exagitat, ei que multa mala precatur. inter cetera autem, eam dicit onus esse Ætna grauius, quo perpetuò prematur senum caput. Versus hi sunt: qui tamen vulgo aliter leguntur. sed ego ita legendos puto:

αὐνέοντας μοι εἶλον.

τὸ δ' ὕψος ἄχθος αἰεὶ

βαρύτερον Αἴτνας σκαπέλων

ὅπ' κεστὶ κέται.

Sed & apud Plautum non rarò ita senes de ætate sua, vt de graui aliquo ac ponderoso onere, loquuntur.

Ut Cicero dixit, conficere famam, ita Græci dicunt

ποιεῖν ὄνομα.

C A P. X V I.

IN dialogo De claris oratoribus ita de Catulo loquitur Brutus: *Catulus erat ille quidem minimè indolens, vt à te paulo est antè dictum: sed tamen suauitas vocis & lenis appellatio litterarum bene loquendi famam confecerat.* Videtur autem hoc loquendi genus, quo res quæpiam alicui famam conficere dicitur, à Græcis manasse. Socrates quidem certè apud Platonem in apologia eo vtitur. cum enim dixisset, mirum non nullis videri posse, si nulla in re ceteris antecellebat; quid tandem ipsi tantam famam, tantamque inuidiam conciliare potuisset: *Ego verò, inquit, conabor demonstrare vobis, quid mihi & famam & calum-*
niam

niam confecerit. Verba, quibus hoc dicit, hæc sunt:
 καὶ ἄγε ὑμῖν περάσσομαι ἀποδείξαι, τί ποτ' ἔστι τῆτο, ὃ ἐμοὶ πικ-
 ρώτερόν ἐστιν ὄνομα, καὶ τὸ διὰβολόν.

*Quod Theopompus de Lacedæmoniiis dixit, idem
 de fortuna quoque merito dici posse.*

CAP. XVII.

EVOLVEBAM nuper Theodori cuiusdam Me-
 tochitæ librum, cuius mihi copiam fecerat homo cū
 philosophiæ ac Theologiæ scientia præstans, tum ita
 comis atq. amabilis, ut eum ipsæ suis manibus Gra-
 tiæ finxisse ac composuisse videantur, Sixtus Medi-
 ces Dominicanus. continet autem liber ille centum
 viginti non sanè contemnendas variis de rebus dis-
 putationes Græco sermone conscriptas: quarum in
 vna repperimus hæc quæ subijciemus in fortunæ in-
 stabilitatem atque inconstantiam non inurbanè, ne-
 que illepidè dicta: quæ nobis causâ fuit, cur ea hoc
 loco proponeremus. Theopompus historicus acu-
 leata Lacedæmonios oratione perstringens, impro-
 barum eos mulierum cauponam exercentium simi-
 les esse dicebat. quæ hospitibus ad se diuertentibus
 vinum initio & gustatu suave, & usu salubre præ-
 bent, callidè id astuteque facientes, ut argentum ab
 eis eliciant. postea verò aliud infundunt vile, & cor-
 ruptum & acidum, eoque ipsos uti cogunt. Sic enim
 & Lacedæmonios initio eius belli quod aduersus
 Athenienses gesserunt, callidè fecisse, ut ceteros Græ-
 cos, tanquam suavissimo poculo oblato, allicerent;
 cū quasi tabellis publicè propositis profiterentur,
 ac promulgarent, cupere se Græciam à dominatu
 Atheniensium vindicare. post autem eis amarissima
 & insuavissima pocula miscuisse, refertur vndiq. mo-
 lestis

lestiis vitæ, & negotiorum acerbissimos dolores inuentium: cùm præficerent ciuitatibus Xuiros, & præfides importunissimos, qui eas tyrannico imperio premerent, agerentque ea quæ asperrima perpesu, planeq. intolerabilia essent. Sedenim quod Theopompus de Lacedæmoniis dicebat, id meo quidem iudicio de hominum fortuna conuenientius dici potest. quæ quidem multis initio obuiam sese ferens, miris eos ad se blāditiis allicit, tum inani præsentium successuum lætitia complens, tum spe ita semper in posterum fore. vbi autem inhiantes sibi homines sua leuitate in altum sustulit, sæpè eis præter opinionem maximas exhibet difficultates. non numquam etiam illos, qui futura non prospicientes, magnos spiritus, ipsius inflati fauore, conceperant, deserit: nō aliter, quàm dolosus quispiam, & perfidus itineris comes, qui quibus maxime in locis societate, & viribus, & mutua defensione opus est, ibi potissimum fugiens confisum sibi comitem derelinquit. Ita ferè Theodorus: cuius liber cùm adhuc diuulgatus non sit, iudicaui, si hæc ex eo pauca describerem, nō malam me à studiosis gratiam initurum. Sed Plutarchus in-Lysandro hoc ipsum nartans, Theopompum hunc comicum vocat.

Ciceronis è Lucullo correctus & declaratus locus.

CAP. XVIII.

EXPERIRI libet, ecquid opera mea corrigi possit locus quidam è Ciceronis Lucullo, quem cùm deprauatum esse constaret, extiterūt etiam alij, qui emendare vellent: sed eos, quod petebant, affectos non puto. habetur autem ibi sermo de iis qui
abineunte

Incunte adolescentia ita se alicui disciplinæ philo-
 sophorum addixerant, vt eius omnia placita ac de-
 creta sequerentur: & vt Vlysses Homericus ait, so-
 lùm Tiresiam apud inferos sapere, ceteros *οὐκ εἰδότες*
οὐτις, ita ipsi, qui ex eadem essent hæresi, iis veritatem
 patere solis, ceteros omnis vagari temere, & huc illuc
 a vero auios ferri iudicarent. negat autem id eos sta-
 tuere potuisse: non enim aliorum cognouisse ratio-
 nes: vt, omnibus diligenter examinatis ac perpen-
 dens, constituerent, qua tandem vna cunctæ aliæ præpon-
 derarentur. Scitum autem est illud, siue *ἡσίοδεον* est, si-
 ue, vt creditur, *ἡσίοδεον*: *Μὴ δὲ δίκην δικάσης, πρὶν*
ἀμφὶν μὲν ἀνέστης. id igitur non fecisse ipsos; sed in-
 firmissimo tempore ætatis, aut obsecutos amico cui-
 dam, aut vna alicuius, quem primum audiissent,
 oratione captos, de rebus incognitis iudicasse, & ad
 quamcumque disciplinam quasi tempestate delati
 essent, ad eam tamquam ad saxum, adhæsisse. Porro
 eandem stultitiam eleganter exagitaui Lucianus in
 dialogo qui *περὶ αἰρέσεων* inscribitur. & multo grauius
 Origenes lib. primo *κατὰ κέλσου*. Sed Cicero (eius enim
 causâ hæc suscepta & instituta oratio est) ita hac de
 re loquitur: *Nam quod dicunt, omnia se credere ei quæ*
iudicent fuisse sapientem: probarem, si id ipsum rudes &
indocti iudicare potuissent. statuere enim, qui sit sapiens,
vel maximè videtur esse sapientis. sed vt potuerunt, om-
nibus rebus auditis, cognitis etiam reliquorum senten-
tiis, iudicauerunt: aut re semel audita, ad vnius se au-
thoritatem contulerunt. Ex his postremis verbis cum
 appaferet, aut nullam sententiam effici, aut eam, quæ
 quodammodo cum ipsius Ciceronis mente pugna-
 ret: visum est homini eruditissimo, & alioqui in sa-
 nandis eiusmodi vulneribus felicissimo, ita legi de-
 bere.

bere: *Sed ut potuerunt, omnibus rebus auditis, cognitis etiam reliquorum sententiis, indicare: ita, re semel audita, ad vnius se auctoritatem contulerunt.* . quam ego correctionem eo probare deterreo; quòd Cicero, si ita legamus, fateri videbitur, eos tanta de re iudicare potuisse, si omnium sententias audiissent. at rudes & indocti erant. non igitur poterant, ne auditis quidem & cognitis omnium sententiis, iudices idonei esse. Quocirca alio modo corrigendum arbitror: nempe ita, ut pro *potuerunt*, legamus *potuerint*: pro illo *aut*, substituamus, non *ita*, sed *an*: totam autem comprehensionem interrogando efferamus, ad hunc modum: *Sed, ut potuerint: omnibus rebus auditis, cognitis etiam reliquorum sententiis indicarunt, an, re semel audita, ad vnius se auctoritatem contulerunt?* Ita enim duobus modis eorum iudicium repreliendetur. quòd neque iudicare potuerunt, cùm rudes & indocti essent: &, ut eos potuisse demus (ea enim vis inest in his verbis, *ut potuerint*) non tamen cognouerunt omnium sententias: sed indicta causa condemnatis aliis, vnius auctoritatem sunt secuti. de rebus autem neque auditis neque cognitis rectè iudicare nemo quamlibet sapiens possit.

Ciceronis locus ex Isocrate, ut videtur, imitatus.

CAP. XIX.

ISOCRATES cùm Euagoræ laudationem ad Nicoclem eius filium mitteret, principio vsus est pereleganti, valdeque ad ornandum ac commendandum munus suum accommodato. putare enim se dixit, si quis eorum quæ hîc fiunt, sensus ad mortuos perueniret, nihil posse ipsi Euagoræ accidere optatius, quàm ut res ab ipso præclarè ac fortiter gestæ eloquentis

quentis alicuius hominis voce, ut ipsarum dignitas posceret, celebrarentur. non erat autem dubium, quin plurimi facturus esset filius id, quod ipsi patri, de quo omnibus modis ornando cogitabat, probatum iri existimaret. per bono igitur, perque appposito argumēto vsus est rhetor ille, cum, cuius laudes oratione sua complexurus erat, eius ipsius ea de re, quatenus licebat, iudicium ac sententiam protulit. Vidit id, qui Isocratis libros diu in deliciis habuerat, multasque de floribus illius corollas sibi texuerat, Tullius. itaque cum in senatu ageretur de Ser. Sulpicii statua; quam pedestrem statui oportere censeret: eandem illam Isocrateam rationem adhibuit: ut non immerito credi possit, eum Isocratis locum ipsi tum in mentem fuisse. Vtriusque verba ponam, ut conferre liceat. Isocrates, ἡγήσάμην Ευαγόραν, εἰ περὶ ὅτιν αἰδοῦσι τοῖς τετελεσμένοις, καὶ τῇ ἐνθάδε γυνομένῳ, ὁ μὲν αὖτε ἀποδέχεται καὶ ταῦτα, καὶ χαίρειν ὁρῶντα τίω τι καὶ αὐτὸν ἐπιμέλειαν, καὶ τίω σὺν μεγαλοφρέπῃαν: πολλὸ δ' αὖ ἐπὶ πλείῳ χάριν ἔχειν ἢ τοῖς ἄλλοις ἅπασιν, & quæ sequuntur. Cicero, *Mihi autem recordanti Ser. Sulpicii multos in nostra familiaritate sermones, gratior illi videtur, si quis est sensus in morte, aenea statua futura, & ea pedestris magis, quam inaurata equestris.* Subijcit deinde vterque orator rationes, quibus verisimile efficiat, eum illorum fuisse sensum, de quibus honestandis agebatur.

De quodam loco è secundo De finibus neque Manntij, neque Victorij sententiam veram videri.

CAP. XX.

CICERO lib. secundo De finibus aduersus Epicuri sententiam disputans, qui in constituendis, conseruan-

seruandisq̃ue amicitiiis suam quemque vtilitatem sequi debere affirmauerat: cum aliis argumentis vtitur ad eam opinionem labefactandam, tum hoc quoque: quòd ista ratione suas quisque possessiones pluris facere deberet, quàm amicos: cum ex illis vberes certiq̃ue plerumque fructus, ex his damna & molestiae non parùm sæpè capiantur. His autem verbis Torquatum, quem ab Epicuro dicentem fecerat, alloquitur: *Num igitur vtiliorem tibi hunc Triarium putas esse posse, quàm situa sint Puteolis gramina?* quæ verba iampridem diligenter ponderans Paulus Manutius iudicauerat, aliquid vitij subesse in voce, *gramina*: ostenderatq̃. se suspicari, pro *gramina* legendum *pradia*. Multis annis post, P. Victorius libro vi. Variarum lectionum, vulgatam scripturam defendere conatus est, planeq̃ue pronunciauit, eam mendo carere. Duobus autem argumentis id probat. primùm, quòd gramen non tantùm valeat certam herbam, quam ἀγρωστὴν Græci vocant, sed alias etiam ostendat, ex quibus fœnum cogitur. deinde, quòd Cicero lib. secundo De natura deorum de eadem re disputās, ita scripserit: *Prata & arua, & pecudum greges diliguntur isto modo, quòd fructus ex his capiuntur.* Mihi difficile & arduum videtur, à duobus eiusmodi hominibus dissentire: quorum vtrumque, vt debeo, plurimi facio, alterum etiam incredibiliter diligo. sed tamen quia, quod de se fortissimus ille Troianorum apud Euripidem dicit, — φίλῳ λέγειν τ' ἀλυσθῆς αἰεὶ κ' ἔμπεδος πέφυκ' ἀνὴρ, non possum reticere, quid mihi videatur. Primùm igitur, cur Victorij sententiam non probem: post cum Manutio agemus. Quid igitur ait homo eruditissimus Victorius? Gramen propriè quidem esse eam herbam, quam Græci ἀγρωστὴν vocent: inter-

interdum tamen id nomen patere latius, ita vt complectatur eas omnis herbas è quibus cogitur fœnum. quod quidem ita esse, nemo nescit, eorum dumtaxat, qui Latinarum litterarum penitus rudes non sint. fœnum esse oporteret, si quis, qui tractaret litteras, ad hanc rem doctore egeret. Sed illud quoque intelligendum est, quod Victori-
 us, causlæ, vt opinor, seruiens, omisit dicere, hoc posteriore modo, graminis nomine solos vti poëtas; idque eadem licentia, qua notum pro quolibet vento, pro qualibet arbore pinum interdum, aut abietem dicunt. quam licentiam nunquam sibi sumpsissent, qui soluta oratione scribebant: & minimè omnium, nisi fallor, Cicero. nam quòd in eius scriptis nusquam hoc nomen legitur, nisi hic, dubio & controuerso loco, id etsi tantum valere non debet, vt hæc vox propterea expungatur: (multa enim sunt apud Ciceronem singulæ, & magna pars librorum ipsius intercidit) non immeritò tamen, cùm præsertim alia concurrant, scripturam reddiderit suspectiorem. Victori-
 us certè, quem ego libenter auctorem ac ducem sequor, hoc argumento vtitur, vt è quodam loco ex epistolis deleat vocem, *fugacia*. Non postulo tamen, vt hoc mihi in numerum procedat. nam ipse quoque quandam hoc loco vocem reponere cogito, quam nusquam præterea apud Ciceronem reperiri arbitror, id me magis mouet, quòd graminis nomen pro illo toto genere herbarum pratensium, quibus exiccatis & aridis ad pactionem animalium vtimur, apud solos poëtas lego. Deinde, vt satis hoc è Ciceronis consuetudine dici possè demus: insulsa tamen & illepidà erit oratio. hoc enim denique dicet Cicero: *Num igitur utiliore tibi hunc Triarinum esse posse putas, quam si*

tua sint Puteolis herba? At, dices: parata hoc loquendi genere intelligit. Et potest cuiquam persuaderi, Ciceronem tam contortè locutum, ut, cum vellet prata dicere, noluerit ea suo nomine appellare, gramina maluerit: ut qui audirent, legerent ve, pro graminibus herbas, pro herbis prata accipere necesse haberent? Nam locum què è primo De natura deorum adduxit Victorius, quid valere ad illam scripturam confirmandam crediderit, nescio: ego, qui eam impugno, eum ipsum locum valde facere à me puto. Etenim si ita dixisset Cicero; Gramina, & arua, & pecudum greges diliguntur isto modo; tacerem, quiescerem, verbum amplius non adderem: nullo modo de scripturæ illius integritate dubitarem. nunc quid ait? *Prata, & arua, & pecudum greges* & cetera. nempe igitur, ut hic prata suo nomine expressit, ita illic quoque, si prata dicere voluisset, prata dixisset, non gramina. rectè igitur iudicavit Manutius, locum hunc vitio non carere. illud minus rectè: quòd sine auctoritate vetusti codicis, *prædia*, pro, *gramina*, substituendum putavit. Ego in quibusdam satis veteribus libris ita scriptum reperio: *Num igitur utiliore tibi hunc Triarium putas esse posse, quàm sint tãa Puteolis granaria?* atque hæc postrema vox ita etiam in quibusdam olim excusis legitur. quæ scriptura cum absurdi nihil habeat, cur ei quæ vulgo recepta est, anteponenda non sit, non video. nihil enim prohibet, Torquatum hunc granaria quæpiam Puteolis, è quibus magnos fructus perciperet, habuisse.

Qui fuerint Aristotelis libri De philosophia, quodque illorum argumentum. Illustratus locus è primo libro Ciceronis De naturæ deorum.

CAP. XXI.

VELLEIUS; qui apud Ciceronem De natura deorum Epicuri partes tuetur, principio disputationis suæ, veterum philosophorum super ea re sententias enumerando percentet: credo, ut cum aliis Timones aut refellisset, aut illuisset, constitueret eam, quam sequebatur. Ibi de Aristotele ita loquens inducitur: *Aristoteles in tertio De philosophia libro multum turbat, à magistro Platone non dissentiens, & cum se- quuntur.* quem locum declarans Petrus Marius, homo, ut illis temporibus; non contemnendus, multa enim iam tum notauit, de quibus, tanquam nouis, & à se primùm animaduersis, multi hodie sibi placent: is igitur libros Aristotelis De cælo tertium De philosophia librum vocari putat: & ut stultam opinionem suam, quoquo modo poterat, confirmaret, errorem, ut fit, errore cumulat, librorum eius philosophi ridiculum quendam ordinem commentus. primum enim de philosophia librum ait esse libros τῶν μετὰ τὰ φυσικά secundum, libros φυσικῆς ἀκροάσεως: tertium, libros de cælo. quam ineptiam pluribus verbis exagitare nihil opus est, id modò admonere non ab re fuerit, scripsisse Aristotelem libros tres, quibus nomen fecerit, περὶ ἀστρον., ἢ περὶ φιλοσοφίας; quibus complexus erat ea quæ in sermonibus à Platone acceperat, itemq. non nulla Pythagoræ dogmata. Numerū librorum à Lærtio accepimus: qui in indice scriptorum Aristotelis ponit, περὶ φιλοσοφίας ἀ

β' γ'. Ipsemet autem eorum meminit lib. primo De animo, his verbis: Ομοίως ἢ καὶ ἐν ταῖς περὶ φιλοσοφίας λεγόμενοις διατριβῇ. quæ verba ita exponit Simplicius: περὶ φιλοσοφίας νῦν λέγει, τὰ περὶ τῶ ἀγαθοῦ αὐτῶ ἐκ τῆ Πλάτωνος ἀτακτοῦσθαι σπουδῆς. ἐν οἷς ἰσχυρῶς τὰς τε Πυθαγορείους, καὶ Πλατωνικὰς περὶ τῆς ὄντων δόξας. ex his autem facillè cognosci potest error illorum qui apud Ciceronemangebant, *A magistro Platone vno dissentiens.*

Ciceronis è tertio De natura deorum locus ex Aristotele expressus. CAP. XXII.

SEMPER existimaui ea quæ libro tertio De natura deorum Cicero Cottam dicentem facit, ut ostendat, in diis virtutem inesse non posse, deprompta esse ex Aristotele. Sed ut de hoc meo iudicio ceterorum iudicium faciam, hoc loco utriusq. verba proponam. Ita ergo loquitur Cotta: *Quid enim? prudentiam ne Deo tribuemus? quæ constat ex scientia rerum bonarum & malarum, & nec bonarum nec malarum. Cui mali nihil est, nec esse potest, quid huic opus est delectu bonorum & malorum? quid autem ratione? quid intelligentia? quibus utimur ad eam rem, ut apertis obscura assequamur. at obscurum Deo nihil potest esse. Nam, iustitia, quæ suum cuique distribuit, quid pertinet ad Deos? hominum enim societas & communitas, ut vos dicitis, iustitiam procreavit. temperantia autem constat prætermittendis voluptatibus corporis: cui si locus in cælo est, est etiam voluptatibus. nam fortis Deus intelligi quipotes? in dolore, an in labore, an in periculo? quorum Deum nihil attingit. Apud Aristotelem autem libro x. De moribus ad Nicomachum hæc leguntur: Πράξεις ἢ πείρας ὑπονοῦμεν χρεῶν αὐτοῖς; πότερὰ τὰς δικαίας; ἢ ἡλιοῖσι φανοῦνται, σωμαλλὰ ἤοντες, καὶ παρακαταθήκας ὑποδιδόοντες,*

δόντις, καὶ ὅσα ἄλλα τοιαῦτα; ἀλλὰ τὰς ἀνδρείους; ὑπομένον-
 τας τὰ φοβερά, καὶ κινδυνεύοντας, ὅπῃ κελόν; ἢ τὰς ἐλαφρείας;
 τίνι ὃ δώσῃσιν; ἀποπον ὃ. ἢ καὶ αὐτοῖς ἔσαι νόμισμα, ἢ π τοῖ-
 τον; εἰ ὃ σώφρονες, τί ἂν εἴεν; ἢ φορτικὸς ὁ ἔπαινος; ὅπῃ ἐκ ἔχουσιν
 φαύλας ὁπθυμίας. διέξιον ὃ πάντα, φαίνοιτ' ἂν τὰ περὶ τὰς
 πράξεις μικρὰ καὶ ἀνέξια θεῶν. quanquam autem inter
 utriusque orationem non ita magna est dissimilitu-
 do, longè tamen aliud Cottæ, aliud philosophi con-
 silium fuit. ille enim sceleratè & impiè efficere vo-
 luit, nullam vllius generis in diis inesse virtutem. hîc
 cùm docere vellet, τὰς θεωρητικὰς καὶ ἀρετῶν præstare
 ταῖς πρακτικαῖς, ostendit has humiliores esse & abie-
 ctiores, quàm vt in diuinam naturam conuenirent.
 Præclarè autem Platonici, omnes omnino virtutes in
 Deo inesse dicebant, sed longè alio modo, quàm in
 hominibus: nempe θεωρητικὰς, καὶ αἰσώδεις. nobis
 quidem nihil esse certius atque exploratius debet,
 quàm Deum esse principium ac finem omnium vir-
 tutum, bonorumque ad eò omnium: ipsum solum
 verè ac per se bonum: cetera eo tantùm bona, quòd
 ab ipso proficiuntur, ad eundemque referuntur.

*Locus è Miloniana cum duobus Demosthenis uno,
 altero Lyfia comparatus.*

CAP. XXIII.

CALLIDÈ & ingeniosè locutus est Cicero in
 Miloniana, cùm illuc venisset, vt fatendum esset,
 Clodium à seruis Milonis occisum fuisse: nam qui
 prospiceret, rem ipsam per se odiosam esse (nemo
 enim ferè est, qui ad cædis mentionem non exhor-
 rescat, & auerfetur eum, à quo illa perpetrata dicitur)
 noluit eam suo ac proprio nomine appellare, sed eam
 orationi suæ sententiæ intexuit, quæ ad auertendum

odiuin, & ad facinus ipsum excusandum cogitari potuit apuissima. *Fecerunt*, inquit, *serui Milonis, quod suos quisque, seruos in tali re facere voluisset*. neque enim non satis ex eo intelligitur, occisum Clodium: sed asperitas rei tollitur, mitigatur quidem certè, cum cogitat quisque, se quoque idem facturum fuisse, si in tale discrimen incidisset. Omnes enim facile ignorant, cum quis quid fecit, quod ipsi quoque fecissent. Vltus est autem in re quidem & dissimili & dispari, sed tamen vltus est eadem sententia Demosthenes in oratione aduersus Midiam. Se enim dicit, contumeliis affectum, à Midia, id fecisse, quod eorum qui indicabant, quisque sibi faciendum esse duxisset. Εγὼ δ' ὅτ' ὁπρ' αὐτὸν μὲν ἐκαστος ὕβριδος, ἀρετῆς ἔχειν, ἴστω, καὶ αὐτὸς ἐποίησεν. Idem artificium adhibuit subtilissimus oratorum Lysias in oratione, quam scripsit ei qui Eratosthenem, quendam in vxore sua deprehensum occiderat, non enim aperte ac simpliciter dicit, cum à se interfectum, sed consecutum ea quæ legibus constituta essent in eos, qui talia facinora facerent. ἔπειτα, inquit, ὁ ἄνθρωπος, ἐμὲν δ' ἐτέραν ἐπέχεν, ὥστε καὶ νόμοι κατέδουσι τὰς τὰ τοιαῦτα πράξαντας.

Illustrati Virgiliani versus è quarto Æneidos.

CAP. XXIIII.

FVROREM, illum quo correpta est Dido, cum cognosset, captum iam esse Æneæ abeundi cōsiliū, ut magis exprimeret optimus poëtarum, comparauit eam cum duobus, qui sæpè in tragœdiis furētes inducebantur, Pentheo & Oreste. notī autem sunt illius versus:

*Eumenidam veluti demens videt agmina Pentheus,
Et solem geminum, & duplices se ascendere Thebas:*

Aut

*Aut Agamemnonius scenis agitatæ Orestes,
Armata facibus matrem & serpentibus atris
Cum fugit, ultricesq; sedent in limine Divæ.*

ac Servius eorum exemplorum utriusque à Pacuvio sumptum esse dicit, qui furentem induxerit Pentheum, idemque fecerit Orestem sedentem in Apollinis templo, neque audentem egredi: quòd comitata furiis matris umbra limen templi obsideret. neque sanè infitias iuerim, potuisse Virgilium hoc à Pacuvio sumere. mihi tamen nescio quo modo verisimilius sit, hausisse eum ex ipsis fontibus, atque ex Æschylo potius, & Euripide, quàm è Pacuvio, ornamenta operi suo quæsisse. apud Euripidem quidem n Baethis ita loquitur Pentheus:

*Καὶ μὴν ὄραν υἱὸς δύο μὲν ἡλίοις δοκῶν,
Διῶας δ' Οἴκας.*

*Videre vident iam duos soles mihi,
Duplicesq; Thebas.*

apud Æschylum autem in Eumenidibus ea spectantur, quæ Latinus poëta de Oreste perstringit. aut igitur à Græcis illa repetiit, aut à Pacuvio, qui eas, quas nominavi, fabulas verterat.

M. ANTONII MVRETI

AD HIPPOLYTVM ESTENSEM

S. R. E. CARDINALEM

ILLVSTRISSIMVM,

VARIARVM LECTIÖNVN

LIBER OCTAVVS.

Poëtarum & apum comparatio. Illustratus Horatii versus, Necte meo Lamia coronam.

CAP. I.



IBENTER ac sæpe faciunt poëtae, ut se quidem apibus, studium autem suum mellificio cuidam comparent. neque, si quis diligenter inspiciat, parum multa utrisque inter se similia reperientur. Apes in struendis operibus suis naturam tantum magistram sequuntur: artem non adhibent. sic & poëtae natura tantum valent: arte si qui se poëtarum nomen tueri posse confidunt, eos grauissimus auctor Plato pronunciat, nihil vnquam egregium ac memorabile effecturos. Itaque Pindarus eo se gloriatur aduersariis suis, Bacchylide nimirum & Simonide, esse superiorem: quod ipse natura poëta sit, illi autem didicerint à magistris: in quo tantum esse vult, ut eo potissimum nomine se aquilæ, illos coruorum similes esse dicat.

σφὸς, inquit, ὁ πολ-

λὰ εἰδὼς φύα·

μαδόντες ὃ, λάβροι

παγλωσσία, κόρακες ὡς,

ἀκρον-

ἀχρεῖα γάρυτον

Διὸς πρὸς ὀρνίχα θεῖον.

Apes, nisi iritentur, innocuæ sunt: iritatae figunt aculeis eos à quibus læsæ sunt, & acerbissimos eis dolores infligunt. idem poëtis ingenium. nulla, vbi non læduntur, innocentior hominum natio. laceffiti, ita se vlciscuntur, vt interdum eos quibus offensi erant, ad mortem adegisse narrentur. nam præter id quod de Archilochō accepimus; noui ego, qui hac ætate tantum versibus suis inimico dolorem inusserit, vt ex eo ille sit mortuus. neque non hoc de seipsis poëtæ prædicant, quorum sunt illa:

Caue, caue: namque in malos asperimus,

Parata tollo cornua. &

Ne quisquam noceat cupido mihi pacis. at ille,

Qui me commoritur: (melius non tangere. clamo)

Flebit, & insignis tota cantabitur vrbe.

Quocirca Plato in Minoë præcipit iis qui bonæ famæ studiosi sunt, vt diligenter caueant, ne cum poëtis inimicitias suscipiant. Apes è variis floribus succum exprimentes, opus dulcissimum conficiunt. Poëtæ quoque vagantes per hortos illos Gratiarum & Veneris, de quibus est apud Pindarum, & ex iis bellissimum quodque carpentes, ea concinnant carmina, quibus ne mel quidem ipsum mellitius videri potest. Inde igitur illa sunt:

Floriferis vt apes in saltibus omnia libant,

Omnia nos itidem depascimur aurea dicta,

Aurea perpetua semper dignissima vita. &

— ego apis Matina

More modoq;

Grata carpentis thyma per laborem

Plurimum, circa nemus, vuidiq;

M 5

Tiburis

Tiburis ripas, operosa paruis

Carmina fingo.

Meritò igitur Eustathius ait apem ζῶν εἶναι συγγενὲς τῇ ποίσει, διὰ τε τὸ μόχθον τὸ ὅπιν τῇ ἐργασίᾳ, καὶ διὰ τὸ τῆς ἐργου γλυκύτητα, καὶ τὸ τοῦ κυρίου εὐσυνώδετον. ὧν πάντων μετέχει καὶ ἡ ποίησις, πόνον τε παροῖσιν ἔχει, καὶ ἐν γὰρ τῇ καλῶν πόνον χωρὶς, ἔχουσα τὴν καὶ γλυκύτητα ἐκ ὀλίγου, ἐπαγαλίζομένη τὴν καὶ τῇ τῷ μέτρῳ εὐσυνωδεσίᾳ.

Est etiam, cum poëtae incundissima quadam allegoria utentes, poëmata sua coronas vocant, quibus aiunt, ornari ac redimiri à se caput illius quem laudant: ut in Pythiis: σὺν εὐμυνείᾳ δέξαι στεφάνωμα τόδε. &c. alibi sæpe. quod imitatus Horatius dixit:

— o quæ fontibus integris

Gaudes, apricos nocte flores,

Nocte meo Latine coronam;

Pimplea dulcis.

Deliciæ autem meæ, Euripides, Hippolytum quoque de hymno, quo Dianam celebrauerat, ita ut de corona quæpiam loquentem facit:

Σοὶ τόνδε πλεκτὸν ἐσθλόν ἐξ ἀκηράτε

λειμῶν. ὃ δέ ποινᾷ κοσμήσας φέρω,

ἐνθ' ἔτε ποιῶν ἀχχοῖ φέρειν. ὅτ' αὖ

ἢ δ' ἡλθέ ποσὶ δὴ. ἀλλ' ἀκέραιον

μελίωσα λειμῶν' ἡρώδ' ἀνέχεται.

αἰδώς τ' ὅτ' ποταμίᾳσι κηπύει δρόσις.

ὅσοις διδακτὸν μὴδ' ἐν, ἀλλ' ἐν τῇ ἐνσέῃ

τὸ σωφρονεῖν ἔληχε. εἰς τὰ πάντ' αἰεὶ,

τέπειτα δρόσιον, τοῖς χαροῖσι δ' ἐθέμις.

ἀλλ' ὃ φίλη δέ ποινᾷ χρυσίας κόμης

ἀνάδημα δέξαι, χερσὶ δὲ τεύχε' ἄπ.

atque equidem hos versus, si potero, vel potius, ut-
cunque potero, Latinè exprimam: ut etiam is qui

Græcè

Græcè nesciunt, singularem eorum suauitatem quo-
quo modo odorentur. ab iis autem qui Græca per se
fatis intelligunt, valde peto, vt hæc mea aut ne legant,
aut conuiuentibus oculis legant:

Tibi hanc corollam diua nexilem fero,

Aptam è virentis pratuli intonsa coma:

Quò neque proteruum pastor vniquam inigit pecus,

Neque falcis vniquam venit acies improba.

Apis una flores verelibat integros,

Puris honestus quos rigat, lymphis Pudor.

Illis, magistri quos sine opera, perpetem,

Natura docuit ipsa temperantiam,

Fas carpere illinc: improbis autem nefas.

At tu aureæ regina vinculum come

Amica suscipe, pia quod porgit manus.

& quoniam semel audere cœpi, subiungam etiam
versus aliquot ex Edyllo, quod abhinc annos no-
uem ad FRANCISCVM TVRNONIVM, cardi-
nalem omnibus maximis honoribus dignissimum,
scripsi. In eo igitur ita erat, in extremo:

Ipse ego tum è terra pennis sublatus Amoris,

Pex Charitum, Venerisq, hortos, pictosq, perenni

Flore fixar campos, & vulgo incognita prata.

Vnde metens violasq, & purpureos hyacinthos,

Intactasq, rosas, immortalesq, amaranthos,

Non prius audito texam tibi more corollam,

Quæ, damnosæ expers senii, tua tempora circum

Ardeat, æternosq, nitens scintillet honore:

Donec ad aquorcis ignotos fluctibus ignes

Clara Ariadneæ rutilabunt signa coronæ.

*De quodam loco è libro secundo Rhetoricorum
Aristotelis, aduersus Petri Victorii sententiam.*

CAP. II.

ÆQUIORE animo se puniri ferunt, quicunque se, qui puniantur, dignos putant. Quocirca Aristoteles libro secundo De arte rhetorica, inter ea quæ ad mitigandum animum pertinent, ponit id quoque, vt iis qui sibi factâ iniuriam censent, ostendamus, ipsos priores in iniuria inferenda fuisse, & meritiò ipsis contingere ea de quibus queruntur. ira enim ex opinione iniuriæ nascitur. quare si desinent putare, iniuriâ sibi fieri, irasci desinent. Sed in eius rei tractatione quædam verba sunt, quorum sententiam Victorium assecutum esse non existimo. Sunt autem hæc: Διὸ τῷ λόγῳ δὲ πρὸς κοινὰς αἰσθητικὰς ἀνακτοῦσι καὶ ἡ πῶν κοινὰς ὁμοῖοι καὶ οἱ δὲ λαοὶ quæ ira exponitur à Victorio: Ne facile irascamur, & ex tenui quaque ac sæpe iniusta causa accendamus animo, qua ex re magna sæpè mala exoriuntur, precipit, quo modo nos gerere debeamus. Ne temerè igitur, inquit, in alios irruamus, non est cunctandum ratione animum præparare, & quasi ante motum illum castigare: hæc enim causa est, cur serui malè mulctati æquo animo ferunt, nec valdè indignantur: antea enim iniquam suam condicionem cogitantes, tolerandis miseriis se præpararunt: Id autem apud Plautum in milite seruum decere Periplectomenus tradit. Nam homini seruo suos domitos habere oportet oculos, & manus, orationemq;. Hæc Victorius; quæ an vera sint, nescio. mihi quidem non videntur. Credo autem hoc Aristotelem dicere: Cùm reapse punire aliquem volumus, prius eum oratione esse castigandum, atque efficiendum, vt ipse planè intelligat, quasiq; oculis cernat, se com-

commeritum pœnam. Nam & serui minus indignè ferunt supplicia, quæ de ipsis sumuntur, si hoc modo cum eis agamus.

Collatio loci cuiusdam è Phædro Platonis cum eiusdem loci interpretatione Ciceroniana.

CAP. III.

NOBILEM illum Platonis è Phædro locum, ubi animorum immortalitas necessaria ratione probari creditur, Cicero, ut notum est, & in libris De Rep. & in primo Tusculanarum disputationum interpretatus est. mihi autem hoc loco decretum est, cum Platonis verbis, Ciceronis interpretationem, quàm diligentissimè potero, contendere. puto enim, cum apud utrumque nonnulla haud satis emendatè legantur, ex hac collatione aliquid emerfurum. Plato, Πᾶσα ψυχὴ ἀθάνατος. τὸ γὰρ αἰκνύντων, ἀθάνατον. Cicero, omīssa propositione: *Nam quod semper mouetur, æternum est.* In quo illud obseruatione dignum puto, quod ἀθάνατον vertit æternum. quamuis enim Plato animos non immortales modò faciebat, verùm etiam æternos; neque quicquam apud philosophos immortale sit, quod non sit etiam æternum: tamen hæc vocabula vulgò distingui solent, cum Cicero planè pro eodem accipiat. Plato: τὸ δ' ἄλλο κινεῖται, καὶ ὑπ' ἄλλου κινεῖσθαι, πᾶσαν ἔχον κινήσας, πᾶσαν ἔχει ζῶης. Cicero: *Quod autem motum affert alicui, quodq; ipsum agitur aliunde, quando finem habet motus, viuendi quoque finem habeat necesse est.* Præclarè omnino reddita hæc pars videtur. cum autem illa eiusdem verbi repetitio, quæ in Græca oratione nihil habet insuauitatis, in Latino sermone parùm elegans, neque satis dilucida fore videretur, varietate vitauit hoc incommodi:

modi: *motum* asserere, dicens, pro *mouere*: & *agitari*, pro *moueri*. sed & illud ἔχει, in quo colligendi vis inest, ita expressum est, ut nihil melius optari queat. Plato: *μόνον δὴ τὸ αὐτὸ κινεῖν, ἅτε ἐκ ἀπολείπον ἐκυτὸ, ἔποτε λήγει κινέμενον. ἀλλὰ καὶ τοῖς ἄλλοις ὅσα κινεῖται, τὸτο πηγὴ καὶ ἀρχὴ κινήσεως*. Cicero: *Solum igitur quod sese mouet, quia numquam deseritur à se, numquam ne moueri quidem desinit. quinetiam ceteris que mouentur, hic fons, hoc principium est mouendi*. In quibus illa præcipuè annotanda duco: ἅτε, commodè verti, quia: & κινήσεως, mouendi. Plato: *ἀρχὴ ὅ ἀγέννητον*. Cicero: *Principij autem nulla est origo*. eleganter. neque enim poterat vna voce dicere ἀγέννητον: cùm *ingenitum* sit ἐμπετον. Plato, ἐξ ἀρχῆς γὰρ ἀνάγκη πᾶν τὸ γινόμενον γίνεσθαι αὐτὴν ὅ μὴδ' ἐξ ἐνός. Cicero: *Nam ex principio oriuntur omnia; ipsum autem nulla ex re alia nasci potest*. ἀνάγκη γίνεσθαι, dixit simpliciter, *oriuntur*. & illud, τὸ γινόμενον, omisit. Plato: *εἰ γὰρ ἐκ τοῦ ἀρχῆς γίνοιτο: ἐκ αὐτοῦ ἐξ ἀρχῆς γίνοιτο*. Cicero: *Nec enim esset id principium, quod gigneretur aliunde*. videtur ergo apud Platonem legisse: *εἰ γὰρ ἐκ τοῦ ἀρχῆς γίνοιτο, ἐκ αὐτοῦ ἀρχῆς γένοιτο*. quod mihi, ne quid dissimulem, verius videtur. Aristoteles quoque principiorum tres proprietates esse voluit: ut ne gigneretur ex aliis: ut ne ex se inuicem: & ut ex ipsis cetera gignerentur. Plato: *ἐπειδὴ ὅ ἀγέννητόν ἐστι, καὶ ἀδιάφθορον αὐτὸ ἀνάγκη εἶναι*. ἀρχῆς γὰρ δὴ ἀπολομένης, ὅτε αὐτὴ πετὲ ἐκ τοῦ, ὅτε ἄλλο ἐξ ἐκείνης γήσεται. εἰσὶν ἐξ ἀρχῆς δὲ τὰ πάντα γίνεσθαι. Cicero: *Quod si numquam oritur, ne occidit quidem unquam, nam principium extinctum, nec ipsum ab alio renascetur: nec ex se aliud creabit*. (in quibusdam libris legitur, *recreabit*.) siquidem necesse est, à principio oriri omnia. Platon: *Οὕτω δὴ κινήσεως μὲν ἀρχὴ, τὸ αὐτὸ κινεῖν*. Cicero aliquan-

aliquanto liberiùs: *Ita fit, ut motus principium ex eo fit, quod ipsum a se mouetur.* Plato: τοτο ὃ ἔτ' ἀπόλλυται, ἔτε γίνεσθαι δυνάτον. Cicero: *Id autem nec nasci potest, nec mori.* legit igitur apud Platonem, ἔτε γίνεσθαι, ἔτ' ἀπόλλυται. & sanè is ordo melior, & magis naturę consentaneus videtur. Plato: ἢ τάντα τε ἐργὸν πᾶσάν τε γλῶσσι πεσοῦσαν εἰλῶαι, καὶ μὴ πετε αὐτῆς ἔχειν εἰλῶαι ὁδὸν κινηθέντα γλῶσσι. Cicero: *Vel concidat omne calum, omnisq; natura, & consistat necesse est: nec vim ullam nanciscatur, qua, ut à primo, impulsā moueatur.* Qua in pätte id primùm animaduertendum est, voculam &, quæ in vulgatis Ciceronis libris non est, in veteribus legi: & necessariam videri. Deinde, cùm Plato dicat, πᾶσάν τε γλῶ: non est, ut opinor, dubitandum; quin apud Ciceronem legendum sit, non, *omnisq; natura*, sed *omnisq; terra*. In verbis autem Platonis delendum videtur illud secundum εἰλῶαι, quod neque Cicero agnoscit, & sententia repudiat. Postremò cùm in quibusdam Ciceronis libris vltima pars ita legatur, *Qua primo impulsu moueatur*: testificor, veterem scripturam à me repræsentatam esse: neq. dubitare me, quin ea vera sit. Αὐτῆς autem reddidit Cicero, ut à primo. Plato: ἀθανάτου ὃ πεφασμένον τοῦ ὕφ' ἐαυτοῦ κινημένου, ψυχῆς ἐσίου τε καὶ λόγον τοῦτο αὐτὸ τις λέγειν, ἐκ αἰχμηῖται. Cicero: *Cùm pateat igitur, æternum id esse, quod à seipso moueatur* (in aliis libris, *quod seipsum moueat*) *quis est, qui hanc naturam animis esse tributam neget?* cuius periodi posteriorem partem si Cicero ita legit, ut hodie legitur (neque aliter legisse puto,) ne ille mirificus in ea conuertenda fuit. Hoc enim dicit Plato: si quis ita definiat animū, ut dicat animum esse id quod seipsum motiet, eam definitionem nunquam auctori suo incensuram pudorem.

nam

nam *ἑστίαν* & λόγον, & paulo pòst *θύσιν* vocat id, quod Aristoteles τὸ τὶ *ῥῶν* *ἑῖ*). ea verò sententia quomodo è Ciceronis verbis efficiatur, Deus aliquis viderit. Plato: πᾶν γὰρ σῶμα, ὃ μὲν ἔξωθεν τὸ κινεῖσθαι, ἄψυχον· ὃ δὲ ἐνδθεν αὐτὸ ἐξ αὐτοῦ, ἑμψυχον. ὡς ταύτης ὕψης φύσεως ψυχῆς. vbi non dubito quin legendum sit αὐτῷ ἐξ αὐτοῦ. Cicero: *Inanimatum est enim omne, quod pulsū agitur externo. quod autem animal est, (in quibusdam libris, Quod autem est animatum) id motu cietur interiore & suo. nam hac est propria natura anima (in quibusdam libris animi) atque vis.* Inuertisse videtur Cicero ordinem *ἢ* *περτάσων*, id est, fecisse ἐξ ὑποκείμενου κατηγόμενον, καὶ ἀνάπαλιν. Plato: εἰ δὲ ὅτι τὸτο ἕπος ἔχον, μὴ ἀλλὰ π *ἑῖ*) τὸ αὐτὸ αὐτὸ κινουῖ, ἢ ψυχῶ, ἐξ ἀνάγκης ἀγρήπτον τε καὶ ἀθάνατον ψυχὴν ἀν *ἑῖ*ν. Cicero: *Quæ si est vna ex omnibus quæ sese moueat; neque nata certè est, & æterna est.*

*Correctus & explicatus locus Platonis ex
apologia Socratis.*

CAP. I I I I.

QUOTIDIE magis intelligo, verum esse id quod semper existimaui: nullam esse mendam ita pusillam, quam non permagni intersit, è veterum monumentis tolli, ac corrigi: neque vllum hominum genus magis prodesse studiis, quàm eos qui accuratè & fideliter operam in illis purgandis emédandisque ponunt. vnus enim litterulæ erratum interdum eas etiam eruditissimis hominibus offundit tenebras, vt, tanquam in illuni nocte errantes, quòuis potiùs perueniant, quàm quò volunt. quod & sæpe aliàs animaduerti, & nuper cùm Platoniam Socratis apologiam euoluerem. in qua cùm alia peccata à Mar-

à Marsilio deprehendi, tum hoc, quod nunc ostendere institui. nam cetera, est cur reiecta in aliud tempus velim. ad ipsum igitur illius orationis finem ita legitur: Τοσόνδε μὲν τοι αὐτῶν δέομαι· τὴς ἡέτις με, ἐπειδὴν ἡβήσωσι, πμωρήσασθε ὡς ἄνδρες, ταῦτὰ ταῦτα λυπῶντας, ἅπερ ἐγὼ ὑμᾶς ἐλύπου, εἰ ἂν ὑμῖν δοκῶσιν ἢ χημᾶτων, ἢ ἄλλῃ του ὑπέρτερον ὀπιμειῖσθαι, ἢ ἀρετῆς. καὶ εἰ ἂν δοκῶσι τί εἶναι, μηδὲν ὄντες, ὁνειδίζετε αὐτοῖς, ὡς περ ἐγὼ ὑμῖν, ὅτι ἐκ ὀπιμειῶνται ὧν δεῖ, καὶ οἴονται πείναι, ὄντες ὡδενὸς ἀξιοί. καὶ εἰ ἂν ταῦτα πεῖναι, δύναιτο πεπονηὼς ἐγὼ εἶσθαι ὑπὲρ ὑμῶν, αὐτὸς τε, καὶ οἱ ἡέτις. quæ verbaita Marsilius reddidit: *Tantum tamēn vos precor o viri, ut meos quoque filios, cūm adoleuerint, si ipsi, similiter atque ego, vobis molesti sint, pœnis similiter afficiatis; præsertim si videantur vobis vel pecuniarum, vel alterius cuiusquam rei maiorem quàm virtutis curam habere: atque si videri velint, putent, se alicuius esse pretij, cūm nullius sint, illos obiurgatis, quemadmodum ego vos: quòd non illis incumbant, quibus est incumbendum: ac existiment, cūm nullius pretij sint, se aliquid esse. Quòd si hac feceritis, iusta a vobis passus fuero ego, & filij.* In quibus id admirabile atque absurdum videtur: quid sit cur Socrates ab Atheniensibus petat, filios suos interfici, si paternam hominum admonendorum & adiuuandorum consuetudinem, vbi adoleuerint, imitentur. quid enim? peceasse fortassis sibi ipse videbatur, quòd eam viuendi viam insecutus esset? minimè omnium. nam se in eo & deo obtemperasse dixerat, & meritum, vt ea causâ in Prytaneo aleretur: & si vita daretur longior, vnquam aliter facturum negarat. qua igitur de re ipse se merito amabat, summisque dignum honoribus verè gloriabatur: quid erat causæ, cur eius in studio versari filios noller? At, dicet fortasse ali-

quis : ita demum eos ab Atheniensibus ultimo supplicio affici cupit, si ita reprehendant alios, ut ipsi met interim nihili sint, altarumque rerum maiorem, quam virtutis, curam gerant. Ita ne quæso? Sic quoque eos morte multari, quam admoneri, ac corrigi maunli? nam si diceret se petere, primum ut liberi sui, si quid peccarent, reprehenderentur, atque increparentur diligenter; deinde, si viderentur ita deprauati, ut corrigi non possent, vita priuarentur denique: non inhonesta, neque aliena personæ Socratis esset oratio. sed & multa alia proferre possem; quibus eius sententiæ absurditas ostenderetur: nisi satius ducerem; iis omissis, veritatem ipsam detegere, cuius splendor exigui erroris nubecula obumbratus Marsilii aciem fugit. Vbi enim *λυπῆτας* vulgo legimus, legendum est *λυπῆτες*, qua tantula mutatione scripturæ, quanta fiat sententiæ mutatio, videamus. hoc enim dicit Socrates: Peto à vobis Athenienses, cum filii mei adoleuerint, ut eos vlciscamini, eadem illis molestias exhibentes, quas ego vobis exhibere consueueram: si aut pecuniæ, aut ullius omnino rei, quam virtutis, studiosiores esse videantur. Quas enim solebat exhibere molestias Atheniensibus Socrates? admonebat eos, vrgebat, instabat, ne ullam rem virtute potiore esse ducerent: neue quicquam illius studio prauertendum putarent: eandem igitur molestiam filiis suis exhiberi cupit. itaq. addit: Quod si, nihili cum sint, aliquid tamen esse se existiment: exprobrare eis, ut ego vobis, quod non in iis, in quibus oportet, studium collocent: quodque, nulli pretij cum sint, aliquid se esse arbitrentur. Id enim se fecisse ipsemer dixerat: cum eos, qui se sapientes putabant, longè abesse à sapientia ostenderet. Se-

ret. Sequitur: Hæc si feceritis: tum & mihi & filiis meis id quod iustum est, tribueritis. Mihi quidem: quoniam quod ego beneficium in vos contuli, id vos conferetis in filios meos. Iphis autem: quoniam afficietis illos ea pœna, quæ errantibus debita est. quænam autem pœna illa sit, è primo *παιδείων* cognoscere est: vbi cùm Thrasymachus quæsisset de Socrate, quid tandem perpeti paratus esset, si ipse talem iustitiæ definitionem attulisset, quæ reprehendi nullo modo posset: Quid verò, inquit, aliud, Socrates, quàm quod eum perpeti par est, qui aliquid nescit? par est autè eum a sciente discere: egoq. de me quominus ea pœna sumatur, non recuso. Hæc tam præclara sententiâ in vnius litteræ peruersione latuerat:

Virgilii versus è sexto Æneidos ex Homero imitati.

CAP. V.

Cum studiose fecerint aliquot eruditi homines, vt indicarent locos Homeri, quos Virgilius imitatus esset: multos tamen (neque aliter in tanta copia fieri potuit) prætermiserunt. qualis est ille è sexto Æneidos: vbi, accipiente in nauim Charonte

Ingentem Ænean, gemuit sub pondere cymba

Sutilis, & multam accepit rimosa paludem.

ita enim Iliados, cùm insiliret Minerua in curru Diomedis, gemuisse sub tanto pondere axis faginus dicitur:

Ἡδ' ἐς δίφρον ἔβαινε παρὰ Διομήδεα δῖον

Εμμεμαῖα δ' αὖτ' ἐβραχε φήγιν & ἄζων

Βεῖδοσύνη. Διηνὴν γὰρ ἄγαν δεῖν, ἄνδρα τ' αἰετον.

Notatum Petri Victorii μνημονικὸν ἀμείψιμα.

CAP. VI.

PETRVS Victorius libro sexto Variarum lectionum,

num, narrans notum illud Socratis somnium, quo, cum in custodia publica esset, præuidit, sibi post tertium diem esse moriendum, admonitus illo versu,

Ἡματί κεν τετάρτῳ φθίνῃ ἐρίσωλον ἵκοιο:

Versum, inquit, *esse è primo libro Iliados notum est; pronuntiaturq; illic ab Agamemnone in iurgio illo: cum enim dixisset Achilles se domum reuersurum, copiasq; suas è bello abducturum, compulsus iniuriis ipsius, libere permisit illi, ut hoc, si vellet, faceret, rex regum: utq; se ostenderet nihil curare discessum illius, monstrauit in sermone, eum breui tempore domum peruenturum. Hæc Victorius. quæ omnia, ut vno verbo dicam, falsa sunt. versum enim illum esse, non è primo, sed è nono libro Iliados, notum est: pronuntiaturque illuc non ab Agamemnone, neq. in iurgio; sed ab Achille, qui Vlysses alloquens, abiturum se dicit, & si Neptunus prosperum cursum dederit, tertio die in patriam peruenturum.*

Εἰ δ' ἔ κεν Ἀπλοῖν δῶν κλυτὸς Ἐννοσίγαιος,

Ἡματί κεν τετάρτῳ φθίνῃ ἐρίσωλον ἵκοίμην. id est,

Quod si Neptunus facilem dederit mihi cursum,

Tertia lux Phthia. letis me sistet in aruis.

cur autem apud Platonem ex ἵκοίμην factum sit ἵκοιο; facile est videre. Neminem igitur memoriæ suæ valde confidere oportet: cum Victorium quoque ipsum, tanta doctrinæ copia præditum hominem, in rebus non abstrusis neque reconditis, interdum tamen vacillare videamus.

De facultate contrariorum. emendatus & declaratus locus è secundo Aristotelis de arte dicendi.

CAP. VII.

TRIBVS modis intelligi potest id quod in philosopho-

lofophorum ſcholiſtritum ac celebratum eſt, contra-
riorum eandem eſſe vim ac poteſtatem . aut enim de
vi ea quæ ineſt in iſſis contrariis, aut de ea qua con-
traria apprehenduntur, aut de ea qua efficiuntur. nos,
docendi cauſſa, vim inſitam, vim percipientem, &
vim efficientem vocabimus. Ergo ſi de vi inſita quis
loquatur, non eadem eſt vis ac poteſtas contrario-
rum, immò, vero contraria. exempli gratia: non ea-
dem vi eſt inſita frigori ac calori; cùm frigus contra-
hendi vim habeat, laxandi calor: non eadem albo
& nigro; cùm illud viſionem diſſipet, hoc colligat.
omnino autem, cùm de hoc genere poteſtatis propriè
ac per ſe agitur: valet illa regula quæ poſita eſt in pri-
mo dialecticorum, Contraria de contrariis dicta,
probabilia eſſe. Quòd ſi agatur de vi percipiente: tum
ſimpliciter & abſolutè dici poteſt, eandem eſſe vim
contrariorum . etenim album & nigrum eadem fa-
cultate cognoscimus; itemq. conſonum & diſſonum;
calidum & frigidum, & ſimilia. & de hac poteſtate
intelligendus eſt locus ille è principio quinti Ethico-
rum, vbi hoc dicitur. quinetiã ob hanc ipſam cauſ-
ſam contrariorum eadem eſt ars, eademque ſcientia.
*ἡ αὐτὴ γὰρ αἱ τέχναι, καὶ αἱ πικτικαὶ, καὶ αἱ ὀπτηνικαὶ, διωκόμεναι
εἰσὶν*, ait Ariſtoteles lib. octauo τῶν μετὰ τὰ φυσικά. Vbi
autem ſermo eſt de poteſtate efficiente, adhibenda
quædam diſtinctio eſt. nam cauſſa efficiens contra-
riorum & quodammodo eadem eſt, & quodammo-
do non eadem; nempe eadem quidem genere, ſed
non eadem ſpecie. Verbi cauſſa: eadem res efficit ſa-
nitatem & morbum: nempe temperatio quatuor hu-
morum, è quibus corpus conſtitutum eſt. ſed illam
bona temperatio, hanc mala. itidemque efficiendæ
virtutis, & efficiendi vitii poteſtas eadem in re ſita

est: in consuetudine. non tamen una eademque consuetudo vitiosum & virtute præditum efficit hominem: sed contraria. atque ita intelligendus est locus ille è secundo Rhetoricorum: ἢ γὰρ αὐτὴ δυνάμει τῶν ἐναντίων, ἢ ἐναντία. in quo Victorius sui se dissimilem præbuit. legendum autem ibi est, ἢ ἐναντία: non, ut vulgo legitur, ἢ ἐναντία. quod ego cum à primo coniectura tantum fretus iudicassem: repperi postea libros & calamo notatos, & typis descriptos, qui opinionem confirmarent meam. Quod si una eademque specie, aut etiam numero res potestatem efficiendi contraria in se continere dicatur: id necesse erit contingere aut non in eodem ὑποκειμένῳ: aut quod, si idem sit, non sit tamen affectum eodem modo: aut contraria illa non eadem ratione efficientur, aut non eodem quasi instrumento. Ut idem ignis & astringit & resoluit: sed astringit fortasse corium: ceram aut glaciem laxat. Aestas appetentiam rerum Venerearum & auget, & minuit: sed minuit in viris: auget in feminis. Ebrietas alii garrulitatem affert, alii silentium. doctrinæ copia alii confidentiam, alii timiditatem. Fieri etiam potest, ut sit idem ὑποκειμένον: sed non eodem modo affectum. ut vini aut Veneris usus uni eademque homini, sed aliter atque aliter affecto, modò salubris est, modò noxius. Quod si & idem sit, & eodem modo affectum: oportebit, ut dixi, contraria illa aut non eodem modo, aut non eodem quasi instrumento effici. Nam diuturna niuis contractatio & frigus affert, & calorem: sed alterum quidem per se, alterum per quandam ἀντιπρὶσιν. Vinum & humectat, & exsiccatur: sed alterum per se, alterum καὶ συν-
 ἑσπυδιός. sic senectus adueniens & sicciores & humidiores facit. At idem medicus eundem hominem &

inter.

interficere potest, & sanare: non tamen eodem planè instrumento; sed hoc remedio, illud veneno. & idem geometres potest in eodem auditore & scientiam, & ignorantiam efficere; sed illam demonstratione, hanc paralogismo. Hæc mihi de hisce rebus cogitanti venerant in mentem; quæ cum haud prorsus ἀποδιδρακτα viderentur; placuit aliorum iudicio committere.

Alius locus ex eodem libro explicatus.

CAP. VIII.

IN EST obscuritatis aliquid etiam in iis verbis, quæ proximè antecedunt eum, quem modò adduximus, è Rhetoricis locum. ait enim Aristoteles; Si vnum contrariorum eam naturam habeat, vt aut esse, aut fuisse possit: posse id probabiliter etiam de altero colligi. quod quidem verum esse non videbitur, nisi, quomodo hic accipiatur δωατὸν, intelligas. idq. Victorium nullo modo attigisse miror. Δωατὴ enim nomen interdum ita latè pater, vt amplectatur & id quod necessariò vel fit, vel est, καὶ κατὰ τὰς ἄλλας τῆς χεῖρας διαφράσεις: & id quod citra vllam necessitatem. interdum autem ad hoc tantum genus, quod posteriore loco posuimus, pertinet, καὶ ἀντιδιαφραίνεται τῷ ἐξ ἀνάγκης. Illo priore modo si accipias, falsum erit, quod hic ab Aristotele traditur. non enim si potest ignis esse calidus, sequitur, vt etiam frigidus esse possit. neque si potest moueri cælum, potest etiam quiescere. nam in iis quæ necessariò sunt, non vtrunq. contrariorum est τῶν δωατῶν, sed alterum tantum; neque vtrumlibet, sed certò ac definitè alterum. Nemo autem cauietur hic, motum & quietem non esse propriè contraria. constat enim, hîc, vt sæpe alibi, Aristotelem accipere τὰ ἐναντία ἀντὶ τῶν ὁπωσθι ποτὲ ἀντικείμενων.

posteriore igitur modo accipiendum hoc loco est τὸ δ' ὡσαύτῃ ὄνομα . & ita verissimum erit, quod docetur. nam hoc modo πᾶν τὸ δ' ὡσαύτῃ ἐστὶν, δ' ὡσαύτῃ ὅτι καὶ μὴ ἐστὶν. Ita disputantur hæc ab Aristotele ἐν τῷ περὶ ἑρμηνείας.

Correctus Ciceronis locus ex oratione pro C. Rabirio perduellionis reo.

CAP. IX.

MISERA est ignominia iudiciorum publicorum; misera multatio bonorum: miserum exilium. sed tamen in omni calamitate retinetur aliquod vestigium libertatis. mors denique si proponitur, in libertate moriamur. carnifex verò, & abductio capitis, & nomen ipsum crucis absit non modò à corpore civium R. sed etiam à cogitatione, oculis, auribus. harum enim omnium rerum non solum euentus atque perperessio, sed etiam conditio, expectatio, mentio ipsa denique indignacine R. atque homine libero est. Ciceronis hæc verba sunt è luculenta illa oratione, qua consul C. Rabirium defendit perduellionis reum. in quibus cum duæ voces, seu meritò, seu immeritò, semper mihi suspectæ fuerint: non possum, quin suspicionem meam exponam. Harum vocum prior est, *obductio*. quanquam enim non sum nescius, obducere, interdum esse idem quod, obtegere; libentius tamen hoc loco legerem, *obnuptio*. nam quòd hoc vocabulum nusquam alibi apud Ciceronem legatur; ne obductio quidem. & obnuptio melius, ni fallor, conueniret cum diro illo & horrendo carmine, quod paulo suprà recitauerat; *Caput obnubito; arbori infelici suspendio*. Altera earum, quas dixi, vocum est *conditio*: pro qua mallem, *condictio*. Etenim condicere, vetere lingua, est denun-

denunciare; & condictio, denunciatio; vt & veteres Grammatici, & Iurisconsulti docent. quo sensu, mirificè hic, vt opinor, quadraret. Sed hæc opinione tantùm nixa sunt. quare cohibeamus assensionem, dum aliquid certius & exploratius afferatur.

Ciceronis loci duo ex Æschine, vt videtur, imitati.

C A P. X.

CICERO, cùm in tertia oratione in Catilinam commemoraret ea signa, eaque prodigia, quibus dii immortales imminens periculum præmonstraerant, populumque R. vt sibi caueret, præmonuerant, affirmavit, eos ita præsentem opem tulisse, vt pæne oculis videri possent. & paulo post, tam multa signa se consule diuinitus extitisse dicit; vt hæc, inquit, quæ nunc fiunt, canere dii immortales viderentur. Credi autem potest imitatus esse hac in parte locum illum Æschinis ex oratione aduersus Ctesiphontem; vbi ait, deos ita prædixisse ac præsignificasse populo Atheniensi mala, quæ ei Rhetorum quorundam culpa imminerent, vt propè humana voce assumpta clamarent, cauendum esse. Verba Græci oratoris hæc sunt: ἀλλ' ἔτι πρότερον, ἢ προσήμεινον ἡμῖν οἱ θεοὶ φυλάττουσι, μονοῦν ἀνθρώπων φωνὰς προσκητάμενοι. nam quod, videre oculis, ibi Cicero dixit, eodem loquendi genere Æschines vsus erat paulo suprâ; etsi nō eadem de re loquens: ὁρᾶτε τίς ὀφθαλμοῖς ἢ ἐξ ἄλλου καὶ ἐπ' ἄλλου λημένα πειτηχισμένον. eam autem orationem conuertebat, vt quidem creditur, Cicero, quo facilius ipsi, quæ ex ea imitaretur, in mentem venire potuerunt. nam pulcherrimum illum locum è secunda agraria, *Ponite ante oculos vobis Rullum in Ponto*: & illum item ex vndecima Philippica, *Ponite igitur ante oculos*

P. C. miseram quidem illam & flebilem speciem, sed ad incitandos animos vestros necessariam, nocturnum impetum in urbem Asia clarissimam, & quæ sequuntur: eorum igitur locorum utrumque quin ex eadem Æschinis oratione expresserit, non sanè admodum dubito. Locus autem Æschinis, vnde illos imitados esse credo, hic est: Γένεθε δ' ἡ υοι μικρὸν χροῖον, τὴν διανοίαν, μὴ ἐν τῷ διακνηρίῳ, ἀλλ' ἐν τῷ θεάτρῳ, καὶ νομίσατε ὅρῳ περιόντα τῶν κίρυκα, &c. & paulo post: Ἀλλ' ἐπειδὴ τοῖς σώμασιν ἔπαρεχόμεθε, ταῖς γε διανοαῖς ἀποβλέφατ' αὐτῶν εἰς τὰς συμφοράς, καὶ νομίσατε ὅρῳ ἀλισκομένῳ τὸ πόλιν, τῶν κατὰ σκαφὰς, ἐμπαροίσας οἰκιῶν, ἀγομένας γυναικας, καὶ παῖδας εἰς δουλείαν, πρεσβύτας ἀνδρώπεις, πρεσβύπδας γυναικας, ὅτε μεταμανθάνοντας τὴν ἐλπίδα, κλαίοντας, ἱκετεύοντας ὑμῶς, ὀρμίζομένους, καὶ τοῖς πτωχόμενοις, ἀλλὰ τοῖς τέτων αἰτίας. quo quidem subiectionis exemplo vix vllum posse reperiri pulchrius puto.

Et declamatione in Sallustium loci duo, quorum alter ex Æschine, alter è Demosthene expressus videtur.

CAP. XI.

Ex eadem Æschinis oratione sumptum est id quod positum est ad finem illius declamationis, qua Cicero, tamquam à Sallustio prouocatus, respondere ei fingitur. ita enim ibi scriptum est: Finem dicendi P. C. faciam. saepe enim granis vidi offendere animos auditorū, eos qui aliena flagitia aperte dixerunt, quam eos qui commiserunt. apud Æschinem enim ita legimus, ἥδη γὰρ τότε εἶδον μισθόετας τὴν τὰ τῶν πολλῶν αἰσχρὰ λίαν σαφῶς λέγοντας. quod autem statim subiungitur: Μὴ μοι quidem ratio habenda est, non quid Sallustius meritiò debeat audire: sed ut ea dicam, si qua ego honestè effari possim: videtur imitatum ex illo Demosthenis:

ὁκνῶ,

ὁκνῶ, μὴ περὶ τοῖς ταῖς περσὶκῶν λέγων, αὐτὸς δὲ περσὶκῶντας
ἐμαυτῷ δέξω περσὶκῶν λόγους. aut ex hoc, quod in eadem
oratione legitur: πολλὰ γούῳ ἔτερ' εἰπεῖν ἔχων περὶ αὐτῶν πα-
ρθεσίῃ. & γὰρ ὅς' αὖν δείξαί με περσόντ' αἰσχρὰ τέτρω' ἢ ὀνείδη,
πάντ' οἶμαι δεῖν εὐχερῶς λέγειν. ἀλλ' ὅσα μιν αἰσχρὸν ἔστι
εἰπεῖν ἐμοί.

Inficetum, non ut vulgò, Infacetum scribi oportere:
& ex eadem coniugatione cetera ad eundem mo-
dum.

CAP. XII.

C V M iam pridem in veteribus Catulli libris scri-
ptum reperissem,

O sacrum insipiens, & inficetum: itemque

Pleni ruris & inficetiarum: &

Idem inficeto est inficetior rure:

præterieram ea omnia, tanquam errata libratorum;
eramque secutus vulgarem consuetudinem, qua iam
receptum est, ut per a litteram, non per i, cuncta illa
vocabula & scribantur, & pronuncientur. nuper au-
tem cum ea de re paulo attentius cogitarem, planè
adductus sum in eam sententiam, ut veterem illam
scribendi rationem probam & incorruptam; eam au-
tem qua vulgò nunc utimur, pravam & corruptam
iudicarem. Ut enim ab æquo, non inæquus, sed ini-
quus: & ab amico, non inamicus, sed inimicus: & à
sapiente, non insapiens, sed insipiens: & à facio, non
infacio, sed inficio dicitur: sic à *ficeto*, non *inface-*
tum, sed *inficetum* dicendum videtur. Nam illud
quoque nonnihil est, quòd Angelum Politianum,
eruditissimum & accuratissimum hominem, ita scri-
bere solitum constat. Hermolaus quoque Barbarus,
qui, quæ vrbs orbis terrarum lumen est, eius ipse vr-
bis maximum lumen fuit, ita scribenda hæc censuit.

illius

illius enim verba hæc sunt ex emendationibus Plinianis: *Cùm inficetus, non infacetus dicatur, auctore vel Catullo, scribendum est, Inficetissime.*

Correctus & illustratus Aristotelis locus è libro quinto Ethicorum.

CAP. XIII.

ARISTOTELES libro quinto Ethicorum cùm ius ciuile ita diuississet, vt aliud naturale esse, aliud legitimum diceret: legitimi exempla hæc posuit, Mina captiuos redimere: capram, non oues duas immolare: Brasidæ sacra facere. quorum primum & postremum vnde sumpta sint, satis constat: medium ita non commune ac contritum est, vt Michaël Ephesius temerè id confictum, non ex vlla historia sumptum putarit. Quod cùm mihi semper suspectum visum esset; memini me, octo abhinc annos, cùm eum librū Lutetiæ publicè interpretarer, ita dicere, mendosam mihi eius loci scripturam videri; sic tamen, vt non magno negotio corrigi posset. neque enim legendum, *αἷα δύοιν, ἀλλὰ μὴ δύο πρόβατα*: sed, *αἷα Διὶ δύοιν, ἀλλὰ μὴ πρόβατα*: id est, capra, non ouibus, rem diuinam Ioui facere. Id acceptum esse ex Herodoto, qui in Euterpe narrat, ab iis Ægyptiis qui Iouis Thebani templum accolunt, sūntve è Thebana præfectura, non oues, sed capras tantum immolari: cùm contrà, qui sunt è præfectura Mendesia, capris abstineant, immolent oues. vtriusque autem ritus fabulosas quasdam origines pluribus verbis persequitur. Hoc ex me postea auditum Dionysius Lambinus, homo singulari doctrina & acerrimo iudicio præditus, ita probauit, vt interpretationem Aristotelei loci suam, ad meam correctionem accommodarit.

Verbum

Verbum διαψεύδειν, quodam loco è secundo Rhetoricorum Aristotelis non videri ita accipiendum, ut Victorius censuit.

CAP. XIII.

TRIA omninò sunt quæ efficiunt, ut ij qui consilium dant, digni iudicentur quibus credamus, quosque duces in rebus suscipiendis ac getendis sequamur: prudentia, probitas, & benevolentia erga nos. horum trium si quid abfuerit, non satis tutum est, eorum consilio fidere. nam & qui tum bonus vir erit, tum amicus nobis, si idem parum prudens ac consideratus fuerit, falsus ipse, nos faller. & qui calidus atque acutus est, si aut improbus sit, aut malè animatus in nos, in fraudem inducet potius, quàm bono & utili consilio adiuuet. etiam si qui & prudens est, & vir bonus, nisi benevolentia nos aliqua complectatur, non valdè laborabit, quid nobis futurum sit. itaque dabit quidem ille nobis consilium bona fide, & sine fallacia: sed tamen non ita cogitate, ut si aliqua nobis cum ipso esset coniunctio. quare poterit fallere. quòd si etiam inimicus sit: numquam sanè nobis auctor erit, ut id faciamus, quod ipse nobis optimum fore cognoscet. tria illa in quo inerunt, is neque volet fallere, & vix poterit falli. Hoc Aristoteles libro secundo Rhetoricorum his verbis docuit: Τοῦ μὲν οὖν αὐτὸς ἐστὶ πρὸς τὰς λέγοντας, τρία δὲ τὰ αἶψα. πρῶτα γὰρ ὅτι, δι' αὐτὸς πεισόμεν, ἔξω τῶν ἀποδείξεων. ἔστι δὲ ταῦτα, φρόνησις, καὶ ἀρετὴ, καὶ εὐνοία. Διαψεύδον γὰρ οὐκ ὦν λέγουσιν, ἢ συμβουλεύουσιν, ἢ διὰ πάντα ταῦτα, ἢ διὰ τέτων π. ἢ γὰρ δι' ἀπροζυμίαν ἐκ ὁρθῶς δοξάζουσιν, ἢ δοξάζοντες ὁρθῶς, διὰ μοχθηρίαν ἐπὶ τὰ δοκοῦντα λέγουσιν, ἢ φρόνιμοι μὲν, καὶ ὁπρὲς εἰσιν, ἀλλ' ἐκ εὐνοί. διό τ' ἐνδέχεται μὴ τὰ βέλπυι συμβουλεύειν γινώσ-

μυνώσκοντας. ἢ ὡς τὰ παρὰ τὰ ἐδέν. quibus in verbis Pe-
trus Victorius illud διαψεύδον, exponit, *labuntur, ac*
decipiuntur: & probat, id verbum interdum eo sensu
capi, probato alio quodam Aristotelis loco. Ego au-
tem, vt probes, verbum πολύσημον hoc aut illo modo
accipi, non puto hoc satis esse, si doceas, etiam alibi
eam vim habere. videndum illud quoque arbitror, ea
quam afferas, interpretatio ei loco, quem declares,
conueniāt ne an minus. nam si in illo versu,

Depresso incipiat iam tum mihi taurus aratro

Ingemere: dicerem, taurum esse secūdum signum
Zodiaci: non eo minùs errarem, si ostenderem, eam
vocem id valere in illo,

Candidis auratis aperit cū cornibus annum

Taurus.

Quamquam igitur διαψεύδου interdum valet idem
quod labi ac decipi: tamen qui in eo quem recitavi,
loco ita exponat, labi ipsum ac decipi puto. nam is
qui cognoscēs quid sit optimum factu, nihilo minùs
aut malitia, aut odio ductus, aliud suadet, διαψεύδου
ex Aristotelis sententia: neque tamen labitur ac de-
cipitur; sed fallit ac decipit. ergo præstare arbitror,
vt διαψεύδον, exponamus, *fallunt*: quòd si quis ob-
ijciat, id verbum hoc sensu non conuenire in eum
qui vir bonus amicusque sit, sed per imprudentiam
inutile consilium det; huic ego respondeo, fallere
dici nonnumquam etiam illos qui sine vlla mala, vt
ait Plautus, malitia, in errorem inducunt eos qui-
buscum agunt. Non enim vetus illud iusiurandum
ita concipi voluissent, Si sciens fallo: nisi etiam in-
scientem posse fallere iudicassent.

Quid

*Quid apud Catullum, asini nomine intelligendum
esse videatur.* CAP. XV.

ASINVM videtur Catullus dixisse, non animal, quod vulgò notum est, sed lapidem molarem: in epigrammate, quo exagitauit Æmilij cuiusdam deformitatem, quem ait pistrino atque asino tradi oportere. Græci certè & bestiam illam, & molam eodem nomine appellant. itaque Hesychius ὄνον ait esse superiorem in pistrino lapidem: Eustathius autem, τὸ κινούμενον τῷ μύλου. & Antronium asinum ex eo in prouerbiū abiisse, quòd Antronij lapides habeant aptos ad conficiendas molas. & in prinio αἰαβάσις ita scriptum est: Οἱ δ' ἐροικωῦτες ὄνοις ἀλέτας φεῖ τὸν πιταμόν ἐρύποντες, καὶ ποιῶντες, εἰς βαρυλῶνα ἦρον, καὶ ἐπ' αἰόλου, καὶ ἀνταρράζοντες σίτον, ἔζων. quorum verborum hæc est Romuli Amasari interpretatio: *Incola asinarias molas circa flumen cadunt, excusasq; Babylonem deportant, ijsq; venditis coëmpto frumento famem leuant.* qui cur asinarias molas dixerit non video. ego lapides molares tantum dixissem. nam illud ἀλίτοις additum est in Græco sermone ad tollendam vocis ambiguitatem, quæ in Latino nulla est. Quinetiam *πισκῶν ὄνον* ex eo vocatum esse credo; quòd in cerebro lapides habeat molarum similes. quamquam alij ab asinini corij similitudine dictum autumant.

*Malè conuersos videri à Cicerone tres Euripidis
versus.* CAP. XVI.

NON sine causa, ait Cic. cum Orestem doceret Euripides, primos tres versus renocasse dicitur Socrates: *Neq; tam terribilis vlla fando oratio est,*

*Neq; fors, neque iraculitum inuēctum malum,
Quod non natura humana patiendo ferat.*

Qui

Qui, si cuique fas est, id quod sentit, dicere, videtur eorum versuum sententiam aut non satis percipisse, aut non fideliter reddidisse. quod ut iudicari ab aliis possit, Græcos Euripidi subiiciam:

Οὐκ ἔστιν ἔδ' ἐν δ' ἐνὸν, ὡδ' εἰπεῖν ἐπ' Θ,

Οὐδ' ἐ πάθος, ἔδ' ἐ ξυμφορὰ θεύλατος,

Ἡς ἐκ αὖ ἀεγίτ' ἄχθος ἀνθρώπου φύσις.

primum igitur versum, si Ciceronem sequare, ita accipias necesse est: *ἐκ ἔστιν ἔδ' ἐν ἔπος ὡδ' δ' ἐνὸν εἰπεῖν*. id est: *nullum est verbum ita terribile dictu*. quod sanè, ne quid dissimulem, mihi quidem non placet. ac fieri potest, ut fallar. sed dico id, quod videtur. Deinde, *πάθος* quàm aptè reddatur *fortis*, alii viderint. postremò in tertio versu nulla est patientiæ ac tolerantiae significatio. potiusque hoc dicere Euripidem puto. Nihil, vix uno verbo eloquar, durum ac terribile est; neque morbus neque à diis inuecta calamitas, cuius grauitati hominum natura ac conditio exposita non sit. id quod statim confirmat inusitato, & antea inaudito supplicii genere, quo à diis affectus est Tantalus. Neque ignoro, quàm sit periculosa, ut ait Flaccus, plenum opus alex, à Cicerone dissentire: verum tamen. Mecum quidem Græcus eius poetæ explicator, quisquis est, facit.

De quodam loco ex epistolis ad C. Trebatium accurate disputatum.

CAP. XVII.

ANGELVS Politianus capite xxvii. miscellaneorum illustrare conatus est hūc Ciceronis locum ex epist. ad Trebat. *Hoc tibi tam ignoscemus nos amici, quàm ignouerunt Medea, qua Corinthum arcem altam habebant, matrona opulenta optimates, quibus illa*
manibus

manibus gypsatis persuasit, ne sibi vitio illa verterent, quod abesset à patria.

Nam multi suam rem bene gessere, & publicam patriam procul:

Multi, qui domi atatem agerent, propterea sunt improbat.

quod enim neminem ante se ne suspicatum quidem esse gloriatur, ait, hos duos esse versus ex Ennii Medea ex his Euripideis expressos:

Κοινὴ δὴ γυναικες, ἐξ ἡλ. τον δόμων,
 μῖμοι π μίμνησ' . οἶδα γδ πολλὰς βροτῶν
 σμερὰς γαγῶτας, τὰς μὲν ὁμμάτων ἄπο,
 τὰς δ' ἐν θυγατρὶς . οἱ δ' ἄρ' ἡσύχου ποδὸς
 δ' ὕσσειαν ἐκτῆσαντο καὶ ῥαθυμίαν.

Petrus quoque Victorius libro xx. Variarum lectionum idem sentire se, quod tradiderat Politianus, ostendit. neque umquam quenquam audiui, qui ea de re ullo modo dubitandum putaret. Ego autem, quanquam apud me plurimum & Politiani & Victorij valet auctoritas, mirificè tamen ab utroque dissentio. quocirca hoc loco, quid de illis versibus sentiam, aperire constitui; ut ab eruditis hominibus, meritò an immeritò id faciam, iudicetur. In primis igitur Latinos versus malè ab eis distinctos, ad hunc autem modum distinguendos cenfeo:

... *nam multi suam*

Rem bene gessere, & publicam, patriam procul.

Multi, domi qui atatem egerunt, propterea

Sunt improbat.

nam quòd *egerant*, lego, vbi vulgo legitur, *agerent*: veteres in eo libros auctores habeo. & ipse quoque Victorius ita legit. at hoc quidem leue est. illud grauius, quod planè iudico necesse esse, ut aut ne sint ii

versus Euripidis à Latino poëta cōuerſi: aut vt eos, siue Ennius, siue quis alius fuit, qui ita interpretatus est, non intellexerit, & in sententiam alienissimā detorſerit. Nam apud Euripidem quidem cū Medea præ dolore iam non compos animi, domi clausam se contineret, excruciatetque se, & eos, quasi à furiis agitata, clamores ederet, qui etiam foris exaudirentur: Corinthiæ mulieres, è quibus constat chorus, orant nutricem, vt ad eam adeat, ipsamque educat ex ædibus. sperabant enim se aspectu & alloquio suo illum doloris ardorem aliqua ex parte mitigaturas. Paulo pōst igitur domo egrediens Medea ita eas affatur:

Κορινθίαι γυναῖκες, ἐξ ἡλθον δόμων,
μή μοι τι μέμνηδε.

id est: Corinthiæ mulieres, egressa sum ex aedibus, ne quid mihi succenseatis. quasi diceret: Non equidem libenter hoc tempore in aspectum hominum prodeō. omnes enim, quos grauior aliquis vrget dolor, tenebras & solitudinem quærunt: lucem & frequentiam oderunt. verumtamen cū vestro nomine rogata essem, vt huc prodirem, prodii: ne, si prodite nollem, vos id fortē superbia quadam ac contemptu vestri à me fieri crederetis. At illo altero modo, ita accipienda erunt hæc verba: ἐξ ἡλθον δόμων. id est, patriam meam reliqui. μή μοι μέμνηδε. id est nolite id mihi vitio vertere. quod mihi quidem alienum & ἀποροδόνιστον videtur. Sequitur: οἶδα γὰρ πολλὰν σμυνὲς γεγῶτας, τὸς μὲν ὀμμάπων ἀπο, τὸς δ' ἐν θυγατέρι. quæ ita interpretor: noui enim multos mortalium, qui arrogantes habitusunt, quod se videndos exhibere nollent. alios contra, quod in atriis sedentes, viderentur de se quasi spectaculum quoddam præbere, in eandem opinionem venisse.

Nam

Nam quòd ille Ciceronianus poëta *σεμνὸς* accipit *εὐς* *qui rem suam & publicam bene gesserunt* : ego eo nomine *superbos & arrogantes* accipio. & ita accepit Euripides in illo versu ex Hippolyto : *Μισεῖν τὸ σεμνόν, καὶ τὸ καὶ πᾶσιν φίλον*. & in illo ex eadem fabula : *Οἱ μοι. τὸ σεμνὸν ὥς μ' ἀποκτενεῖ τὸ σόν*. & in illis pulcherrimis versibus ex Alcestide :

Οντας ὃ θνητὸς, θνητὰ καὶ φρονεῖν χρεών.

ὥς τοῖς γε σεμνοῖς, καὶ σωφροσυνέμοις

ἅπανσιν ὄζειν, ὡς γ' ἐμοὶ χρεῖσθαι κεκτῆ.

ὁ βίος ἀληθῶς ἐβίος, ἀλλ' ἂν συμφορά.

Sequitur: *οἱ δ' ἂν ἡτύχου παῖδες δούτιλειαν ἐκτίσαντο καὶ βαθυμίαν*. id est; alii contrà, quòd se quieti tradidissent, in gloriâ habiti sunt, & ignavi. Hoc enim significare vult, solere homines omnia quæ ab aliis fiunt, ad deterio- rem partem accipere, & undique captare maledicen- di occasionem. Illa autem quomodo interpretatus sit Latinus ille, si modò interpretari voluit, nihil attri- net dicere. res ipsa loquitur. ex his, cæcutionem ipse, an meritò alios *παρεωσκήναι* arbitrer, existimari potest.

Locus Platonis è Phædro, allata vetere quadam

Atheniensium consuetudine illustratus.

CAP. XVIIII.

SOCRATEM Phædrus cùm adducere vellet ad idem argumentum tractandum, quo ipse scriptam Lysia orationem paulo antè recitarat, ita ei blandiens apud Platonem inducitur : *Καί σοι ἐγὼ, ὥσπερ οἱ ἐννέα ἄρχοντες, ὑπαχνοῦμαι χρυσὴν εἰκόνα ἰσομέτρητον εἰς Δελφοὺς ἀναθήσειν, οὐ μόνον ἐμαυτῷ, ἀλλὰ καὶ τῇ*. quæsitum est autem ex me, quænam esset aurea illa statua, quam Delphis ponere solitos archontas ex eo intelligere- tur : & qua de causâ id fieret. Respondi, nouem

Atheniensium archontas, id est, eponymum, regem, polemarchum, & sex thesmoethas, cum magistratum inirent, publicè iurare solitos, se observaturos esse leges, neque passuros fidem suam donis muneribusve corrumpi: si quis ipsorum secus fecisset, cum mulæ nomine auream statuam suam periturum esse. Eius rei auctor est Iulius Pollux libro Onomastici ad Commodum Cæsarem octauo, Cypselidarum autem anathema, de quo non ita multo post ea, quæ posui, verba apud Platone[m] mentio est, quodnam fuerit, copiose Pausanias in Eliacis docet.

*Quod discrimen sit accusationis & maledictionis,
e Demosthene & Cicerone. CAP. XIX.*

TRADITVM est accuratè & diligenter à M. Tullio in Cæliana defensione, quid inter accusationem ac maledictionem interesset. olim autem Demosthenes etiam ista distinxerat: ut quamvis non planè idem ab utroque dicatur; dubium tamen non habeam, quin Cicero in ea re tractanda summi Græci oratoris vestigia sit persecutus. Vtrumque igitur locum meo more describam, ut comparentur. Demosthenes *πρὸς τέρψαν. Καί τοι καὶ τὸτο ὃ ἄνδρες Ἀθηναῖοι, ἐγὼ λοιδορίαν κατηγορίας τέτρω διαφέρειν ἠγῶμαι, πρὸ τὴν μὲν κατηγορίαν ἀδικήματ' ἔχειν, ὣν ἐν τοῖς νόμοις εἰσὶν αἱ πτωρίαι. ἢ ὃ λοιδορίαν βλασφημίας, ἃς καὶ τὴν αὐτῶν φύσιν τοῖς ἐχθροῖς πρὸς ἀλλήλων συμβαίνει λέγειν.* Cicero pro Cælio: *Sed aliud est maledicere, aliud accusare. Accusatio crimen desiderat: rem ut definiat: nomine ut notet: argumento probet: teste confirmet. maledictio autem nihil habet propositi præter cōtumeliam: quæ, si petulantius iaciatur, (ita enim legendum est: non, ut vulgo, iactatur.) conuicium: si faceretur, urbanitas nominatur.*

De

*De vi veritatis .Ciceronis sententia ex Æschine.
Liuii loci duo emendati.* CAP. XX.

EMERGERE tandem & existere veritatem, neque ullis umquam machinis ita premi, ut opprimatur, multi gravesque auctores sæpe dixerunt: Cicero inter ceteros, qui cum hanc grauissimam & dignitatis plenissimam sententiam ponere in Cæliana defensione vellet, ex Æschine eam propè interpretatus est. *O magna*, inquit, *vis veritatis, quæ contra hominum ingenia, calliditatem, solertiam, contraq; fictas omnium insidias facile se per se ipsa defendat.* Æschines autem ἐν πρῶτῳ Τιμαρχοῦ, Οὕτως ἰσχυρόν ἐστιν, inquit, ἡ ἀλήθεια, ὥστε πάντων ὑπεκρτεῖν τῶν ἀνθρώπων λογισμῶν. Etiam apud Liuium Q. Fabius Maximus idem dicit, in illo pulcherrimo sermone, quem habuit cum L. Paullo aduersus Annibalem proficiscente. sed is locus ita deprauatus circūfertur, ut intelligi non queat. ita enim legitur: *A veritate laborare nimis ius sæpe aiunt: extinguī numquam.* Sed vocem *ius*, in veteribus libris non legi, admonuerunt etiam alii. Mihi, cum eum locum accuratè legerem, incidit suspectio, ita corrigendum esse: *Veritatem laborare nimis sæpe, aiunt: extinguī numquam.* id igitur in libri mei margine ascripseram, additā ea nota, qua coniecturas meas distinguere soleo ab iis mutationibus, quas vetustis libris auctoribus facio. Sed cum postea διὰ χρόνου accidisset mihi, ut eum ipsum locum inspicerem; visum est, librum quoque veterem, quem habeo, consulere; si quid is fortè meam coniecturam adiunaret. Repperi autem plus etiam, quàm volueram. etenim ne vna quidem littera plus minùsve habebat, quàm ut ego diuinaram. sed ea inspectio

iter mihi aperuit ad tollendum ex eo loco mendum alterum . nam quod statim subiicit Fabius : *Gloriam qui spreuerit , veram habebit* : vix verum videtur , ita simpliciter , & sine vlla adiectione prolatum . quid enim ? ἀριλόπιον εἶναι, laudi ne datur , an in vitio ponitur ? quàm multi gloriam spernunt ignaui & nulli pretii homines ! Cùm igitur in meo libro legatur , *Gloriam quam qui spreuerit , veram habebit* ; conijcio legendum , *Gloriam vanam qui spreuerit , veram habebit* . sic enim & verior erit sententia , & illa contrarium relatione ornatio , & melius cohærebit cum eo quod paulo suprâ dixerat Fabius : *Resistes autem aduersus famam rumoresque hominum si satis firmus steteris : si te neque colloga vana gloria , neque tua falsa infamia mouerit* . quàm facile verò librarius in eo labi potuerit , cùm quiuis facillè videat , λεπτὸς εἶναι non est meum ,

Mulieres eruditas plerumque libidinosas esse , duorum poetarum testimoniis confirmatum . Iuuenalis locus cum quodam Platonis collatus .

CAP. XXI.

VAFERRIMVS poëta , qui que omnia sua tempestatis hominum vitia & nouerat optimè , & infectabatur liberrimè , Iuuenalis , in ea satyra , qua mulierum improbitatem detexit , non obscurè significauit , displicere sibi mulieres eruditas , & disertas .

Non habeat , inquit , matrona , tibi qua iuncta recūbit , Dicendi genus , aut curtum sermone rotato

Torqueat enthymema , nec historias sciat omnes .

Euripides quoque , magnus & ipse mulierum osor , etsi dictus est à quodam eas odisse in choro , amare in thoro , eiusdem sententiæ fuit . putauit enim , id quod
res est ,

tes est, catas & ingeniosas feminas promptiores & acutiores esse ad struendas machinas, quibus decipiant viros. itaq. apud eum ita Hippolytus loquitur:

Σαφλὺ ὃ μισῶ. μὴ γὰρ ἐν γ' ἐμοῖς δύοις

Εἶν φρονούσα πλεόν, ἢ γυναικα χελῶ.

Τὸ γὰρ πανούργον μάλλον ἐντίκτει κύρις

Ἐν ταῖς σφαῖσιν. id est,

Odi eruditam. ne mea umquam sit domi,

Qua plus sciat, quam mulierem scire expedit.

Namque eruditis ipsa maiorem Cypris

Astutiam indit.

& sanè non nimis pudicas esse ingeniosas & eruditas mulieres, fidè facere poterit Sappho. neque mirum. multas enim historias legunt, peccare, ut ait Flaccus, docentes. sed in iis quæ suprâ retuli Iuuenalis verbis constat, metaphoram esse à iaculis sumptam, quæ brevia cum sint, torando torqueri solent. eadem autem usus est Plato; cum Lacedæmoniorum loquendi consuetudinem exponeret; quos ait, initio videri solitos rudes & imperitos; sed postea torquere ac vibrare breue aliquod dictum: ut is qui cum discebant, puer præ ipsis videretur. eius verba sunt: εἰ γὰρ ἐθέλοι τις Λακεδαιμονίων τὸ φαυλοτάτω συγγενέει, τὰ μὲν πολλὰ ἐκ τοῖς λόγοις εὐρήσκει αὐτὸν φαλόν τινα φαινόμενον. ἔπειτα ὅπου ἂν τύχοι τῶν λεγομένων, ἐνέβαλε ρῆμα ἄξιον λόγου βραχυκῆ κατισχυμένον, ὥσπερ δὲ γὰρ ἀκοντιστὴς, ὅς τε φαίνεται τὸν περὶ σφαιροβόμον παιδὸς μηδὲν βελτίω.

*Iphicratis multa dicta, quibus elatus & excelsus
ipsius animus ostenditur. CAP. XXI I.*

RE R V M bellicarum gloria non ætatis modò suæ imperatores vicisse, sed superiorum etiam quemlibet adæquasse Athenienſis Iphicrates dicitur. idemque
O 4 eloquen-

eloquentiæ studiis deditus fuisse, & cum sæpe dixisse in publico, tum ostentationis quoque gratia domi nonnumquam declamitasse perhibetur. erat autem excelso vir & elato animo, quique de se interdum magnificentius, quàm vulgi aures libenter ferre possent, prædicaret. Itaque cum orationem de statua sibi ab Atheniensibus posita aduersus Harmodiū quendam è veteris illius tyrannicidæ posteris haberet, multa dixit de seipso anihose, & propè arroganter: vt Dionysius Halicarnassæus non alio magis argumento refellerit eos, qui orationem illam Iphicrati à Lysia scriptam esse dicebāt, quàm quod à Lysia moderatione nimium longè abesset. In ea hoc dixit, quod aduersarius generis sui nobilitatem extollens, illius obscuritatem, & ignobilitatem exagitaueat, *ut quisque virtute maximè præstaret, ita nobilissimum esse.* nam ne Harmodium quidem & Aristogitonem nobiles fuisse prius, quàm præclarum aliquid designassent. Item illud: *se maiorem habere cognationem cum illis, quàm ipsum illam quo cum contenderet: quo sua, quàm illius facta propius ad eorum gloriam accederent.* &, *Meorum nobilitas à me incipiet: tuorum in te desinet.* quæ omnia imitatus est, quicumque scripsit declamationem in Sallustium. sed & ex eadem oratione hæc repperi: *Si qualis ego sum, tales vobis septem imperatores fuissent, deserta iam esset & inculta Lacedæmon.* Et cum de Harmodio & Aristogitone ageret: *Quorum, inquit, ego si temporibus fuissetem, aut assumpsissetem eos ad societatem præclari illius operis, aut ipse ab eis ascitus essem.* Et, *Vos fortasse Athenienses istam mihi columnam, & istas in ea inscriptas litteras, præclarum quiddam, & gloriatione dignum à vobis contigisse arbitramini. at mihi columna calum attingens in Pelopon-*
neso

neſo virtutis mea teſtis conſtituta eſt. Hæc poſtrema quibus verbis Græcè pronuntiata ſint, ſi quis videre cupit, reperiet apud Ælium Ariſtidem ἐν τῷ δευτέρῳ παρὰ φηδύματός.

Medicum fuiſſe Herculem, & ſanatam ab eo Alceſtin, quum iam depoſita eſſet. CAP. XXIII.

SCRIBIT Plutarchus, fortiffimū heroum Herculem medicinæ peritum fuiſſe, itaque quod apud Euripidem legitur de Alceſtide, quam, cū mortem pro viro ſuo Admeto obiſſet, Hercules cum ipſa Morte luctatus, per vim ei eripuiſſe, & viuam ad Admetum reduxiſſe narratur: ita intelligendum eſſe: cū Alceſtis ita grauiter ægrotaret, vt depoſita iam & deſperata eſſet, veniſſe Herculem, & medendi arte, quæ excellebat, ei valetudinem priſtinam reddiſſe. Admeto autem ea in re gratificari voluit. non enim minus amabat Admetum Hercules, quàm Alceſtin Admetus.

De immani crudelitate regis Deiotari.

CAP. XXIII.

ATROCİ admodum & barbaro ingenio fuiſſe oportet regem Deiotarum: ſi verum eſt, quod de eo idem ille quem modò nominaui, Plutarchus memoriæ prodidit. & ſanè iſ eſt auctor Plutarchus, quem nemo reiſcere vt parū idoneum poſſit. Ait autem Deiotaro plures fuiſſe filios, quorum cū ipſe vni relinquere imperiū, atque omne patrimonium ſuum cuperet: quo id facilius efficeret, ceteros omnis manibus ſuis trucidauit; vinitorum exemplo, qui cū vitis aliqua complures emiſerit ſurculos, vnum modò ex eis relinquere, alios amputare conſueuerunt, vt iſ qui relinquitur, maior & robuſtior fiat.

De lege quadam Persarum humanitatis plena.

CAP. XXV.

MVLTA olim apud Persas leges fuisse traduntur: ex quibus facile intelligi potest, singulare quendam eius gentis sapientiam fuisse. Atque earum in vnam nuper cum inciderim, quæ neque multis, nisi me fallit animus, cognita est, & dignissima quæ cognoscatur ab omnibus: iudicaui non ingratum fore iis qui hæc legent, si eam hoc loco proponerem. Erat igitur apud eos ita constitutum, ut cum quis in iudicio argueretur aliquid fecisse contra leges, etiam si liquidò constaret, cum culpæ affinem esse, non tamen statim condemnaretur; sed prius inquireretur diligentissimè in omnem illius vitam, inireturque ratio, plura ne turpiter & flagitiosè, an bene laudabiliterque gessisset. tum si vincebat turpium numerus, condemnabatur: sin præponderabantur honestis turpia, absoluebatur. Cogitabāt enim, humanarum virium non esse, rectum cursum perpetuò tenere: habendos pro bonis viris eos, non qui numquam peccarent; sed qui sæpius honestè agerent. Hanc ipsam legem ego ab iis quoque, quorū in manus hi libri venient, observari summo perè cupio: ut ne statim eos reijciant ac condemnent, si quid in eis à me peccatum prehenderint, nam si, ratione fideliter inita, maior τῶν ἐσφαλμένων, ἢ τῶν κατὰρθωμένων, numerus fuerit: tum equidem, quin reijciantur, & fordeant, non recuso.

M. A N.

M. ANTONII MURETI

I. C. AC CIVIS R.

VARIARVM LECTIONVM

LIBER NONVS.

De genere quodam loquendi quo in magni amoris significacione veteres utebantur.

CAP. I.



INTER omnia loquendi genera, quibus veteres mirificam quandam vim amoris in aliquem sui exprimebant, illud mihi excellere videtur, quo significabant, cupere se, si quo modo id fieri posset, annos sibi ad viuendum constitutos conferre ac contribuere cum eo quem diligerent, ita vt quod ipsis superesset vitæ, eius pars aliqua ad illius vitam adderetur. Ita blanditur anui cuidam Tibullus:

*Vive diu, inquit, mihi dulcis annus. proprios ego tecum,
Sit modo fas, annos contribuisse velim.*

Ita apud Plautum adolescens quidam amicæ, quæ cùm ei dixisset,

Cur tu obsecro immerito meo me morti dedere optas?
hoc ab eo responsum fert;

*Ego te? quam si intelligam deficere vita, iam ipse
Vitam meam tibi largiar, & de mea ad tuam addam.*

Atque hoc in consuetudine positum fuisse, ostendit Seneca in libro De breuitate vitæ, his verbis:

Dicere solent eis quos validissimè diligunt, paratos se partem annorum suorum dare. Et ex illa consue-

consuetudine triumphantibus imperatoribus occinebatur,

De nostris annis tibi Juppiter augeat annos.
quod relatum est à Tertulliano. Sed & sanctissimus, pariterque disertissimus scriptor Gregorius Nazianzenus ita locutus est in oratione εἰς Κασίλχον. Καὶ προοιῶναι π τῆς ἐαυτῶν ζωῆς ἑκάστος ἐκείνῳ, εἴ περ οἶόν τε ἦν, τοῦτο μοι ἦν.

Illustratus Horatij ex Odis locus.

CAP. II:

CUM tanta esset apud veteres infamia eorum, qui abiecto clypeo fugerant, quosque contumelioso nomine, ut notum est, ῥιψάστας vocabant, quid in mentem venisse dicemus elegantissimo poetæ Horatio, eam ut notam sibi ipse versibus suis inurere voluerit? Nota enim sunt illa ex oda ad Pompeium Varum:

Tecum Philippos & celerem fugam

Sensi relicta non bene parmula:

Cum fracta virtus, & minaces

Turpe solum tetigere mento.

An id ei ingenium fuit, ut non in alios modò, sed in seipsum quoque, libenter dicta diceret, vineraque, ut alibi ait, ipsemet caderet sua? An in homine minimè militari, Mercuriali que potius quàm Martiali, neque ad arma, sed ad amores, & ad pocula, & ad libros tractandos nato aperta illa & simplex timiditatis suæ professio iucunda potius quàm ignominiosa est? Nam quod eum quoque ipsum ad quem scribit, in eiusdem culpæ societatem vocat, videri potest fecisse Xenæneti Atheniensis exemplo, cuius est nobilis illa responsio ad ciues suos obiurgantes eum quòd fugisset, μηδ' ὑμῶν γὰρ ὦ φίλοι κεφαλὰι. Omnino tamen

tamen verisimilius esse arbitror, Horatium hac quoque in re Archilochi, ad cuius se imitationē studiosē comparauerat, similem esse voluisse. siquidem & ille, ut alia turpiter à se facta, quod apud Ælium legimus, prædicauerat, ita cū in prælio aduersus Saïos Thraciæ populos eadem ratione expeditisset salutem suam, notum id posteris suo ipsius præconio esse voluit: cecinitque hoc modo:

Ἀπίδι μὲν Σαίων τις ἀγάλλεθ', ἦν παρὰ θάμνω

Ἐντὸς αἰώμητον κάλλιπον ἔκ' ἐθέλων.

Ψυχὴ δ' ἐξέστασεν φυγῶν. ἀλλ' ἀπὸς ἐκείνῳ

Ἐρρέτω. ἥς αὖτις κτήσομαι ἐκκλίσω.

Ita enim eos versus lego; & si aliter Alciatus, sed & ille bello ferox, ille tyrannorum exactor Alcæus, quem etiam apud inferos, ut hic ait, canentem pugnas & exactos tyrannos mirantur Vmbræ, non ita fuit prodigus animæ, ut non fugere aliquando maluerit, quàm mori: qui & ipse, ne hoc nesciremus, versibus id suis mādauit, ut auctor est Herodotus in Terpsichore: in quo malitiam quandam Herodoti notat Plutarchus. ita ut videatur ἡ φιλοφυγία poetarum quasi quidam morbus: possintq. ad multos eorum accommodari, quæ apud Homerum Veneri Iuppiter dicit:

ἔσσι τέκνον ἐμὸν δέδοθ' ἀλεμνία ἔργα·

Ἀλλὰ σύ γ' ἱμερόεντα μετέρχεο ἔργα γάμοιο·

Ταῦτα δ' ἄρτι· δοῶ, καὶ ἀθήνη πάντα μιλῆσθαι.

Emendatus versus ex Asinaria Plauti, & locus quidam Appuleij in Floridis. CAP. III.

Locus est Plauti in Asinaria ita scriptus in omnibus, quæ mihi quidem videre contigerit, exemplaribus.

*Proficiscin. hoc nunc dixerim. nemo etiā me accusauit
Merito meo. neque me Athenis est alter hodie quis-*
quam,

Cui credi rectè aequè putent.

In quem homo eruditissimus, & de quo inter eos qui poetam illum emendare aggressi sunt, prope modum dici potest, ὅτις πέτυϑ, hæc notauit. Mendum hoc est, & in nostra scriptura deprauata, etiam interpolatione litterarum: quæramus ergo emendationem. Ego autem, quemadmodum ei loco medicina facienda sit, iam dudum reperisse mihi videor: in quo, num quid ipse me fallam, alij iudicabunt. Vetus erat opinio, periculum esse aliquod à fascino, ubi quis impensius aut laudaret ipse se, aut præsens ab alio laudaretur. Eius rei causas, quoniam alij & curiosè quæsierunt, & copiosè tradiderunt, nunc persequi non est operæ. Sed ex ea opinione receptum erat, ut in laudando plerunque adderent vocem *præfiscine*, aut *præfiscini*, qua inuidiam & fascinum à se amolirentur ac deprecarentur. Quale est, quo etiam hodie utimur, Dicto absit inuidia. Est autem *præfiscine*, aut *præfiscini*, idem quod *πρὸς ὀφθαλμῶν*. Cum igitur magnificè de se locuturus esset veterator ille, cuius ea apud Plautum verba sunt, quasi inuidiam à se amoliri cupiens, ait,

Præfiscini hoc nunc dixerim.

Neque enim dubito quin ita legi oporteat. Huius vocis citantur exempla hæc à Charisio. Titinnius in Setina:

Paula mea, amabo pol tu

Ad laudem addito præfiscini, ne puella fascinetur.

Afranius in Consobrinis:

Scis habitum ita ut nunc obtinet, præfiscine.

Sed

Sed & apud Appuleium multo eruditorem, multoque pluris faciendum scriptorem, quam vulgo putant, locus est eiusdem vocis ignoratione corruptus libro tertio Floridorum. *Igitur, quod difficile factu erat, quodque re vera arduum nobis existimabatur, gratum esse populo, placere ordini, probari magistratibus, & principibus, id, praefusiue dixerim, iam quodammodo mihi obtigit.* Praefuscine enim, non praefusiue, eo loco legendum est. Iam pridem haec scripseram, cum ad me Tibur allatae sunt litterae ab Oberto Giphanio homine in primis erudito, in quibus scriptum erat, Quod vulgo apud Gellium libro decimo Noctium Atticarum, & eius libri capite xxiiii. legitur *pristini & pristinae*, in Veteribus legi, *praefuscini*, & *praefuscine*. certeque in vetere Macrobio quem mihi cominodauit Hercules Ciofanus Sulmonensis, ubi illa omnia ex Gellio, ut solet Macrobius, descripta referuntur, legitur *fiscine & fiscini*, deprauatis quidem, sed tamen manifestis rectae scripturae vestigijs.

De loco quodam ex Odis Horatij.

CAP. IIII.

OMINOSVM esse crediderunt veteres illi, verae religionis ignoratione occaecati, occursum serpentis, viam qua quis iter facturus esset quasi diffecantis; exque ea superstitione dictum ab Horatio est,

Rumpat & serpens iter institutum.

apertius autem etiam idem cognoscitur ex Heliodori suauissimi scriptoris, Aethiopicôn libro tertio, ubi ita legitur: *οὗτοι δ' ἄρτι τῆς καίμης ἐκ τὸς γερονότους, καὶ τὰς ὄχδας τῆ νεύλου πῶς αὐτοῖς ὄντες, κροκόδειλον ὁρῶσιν ἀπὸ δεξιῶν ὅπῃ ἀπερτύνονται, καὶ τῶν ρείθρων τῆ ποταμοῦ (καὶ ὅξεια τῇ ῥύμῃ καταδύμενον. οἱ μὲν δὴ ἄλλοι σωήθεις τε καὶ ἀπερτύνοντας τὸ ὅρδον*
ἔχουσιν.

ἥ γὰρ πολλὸν ὅσον ὁ καλᾶσαις κώλυμά τι τῆς καλᾶς ὁδὸν ὁπσιμαί-
νεσθαι φέρεται. Sed hoc aut nihili est, quod ipse quoque
non inuitus fatebor, aut, si non prorsus indignum
erat quod notaretur, reperietur certè, qui vel à se
iampridem animaduersum, vel etiam è scidis atque
aduersariis suis à me sublectum esse contendat.

Emendatur locus ex Politicis Aristotelis.

CAP. V.

ARISTOTELES septimo Politicon quorundam
errorem notans, qui felicitatis causam non in vir-
tute, sed in opibus ac copiis esse censent, ait perinde
eos ridiculè facere, ac si, quòd musicus aliquis bene
caneret, eius rei causam non in artem, sed in lyram
referrent. Id autem his verbis exprimit: Διὸ καὶ νομί-
ζουσιν ἄνθρωποι τῆς εὐδαιμονίας αἰπατὰ ἐκτὸς εἶναι τῶν ἀγα-
θῶν. ὥστε εἰ τοῖς κινερίζουσιν λαμῶν καὶ καλῶς αἰπῶντο τὴν
λύραν μᾶλλον τῆς τέχνης. Quibus in verbis, ut illud præ-
teream, quòd legi malui aut αἰπῶντο, aut εἶπε τῶ κινε-
ρίζουσιν, aliud mihi multo grauius subesse mendum vi-
detur. Neque enim τῶ κινερίζουσιν λαμῶν καὶ καλῶς, sed
τῶ κινερίζουσιν λάμῶν καλῶς legendum puto: Λάμῶν
enim veteris musici proprium nomē fuit: quàm bo-
ni, nihil ad rem: hoc enim tantum significat Aristo-
teles, si *Lamprus bene canat*, id non lyra, sed artificio
ipsius effici, & ridiculum fore, si quis id non artificio
ipsius, sed lyrae tribuendum esse contendat. Lamprī
autem mentio est apud Platonem principio Mene-
xeni: vbi Socrates ait, facile esse, Athenis Athenien-
ses laudare, non ei modò qui præstantes magistros
nactus sit, quales ipse habuerat, rhetorices quidem
Aspasiam, musices verò Connum: sed ei etiam qui
minus bonos, ut musices Lamprum, rhetorices An-
triphontem.

triphontem. Hunc Lamprum Athenæus, non sanè ex consuetudine musicorum, abstemium fuisse ait: profertque in eum amara quædam dicta veteris poëtæ Phrynichi, quibus ait, lugere gaudias mortuo illo aquæ potore, quem etiam vocat mirificum artificem lugubre quiddam & querulum concinendi, Musarum aridum & exsiccatum cadauer, lusciniarum febrim, Plutonis hymnum. Eius igitur, quicumque tandem fuit, iampridem apud Aristotelem oblitterata memoria, reposita à nobis ac restituta sit.

De locis aliquot Planti ex Pseudolo.

CAP. VI.

INERTE' post tot emendatores etiamnum legitur locus hic è Pseudolo Plantina,

Phœnicium Calidoro amatori suo

Per ceram & linum litterasq; interpretes

Salutem mittit, & salutem abs te expetit.

Non enim *linum* legendum est, sed *lignum*. nam in tabulis ligneis cera oblitis veteres, ut notum est, scribere solebant. Tabulas igitur ipsas vocat lignum. & sic loquuntur iuris auctores cum bonorum possessionem contra tabulas vocant contra lignum. Quod autem in eodem illo diuerbio scriptum est,

Atque id futurum unde unde dicam nescio:

Nisi quia futurum est: ita supercilium salit:

& apud Theocritum, *oculus dexter salit*: è stulta illa veterum superstitione ductum est, qua credebant, si pars aliqua corporis suapte sponte subsilisset ac mota esset, eiusmodi palpitationibus aut prosperi aliquid aut aduersi portendi. S. Augustinus libro secundo De doctrina Christiana: *His adiunguntur millia inanissimarum observationum: si membrum aliquod salie-*

rit: si iunctim ambulanti bus amicis, canis aut lapis aut puer medius interuenerit. Idem in libro De natura dæmonum. Salitores vocati sunt, qui, dum eis membrorum quacumque partes salierint, aliquid sibi exinde prosperum, seu triste significari pradicunt. Tales saltus Græco nomine vocabant παλμῆς: extatque liber Melampodis περὶ παλμῶν, quo eius vanitatis quasi disciplina quædam continetur. Sed & vltimus eiusdem diuerbij versus malè in vulgatis libris ita legitur:

Atque ipse egreditur penitus periurum caput:
cùm ita legi debeat,

Atque ipse egreditur Pænus periurum caput.

Pænum enim vocat lenonē, cùm significet esse infidum, periurum, fraudulentum, quales Pæni meritissimo & habebantur, & habentur. Ne illud quidem pigebit adscribere, quod paulo suprâ de se dixerat Calidorus:

Quasi solstitialis herba paulisper fui:

Repente exortus sum, repentinò occidi:

esse eius herbæ mentionem & apud Aufonium in Professoribus, qui etiam, ut puto, hunc ipsum Plauti locum imitatus est his versibus:

Solstitialis velut herba solet,

Ostentatus raptusque simul.

De duobus locis ex primo Odarum Horatij.

CAP. VII.

A P V D Horatium libro primo Odarum in plerisque veteribus libris ita legitur:

Scriberis Vario fortis & hostium

Victor, Maonij carminis alite,

Qua rem cumque ferox nauibus aut equis

Miles te duce gesserit.

non,

non, vt in vulgatis, *Quam rem cumque*. eaque scriptura mihi verior ac sincerior videtur, vt hoc dicat, *Quacumque* in parte terrarum miles Agrippæ ductu rem gesserit, id est cum hostibus populi R. conflixerit, eosque fuderit, ac fregerit, insignemq. aliquam victoriam ex eis retulerit, Varium ea omnia versibus suis celebraturum. Hoc enim dicebant, rem gerere. vt in epistola ad Augustum:

Rem gerere & captos ostendere cinibus hostes,

Attingit solium Jouis.

& senex Terentianus;

In ipsa turba atque in peccato maximo

Quod vix sedatum satis est, potastis scelus,

Quasi re bene gesta.

Et in Fastis Capitolinis tam sæpe legitur aliquē creatum esse dictatorem rei gerundæ caussa. At hoc fortassis leue alicui videbitur. Addam igitur aliud itidem leue: si fortè quæ singula parum habent ponderis, coniuncta ac conglobata aliquid adquirant ad lancem depressendam. In explicandis igitur primis versibus odes illius qua Quinctilij mors defletur, dissentio ab omnibus & vetustis & recentioribus, & illud Q V I S, quod principio positum est, sexti casus, posterioris numeri esse arbitror. neque referendum ad illa nomina *pudor & modus*: sed ad nomen *cantus*. Petit enim, vt mihi quidem videtur, poëta à Melpomene, vt sibi præcipiat cantus lugubres quibus aut pudor aut modus aliquis imponatur desiderio Quinctilij. Itaque delenda est illa interrogationis nota, quam post nomen *capitis* primus Paphlago inuexit.

Illustratus locus Seneca ex epistolis.

CAP. VIII.

APUD disertissimum eundemq. sapientissimum scriptorem Senecam, cuius inter ceteras summas laudes hanc quoque non postremam esse statuo, quod ineptè fastidiosus & olim displicuit & hodie displicet, multa sunt non publici saporis, quæ qui surdiore, ut ita dicam, palato sunt, ingustata prætereunt: cum elegantiores homines, & talium deliciarum intelligentes mirificam quandam ex eis percipiant suauitatem. Quale est, quod in epistola ad Lucillum sexagesima octaua, cum multis verbis docuisset, quicquid cum virtute coniunctum est optabile esse, multaque in eam sententiam genere orationis, ut solet, masculino, & nihil vulgare aut plebeium sonante dixisset, ad ipsum epistolæ finem ita scribit: *Indue magni viri animum, & ab optionibus vulgi secede paulisper: cape quantam debes virtutis pulcherrima ac magnificentissima speciem, qua nobis non fertis, sed sudore & sanguine colenda est. aspice M. Catonem sacro illi pectori purissimas manus admonentem, & vulnera parum demissa laxantem. Vtrum illi tandem dicturus es, Vellem quæ velles, & molestè fero, an, Feliciter quod agis?* Quibus in verbis notanda sunt duo antiqua loquendi genera vulgo non satis cognita; quorum altero ad eos qui in malis essent, altero aduersus eos quibus prosperè aliquid obtigisset, utebantur. Nam cui boni ac secundi aliquid obtigerat, ei, ominis causa, gratulabundi dicere solebant, *Feliciter*, aut *feliciter quod agis*; cum significarent, cupere se eum perpetuò eadem felicitate uti, idque bonum ipsi proprium ac perpetuum esse, Iuuenalis Satyra secunda:

Signata

Signata tabula: dictum Feliciter: ingens

Cœna: sed & gremio iacuit noua nupta mariti.

Contrà cui malè & aduersus animi sententiam erat, eum alloquentes dicebant: *Vellem quæ velles*. cùm indicarent, dolere sibi, quòd illi malè esset: ac si dicerent: *Vellem tibi ita esset*, vt tu quoque velles: mihi quæ ægrè est, quòd tibi quidquam præter voluntatem tuam euenerit. Huius generis exemplum est apud Plautum in *Mostellaria*:

Ei. *Quid est? Me miserum, occidi: Qui? Quia Venit nauis nostræ nauis quæ frangat ratem.*

Velim vt velles Tranio: sed quid est negotij?

Hoc igitur significat: si quis M. Catonem animo concipiat extremo illo vitæ tempore sua viscera laceratè, & exituræ animæ facientem viam, numquam ei vt in malis posito consolationem adhibiturum, sed potius vt pulcherrimum & gloriosissimum facinus obeunti gratulaturum. Nonnumquam etiam hoc posterius loquendi genus in nuda & simplici amicitiae significatione ponebant. Horatius:

Suauius, vt nunc est, inquam: & cupio omnia quæ vis.

Plautus *Amphitruone*:

Debetis velle quæ velimus. meruimus

Et ego & pater de vobis & republica.

De potu aquæ aut vini circumdata niue refrigerati,

Macroby locus emendatus.

CAP. IX.

AQVAM ex dissoluta ac colliquefacta niue pessimam & corporibus perniciosissimam esse, & iam pridem Aristoteles, quasi oraculo edidit, & eorum qui palato obsequi, quàm illius auctoritatem sequi, ma-

lunt, quotidiana experimenta declarant. Incommoda igitur quæ niuis potum sequuntur fugere, & tamen æstiuis mensibus frigidum bibere qui volunt, vasis duplicibus vti solent è tenuissima lamina eo artificio factis, vt vinum aut aquam quæ potui paratur, omni quidem ex parte nix ambiat, sed eorum tamen neutrum contingat, neque cum eis commisceatur. Ita fit, vt neque bibant niuem, & tamen nihilominus frigidum bibant, quàm si biberēt niuem. Ea me consuetudine vtentem cū amicus quidam, qui medicinam faciebat, pro nostra familiaritate reprehenderet: Vel ex Macrobio, inquit, si fortè nostrorum libros minus frequenter lectitas, discere poteras, niuem quis, an aquam isto modo refrigeratam bibat, nihil interesse. Cumque ego subridens, quidquam tale apud Macrobiū legi abnuissem: lubetis, inquit ille, proferri librum. Quo prolato, ita quidem in eo scriptū reperimus. *Iamdudum, inquit Auienus, nosse aueo, cur aqua, qua obsita globis niuium perducitur ad niualem rigorem, non minus in potu noxia est, quàm ex ipsa niue aqua resoluta.* Sed ad libri marginem adscriptum erat in ea manu, particulam NON, redundare & delendam videri. At ille, Isto, inquit, modo facile fuerit cuilibet scriptori quamlibet sententiam adfin gere, si ex negatione, affirmationem facere liceat. Tum ego, Quæso, inquam, considera earum rationum momenta quibus statim sententiam suam confirmat: vt apertè videas negationem esse tollendam. Ait enim aquam è niue liquefacta non solo frigore nocere: quod si esset, faterer tibi, æquè noxiam esse aquam ex fonte aut ex puteo, aut etiā eam, qua ego, vt omnium saluberrima vtor, aquam pluuiam, circumdata niue refrigeratam: sed esse in illa aliud non

minus

minus incommodum. Cùm enim humor vi frigoris densetur ac concrefcit in niuem aut in glaciem, quæ partes in eo subtiliores ac tenuiores sunt, eas in illo ipso compressu euanescere ac diffilari necesse est: solas autem manere crassiores, & pôderosiores, id est, ipsius aquæ quasi fæces quasdam ac retrimenta. Itaque si quis vas aquæ gelu astrictum admoto igne, dissoluat, minor modus aquæ, quàm antea fuerat, reperietur. Quod argumento est, in illa concretionem partem aliquam abiisse, ac dissipatam esse. Nocet igitur corporibus non tam frigore ipso, quàm crassitudine, ac pondere. Itaque etiam si dissoluta calefiat, æquè noxia erit. Hoc vitium quod maximum est, ab hac, quæ ego vtor, abesse certè vides. His dictis, & re paulo accuratiùs considerata, acquieuit. In eodem autem illo Macrobij loco leuiuscula quædam præterea ex veteris libri fide à me emendata erant. Nam ubi legitur, *quæ est corpulenta post terram*: vetus habebat, *quæ est corpulenta post terram*. Et paulo pôst, *conlescit*, ubi vulgò legitur, *calescit*: & paucis pôst verbis, *cùm denseretur*, non, vt vulgò, *cùm densaretur*. Certèque *denseri*, non *densari* etiam apud Virgilium & apud Horatium legi, alij quoque iampridem annotarunt.

*De locis quibusdam è prima epistola libri
primi ad Atticum.*

CAP. X.

MULTA sunt adhuc in epistolis ad Atticum deprauata: etsi eis & Manutius iampridem & post eum alij eruditi homines magno conatu multum opis attulerunt. Nos quoq. pro captu nostro aliquid earum studiosis præstare conabimur, dabimusque operam,

ut liber prudentiæ & elegantiae plenissimus nostra quoque opera nitidior & emendatior legatur. Ac primum non dubito quin locus ille ex epistola prima ita distinguere debeat: *Prensas vnus P. Galba, sine fūco ac fallacijs, more maiorum, negatur*. Neque enim sine fūco ac fallacijs Galbam prensare dicit: sed ei prestanti homines aperte, ac sine circuitione vlla negare: quod iocans ipse more maiorum fieri dicit, qui simplicius vivebant, & aperte ac sine fūco quæ in pectore habebant eloquebantur, nondum reperto artificio mentiendi. Iam illud, quod paulo infra positum est, *Ut frontem ferias*: non dubium est, quin habeat significationem indignationis; ut rectè adnotauit Manutius. Sic & apud Plutarchum in Pompeio: *καὶ πληξάμενος τὸ κεφάλιν, ἐκέλευσε τὴν ναύτα τὸ ἐφ' ὅλκων παρῆσθαι*. Eum autem, qui statim nominatur, *Casiniū*, in quibusdā libris *Casiniū* lego; ut dubitem, num significetur L. Piso; quem aliquoties in ea qua illum infectatus est oratione, non sine quadam contumelia *Casiniū* vocat. Atque ut hoc propositum magis, quam ad seueranter dictum velim: ita quæ de Catilina sequuntur, non habeo dubium, quin hoc modo legenda sint: *Catilina, si indicatum erit licere, certus erit competitor*. In quo sequor etiam testimonium optimi & eruditissimi senis Iacobi Taurelli, qui mihi confirmauit, in veteribus optimæ notæ libris ita legi: *Catilina si indicatum erit merid lucere*. ut in hoc errauerit vetus librarius, quod scripsit *erit* pro *erit*, deinde sine causa geminauit quinq. litteras *M E R I D*: ac pro *licere* scripsit *lucere*. De illo autem, *Cariū obducere*, ita certum atque exploratum videtur, quod imprudem attulit Victorius, ut mirer, repertum esse postea quemquam qui aliter senserit: nisi quod ferè

fit, ut

fit, ut quos non amamus, coram ne sententias quidem amemus. Certe eodem modo usus est eo verbo & Seneca in Troadibus:

non stetit fusus cruor

Humore summa fluxit, obduxit statim,

Sensusq; totum sanguinem tumulus bibit.

ubi vulgo male legitur, *abduxit*. Sic & educere apud Plautum in Stichus est ebibere: *Si hoc eduxeris*. & paulo infra: *Tene tu, hoc educe*. In extremo etiam malim, *illius ἀνέστημα*, quam *ἡλίου ἀνάστημα*. Quid enim efficere potuit quamvis bella Hermathenæ collocatio, ut propterea gymnasium videretur Solis anathema? At potuit ita bellè posita esse, ut principem ibi locum obtineret, utque totum gymnasium credi posset ei dicatum ac consecratum esse.

Illustratus Plauti ex Asinaria locus.

CAP. XI.

INCREDIBILE dictum est quam pusilla menda quantas tenebras interdum etiam eruditissimis hominibus obijciant: ut quod multa interdum sæcula summos viros latuit, id postea indicatum vel pueri primis litteris inbuti assequi debuisse videantur. Tale est quoti nunc ex Plauti Asinaria proferam. qua in fabulâ cum amore perditus adolescens lenæ persuadere conaretur, ut sibi puellam quam amabat concederet: se postea pro ea pecuniam persolutorum: vasa autem & artificij sui insigniter perita mulier præsentis pecunia sibi opus esse diceret, ipsa denique ita loquitur:

Semper oculata nostræ sunt manus: credunt quod vident.

Vetus est, nihili cotio est.

In quo illud *cotio* quot & qualibus viris negotium exhibuit? cùm & Erasmus ridicula quædam attulisset, & Alciatus in parergis nihilo meliora, & postremò is, qui vnus plus opis Plauto attulit, quàm ceteri ante eum omnes, ab hoc loco nulla se ratione explicare potuisset. Res tamen est eiusmodi, vt mirum sit eam non vel à vulgaribus ludimagistris iam pridem deprehensam fuisse. Quis enim est qui nesciat litteram o, & diphthongon au sæpissimè apud veteres & scribendo & pronuntiando inter se permixtari solitas? Nam & aullam & ollam dicebant, & Paullam & Pollam, & ad eundem modum pleraque alia. Nempe igitur & hoc loco quæ *cautio* vilitatè dicitur, facta est *cotio*. Hoc epim dicit Iena, vetus dictum esse, nihili esse cautionem siue syngrapham aut chirographum: multoque tutius ac cautius agere eos qui numeratam pecuniàm sibi in manum dari volunt. Nam qui cautionem habet, sæpe litigare cogitur: at cui soluta pecunia est, ei res omnis in tuto est. Itaque & scriptores nostri fragilitatem cautionis dicunt in l. Qui ita institutus, D. Ad S. C. Trebell. & incertum cautionis euentum in l. pupilli, Quod falsum, auct. gest. es. dic. & Seneca syngraphas cautionesque vocat vacua habendi simulacra. Hoc quod ita perspicuum est, eorum tamen quos dixi oculatissimorum hominum aciem fugit.

De vetere prouerbio quo vsus est Cicero in Catilinam.

CAP. XII.

PROVERBII speciem habet, quod scriptum est à Cicerone libro secundo Catilinarium: *Qui homines primum, si stare non possunt, corruant: sed ita, vt nō modò ciuitas, sed ne vicini quidem proximi sentiant.*

Quo-

Quoniam enim quid à quoq. fiat, vicinis ferè ignotum esse non solet, quod etiam vulgari leguleiorum prouerbio circumfertur: idcirco quod sine vlllo prorsus tumultu ac strepitu fieret, id ne vicinis quidem sentientibus fieri dicebant. E vetere autem comico id acceptum esse cognoui ex Platone in Alcibiade primo, vbi ita scriptum est: ἡμῶν δ' ἐστὶν ἡγεμονία, τὸ πρὸς κομῶδοπιον, ἐδ' οἱ γέγονες σφόδρα ποιαιέθ' ἄνρον ὧ' ἀλλυβιάδην. Et ex Plutarcho in Phocione, vbi de oratore Demade ita loquitur: Δημῶς ὅτι πρὸς ἡμῶν ἀγόμενον, ἐμὲ μὲν, εἴπεν, ὧ' παῖ, τὸν σὺν μετέρε' ἡμῶν, ἐδ' ὁ γέγονας ἡδετο. πῶς ὅτι οἷς γάμοις καὶ βασιλείς καὶ δαυαταὶ συγχρησθῶσι. Ac versus comici, quantum suspicor, hic fuit,

Εμὸς γάμου τ' ἐδ' ὁ γέγονας ἡδετο.

De locis quibusdam è Triculentò Plantina.

CAP. XIII.

MIRIS modis deformatus est Plautus: & quidem ita malè acceptus multis admodum locis, vt, quod in pugilem ait poëta quidem Græcus, eum è pugna talem rediisse, vt si in speculum inspiciat, iuraturus sit, se eundem non esse qui fuerat; ita videtur Plautus, si quis eum ab inferis Æsculapius excitet, iuraturus fabulas illas suas non esse. Mirum autem me semper studium tenuit illius, si qua ratio esse possem, adiuuandi: fuitque aliquod tempus, cum sperabam fore, vt omnes illius comædiæ multis à me vulneribus sanatae ederentur. sed consilium meum cum alia remorata sunt, tum magnificæ multorum pollicitationes, qui mihi per litteras significabant, idem opus aut sibi, aut alijs quibusdam magnis & præclaris viris esse in manibus: vt vererer, si cum talibus antagonistis in arenam descenderem, ne non inanis

inanis modò ac superuacaneus, sed ridiculus etiam meus omnis exiret labor. Illi autem interea partim mortui sunt, partim cessant, tamquam sibi satis esse ducentes, quòd nouum opus aliis nuntiarint. Sunt & fuci quidam qui quæ iam pridem & à me & ab aliis notatà ac publicata sunt, ea colligentes, & pro suis impudenter vèditantes, Plautinas comædias in quibus multa integra deprauarunt, multa corrupta fœdiùs etiam corruerunt, vt à se in pristinum nitorem restituta, edere non verentur. Quamquã igitur quod in aliis mihi accidit, idem in eis quoque, quæ his libris inspergam, mihi euenturum auguratur animus: experiar tamen, neque tantum apud me valere sinam quamlibet iustam indignationem, vt non plus valeat utilitatis publicæ ratio. Ac nunc quidem veteres coniecturas meas proponam de quibusdam locis è Truculento: quibus ò *uixit* Turnebus aliter medicinã facere conatus èst. Quod enim ita vulgò legitur:

Supplicium ad te hanc minam fero auri. si mihi ride-

respice: id ille ita legendum censet: *Si mihi rides, spice.*

At ego hoc modo conieceram:

Supplicium ad te hanc minam fero purissimi auri.

respice.

neque dum me pœnitet coniecturæ. Quod autem in eadem fabula est,

Non enim possunt milites pueri & à viâ educere: ille ita legit, & à viâ educier: Ego autem rectum iudicabam, quod in veteribus libris repereram, *setania educier:* aut vt in aliis item veteribus, *setanio educier.* Setanium enim, aut setania, aut, vt apud Dioscoridem & Theophrastum legitur, sitanium, vel sitania, genus mespili est in Italia frequens: cuius multis lo-

cis & apud Plinium mentio est. Hoc igitur dicit metrix, nō posse militares pueros vilibus & parui pretij cibis educari, cuiusmodi est setania. Ac nescio quo modo durat, hodieque apud Italos idem loquendi genus in sermone vulgi: ut si multa ac magna requiri ad aliquid efficiendum significant, dicant, aliud requiri quam mespila. Est & cæpæ genus setania. Nam de tintinnabulis, semper idem, quod ille tradidit, senseram: & præter locum Zonaræ, habebam alium ex Pseudolo:

Iam hic ero. verum extra portam Metiam currendum est prius.

Quid eò! lanios inde accersam duos cum tintinnabulis.

Eadem duo greges virgarum inde ulnearum adegero: Ut hodie ad litationem huic suppetat satias Ioui.

In malam crucem istic ibit Juppiter lenonius.

etenim extra portam Metiam habitabat carnifex: & ibi comburebantur cadauera damnatorum. Vnde in Casina:

Illum edepol videre ardentem te extra portam Metiam Credo ecastor velle.

Nunc igitur hæc. alia posthac, ut quidque occurrer, proferemus.

Et Ciceronis Academicis emendatus locus.

CAP. XIII.

LOCVS est Ciceronis ad finem libri primi Academicarum quaestionum, deprauatus ille quidem in omnibus libris, sed cuius ita facilis emendatio est, ut diu pigerit me eam in litteras referre, cum putarem ita obtusum neminem fore, quin eam facile videret, si paullulum animū aduerteret. Nunc cum videam, neque hominem eruditissimum Turnebum, qui ele-

ganti

ganti sanè commentario librum illum illustrauit, neque alios qui postea Ciceronem à se, vt ipsi quidem putabant, nam quid præstiterint, videbimus: emendatum ediderunt, quidquam de mendo cogitasse, indicabo eum, & purgabo, ne diutius macula illa in tam polito scriptore hæreat. Verba autem, quæ dico, Ciceronis hæc sunt: *Cum Zenone, inquam, vt accepimus, Arcesilas sibi omne certamen instituit, non pertinacia aut studio vincendi, vt mihi quidem videtur, sed earum rerum obscuritate, quæ ad confessionem ignorationis adduxerant Socratem, veluti amantes Socratem, Democritum, Anaxagoram, Empedoclem, omnes pæne veteres, qui nihil cognosci, nihil percipi, nihil sciri posse dixerunt.* Hæc Cicero. Sed quomodo, quæso, Socratem amare potuerant Democritus, Anaxagoras, Empedocles, & veteres illi, qui antè, vt opinor, mortui erant, quàm auia Socratis nasceretur? An in re perspicua nihil pluribus verbis opus est? Neque enim quemquam posthac dubitaturum existimo, quin ita legendum sit: *Quæ ad confessionem ignorationis adduxerant Socratem, velut iam ante Socratem, Democritum, Anaxagoram, Empedoclem, omnes pæne veteres.* Vt significet illam confessionem ignorantiae non à Socrate primùm inductam, sed multo ante eum à veteribus prolatam fuisse.

De locis quibusdam è Truculento Plautina.

C A P. XV.

Versus hi sunt ex Truculento:

*Rus manè dudum hinc ire me iussit pater,
Vt bubus glandem prandio depromerem.
Post illuc veni, quàm aduenit, si dis placet,
Ad villam, argentum qui meo debebat patri.*

Qui

Qui ouis Tarenti erat mercatus de patre.

Querit patrem. dico esse in vrbe. interrogo, quid eum velit.

Homo crumenam sibi de collo detrahit.

Minas viginti mihi dat. accipio libens.

Condo in crumenam. ille abiit. ego perperaminas

Ovis in crumena hac in urbem detuli.

Quis autem est, qui diuinare possit, quas dicat oues perperaminas? sed nimirum corruptus est locus. legendumque hoc modo:

ego propeere minas

Ovis in crumena hac in urbem detuli.

De pecunia enim, id est de illis viginti minis, quas pro ouibus acceperat, ita ut de ouibus loquitur; eadem urbanitate, qua viginti item minas pro asinis acceptas vocat alibi asinos.

Nimis vellem habere perticam. Qui rei? qui verberarem

Asinos, si forte occeperint clamare hinc ex crumena.

Simul autem eò alludit, quòd oues quæ ventrem pilosum non haberent, vocabant oues minas aut apicæ, quas etiam in emendo reijciebant: ut est apud Varronem libro secundo De re rustica. Erant illæ igitur planè oues minæ: neque enim pilosi sunt nummi.

Quod autem sequitur:

Fuit edepol Mars meo perivatus patri.

Nam oues illius hand longè absunt à lupis.

Inde dictum est, quòd lupas Marti sacras putabant. Vnde & huius urbis conditores, quòd à Marte geniti essent, aluisse dicitur lupa. lupas etiam vocabant meretrices, à quibus non longè abesse dicit eas oues quas ipse tunc in crumena ferebat. Parua sunt hæc, & facilia: dicet aliquis. fateor. neque ego ea pro magnis

aut

aut reconditis vendito. Sed tamen quæ homines eruditissimi obscura sibi esse facti sunt, ea illustrasse me numquam pigebit.

De Mitylene Horatij loci duo illustrati:

CAP. XVI.

NON temere est, quòd Horatius Mitylenen inter vrbes pulcherrimas numerat: tum in Odis;

Laudabunt alij pulchram Rhodon aut Mitylenen:
tum in Epistolis:

*Incolumi Rhodos & Mitylene pulchra facit, quod
Panula solstitio, campestre nivalibus auris.*

Talem enim ferè fuisse proditum est, quales sunt quæ hodie non Italiæ modò, sed vniuerso orbi terrarum ornameto sunt Venetiæ. Nam & in Mitylenen influens mare multis eam euripis distinguebat, ac dissecabat: & pontes tota vrbe plurimi erant ex candido ac polito lapide facti, vt non vrbs, sed insula amœnissima videretur. Id ita exponit dulcissimus ac suauissimus scriptor Longus principio *παιμενικῶν* his verbis. Πόλις ὅτι Λέσβου Μιτυλήνη μεγάλη καὶ καλή. διείληπ' ὅς εὐρίποις, ὑπερρεῖσσι τῆς θαλάσσης, καὶ καλίσμην) μεύεσσι ξέσσοι καὶ λευκοῦ λίθου. νομίσας ὅτι πλὴν ὁρᾶν ἀλλὰ νῆσον. Eo autem libentiùs ex eo pauca hæc protuli, quòd & confirmant Horatij de nobilissima vrbe testimonium, & Longi liber lectu dignissimus nondum, quod sciam, publicum accepit.

Illustratus locus Horatij ex Odis.

CAP. XVII.

PERELEGANTI comparatione vsus est Flaccus ode duodecima libri primi, cùm ornare Cæsarem velleret.

*Micat, inquit, inter omnes
Iulium fidus, velut inter ignes
Luna minores.*

In eo autem imitatus est Pindarum: etsi quod hic noster de luna, id Græcus ille in Isthmijs de lucifero dixerat. λάμτει ἀσφύρος θαντὸς αἰς ἄστροις ἐν ἄλλοις. A Luna autem obscurari ceterarum stellarum splendorem, suavisissimis versibus dixerat etiam Sappho:

Ἀσέρες μὲν ἀπὸ γαλάν σελάναν
Ἀψ ἀποκρύπτουσι φαινὸν εἶδος,
Ὅππῃ τ' ἂν πλῖθοιτα μάλιστα λάμπη.

Sed & Quintus Smyrnæus in celebranda Penthesilea eandem comparisonem adhibuit:

Ὡς δ' ὅτ' αὖτ' ἕρπον ἐνυμνὸν ἄστροισι δῖα σελήνη
Εκτρέπει.

Puto autem huiusmodi locorum collatione, ac contentione inter se, & magis elucere veterum poëtarum præstantiam, & eiusdem gloriæ cupidus, quomodo in eis imitandis versari debeant, admoneri.

Emendatus & illustratus locus quidam Plutarchi.

CAP. XVIII.

ERUDITIONIS & prudentiæ plenissimus scriptor Plutarchus, in commentariolo quo docuit principum virorum amicitiam ac consuetudinem eruditis hominibus non esse fugiendam, sed expetendam potius, & adhibito studio quærendam: quod multo plus prosint humano generi, si præceptis, disputationibus, exemplo suo vnum aliquem ex ijs qui principem in ciuitate sua locum obtinent, quàm si cerdonem quempiam aut baiulum, meliorem ac sapientiores effecerint. eo igitur in libro ita scribit: πλεῖστον
ἢ καὶ δόξαν ἡγεμονικῶς καὶ δυνάμει ἐν φιλίαις ἢ δώκῃ· ἐ μὲν ἢ δὲ
Q φάσκει

φούρι ταῦτα προσόντα μετρίῳ ἦθρι. Quæ verba homo eru-
 ditissimus, quique labore & industria sua nunquam
 desinit adiuuare honestarum artium studia, ita in-
 terpretatus est: *Diuitias autem & principe dignam glo-*
riam ac potentiam in amicitijs neque sectabitur, neque,
si modice affluant, auersabitur. Sed si Plutarchi verba
 paullo attentius considerasset, vidisset omnino, ver-
 ba illa, *προσόντα μετρίῳ ἦθρι*, nullo modo ita reddenda
 esse, *si modice affluant*. Hoc enim ait Plutarchus: ho-
 minē verè philosophum in parandis ac conciliandis
 amicis, non illum quidē diuitias spectare aut gloriā,
 ac potentiam, vt vulgus solet: sed tamen si inciderit
 in aliquem diuitem ac potentem qui idem apto ad
 virtutem ingenio, & modestis, ac compositis mori-
 bus sit, non absterreri, neque ipsius consuetudinem
 propterea refugere, quòd diuitijs ac potentia præster.
 Idque statim declarat eleganti similitudine. Philo-
 sophi, inquit, in amandis adolescentibus non for-
 mam sequuntur, sed mores, & ingenium, & studium
 erga liberales disciplinas: neque tamen formosos re-
 formidant, neque abstinent ab eorum consuetudine,
 si eosdem modestos ac bene moratos & discendi cu-
 pidos esse videant. Deinde addit: ὅπως ἔν αἰξίας ἡγεμονι-
 κῆς καὶ δυνάμεως ἀνδρὶ μετρίῳ καὶ ἀσείῳ προσούσης, οὐκ ἀφείξει
 τὸ φιλεῖν καὶ ἀγαπᾶν, ὅδ' ἐ φοβηθήσεται αὐλικὸς ἀλλ' αἰ καὶ δε-
 εσπυπικὸς. Interpres autem hoc modo: *Ita dignitate*
& potentia principe digna præditus homo ciuilis ac mo-
deratus non abstinebit amando & diligendo, nec verebi-
tur aulicus appellari, & qui principem colat. In quo
 certè à Plutarchi sententia aberrauit: qui hoc ait, Si
 quis sit vir bonus & eleganti ingenio præditus, cui
 præterea adsit hoc quoque vt dignitate ac potentia
 excellat, non idcirco abstenturum esse sapientem ab
 eo aman-

eo amando, ac colendo, neque veriturum, ne propterea aulicus, aut adfentator vocetur. Sequitur apud Plutarchum: οἱ γὰρ κύριον φεύγοντες ἀνθρώπων ἄγαν νοσῶσιν. ὁμοίως τοῖς ἀγαθὰ ἠρημένοις. καὶ οἱ πρὸς ἐνδοξον ἕως καὶ ἡγεμονικῶ φρίαν ἔχοντες. Quæ ille ita reddidit:

*Nam qui Venerem fugiunt nimis mortalium
Ægrotant.*

Et qui bona sectantur. itidem errant gloriam & gratiam apud principes fugiendo. quam sententiam nullo modo ex Plutarchi verbis effici posse, omnes, ut opinor, vident. Sed hoc facilius excusare debemus hominem insigniter & eruditum & industrium, quod Græca manifestò deprauata sunt. quæ mihi quidem videntur ita emendari posse:

Οἱ γὰρ κύριον φεύγοντες ἀνθρώπων ἄγαν

Νοσῶσ' ὁμοίως τοῖς ἄγαν διηωμένοις. id est:

Namque Venerem quicumque refugiunt nimis,

Pereque ægrotant, atque qui appetunt nimis.

itidemq; qui erga principum ac potētum amicitiam aut hoc aut illo modo affectu sunt. & puto hanc veriore esse scripturam horum Euripidis versuum, quàm quæ est apud Stobæum:

Οἱ γὰρ κύριον φεύγοντες ἀνθρώπων ἄγαν

Νοσῶσ' ὁμοίως τοῖς διώκεσιν ἄγαν.

Atque hæc eo notavi, eiusdemque generis alia posthac fortassis notabo, ut prosum studiosis: non ut quidquam detraham de gloria & existimatione eruditiorum hominum, quos in magnis & arduis operibus interdum dormitantes qui non ferat, aut qui eos propterea minoris faciendos putet; is mihi ab omni humanitate alienissimus esse videatur.

Tres antiquæ voces Ciceroni restituta.

CAP. XIX.

VETERA quædam vocabula sunt apud Cicero-
nem, corrupta ab iis qui quicquid minus vsitatum
est, pro suo iure expungere, & quicquid collibuit,
substituere audent, etiam inuitis, nam hoc nonnum-
quam profitentur, & reclamantibus omnibus libris.
quorum nisi regatur & coërceatur audacia, paucis
annis in Ciceroe minima pars Ciceronis futura est.
Quosdam hîc proponam locos, ex quibus hoc quod
dico intelligi possit. Ita igitur scriptum est libro quin-
to De finibus: *Stoici restant. hi quidem non vnam ali-*
quam aut alteram à nobis, sed totam ad se nostram phi-
losophiam transfulerunt. atque ut reliqui fures earum
rerum quas ceperunt signa commutant, sic illi ut senten-
tis nostris pro suis uterentur, nomina, tamquam rerum
notas, mutauerunt. Sed in libris veteribus, *clepserunt,*
legitur, non, *ceperunt.* quod sine dubio rectum est.
Cicero ipse alibi: *Sparta, rapere ubi pueri & clepere*
discunt. Eodem modo peccatum est libro primo De
diuinatione, in versibus veteris poëtæ de Cassandra:

Sed quid oculis rapere visa est derepente ardentibus?
Non enim *rapere*, sed *rabere* legendum est. Et libro
secundo Tusculanarum: *Ingemiscere nonnumquam*
viro concessum est, idq; raro. Et ulatus ne mulieri qui-
dem. Et hic nimirum est *fletus*, quem duodecim *tabula*
in funeribus adhiberi vetuerunt. Neque enim *fletus* in
vetustis libris, sed *lessus* legitur. Quod autem qui-
dam homo eruditus, pro *vetuerunt*, *voluerunt*, legi
vult, id tale est, ut ne ipsi quidem, si diligentius con-
siderarit, probatum iri putem.

De qui-

De quibusdam locis Laërtij.

CAP. XX.

MULTA sunt adhuc apud Laërtium corrupta: etsi præclaram in eo emendando nauauit operam, homo & industria & eruditione præstans, qui libros ipsius cum vetustis exemplaribus collatos haud ita pridem edidit. Nos verò eum & amare ac laudare debemus ob ea quæ præstitit, & si quid ipsius diligentiam fugit, id ingenuè cum studiosis communicare. In vita igitur Socratis (hinc enim exordiemur) ita scriptum est: Εὐθύφρων αὖ τῷ πατρὶ γενομένον ξενίας δίκην, πρὶ ὅσις πνὰ διαλεχθεὶς ἀπῆλθε. Sed qui Platonem vel primoribus, vt dicitur, labris attigerunt, satis sciunt, non fuisse illam ξενίας δίκην, quam Euthyphro intendebat patri: accusabat enim eum, quòd mercenarium quendam enecasset: vt dubium non sit, quin pro ξενίας legendum sit, ξενοκτονίας. Paulo pòst autem, vbi Euclidem à Socrate reprehensum narrat, quòd in contentiosis Syllogismis nimium studium poneret, ita legitur: ἀχρηστον γὰρ ὥστε τῇ πλὴν πρὸς ταῦτα αἰσχρολογίαν: cùm omninò legendum sit, μικρολογίαν: etsi aliter Victorius. Et quoniam, quàm hæc, quæ tradimus, inter se cohæreant, non valde laboramus, addemus alium locum ex Heraclidis vita, vbi vnus litteræ deprauatio festiuam & elegantem historiam corrumpit. est autem hæc: Dionysius *Metathemenus*, qui, vt est apud Ciceronem, propter dolorem oculorum à Stoicis desciiuit, & in Epicuri castra se contulit: is igitur Dionysius cùm tragædiam quandam scripsisset, cui Parthenopæo nomen fecerat, Sophoclis illi nomen inscripsit. Hac e mentita inscriptione delusus Heraclides in commentarijs quibusdam suis versus ex

ea fabula pro Sophocleis citauerat. Tum ei Dionysius rem, vt erat, aperit, seque eius fabulae auctorem esse profitetur. Quod cum etiam tum Heraclides negaret, ei que fidem habere nollit, scripsit ad eum Dionysius, vt quendam ex ipsa tragœdia locum inspiceret. in quo ex primis versuum litteris conficiebatur ac contexebatur nomen ΠΑΓΚΑΛΟΣ. Erat autem id nomen formosi pueri, quē Dionysius amabat; cuiusq. nomē amoris causa, occultē & artificiosē poemati suo intexere voluerat. Sic olim Ennius versus quosdam, vt à Cicerone proditum est, scripserat, quorū ex primis litteris efficiebatur, Q. Ennius fecit. In Græcis autem Laërtij libris ab eo quē supra significauī editis, nisi quod παγκάλως pro πάγκαλος scriptum est, cetera omnia ἔχει παγκάλως. Qui pusillus error tantas tenebras obiecit interpreti, vt huius historiolaē in eius interpretatione nullū propē vestigium appareat. Ac putassem in Græcis erratum esse operarum vitio, nisi homo eruditus in ijs notis quas ad finem libri adiecit, ostendisset, se verā illius scripturae sententiam non esse affecutum. Certē in optimo & vetustissimo libro Alexandri Farnesij Cardinalis multis nominibus Maximi apertē legitur ΠΑΓΚΑΛΟΣ: ne quis de scripturae illius integritate dubitandum putet. Rectē etiam idem ille liber in vita Cratetis, vbi ponitur iocosum quoddam eius Philosophi diarium, quo ostendebat à diuitibus magnos sumptus fieri in coquos, in adultores, in scorta, cum in bonos & eruditos viros parci ac restricti sint, rectē inquam in eolibro scriptum est τάλαντα πέντε, non, vt editum est, τάλαντα δέκα. Sunt enim tres versus iambici, qui propter vocis illius deprauationem rō agnoscuntur.

Τὶ δὲ μαγίς μιν δέκ', ἱερῶ δραχμῶν.

Κόλασις

Κόλακι τάλαρτα πέντε, συμβέλει χαπνόν.

Πόρνη τάλαρτον, φιλοσόφω πτώβωλον.

Sed & quod in vita Pythagoræ legitur, fuisse medicum quendam Pythagoram, qui scripserit de Hernia, id non quidem omnino verè, sed tamen propius vero scriptum est eodem in libro. Περὶ κίλης enim habet, non περὶ κίλης. legendum autem περὶ σκίλης. Id ita esse constat ex Plinio; cuius hæc sunt ex capite quinto libri ix. ubi de generibus scillæ, quod bulbi genus est, loquitur: *Vnum de iis volumen condidit Pythagoras Philosophus, colligens medicas vires, quas proximo reddemus libro.*

Q 4

M. AN-

M. ANTONII MVRETI

I. C. AC CIVIS R.

VARIARVM LECTIONVM

LIBER DECIMVS.

*Quàm vetus sit consuetudo, in honore alicui habendo,
manum suam ad os admouendi.*

CAP. I.



VO D hodieque in consuetudine positum est, vt in salutandis potentibus, aut in honore eis habendo nostram ipsi manu in ori admouere soleamus, id quæsitum est ex me, num à veteribus quoque factitarum esset, an, vt alia pleraque, ita hoc quoque ineptè adulandi genus seruilia recentiorum aulicorū ingenia excogitassent. Respondi, eum morem vsque ab impia illa, & ridicula veterum, qui multos deos colebant, superstitione ductum ac propagatum videri. Solebant enim & illi, cū aut fanum aliquod præterirent, aut lignum, lapidēve aliquem aspicerent, in q̄to diuinitatis aliquid esse opinarentur: neque enim vilior illis temporibus vllius rei, quàm deorum, annona erat: manum ad os referre, & tenui murmure illos ligneos aut lapideos deos, vt sibi fauerent, precari. Ouidius:

Ece lacu medio sacrorum nigra fauilla

Ara vetus stabat tremulis circumdata cannis.

Restitit, & pauido, Faucas mihi, murmure dixit

Dux meus: & simili, Faucas mihi, murmure dixi.

Appuleius apologia prima: *Nam, vt audio, percenscē-
tibus*

*tibus iis qui istum nonere, nulli deo ad hoc ani supplica-
uit; nullum templum frequentavit: si sanum aliquod
prætereat, nefas habet adorandi gratia manum labris
admonere. Minutius Felix in Octavio: Cacilius simu-
lacro Serapidis denotato, ut vulgus superstitiosus solet,
manum ori admonens, osculum labiis prefficit. Quo igitur
gestu illi diis suis honorem exhibebant, eodem nos
hodie in potentibus ac fortunatis hominibus colen-
dis utimur.*

*Unde sumpsisse videatur Ovidius, quòd in oraculo
terram, matrem, lapides autem ossa illius vo-
canit.*

CAP. II.

SAPIENTER interpretatur Ovidianus Deuca-
lio sortem sibi à Themide datam, quærenti qua arte
genus humanum aquis extinctum reparare posset:
qui iussus ossa magnæ matris post tergum iacere, ma-
tris nomine terram intellexit, cuius in corpore ossa
lapides vocarentur. Atque equidem existimo inge-
niosissimum poetam in illo responso confingendo,
quòd terram quidem matrem vocavit, sumpsisse ex
historia Romana, ubi, cùm regiis adolescentibus re-
sponsum esset, eum regnaturum Romæ, qui primus
matri osculum tulisset, Brutus is, qui reges exegit, è
navi exiens, simulato casu, terram osculatus esse di-
citur: quòd autem *lapides, terra ossa*, secutum esse au-
ctoritatem veteris tragici, qui & ipse illos eodem no-
mine affecerat. Citantur enim hæc à vetere Gram-
matico:

Γῆς ὀστοῖον ἐγχευομένης πόδα.

de eo qui ad lapidem offendisset. Sic autem, & *san-
guinem terra* Aristoteles in quadam ad Alexandrum
epistola *vinum* vocasse dicitur. & vulgò *venas in terra*

Q 5 dicimus

dicimus aut quibus aqua conclusa latet, aut è quibus metalla cruuntur.

Uersum quendam ex Odyssæa multo aliter à nonnullis accipi, quàm ut ab Horatio acceptus est.

CAP. III.

NON est dubium, quin Horatius in epistola ad Lollium, illo versu,

Dum sibi, dum sociis redditum parat,
exprimere voluerit illum Homericum:

Ἀρνύμενθ' ἑωτέ ψυχὴν καὶ νόσον ἑταίρων.

sed Homericum tamen, non eodem quo Horatius sensu omnes accipiunt. Didymus enim, cuius extant in Odyssæan eruditissimæ notæ, aliam etiam quandam eius declarationem tradit, an veriore nescio, ipsi certè Vlixi honestiorem ac gloriosorem. Illum videlicet eo animo fuisse, ut & vitam impendere, & omnem redditus spem sibi præcludere non recusaret, dum modò salutis sociorum consuleret. Verbū enim ἄρνυθς, ut apud Eustathium legitur, ab agnis ductum est, quos Græci ἄρναι vocant: ut & ὠνείδης ἐπὶ τῆς ὄνων, & πωλεῖν ἐπὶ τῆς πώλων: quòd prisci nòdum repertò nummorum usu, agnis, afinis, equuleis, aliisque eiusdem generis animalibus parare ea, quibus indigebant, solebant. Hoc igitur Homerum dicere ait, paratum fuisse Vlixem, si res ita tulisset, ἄρνυθς, id est, quasi pro pretio dare καὶ τὴν ἑαυτοῦ ψυχὴν, καὶ τὸν ἑαυτοῦ νόσον, ἀντὶ τῶν ἑταίρων. Neque coniunctè legendum, καὶ νόσον ἑταίρων: sed distinguendum hoc modo, καὶ νόσον, ἑταίρων. Lucianus tamen prorsus Horatianæ sententiæ adstipulatur, qui in φιλοφροσύνῃ Vlixem multa in errore illo suo mentiri solitum dixit, τὴν αὐτοῦ ψυχὴν ἀρνύμενον, καὶ τὸν νόσον τῶν ἑταίρων. Hanc sententiarum varietatem, quam

quam Horatiani interpretes vel non animaduertē-
rant, vel prætermiserant, non indignam duxi, cuius
rudiores admonerentur.

*De duobus locis ex primo libro Commentariorum
Cæsaris De bello Gallico.*

CAP. IIII.

LEGEBAMVS animi causa primum librū com-
mentariorum Cæsaris De bello Gallico ego, & Ho-
ratiū Macaranus elegantissimo ingenio, & hone-
stissimis moribus præditus adolescens: & ut ei quid-
que occurrerat, in quo hæretet, ita aut ex me sci-
scitabatur sententiam meam, aut etiam suam ipse
modestè ac verecundè proferebat. Cùm igitur ven-
tum esset ad eum locum, vbi Ariouistus Cæsaris le-
gatis respondet, *Æduis se obsides redditurum non esse,*
neque iis, neq; eorum sociis iniuria bellum illaturum, si in
eo manerent quod conuenisset, stipendiumq; quotannis
penderent: si id non fecissent, longè iis fraternum nomen
populi R. a futurum: iis recitatis, paululum substitit
Horatiū: & , Quando, inquit, mihi licere voluisti,
omnia dicere quæ in mentem venirent, non dissimu-
labo vereri me, ne hoc loco, vbi est *a futurum*, vna
littera extrita, legi debeat *futurum*. Recens enim
sum à lectione vltimi Æneidos, vbi commemorari ita
Turnum loqui,

Longè illi dea mater erit, quæ nube fugacem

Femineat tegat, & vanis sese occulat umbris.

Ut ergo illic Turnus minatur, longè Æneæ futuram
matrem: ita hic Ariouistus, longè Æduis fraternum
nomen populi R. fore. Tum ego, Acutè, inquam,
istuc à te Horati, & ingeniosè cogitatum est: &, quo
tibi magis etiam de ista tua coniectura placeas, seruo,
candelu

eandem adprimè eruditi hominis Gabriëlis Faërne fuisse, cum vno illo quo tu quoque vsus es Virgilij testimonio niteretur: Certeque eodem modo locutus est optimus, & ipse Latinitatis auctor Ouidius octauo Metamorphoseôn:

*Pone, age, nec titulos intercipe femina nostros,
Thestiada clamant: nec te fiducia forma
Decipiat: ne sit longè tibi captus amore
Auctor.*

Sed tamen cùm eadem veterum librorum scriptura sit, quæ vulgata, nihil est causæ, cur quidquam mutandum putemus. Nam hoc quoque alterum loquendi genus veteribus non inusitatum fuisse, ex eodem illo quem modò citaui, Ouidio cognoscitur; apud quem ita legimus libro quarto:

*Huic quoque, vade procul, ne longè gloria rerum,
Quas mentiris, ait, longè tibi Iuppiter absit.*

Paulo autem infra eum; quem dixi, Cæsaris locum locus alius est in omnibus, quos ego quidem viderim, libris deprauatus; quem qui nuper emendare voluerunt, magis etiam corruperunt. Nam cùm dixisset Cæsar, è Gallorum sermonibus de Germanorum virtute, tātum extitisse in exercitu Romano metum, vt non mediocriter omnium mentes, animosque perturbaret: *Hic*, inquit, *primum mortuus est à tribunis militum ac præfectis, reliquisque, qui ex vrbe, amicitie causa, Casarem secuti magnum periculum miserabantur; quòd non magnum in re militari usum habebant.* Ita enim habent veteres tum calamo notati, tum typis descripti libri. At in iis qui postea editi sunt, addita est negatio, hoc modo: *Non magnum periculum miserabantur.* Sed qui attentè totum locum considerauerit, facile intelliget legendum esse, *Magnum periculum esse rebantur.* *Expen-*

Expensus locus ex Asinaria Plauti, in quo Poëta ipse quiddam non satis ex arte fecisse videri potest.

CAP. V.

CUM animi causa Plauti Asinariam euoluerem, quiddam repperi, quod mihi scrupulum obiecit: neque audenti accusare ἀπεχίας Plauti, neque tamen ad eum defendendum, ac vindicandum ab illo crimine quidquam satis probabile reperienti. Nam in prima fabula senex cum seruulo colloquens, scire se ostendit, filio opus esse viginti minis. Ita enim loquitur:

Nunc verba in pauca conferam, quid te velim.

Viginti iam vsus est filio argenti minis.

Face id vt paratum iam sit.

Multo autem post, Argyrippa lena super illis viginti minis cum adolescente paciscitur: cumque adolescens dixisset,

Mane, mane, audi. dic quid me equum censes pro illa tibi dare

Annum hunc ne cum quiquam alio sit:

subiicit impura mulier: *T'è ne? viginti minas.*

Atque ea lege: si alius ad me prius attulerit, tu vale.

Antè igitur rescuerat senex, quantum argenti filio opus esset, quàm id filius ipse ex lena cognoscere potuisset. Ac scio, visum esse nonnullis etiam Terentium in Adelphis similiter ipsum quoque peccasse. Sed Terentij quidem causam veteres critici facillè expediunt, eumque omnibus suffragijs liberant. Plantinum hoc, vereor, vt æque facillè defendi queat.

Locus quidam Iuuenalis aduersus aliorum omnium sententiam declaratus.

CAP. VI.

MIRVM est, quanto opere vexatus sit ab hominibus

bus eruditus versus ille Iuuenalis è Satyra vndecima:

Qui Lacedæmonium pedumate lubricat orbem:

ut vix ullus iam superesse videatur nouæ aut emendationi, aut interpretationi locus. Primum enim Domitius, & alij eum secuti *pytismate* legerunt, non *pedumate*: cumque Lacedæmonium orbem interpretarentur annulum, putarunt hoc versu significari diuitem delicatum, qui annulum, quem in digito gestaret, identidem extraheret, sputoque illineret, ut habilius & commodius versari posset. At Merula, saltationis genus esse pytisma quo Lacedæmonij vterentur: idque homo ingenuus falsus est se nusquam legisse: sed ita sibi in mentem venisse, ut ea quæ somniamus. Tertius accessit Georgius Valla, qui cum putaret, vix satis sibi decorum fore, si ad has epulas asymbolus veniret, orbem Lacedæmonium trochum esse dixit è pinu factum, quæ Græcè *pitys* diceretur. Adhuc hæc erant, cum ecce tibi homo acutissimus, & eruditissimus Politianus, qui, explosis omnium superiorum sententijs, *pitylismate* legendum censuit: id enim ex Galeno esse exercitationis genus, quo in Laconicis, id est, in sudatorijs, vterentur, peruncto prius corpore: atque eò lubricandi verbum pertinere. Et fortassis obtinuisset hæc sententia propter summam Politiani in litteris auctoritatem, nisi animaduertissent homines, eam cum ijs de quibus eo loco Iuuenalis ageret, nullo modo coherere. Alciatus quidem cum se in idem illud à Politiano extractum sudatorium coniecisset, ut tamen adferret aliquid noui, *pyreysmate* legendum censuit, nouo, & ante ipsum inaudito vocabulo. Exiit deinde Flavius quidam, cuius scripta nondum in manus meas venerunt, qui ratus sit legendum, *pop-*
pyssmate:

pyſmate: & orbis Lacedæmonij nomine intellexerit
 τὸν σφιγκτηρίαν, verſum hunc ad nefariam libidinem re-
 ferendum putans: quod mihi quidē abſurdiſſimum,
 & à poëtæ ſententia alieniſſimum videtur. Secutus
 eſt homo multæ ac variæ lectionis Iohannes Bro-
 dæus, qui *pedemate* legendum pronuntiauerit. Huius
 ego Miſcellanea, in quibus hoc tradidiſſe fertur,
 quamquam magno ſtudio quaſita, numquam uſq̃
 adhuc reperire potui: ſed facilè tamen ex ipſo pede-
 matis nomine video eum aliquod ſaltationis genus
 intellexiſſe: & mihi veriſimile fit eodem modo legiſ-
 ſe etiam Merulam. Poſtremò Turnebus *pytiſma* ſpu-
 rum; *orbem* trochum videri voluit. Quis poſt tot, ac
 tales viros quidquam ſibi præterea quaerendum pu-
 tet? & aut idoneum ſe inter eos arbitrum profiteri,
 aut, quod eorum nemo intellexerit, id ſe veriùs ex-
 plicaturum polliceri audeat? Quando tamen in hoc
 litterarum genere, minimo periculo peccatur; non
 deterrebor ego quoque, quid ſentiam, dicere. Puto
 igitur quod in vetuſtis libris legitur *pedemate*, leui-
 ter deprauatū eſſe; ac legendum *pettemate*, à verbo
 πεττεύω: ſignificariq̃. eo verſu diuitem alex ſtudio de-
 ditum. Quod cōfirmant & ea quæ ſtatim ſequuntur:

Namque ibi fortune veniam damus. alea turpis,

Turpe & adulterium mediocribus. hac eadem illi

Omnia cū faciunt, hilares, nitidq̃, vocantur.

Orbem autem Lacedæmonium vocat menſam ex
 marmore Laconico, vt & Martialis Libycum orbem,
 menſam ex marmore Africano.

Tu Libycos Indus ſuſpendis dentibus orbis:

Fulcitur teſta ſagina menſi mihi.

Et Seneca ad Albinam: *Magni, leuatique menſarum*
orbis. lubricantur autem, id eſt, leuantur, ac poliun-
 tur

tur adſidua attrectatione marmora ſuper quibus adſidue alea luditur. Vix vllum reperiri poſſe verſum in omnibus antiquorum poëmatibus puto, quem tam multi tam variè interpretati ſint.

Non modò, *pro*, non modò non, *ſape apud veteres legi, idq; loquendi genus à Græcis ductum eſſe.*

CAP. VII.

NOTAVERAT iam pridem Paulus Manutius, *non modò, pro non modò non*, ſæpiſſimè apud veteres legi: idque & ego poſtea libro primo commentariorum in Catilinarias confirmaveram, & alij homines eruditiffimi ſuo calculo comprobarant. Sed inciderunt nuper in manus meas, cùm in taberna quadam libraria otioſus ſederem, ibique cum amicis aliquot eruditis hominibus colloquerer, notæ cuiuſdam ſanè docti ac diligentis viri in ſcripta Ciceronis, in quibus, quodam loco vehementer noſtrum omnium in eo iudicium improbat, & illis omnibus locis, quibus nos ad id confirmandum utebamur, negationem addendam eſſe contendit. Ego autem, ſi quis aduerſus veterum conſuetudinem multorum librorum conſenſu teſtaram, opinione quadam, ac iudicio ſuo, aut etiam rationibus quæ ſpeciem aliquam probabilitatis habeant, niti velit, non ſanè propterea cum eo altercabor, neque pugnabo. Sed tamen non protinus de ſententia demouebor. Scio enim in omnibus linguis multa dici, quorum ratio non conſtet: ſed in vſu loquendi, ipſam bene loquentium conſuetudinem pro ratione habendam puto. Congeram igitur huc aliquot Ciceronis, & aliorum primæ classiſ ſcriptorum loca, quæ ipſe in optimæ notæ libris, ita prorſus, vt ſubijciam, ſcripta legi: vt eis inſpectis, hac de re

de re ab hominibus eruditissimè iudicetur. Cicero in epistola ad Lentulum: *Non modò premijs, quæ apud me minimum valent, sed ne periculis quidem compulsus ullis*. Idem ad Pætum: *Hoc tamen scito, non modò me, qui consilijs non intersum, sed ne principem quidè ipsum scire, quid futurum sit*. Idem lib. decimo ad Atticum: *Regnum non modò Romano homini, sed ne Persæ quidem cuiquàm tolerabile*. & eodem lib. *Mihi non modò tra-
sci, gravissima iniuria accepta, sed ne dolere quidem im-
pune licet*. Atque hi omnes loci ita leguntur etiam in libris proximè à Victorio editis, quos ex optimis omnium exemplaribus cum fide descriptos esse constat. Idem libro tertio in Verrem: *Voluerunt eos in suis rebus ipsos interesse: eorum animos non modò lege nova, sed ne nomine quidem legis novo commoveri*. Idem libro primo in Catilinam: *Nihil agis, nihil moliris, nihil cogitas, quod ego non modò audiam, sed etiam videam, planeq; sentiam*. Idem pro Sex. Roscio Amerino: *Qui tantum facinus commiserunt, non modò sine cura quiescere, sed ne spirare quidem sine metu possunt*. Idem pro Cælio: *Hæc genera virtutum non solum in moribus nostris, sed vix iam in libris reperiuntur*. Sed & in eadem oratione in libris veteribus ita legitur: *Huic ob-
erit tuam maledictum, qui istius facti non modò suspicio-
ne, sed ne infamia quidem est aspersus?* Et libro primo De oratore: *Neque solum inscientiam meam, sed ne re-
rum quidem magnitudinem perspicit*. Et libro secundo De officijs: *Quod eò firmiore animo facient, quia non modò illi invidetur atati, verum etiam fauetur*. Et libro tertio: *Et enim si is, qui non defendit iniuriam, neque propulsat à suis cum potest, iniuste facit, ut in primo li-
bro disserui, qualis habendus est is, qui non modò repel-
lit, sed etiam adiuvat iniuriam?* Varro libro primo

De rusticis: Bono animo este, inquit Agrius: *nam non modo illud sublatum est, quod ludis Circensibus nominissimi curriculi finem facit quadrigis: sed ne illud quidem vidimus, quod in Ceriali pompa solet esse, primum.* Linius libro x x v. *Postremo ita assuetudine mali effecerant animos ut non modo lacrimis, iustoque comploratu prosequerentur mortuos, sed ne efferrent quidem, aut sepelirent.* Hæc, inquam, omnia, aliaque eiusdem generis plurima ita in antiquissimis libris scripta sunt, quorum tantum consensum pro nihilo putare, hominis esse ingenio suo præfidentis puto. Præsertim cum Græci quoque ita loquantur, apud quos, *ἐχ' ὅπ, καὶ ὅπ, ἐχ' ὅπως*, interdum valent, *non solum: interdum, non solum non:* quod & docuit, & multis præstantissimorum scriptorum testimonijs confirmavit decus, atque ornamentum Gallici nominis Gulielmus Budæus in commentarijs linguæ Græcæ.

De loco quodam ex secundo De Officijs.

CAP. VIII.

DVBITANT eruditi homines, quomodo accipiendum sit, quod ait Cicero libro secundo De Officijs: *multa secula expectanda fuisse C. Pontio Samniti si à fortuna reservatus esset ad id tempus quo Romani dona accipere cœperunt.* Bellauit enim cum Romanis Pontius anno ab vrbe condita c c c c x x x i i. lex autem Calpurnia de pecunijs repetundis lata est anno i c c i i i i. ut si *seculum* sit centum annorum, quomodo accipiendum, & Grammatici veteres docent, & ludorum sæcularium appellatio confirmat, non tota duo secula ei expectanda fuerint. Sed certè *seculum* interdum est *γῆρας*: ut ostendit & Nævius, qui Nestorem, ut est apud Gellium, trisæclisenem vocavit, ex

uit, ex illis videlicet Homeri versibus:

Τῷ δ' ἦδη δ'ύο μὲν γενεαὶ μερόπων ἀνθρώπων

Ἐρθιάδ', οἳ εἰ πρόδ'εν ἅμα τρέφεν ἦδ' ἐγένοντο

Ἐν πύλῳ ἠγαθέῃ, ματὰ δ' ἑτρίτάοισιν ἄνωγεν.

γενεὰ autem triginta annorum est. Itaque illi Homericis versus ostendunt tantum, Nestorem, cum illa loqueretur, sexagenario maiorem fuisse: quamvis illic quoque γενεὰ pro centum annis accepisse etiam veteres Latini poetæ videntur.

Illustratus locus ex Oratione pro Flacco.

CAP. IX.

MIRIFICE abijcit, & extenuat Ciceſo in oratione pro Flacco vim, & auctoritatem plebiſcitorum ſive psephiſmatum, quæ fiebant in Græcia, quod in eis neque per capita, neque per tribus, neque per centurias exquirebantur ſententiæ; ſed per præconem edicebatur, vt qui ita ſentirent, manus tollerent: atque ita clamore multitudinis, & ſublatione manuum, de rebus grauiſſimis, temere, & inconſultè decernebatur. Sic ſunt, ait ſummus orator, expreſſa iſta præclata, quæ recitantur, psephiſmata, non ſentientiſ, neq. auctoritatibus declarata, non iureiurando conſtricta; ſed porrigenda manu, profundendoque clamore multitudinis concitata. Et paulo poſt: Porrexerunt manus: psephiſma natum eſt. Atque eò reſpicientes apud Ariſtophanem αἱ ἐκκλησιάζουσι, aiunt, videndum ſibi eſſe, quomodo manus tollere debeant; ad confirmandum videlicet id quod Praxagora propoſuerit:

Ἐκεῖνο δ' ἐπερροντίεμεν, ὅτ' αὖ τρέπω

τὰς χεῖρας αἶρεν μνημονόσοις τότε,

ἐνθιπμέναι γάρ ἐσμεν αἶρεν τὰ σκέλη.

R 2

Et ſi

Et si Victorius libro duodecimo Variarum lectionum aliò id referendum putauit. Huius autem consuetudinis & apud Æschylum in Supplicibus mentio est:

Πανδημία γὰρ χερσὶ δεξιωνύμοις

Ἐξεῖχεν αἰὲρ τὸν δεκνονόντων λόγον. & paulo post,

Τοιαυτ' ἀκύνων, χερσὶν ἀργεῖα λαὸς

Ἐκείνων.

Vbi etiam scholiastes formulam verborum ponit, quæ in eiusmodi rebus præconi usitata erat, ἀράτω τὰς χεῖρας ὅτε ταῦτα δοκῇ. Meminit & alicubi Scholiastes Nicandri.

Emendatus Planti locus in Epidico.

C. A. P. X.

STULTA quædam consuetudo est ignauorum, & nullius pretij hominum, ut cum quid ignauè, indecoreque fecerunt, si ostendere possint magno alicui, ac præclaro viro idem quoquo modo contigisse, satis id sibi esse aut ad defensionem, atque excusationem, aut etiam ad gloriam, & commendationem arbitrentur. Sic iocans alicubi Martialis, quendam qui malos versus faciebat, etiam laudandum esse dicit, quòd ea in re Ciceronis similis sit. sic inepti olim quidam cum illud impedimentum linguæ quo Demosthenem laborasse legerant, imitarentur, germani sibi Demosthenes videbantur. Sic Platonis paulo elatiores humeros, Aristotelis vnā πρὸς ὑλότητα, qui studiosè effingerent, multi erant. Et apud Terentium Thraso cum edes meretricis oppugnaturus, loco sibi cauisset, *Idem*, inquit, *hocce Pyrrhus fecit*. quasi eadem ratio Pyrrhi fuisset, quæ tum erat illius. & in eadem fabula cum de deditioe cogitaret, iamq. se impuræ mulierculæ in seruitutem mancipaturus esset, *Qui minus,*

minus, inquit, *quàm Hercules seruauit Omphala*? Est autem horum consimilis iocus & apud Plautum in Epidico, vbi seruus è militia rediens, de heruli filio qui arma aut amiserat, aut vendiderat, loquens, ait, id ei gloriosum fore: nam idem olim etiam Achilli contigisse. Notum est autem, vt, interfecto Patroclo, ad Troianos Achillis arma peruenerint. sed Plauti locus in omnibus vulgatis libris deprauatus est. ita enim legitur:

Sed quid ais? T H. *quid rogas?* E P. *vbi arma sunt Stratippocli?*

T H. *Pol illa ad hostes transfugerunt* E P. *arma ne?*

T H. *Et quidem citò.*

E P. *Seròne dicis hæc tu?* T H. *serò, inquam, hostes habent.*

E P. *Adespò facinus improbum.* T H. *at iam antè alij fecerunt idem.*

Erit illi illa res honori.

sed pro *alii*, sine vlla dubitatione legendum est *Achili* vnico l, propter versum, vt sæpe apud Homerum: quod & ea quæ statim sequuntur, manifestò declarant. Quod autem statim subiungit, se putare arma Stratippoclis fabricatum esse Vulcanum, quoniã ad hostes trauiolauerint: eò pertinet, quòd τὰ ἱππαστότευκα plerumque animata erant: vt illi tripodes, de quibus apud Aristotelem primo Politicorum, quos ait Homerus αὐτομάτως θεῶν δυνάμει ἐγένοντο.

De libidine Eunuchorum verum esse quod à Terentio dictum est.

C A P. X I.

N O N vanum est quod de Eunuchis audisse se ancilla Terentiana dicit, eos amatores esse mulierum maximos. neque enim quibuscumque amputantur

testes, in eis libidinis ardor extinguitur: immo verò crescit, & intenditur in ijs qui exsecti sunt iam puberes: ita vt olim libidinosæ mulieres, quæ tamen parere nolebant, cupidè eis, vt in illa clinopale indomitis & indefessis ad libidinem suam explendam abuterentur. Idque hoc etiam tempore metuens immanis & barbara gens Turcarum, quibus Eunuchis vt ad mulierum suarum custodiam volunt, eis non testes modò, sed & caudam, vt ait Horatius, salacem ferro demetere plerunque solent. Multæ enim alioqui facerent idem, quod Gelliam quandam facere solitam ait Martialis. Verum autem esse, quod modò dicebam, & exempla declarant, vt Phauorini philosophi, qui eunuchus cùm esset, in adulterio deprehensus dicitur: & grauissimi, ac sanctissimi scriptoris Basilij confirmat auctoritas, qui hac de re ita scribit in ἀγκηπκοῖς. Τὸς γὰρ μὲν πρὸς ἀνδρωθιῶναι πρὸς ζυγισίας, τὰς παιδογόνῃς μορίᾳ, τὸς δὲ διδύμοις ἀποτεμνόμεναι, φασὶ δ' εὐμύτερόν τε ἢ ἄρχοντα πρὸς τὰς συγγραφὰς οἰστροφῆσαι, καὶ ἐκ οἰστροφῆς μόνον, ἀλλὰ καὶ, ὡς αὐτοῖς δοκεῖ, ἀκινδυνῶς φθίρειν τὰς προστυχέσας. Atque hoc ipsum planè Satyricè exsequitur Iuuenalis his versibus:

*Sunt quas eunuchi imbelles, ac mollia semper
Oscula delectent, & desperatio barba:
Et quod abortino non est opus: illa voluptas
Summa tamen, quod iam calida, & matura inuenta
Inguina traduntur medicis, iam peccat in nigro.
Ergo expectatos, ac iussos crescere primum
Testiculos, postquam cœperunt esse bilibres,
Tonsoris damno tantùm rapit Heliodoris.*

*Euripidis unus, Ciceronis ex epistolis ad Atticum duo
loci emendati.*

CAP. XII.

ΕΥΡΙΠΙΤΕ' sanè, vt solet, emendauit iam pridem
locum Euripidis ex Hippolyto coronato doctissimus
homo Victorius. In quo cùm vulgò legatur,

Πότερον ὡς ἄτης; ἢ θανεῖν πειρωμένη;

monet ille pro ἄτης legendum videri ἄσσης: quo nihil
verius dici potuisse censeo. Sed tamen scrupulus re-
sidere adhuc aliquis potest propter syllabæ modum,
qui obstare, atque impedire huic mutationi videtur.
Ἄτλω enim priore syllaba producta dicimus, ἄσλω cor-
rupta. Auctor huius rei Eustathius, qui exponens il-
lud Homericum,

Ἀσπάρμω, ἐδ' αὐτὸς ἀνάνομαι,

ita scribit: τὸ ὃ ἀσπάρμω, ῥῆμά ἐστιν ἐξ ἧ ἄτη γίνεσθαι, ἀνί-
κητένυσσι, ὡς ἀπὸ κράσεως, τὸ ἐν ἀρχῇ δίχρονον. εἰ καὶ ἡ ἄσσι,
ἄλλοτε ὡς τὴν ἄτην ἔσσι, ὡς καὶ οἱ ἀσκληπιάδαι δηλοῦσι, συ-
σέλλει τὴν ἀρχουσιν. καὶ δὲ καὶ Εὐριπίδης δηλοῖ ἐν τῷ,
ἔπαυσε καρδίαν ἄσσης. Neque tamen propterea non illa
recta ac vera est emendatio. tantùm immutandus est
duarum vocum ordo, vt ita legatur,

Πότερον ἄσσης ὡς, ἢ θανεῖν πειρωμένη;

Sed huius ipsius vocis ignoratio corrumpit etiam lo-
cum quendam ex epistola prima libri decimi ad Atti-
cum, vbi, cùm vulgati libri ita habeant: *Hæc est ἄλη
in qua nunc sumus, mortis instar*: mihi quidē dubium
non sit, quin legi debeat, *Hæc est ἄση*. significat autem
æstum quendam animi nihil quod satis probet repe-
tientis. Est etiam in eadem epistola locus superuaca-
nea vocum aliquot adiectione deprauatus, quem ita
hoc loco describam, vt ex veteris libri mei auctorita-
te legendus est: *Nihil video quod sperem, aut quod iam*

eandem adprimè eruditi hominis Gabriëlis Faërne fuisse, cum vno illo quo tu quoque vsus es Virgilij testimonio niteretur: Certeque eodem modo locutus est optimus, & ipse Latinitatis auctor Ovidius octauo Metamorphosêon:

*Pone, age, nec titulos intercipe femina nostros,
Thesiada clamant: nec te fiducia forma
Decipiat: ne sit longè tibi captus amore
Auctor.*

Sed tamen cùm eadem veterum librorum scriptura sit, quæ vulgata, nihil est causæ, cur quidquam mutandum putemus. Nam hoc quoque alterum loquendi genus veteribus non inusitatum fuisse, ex eodem illo quem modò citavi, Ouidio cognoscitur; apud quem ita legimus libro quarto:

*Huc quoque, vade procul, ne longè gloria rerum,
Quas mentiris, ait, longè tibi Iuppiter absit.*

Paulo autem infra eum; quem dixi, Cæsaris locum locus alius est in omnibus, quos ego quidem viderim, libris deprauatus; quem qui nuper emendare voluerunt, magis etiam corruperunt. Nam cùm dixisset Cæsar, è Gallorum sermonibus de Germanorum virtute, tatum extitisse in exercitu Romano metum, ut non mediocriter omnium mentes, animosque perturbaret: *Hic*, inquit, *primum mortus est à tribunis militum ac præfectis, reliquisque, qui ex urbe, amicitie causa, Cæsarem secuti magnum periculum miserabantur; quòd non magnum in re militari usum habebant.* Ita enim habent veteres tum calamo notati, tum typis descripti libri. At in iis qui postea editi sunt, addita est negatio, hoc modo: *Non magnum periculum miserabantur.* Sed qui attentè totum locum considerauerit, facile intelliget legendum esse, *Magnum periculum esse rebantur.*

Expen-

Expensus locus ex Asinaria Plauti, in quo Poëta ipse quiddam non satis ex arte fecisse videri potest.

CAP. V.

CUM animi causa Plauti Asinariam euoluerem, quiddam repperi, quod mihi scrupulum obiecit: neque audenti accusare ἀπὸ πλάτης Plauti, neque tamen ad eum defendendum, ac vindicandum ab illo crimine quidquam satis probabile reperienti. Nam in prima fabula senex cum seruulo colloquens, scire se ostendit, filio opus esse viginti minis. Ita enim loquitur:

Nunc verba in pauca conferam, quid te velim.

Viginti iam vult filio argenti minis.

Face id ut paratum iam sit.

Multo autem post, Argyrippa lena super illis viginti minis cum adolescente paciscitur: cumque adolescens dixisset,

Mane, mane, audi. dic quid me equum censes pro illa tibi dare

Annum hunc ne cum quiquam alio sit:

subiicit impura mulier: *T'è ne? viginti minas.*

Atque ea lege: si alius ad me prius attulerit, tu vale.

Antè igitur rescuerat senex, quantum argenti filio opus esset, quàm id filius ipse ex lena cognoscere potuisset. Ac scio, visum esse nonnullis etiam Terentium in Adelphis similiter ipsum quoque peccasse. Sed Terentij quidem causam veteres critici facillè expediunt, eumque omnibus suffragijs liberant. Plantinum hoc, vereor, ut æque facillè defendi queat.

Locus quidam Iuuenalis aduersus aliorum omnium sententiam declaratus.

CAP. VI.

MIRUM est, quanto opere vexatus sit ab hominibus

buseruditis versus ille Iuuenalis è Satyra vndecima:

Qui Lacedæmonium pedumate lubricat orbem:
 vt vix vllus iam supèrèsse videatur nouæ aut emen-
 dationi, aut interpretationi locus. Primùm enim
 Domitius, & alij eum secuti *pytismate* legerunt, non
pedumate: cumque Lacedæmonium orbem inter-
 pretarentur annulum, putarunt hoc versu significari
 diuitem delicatum, qui annulum, quem in digito
 gestaret, identidem extraheret, sputoque illineret,
 vt habilius & commodius versari posset. At Meru-
 la, saltationis genus esse *pytisma* quo Lacedæmonij
 vterentur: idque homo ingenuus falsus est se nus-
 quam legisse: sed ita sibi in mentem venisse, vt ea
 quæ somniamus. Tertius accessit Georgius Valla,
 qui cum putaret, vix satis sibi decorum fore, si ad
 has epulas a symbolus veniret, orbem Lacedæmo-
 nium trochum esse dixit è *pino* factum, quæ Græcè
pitrys diceretur. Adhuc hæc erant, cum ecce tibi
 homo acutissimus, & eruditissimus Politianus, qui,
 explosis omnium superiorum sententijs, *pitylismate*
 legendum censuit: id enim ex Galeno esse exercita-
 tionis genus, quo in Laconicis, id est, in sudatorijs,
 vterentur, peruncto prius corpore: atque eò lubri-
 candi verbum pertinere. Et fortassis obtinuisset hæc
 sententia propter summam Politiani in litteris aucto-
 ritatem, nisi animaduertissent homines, eam cum
 ijs de quibus eo loco Iuuenalis ageret, nullo modo
 coherere. Alcianus quidem cum se in idem illud à
 Politiano extructum sudatorium coniecisset, vt ta-
 men adferret aliquid noui, *pyreysmate* legēdum cen-
 suit, nouo, & ante ipsum inaudito vocabulo. Exi-
 tit deinde Flavius quidam, cuius scripta nondum in
 manus meas venerunt, qui ratus sit legendum, *pop-*
pyrismate:

pyfmate: & orbis Lacedæmonii nomine intellexerit
 τὸν σφιγκτηῖα, verſum hunc ad nefariam libidinem re-
 ferendum putans: quod mihi quidē abſurdiſſimum,
 & à poëtæ ſententia aliēniſſimum videtur. Secutus
 eſt homo multæ ac variæ lectionis Iohannes Bro-
 dæus, qui *pedemate* legendum pronunſiauerit. Huius
 ego Miſcellanea, in quibus hoc tradidiſſe ferunt,
 quamquam magno ſtudio quaſita, numquam vſq;
 adhuc reperire potui: ſed facilè tamen ex ipſo *pede-*
matis nomine video eum aliquod ſaltationis gentis
 intellexiſſe: & mihi veriſimile fit eodem modo legiſ-
 ſe etiam Merulam. Poſtremò Turnebus *pytiſma* (pu-
 tum; *orbem* trochum videri voluit. Quis poſt tot, ac
 tales viros quidquam ſibi præterea quaerendum pu-
 tet? & aut idoneum ſe inter eos arbitrum profiteri,
 aut, quodeorum nemo intellexerit, id ſe veriùs ex-
 plicaturum polliceri audeat? Quando tamen in hoc
 litterarum genere, minimo periculo peccatur; non
 deterrebor ego quoque, quid ſentiam, dicere. Puto
 igitur quod in vetuſtis libris legitur *pedemate*, leui-
 ter deprauatū eſſe, ac legendum *pettemate*, à verbo
 πτεῖν: ſignificariq; eo verſu diuitem alex ſtudio de-
 ditum. Quod cōfirmant & ea quæ ſtatim ſequentur:

Namque ibi fortuna veniam damus. alea turpis,

Turpe & adulterium mediocribus, hæc eadem illi

Omnia cūm faciunt, hylares, nitidq; vocantur.

Orbem autem Lacedæmonium vocat menſam ex
 marmore Laconico, vt & Martialis Libycum orbem,
 menſam ex marmore Africano.

Tu Libycos Indis ſuſpendis dentibus orbes:

Fulcitur teſta fragina menſa mihi.

Et Seneca ad Albinam: *Magni, leuatiq; menſarum*
orbes. lubricantur autem, id eſt, lquantur, & poliuntur

tur adfidua attréctatione marmora fuper quibus adfiduè alea luditur. Vix vllum reperiri poffe verfum in omnibus antiquorum poëmatif puto, quem tam multi tam variè interpretati fint.

Non modò, *pro*, non modò non, *fape apud veteres legi, idq; loquendi genus a Gracis ductum effe.*

CAP. VII.

NOTAVERAT iam pridem Paulus Manutius, *non modò, pro non modò non*, fæpiſſimè apud veteres legi: idque & ego poſtea libro primo commentariorum in Catilinarias confirmaveram, & alij homines eruditiffimi ſuo calculo comprobarant. Sed inciderunt nuper in manus meas, cùm in taberna quadam libraria otioſus federem, ibique cum amicis aliquot eruditif hominibus colloquerer, notæ cuiuſdam fanè docti ac diligentis viri in ſcripta Ciceronis, in quibus, quodam loco vehementer noſtrum omnium in eo iudicium improbat, & illis omnibus locis, quibus nos ad id confirmandum utebamur, negationem addendam effe contendit. Ego autem, ſi quis aduerſus veterum conſuetudinem multorum librorum conſenſu teſtatam, opinione quadam, ac iudicio ſuo, aut etiam rationibus quæ ſpeciem aliquam probabilitatis habeant, niti velit, non fanè propterea cum eo altercabor, neque pugnabo. Sed tamen non protinus de ſententia demouebor. Scio enim in omnibus linguis multa dici, quorum ratio non conſtet: ſed in vſu loquendi, ipſam bene loquentium conſuetudinem pro ratione habendam puto. Congeram igitur huc aliquot Ciceronis, & aliorum primæ claffis ſcriptorum loca, quæ ipſe in optimæ notæ libris, ita proriſus, vt ſubijciam, ſcripta legi: vt eis inſpectis, hac de re

de re ab hominibus eruditius iudicetur. Cicero in epistola ad Lentulum: *Non modo præmijs, quæ apud me minimam valent, sed ne periculis quidem compulsus ullis.* Idem ad Pætum: *Hoc tamen scito, non modo me, qui consilijs non inter sum, sed ne principem quidē ipsum scire, quid futurum sit.* Idem lib. decimo ad Atticum: *Regnum non modo Romano homini, sed ne Persæ quidem cuiquam tolerabile.* & eodem lib. *Mihi non modo irasci, gravissima iniuria accepta, sed ne dolere quidem impune licet.* Atque hi omnes loci ita leguntur etiam in libris proximè à Victorio editis, quos ex optimis omnium exemplaribus cum fide descriptos esse constat. Idem libro tertio in Verrem: *Voluerunt eos in suis rebus ipsos interesse: eorum animos non modo lege nova, sed ne nomine quidem legis novo commoveri.* Idem libro primo in Catilinam: *Nihil agis, nihil moliris, nihil cogitas, quod ego non modo audiam, sed etiam videam, planeque sentiam.* Idem pro Sex. Roscio Amerino: *Qui tantum facinus commiserunt, non modo sine cura quiescere, sed ne spirare quidem sine metu possunt.* Idem pro Cælio: *Hæc genera virtutum non solum in moribus nostris, sed vix iam in libris reperiuntur.* Sed & in eadem oratione in libris veteribus ita legitur: *Illic oberrat tuum maledictum, qui istius facti non modo suspitione, sed ne infamia quidem est aspersus?* Et libro primo De oratore: *Neque solum inscientiam meam, sed ne rerum quidem magnitudinem perspicit.* Et libro secundo De officijs: *Quod eò firmiore animo facient, quia non modo illi invidetur etati, verum etiam fauetur.* Et libro tertio: *Etenim si is, qui non defendit iniuriam, neque propulsat à suis cum potest, iniuste facit, ut in primo libro disserui, qualis habendus est is, qui non modo repellit, sed etiam adiuvat iniuriam?* Varro libro primo

De re rustica: *Bono animo esse*, inquit Agrius: *nā non modo illud sublatum est, quod ludis Circensibus nobilissimi curriculi finem facit quadrigis: sed ne illud quidem vidimus, quod in Ceriali pompa solet esse. primum.* Livi libro x x v. *Postremò ita assuetudine mali efferauerant animos vt non modò lacrimis, iustòque comploratu prosequerentur mortuos, sed ne efferrent quidem, aut sepelirent.* Hæc, inquam, omnia, aliaque eiusdem generis plurima ita in antiquissimis libris scripta sunt, quorum tantum consensum pro nihilo putare, hominis esse ingenio suo præfidentis puto. Præsertim cū Græci quoque ita loquantur, apud quos, ἔχῃ ὄν, μὴ ὄν, ἔχῃ ὄντες, interdum valent, *non solum: interdum, non solum non: quod & docuit, & multis præstantissimorum scriptorum testimonijs confirmauit decus, atque ornamentum Gallici nominis Gulielmus Budæus in commentarijs linguæ Græcæ.*

De loco quodam ex secundo De Officijs.

CAP. viii.

DUBITANT eruditi homines, quomodo accipiendum sit, quod ait Cicero libro secundo De Officijs: *multa secula expectanda fuisse C. Pontio Samniti si à fortuna reseruatus esset ad id tempus quo Romani dona accipere cœperunt.* Bellauit enim cum Romanis Pontius anno ab vrbe condita c c c c x x i i. lex autem Calpurnia de pecunijs repetundis lata est anno i c c i i i i. vt si *saeculum* sit centum annorum, quomodo accipiendum, & Grammatici veteres docent, & ludorum sæcularium appellatio confirmat, non tota duo sæcula ei expectanda fuerint. Sed certè *saeculum* interdum est *ἡνείκα*: vt ostendit & Næuius, qui Nestorem, vt est apud Gellium, trisæclisenem vocauit, ex

uit, ex illis videlicet Homeri versibus:

Τῷ δ' ἦ δὴ δύο μὲν γένεαὶ μαιώπων ἀνθρώπων

Εὐθιάδ', οἳ εἰ πρόδεν ἅμια τέαρεν ἦ δ' ἐγένοντο

Ἐν πύλῳ ἠγαθέη, μετὰ δ' ἑρτάτοισιν ἄνασεν.

γενεὰ autem triginta annorum est. Itaque illi Homericis versus ostendunt tantum, Nestorem, cum illa loqueretur, sexagenario maiorem fuisse: quamvis illic quoque γενεὰν pro centum annis accepisse etiam veteres Latini poetæ videntur.

Illustratus locus ex Oratione pro Flacco.

CAP. IX.

MIRIFICE abijcit, & extenuat Cicerō in oratione pro Flacco vim, & auctoritatem plebiscitorum siue psephismatum, quæ fiebant in Græcia, quod in eis neque per capita, neque per tribus, neque per centurias exquirebantur sententiæ; sed per præconem edicebatur, ut qui ita sentirent, manus tollerent: atque ita clamore multitudinis, & sublatione manuum; de rebus gravissimis, temere, & inconsultè decernebatur. Sic sunt, ait summus orator, expressa ista præclata, quæ recitantur, psephismata, non sententijs; neq. auctoritatibus declarata, non iureiurando constricta; sed porrigenda manu, profundendoque clamore multitudinis concitata. Et paulo post: Porrexerunt manus: psephisma hatum est. Atque eò respicientes apud Aristophanem αἱ ἐκκλησιασταὶ αὖτις, aiunt, videndum sibi esse, quomodo manus tollere debeant, ad confirmandum videlicet id quod Praxagora proposuerit:

Εκεῖνο δ' ἐπεφροντίεμεν, ὅτῳ τῷ πῶ

τάς χεῖρας αἶρειν μνημονόσομεν τότε,

ἐκδισμένοι γάρ ἐσμεν αἶρειν τὰ σκέλη.

R 2

Et si

Et si Victorius libro duodecimo Variarum lectionum aliud id referendum putavit. Huius autem consuetudinis & apud Æschylum in Supplicibus mentio est:

Πανδημία γὰρ χερσὶ δεξιωνύμοις

Ἐξείχεν αἰὶνὰ τὸν δεκνυόντων λόγον. & paulo post,

Τοιαύτ' ἀκύνων, χερσὶν ἀρχαῖς τοῦ θεοῦ

Ἐκνεύαν.

Vbi etiam scholiastes formulam verborum ponit, quæ in eiusmodi rebus præconi usitata erat, ἀράτω τὰς χεῖρας ὅτῳ τὰς δα δακτεῖ. Meminit & alicubi Scholiastes Nicandri.

Emendatus Plauti locus in Epidico.

CAP. X.

STULTA quædam consuetudo est ignavorum, & nullius preter hominum, ut cum quid ignavè, indecoreque fecerunt, si ostendere possint magno alicui, ac præclaro viro idem quoquo modo contigisse, satis id sibi esse aut ad defensionem, atque excusationem, aut etiam ad gloriam, & commendationem arbitrantur. Sic iocans alicubi Martialis, quendam qui malos versus faciebat, etiam laudandum esse dicit, quod ea in re Ciceronis similis sit. sic inepti olim quidam cum illud impedimentum linguæ quo Demosthenem laborasse legerant, imitarentur, germani sibi Demosthenes videbantur. Sic Platonis paulo elatiore humeros, Aristotelis unam πρὸς λόγῳ, qui studiosè effingerent, multi erant. Et apud Terentium Thraso cum edes meretricis oppugnaturus, loco sibi cauisset, Idem, inquit, hocce Pyrrhus fecit. quasi eadem ratio Pyrrhi fuisset, quæ tum erat illius. & in eadem fabula cum de deditione cogitaret, iamque se impuræ mulierculæ in servitutem mancipaturus esset, *Qui minus,*

minus, inquit, *quàm Hercules seruauit Omphala*? Est autem horum consimilis iocus & apud Plautum in Epidico, vbi seruus è militia rediens, de herili filio qui arma aut amiserat, aut vendiderat, loquens, ait, id ei gloriosum fore: nam idem olim etiam Achilli contigisse. Notum est autem, vt, interfecto Patroclo, ad Troianos Achillis arma peruenerint. sed Plauti locus in omnibus vulgatis libris deprauatus est. ita enim legitur:

Sed quid ais? T H. *quid rogas?* E P. *vbi arma sunt.*
Stratippocli?

T H. *Pol illa ad hostes transfugerunt.* E P. *arma ne?*
 T H. *& quidem citò.*

E P. *Serione dicis hacten?* T H. *seriò, inquam, hostes habent.*

E P. *Ædepol facinus improbum.* T H. *at iam antè alij fecerunt idem.*

Erit illi illa res honori.

sed pro *alii*, sine vlla dubitatione legendum est *Achili* vnico l, propter versum, vt saepe apud Homerum: quod & ea quæ statim sequuntur, manifestò declarant. Quod autem statim subiungit, se putare arma Stratippoclis fabricatum esse Vulcanum, quoniã ad hostes trauiolauerint: eò pertinet, quòd τὰ ἡφαιστεινικὰ plerumque animata erant: vt illi tripodes, de quibus apud Aristotelem primo Politicorum, quos ait Homerus αὐτομάτως θεῶν δυνεῖς ἔργων.

De libidine Eunuchorum verum esse quod à Terentio dictum est.

C A P. X I.

N O N vanum est quod de Eunuchis audisse se ancilla Terentiana dicit, eos amatores esse mulierum maximos. neque enim quibuscumque amputantur

*Euripidis vnus, Ciceronis ex epistolis ad Atticum duo
loci emendati.*

CAP. XII.

ΕΡΥΡΙΤΕ' sanè, vt solet, emendauit iam pridem
locum Euripidis ex Hippolyto coronato doctissimus
homo Victorius. In quo cùm vulgò legatur,

Πότερον ὕπ' ἄτης, ἢ θανεῖν πειρωμένη;

monet ille pro ἄτης legendum videri ἄσης: quo nihil
verius dici potuisse censeo. Sed tamen scrupulus re-
sidere adhuc aliquis potest propter syllabæ modum,
qui obstare, atque impedire huic mutationi videtur.
Ἀτλω enim priore syllaba producta dicimus, ἄσλω cor-
repta. Auctor huius rei Eustathius, qui exponens il-
lud Homericum,

Ἀασάμην, ἐδ' αὐτὸς ἀναίνομαι,

ita scribit: τὸ ὃ ἀασάμην, ῥῆμά ἐστιν ἐξ ἧ ἄτη γίνεσθαι, ἀεὶ
ἐκτείνουσα, ὡς ὑπὸ κράσεως, τὸ ἐν ἀρχῇ δίχρονον. εἰ γὰρ ἡ ἄση,
ἕλλησι παλαιῶν ἄτην ἔσται, ὡς καὶ οἱ ἀσκληπιάδαι δηλοῦσι, συ-
ξέλλει τὴν ἀρχουσαν. καθὰ καὶ Εὐριπίδης δηλοῖ ἐν τῷ,
ἔπαυσε καρδίαν ἄτης. Neque tamen propterea non illa
recta ac vera est emendatio. tantùm immutandus est
duarum vocum ordo, vt ita legatur,

Πότερον ἄσης ὕπ', ἢ θανεῖν πειρωμένη;

Sed huius ipsius vocis ignoratio corrumpit etiam lo-
cum quendam ex epistola prima libri decimi ad Atti-
cum, vbi, cùm vulgati libri ita habeant: *Hæc est ἄλη
in qua nunc sumus, mortis instar*: mihi quidẽ dubium
non sit, quin legi debeat, *Hæc est ἄση*. significat autem
æstum quendam animi nihil quod satis probe re-
picientis. Est etiam in eadem epistola locus superuaca-
nea vocum aliquot adiectione deprauatus, quem ita
hoc loco describam, vt ex veteris libri mei auctorita-
te legendus est: *Nihil video quod sperem, aut quod iam*

putem fieri posse: sed tamen hoc ipsum est vnum ἡ πο-
λυπικωτάτων σκευμάτων, veniendum ne sit in consilium ty-
ranni, si is aliqua de re bona deliberaturus sit. Hanc
scripturam qui cum vulgatis conferet, de eius inte-
gritate dubitaturum non puto.

Ex Amphitruone Plantina loci aliquot emendati.

CAP. XIII.

APUD Plautum Alcumena cū dixisset, multo
plus esse in vita molestiarum, quā voluptatum, ne-
que ferē quidquam boni cuiquam obtingere, quin
aliqua statim molestia consequatur: sibi id suo ipsius
exemplo cognitum, ac compertum esse dicit:

*Nam ego, inquit, id nunc experior de me, atque ipsa
de me scio.*

sed in meo veteri libro, multo, ut mihi quidem vide-
tur, elegantius scriptum est:

Nam ego id nunc experior domo, atq; ipsa de me scio.
Domo enim dixit, οἶκος δὲν, ut cū Græci dicunt, οἶκο-
δὲν ὁ μάρτυς, de eo qui se ipse indicat: & cū quod
cuiusque proprium, ac suum est, id οἰκείον vocant. Eo-
dem autem illo in diuerbio cū Amphitruo ab exer-
citu rediens, ita salutasset vxorem:

*Amphitruo vxorem salutat latus speratam suam;
Quam omniū Thebis vir vnā esse optimam diiudicat:
Quamq; ad eō cives Thebani vero rumificant probam:
Valuist' usque? expectatus ne aduenio?*

neque illa quidquam responderet, quod virum à se
paulo antē abiisse, seque ab eo illudi arbitraretur: io-
cans, qui eis adstabat, seruus Sosia,

..... haud, inquit, vidi magis
*Expectatum: cum salutat magis haud quisquam,
quam canem.*

vbi illud, *haud vidi magis*, venustissimè dictum est,
& ex contrario intelligendum. Sic in Captiuis;

At etiam te suū sōdalem esse aiebat. Haud vidi magis.

Et quidem Alcmao, atq; Orestes, & Lycurgus postea

Vna opera mihi sunt sōdales qua iste.

Et in Pœnulo:

At amans per amorem si quid fēci Milphio,

Ignoscere id te mi equum est. Haud vidi magis.

Et ego nunc amore perco. sine te verberem:

Item vt tu mihi fecisti ob nullam noxiam.

Post id locorum tu mihi amanti ignoscito.

& simile illud Ciceronis pro Sextio:

*Est enim homo iste populo Romano deditus. Nihil
vidi magis.*

Quòd autem in illo Amphitruonis, & Alcumenæ
colloquio ita vulgò legitur,

Obsecro ecastor, quid tu me deridiculi gratia

Sic salutas, atq; appellas, quasi dudum non videris!

Quasiq; nunc primū recipias te domū huc ex hostibus?

*Atq; me nunc proinde appellas, quasi multo pòst vi-
deris?*

moneo, horum quatuor versuum posteriores duo
neque in meo illo vetusto libro legi, & planè otiosos
videri. Et aliquanto inferius, vbi vulgò,

Si obsequare, vna resoluas plaga: meliùs in illo,

Si obsequare, vna te absoluas plaga.

Multis autem versibus interiectis,

Jam illud non placet principium de osculo.

perge exsequi.

non vt in vulgatis, *pergam exsequi*: est autem *exsequi*,
narrare, *ἀναιδῶς*. Neque indignum puto quod no-
tetur, verbum *capere*, Græco more, positum esse pro
eo quod est coarguere, ac conuincere: in illo versu,

Tu si me impudicitia captas, non potes capere.

Ita enim illi ἀλίσκων: sed cū versus eo modo non constet, curtusque ac mutilus sit, facilè equidem adducor, ut ita legendum putem,

Tu si me impudicitia captas, capere non potes.

neque minori, aut commodiori mutatione arbitror eum redigi posse ad modum, ac mensuram ceterorum. Et, quando hæc pusilla colligere cœpi, addam illud quoque: ubi ita legitur,

Namq; de illo subdititio Sosia mirum nimis est.

Sine vlla dubitatione legendum esse, *mirum est minus*. neque hoc omittam, ubi Mercurius se ad Amphitruonem deturbādum comparat, legendū videri:

7bo intrò, ornatum capiam, qui potis decet.

non ut vulgò, *qui potius decet*. Idem enim significat, quod paulo antè dixerat;

Capiam coronam mi in caput: ad simulabo me esse ebrium.

est autem ita dictum, quomodo in hac ipsa fabula, nostro generi non decet: & apud Terentium, ut vobis decet: Græcorum hoc quoque imitatione, & exemplo. Sic in libris iuris: *Decet enim tantæ maiestati, eas servare leges, quibus ipse solutus videtur.*

Emendatus, & declaratus locus quidam ex epistolis ad Atticum.

CAP. XIII I.

SOLET Cicero cū proverbijs vtitur, mutila sæpe ea, & decurtata proferre: quod & alij tum Latini, tum Græci scriptores sæpe faciunt: videturq; in eo inesse aliquid lepôris, ac venustatis, cū vnusquisq; eius linguæ non ignarus, audito eorum principio, facilè reliqua per se subiecturus esse videatur. Sed adfert

fert tamen ea res interdum orationi aliquid obscuritatis, cum ex vna, aut ex altera vucula non quilibet statim pronerbiū esse animaduertit, neq. eius statim recordatur. Itaque ea quoque res non paucas maculas scriptis veterū aspersit. Quomodo equidem arbitror deprauatum fuisse locum quendam è libro x i i i. epistolarum ad Atticum, vbi ita legitur: *Sed, queso, epistola mea ad Varronem valdēne tibi placuit? Malè mihi sit, si vnquam quisquam tam enitar.* Quis enim hæc postrema verba legens, non sentit insuaue quiddam, & à consuetudine Ciceronis alienum? Cū autem in satis vetere libro, quo me donauit lumen, ac splendor amplissimi ordinis Gulielmus Sireletus Cardinalis, legatur: *Malè mihi sit, si vnquam quidquam tam inita:* fieri potest, vt fallar, sed mihi planè persuadeo legēdum esse; *si vnquam quidquam tam inuita:* & subaudiendum, *Minerua:* vt significet, se nihil vnquam tam inuita Minerua scripsisse, quā illam epistolam ad Varronem, ob idque mirari, quòd illa Attico tam valdè placuerit.

Locus Casaris emendatus.

CAP. XV.

IAMPRIDEM animaduerti, multa in optimis quibusque scriptoribus ita manifestò deprauata, vt ea ipsa mihi causa fuerit, ne publicè testarer, quomodo emendanda viderentur, quòd neminem ita hebetem arbitrabar fore, quin id per se videret: maleque mihi videbar iudicaturus de ceterorum ingenijs, si ne illa quidem quæ in oculos incurrerent, nisi mōnente me, animaduersum iri existimarem. Nunc, cū huius generis pleraque illis quoque in libris hære, ac residere videam, qui quotidie emendati ab hominibus

bus doctissimis prodeunt, dissimulandum amplius non puto: cum præsertim in illa tanta hominum multo maiori, quam ego sum, doctrinæ copia, multoq. acriori iudicio præditorum consensio interdum addubitare me cogat, ne mihi nimis ipsemet blandiar, néue solus ijs ipsis in locis cæcutiam, in quibus alios parum esse arbitror perspicaces. Tale est, quod nunc è tertio libro cōmentariorum Cæsarís De bello Gallico proferam. Vbi cum dixisset Cæsar, in vico Veragtorum O&odoro, qui positus in valle, altissimis vndique montibus contineretur, Galbam cum aliquot cohortibus ad hiemandum confedisse: & quia is vicus in duas partes flumine diuideretur, alteram partem concessisse Gallis, alteram attribuisse cohortibus: tum deinde cum dies complures hibernorum transiissent, subito captum à Gallis consilium renouandi belli, opprimendæque legionis, eiusque rei caussæ montes qui impenderent, noctu ab eis occupatos, haud ita multo post subiicit: *Hostes ex omnibus partibus, signo dato, decurrere, lapides, gessaq. in vallum conycere. Nostri primò integris viribus fortiter repugnare, neq. vllum frustra telum ex loco superiore mittere: vt quæq. pars castrorum nudata defensoribus premi videbatur, eo occurrere, & auxilium ferre.* Sed profectò aut ego planè desipio, aut totum illud, *neque vllum frustra telum ex loco superiore mittere*, alieno loco positum est. Neque enim in Romanos conuenit, qui, vt constat, in valle inclusi obsidebantur, sed in Gallos, qui noctu, vt dictum est, iuga impendentium montium occupant. Censeo igitur, verba illa statim subiicienda post verbum *conycere*: idque mihi ita certum videtur, vt in re perspicua argumentis abutendum non putem.

Ovidij locum quendam ex Apollonio Rhodio sumptum esse. CAP. XVI.

TERRAM Africam serpentibus plurimis infestam esse constat: eius autem rei Ovidius hanc causam adfert, quòd Perseus

*Viperæ referens spoliū memorabile monstri,
Aëra carpebat tenerum stridentibus alis;
Cumq; super Libycas victor penderet arenas,
Gorgonei capitis gutta cecidere cruenta,
Quas humus exceptas varios animavit in angues.*

Quam fabulam videtur hausisse ex Apollonio Rhodio, cuius versus ex quarto libro Argonauticon subiiciam: quòd eos Ovidius non imitatus modò, sed propè interpretatus videtur:

Εὐτε γὰρ ἰσάδετο λιβύῳ ὑπὲρ πτατο Περσεύς
Ευρυμεδῶν, καὶ γὰρ τὸ κάλεσκέ νιν ἄνομα μήτηρ,
Γοργόνος ἀρπύριον κεφαλῇ ἐκπιλῆ κομίζων,
Ὅσας κυανέου σάγης αἵματι ὄδυσ' ἴκοντο,
Αἱ πᾶσαι κείνων ὄφρων γένος ἐλάσσανται.

De quibusdam qui habitati sunt impij, cūm ex omnibus popularibus suis longissimè ab impietate abessent.

CAP. XVII.

DE Diagora Melio, Theodoro Cyrenaico, alijsque nonnullis ita plerique veteres, quasi de hominibus summè impijs, loquuntur, quique nullum omnino deum esse crederent. Eandem etiam notam calumniatores Socrati inurere voluerunt: eamque ob causam Aristophanes, quem ipsum ἄθεον fuisse non dubito, Socratem Melium vocat. At de Socrate quidem longè alia est Iustini Martyris, sanctissimi, & eruditissimi viri sententia, qui in apologia secunda pro Chri-

pro Christianis, cum quodam modo Christianum fuisse ait. ita enim scribit: Οἱ μετὰ λόγου βιάσαντες χριστιανοί εἰσι, καὶ ἂν ἄλλοι ἐνομιάζησαν, οἳ ἐν ἑλληνισμῷ σωκράτης καὶ ἡράκλειτος, καὶ οἱ ὅμοιοι αὐτοῖς. ἐν βαρβάροις δὲ ἀβραάμ, καὶ ἀναβίας, καὶ ἀζαρίας, καὶ μισαὴλ, καὶ ἡλίας, καὶ ἄλλοι πολλοί. Et certè Socrates numquam docuit nullos deos esse: sed tantum esse supremum quendam deum, immensum, infinitum, æternum, multo superiorem, ac potentiorē iis omnibus, qui tum pro diis publicè colebantur. De Diagora autem, & Theodoro, itemque de Eumero Agrigentino, & alijs quibusdam, Clemens Alexandrinus in Protreptico mirari se scribit; quid ita eos antiqui pro impijs & atheis habuerint: cum illi tamen, & modestè ac frugaliter viuerent, & hoc propius accederent ad veram pietatem, quàm ceteri, quòd, etsi veri Dei cognitionem cōsecuti non erant, eos tamen qui colerentur à popularibus suis, deos non esse intelligebant. Verba pij ac sancti scriptoris hæc sunt: θαυμάζω ἐν ἐπισί μοι, ὅτι τρεῖς ἐνήμερον τὸν ἀρεσγαντῖνον, καὶ νικάτορα τὸν κύβριον, καὶ διαγόραν, καὶ ἱππωνα τὸν μίλιον, τὸν τε κυρλωαῖον ὅτι τέτοις ἐκείτων, ὁ θεὸς δῶρος ὀνομά αὐτῶ, καὶ πνας ἄλλοις συχνές, σωφρόνως βεβιωκότας, καὶ καθεωρεκότας ὁξύτερόν περ τῶν λοιπῶν ἀνθρώπων, τιλὼ ἀμφὶ τὸς θεὸς τέτοις πάντω, ἀθέους ὅπκεκλήκησαν, εἰ καὶ τιλὼ ἀλήθεζαν αὐτῶ μὴ νενοηκότας, ἀλλὰ τὴν πάντων γε ὑποψιφικότας, ὅσοι εἰ σμικρὸν εἰς ἀληθείας φρονήσεως ζώπυρον ἀναρύεσθαι σπέρμα. constat igitur, nouum non esse, sed illis etiam temporibus in consuetudine positum fuisse, ut illi ipsi, qui in ratione diuini numinis colendi fœdissimis implicati erroribus tenebantur, hominibus eruditis, quibus intelligerent stultitiam suam non probari, impietatis, καὶ ἀθεότητος maculam aspergere conarentur.

De loco quodam ex Eunicho Terentiana verius videri sensisse Donatum, quàm Turnebum.

CAP. XVIII.

RECTISSIME ac verissimè exposuerat eruditissimus grammaticorū Donatus dictum illud Phædriæ Terentiani, *si non tamendi copia est,*

Eho! ne videndi quidem erit? si illud non licet,

Saltem hoc licebit. certè extrema linea

Amare, hand nihil est.

Cùm diceret quinque amoris quasi lineas esse, quarum prima est, videre eam quam ames: secunda, cum ea sermonem conferre: tertia, posse eam contingere: quarta, osculari: quinta, potiri: Vetus tamen poëta Græcus eas tantum quatuor fecerat, noto disticho:

Εὐδαίμων ὁ βλέπων σε, τις ὀλέσῃ, ὅστις ἀκύνει,

Ἡμίθεος δ' ὁ φιλῶν, ἀθάνατος δ' ὁ σωών.

Neque cuiquam mirum videri debet, eandem, quæ prima est, extremam vocari. Prima enim est in conciliando amore, quasiq̃ue munienda via ad id quod amantes concupiscunt. Sed si quis à fine, qui, ut ait Aristoteles, omnis actionis principium est, retro versus numerare incipiat, eadem efficitur extrema: ut ἐν ἀναλύσει διαγράμματα extrema sunt, quæ in componendo fuerant prima: & ut quod in deliberando ultimum est, idem in exsequendo consilio primum est. Ut nullo modo absurdum sit, idem primum & extremum nominari. Hadrianus tamen Turnebus, homo immensa quadam doctrinæ copia instructus, sed interdum nimis properè, & nimis cupidè amplexari solitus ea, quæ sibi in mentem venerant, capite decimo libri duodecimi Aduersariorū, longè aliam huius dicti interpretationem prodidit: *Amare, inquit, ex-*

extrema

trema linea, est amare impensissimè, ducta translatione à curriculis vel stadiis, in quibus prima linea cursus erat in carceribus, ultima in fine, quæ & calx dicebatur, quòd scilicet calce, vel creta notaretur. Hæc Turnebus: quæ tamen, quod sine vlla contumelia dictum accipi volo; Turnebum enim & amavi, ac colui viuum, & me semper ab eo amari sensi: mihi videntur alienissima esse, neque vlllo modo cum iis quæ paulò antè Phædræ dixerat, coherere. Quid enim frigidius est hac sententia; Certè impensissimè amare haud nihil est. At illud contra elegantissimum: Si nihil aliud consequi hoc biduo possum, certè tamen aliquid erit, amicam videre. Quare qui mihi auscultabunt, veterem interpretatione tenebunt. Eodem illo in capite emendat locū quendam ex eadē fabula, vbi ait vulgò legi,

G. Rexte ergo in oculis. T. scilicet. G. gestire.

sed legendum, *gestare*: quod vt ferre, ita gestare in oculis, rectè dicatur: gestiendi autem verbum ab hoc loco alienum sit. At ego totis decem annis antequam Turnebus aduersaria ederet, ita emendaram, & edideram: vt & illum locum ex eadem fabula,

qui illum flocci fecerim.

Neque fuit caussa cur homo tam eruditus ea denuò reponeret, aut obtruderet pro suis. Sic *impetratum* Ciceroni, & Valerio restituisse primus videri voluit, capite xvi i. libri quinti, quod tamen cui acceptum ferendum sit, scient, qui legerint scholia Pauli Manutij in libros De diuinatione, edita abhinc annos viginti. Atque ego, quæ tum Manutio indicaui, eadem publicè docueram Lutetiæ, quinquennio antè, & cum ipso Turnebo communicaueram. Sic *venustatem* ἀντὶ τῆς τοῦ ἔρωτος & αἰουρίας, & *inuennistum* pro eo qui parum in amore felix esset, tanquam à se primum

primum animaduersa prodidit, cum ego ante annos plus minus triginta eadem docuissem in scholiis quibusdam meis in Terentium, quæ tum edidit Luteriæ Michael Vascofanus. Sic *detestata* apud Ciceronem De legibus: quod tamen mihi se debere postea fassus est. Sic alia multa, quæ percensere & longum, & molestum foret. Atque adeò hæc ipsa reticuissem libens: scio enim lectoris nihil interesse, quis primus aliquid docuerit. & tantus in litteris Turnebus fuit, ut suo quodam iure mea omnia sibi vindicare potuisse videatur. Sed mihi stomachum interdum mouent furunculi quidam egentes, ac famelici, qui, quod à me talia negligi ac dissimulari vident, mea iam Myforum, ut dicitur, prædani putant. Quos ut quiescant, moneo: & si quiduis sibi putant licere in ea quæ à me priuatim acceperunt, iis saltem abstineant manus, quæ edita iam ac publicata sunt: ne, etiam tacente me, plurimos & iniustitiæ & impudentiæ suæ testes suo sibi præconio colligere velle videantur.

Illustrati ex Odis Horatii aliquot loci.

C A P. X I X.

SOLITAS deorum tutelarium effigies in prora, aut in puppi nauium edito atque eminenti loco collocari, & alij verè notarunt, ad illum Horatij versum,

Non di, quos iterum pressa voces malo:

& confirmari potest auctoritate veteris Grammatici exponentis hos versus ex Iliados nono:

Στεῖται γ' ἐν ὧν ἀποκόψειν ἄλγεα κόρυμβα,

Αὐτὰς τ' ἐμπαρήσειν μαλεροῦ πύρος.

Ait enim quæri posse, cur Hector minari dicatur, se abscissurum summas Græcarum nauium partes, deinde autem ipsas naues incensurum. respondetque

S id cum

id eum facere, ἐπειδὴ ὅτι τ' ἀκροσολίαν ἦσαν ἀγάλματα καὶ εἰκόνες τ' θεῶν . ne videlicet deos quoque ipsos inflammare velle videatur. Sed quid est, quod Horatius in Archytæ Tarentini epitaphio, quod eodem in libro legitur, bis pulverem nominat? Et opinor eum respexisse ad superstitionem veterum, qui nō integras, ac solidas glebas, sed tritum, ac minutum pulverem iniiciebant mortuis: credo, ne pressu dolorem eis aliquem adferrēt. Nam eis etiam leuem ac mollem terram optare soliti erant. In quo non videntur abhoruisse à sententia Democriti, qui cadauera quoque ipsa sentire opinabatur. Itaque Eustathius exponens illud Homericum,

Τυδΐδεω ὃν θήβησι χυτὴ καὶ γαῖα καλύπτει,
 χυτὴ δ', inquit, καὶ τὴν γαῖα ἡ ὀπιχρεμένη νεκροῖς. καὶ γὰρ βῶλοι αὐ-
 τοῖς ὀπιτίθεν, ἀλλὰ χυτὴ, ὅς ἐστι γῆ χυτὴ.

Romani tamen, ut ex Cicerone ac Varrone notum est, glebam iniicere solebant. libet adijcere, principium illud Odarij in Venerem,

O Venus regina Gnidi, Paphiḡ,

Sperne dilectam Cypron:

expressum videri partim ex Alcmane, cuius hæc citantur,

Κύπρην ἱμερτὰν λιποῖσα καὶ πάφον σεῖρρύναν
 partim ex Æschylo, ex quo hæc adducuntur,

Κύπρου πάφουτ' ἔχουσα πάντα κλῆρον.

Cæsaris locus è primo De bello civili emendatus.

C A P. XX.

LIBRO primo commentariorum Cæsaris De bello civili hæud procul à principio ita scriptum est: *Hæc Scipio—*

Scipionis oratio, quod Senatus in vrbe habebatur, Pompeiusq³, aderat, ex ipsius ore Pompeij mitti videbatur. Sed quia perspicuum est, Pompeium tunc presentem in Senatu non adfuisse: idcirco iam pridem homo eruditissimus Petrus Victorius, capite primo libri tertij Variarum lectionum, legendum censuit, *aberat*. qua in re auctoritatem ipsius secuti sunt omnes, quorum postea in eis libris emendandis versata est industria. Ego veterem librum habeo, in quo neque *aderat*, neque *aberat* legitur, sed *auerat*. Quae scriptura etsi videri potest confirmatè coniecturam Victorij: siquidè librariis veteribus nihil æquè vñitatum fuit, quàm v pro b, & b pro v scribere: mihi tamen longè secus videtur. Puto enim legendum, *A. V. erat*: iisque notis significari, *ad urbem erat*. Etenim tunc Pompeium ad urbem fuisse, nemini esse obscurum potest, qui totam illam paginam legerit. Memini me hoc ipsum ante aliquot annos Paulo Manutio dicere, ei que vehemèter probatam esse coniecturam meam. Quam quidem ita nunc quoque probatum iri confido omnibus idoneis existimatoribus, vt pluribus verbis confirmandam non putem.

M. ANTONII MVRETI

I. C. AC CIVIS R.

VARIARVM LECTIONVM

LIBER VNDECIMVS.

*Emendati loci aliquot ex primo libro Anna-
lium Taciti ab excessu diui Augusti.*

CAP. I.



VLTA iam pridem notaueram in C. Cornelium Tacitum, eaque, vt soleo, cum amicis compluribus communicaueram: cogitabamq. cum, si daretur occasio, edere à multis, studio, atque opera mea, errorum maculis vindicatum. Sed dum diem ex die duco, expectanseius quod animo conceperam efficiendi atque exequendi maturitatem: ecce tibi Iustus Lipsius adolescens eleganti ingenio præditus, mihiq. dum Romæ fuit, perfamiliaris, tamdiu sibi cunctandum esse non putauit. Sed cum ipse quoque ex veteribus libris, quos hîc nactus erat, multa correxisset, nonnulla etiam acutè, & ingeniosè excogitasset, Taciti libros à se emendatos, & illustratos publicauit. Qui cum ad me perlati essent, eosq. vnà ego, & Gibertus Odus Perusinus, quicum ego ante hos duodecim annos Tacitum totum diligenter euolueram, curiosè cum eo, qui tuin à me emendatus erat, conferre, ac contendere cœpissimus, deprehendimus ita sæpe incurrisse vtrumque nostrum in eadem vestigia, vt, qui sem non nosset, pleraque sumplisse alterum ab altero su-

to suspicaretur. Quam tamen suspicienciam & à me, si nihil aliud, temporum ratio facile amolitur: neq. cadere in Lipsium finit fides ipsius, ac probitas; qua ille non minus, quàm ingenio excellit. Gauisus sum adolescenti, cuius ego crescenti gloriæ plurimum faueo; tantam extitisse mecum his quoque in rebus consensionem, ac iudicij similitudinem: & tamen pauca quædam in quorū nonnullis non prorsus mihi cum illo conuenit, subiicienda duxi, non tam certandi studio, quàm propter amorem, vt ait vetus poëta. Primum igitur sub principium libri primi annalium lego: *Donec gliscente adulatione detererentur*, vt Æmilius, non *detererentur*, vt Lipsius. libertate enim aluntur, & gliscunt ingenia: adulatione, qua nihil seruius est, degenerant, & deteruntur. Est autem oratio venustior illa contrariorum contentione. gliscere enim est crescere: deteri, deminui. Illud, *pluribus munimentis insisteret*, iam pridem à me ita emendatum erat, eodemque modo versus Ennianus apud Ciceronem:

Nam tibi munimenta mei peperere labores.

Paulo autem infrà eum locum ita lego: *igitur verso civitatis statu, nihil vsquā prisce, & integri moris: omnes, exuta equalitate, iussa principis aspectare*: non vt vulgo, *omnis*. Et De Tiberio: *Ne ijs quidem annis, quibus Rhodi, specie secessus, exul egerit: vbi vulgo exulem egerit*. Iam illud: *seruiendum semina, duobusq; insuper adolescentibus, qui remp. interim premant, quandoque distrahāt*, prorsus integrum esse censeo, hoc sensu: fore vt duo illi adolescentes interim dum imperaturus est Tiberius, remp. premant, quæ eos quoque aliqua ex parte dominos habitura sit: quandoque autem, nempe Tiberio mortuo, quandocumque tandem id

futurum sit, eandem distracturi sint. cū verisimile sit, fore, vt vterque fautores, & sectatores habeat, per quos operam det, vt, summo altero, ipse in imperium succedat. Tunc igitur temp. in partes, ac factiones distractum iri. *Quandoque* autem ita positum est, vt in illo loco libri quinti: *Et tu Galba quandoque degustabis imperium*. Sed nihil mihi tam præter opinionem accidit, quā eam coniecturam, qua ipse mihi præcipuè placebam, quā eruditissimis hominibus sæpissimè ostentaucram, quam, vt filiulam amplexabar meam, legendum esse *Gnarum id Casari*, vbi ante me omnes nullo sensu legerant, *C. Naum id Casari*, eam Lipsio quoque in mentem venisse. Cogitavi autem idem mihi euenisse, quod multis patribus, qui dum adultas, ac nubiles filias nimium diu domi habent, eisque condicionem quærere negligunt, efficiunt interdum, vt ipsæ sibi maritos quærant. Sed, vt sit, quoniam de eo Taciti loco multa dicenda sunt, ea proximo capite exsequemur.

De aliquot alijs ex eodem libro locis.

CAP. II.

CUM secum cogitaret Augustus de Agrippa Postumo, suo ex filia nepote, quem in Insulam Planasiam proiecerat, renocando, ac fortassis successore Imperij relinquendo, vni ex omnibus amicis consilium hoc suum aperuit Fabio Maximo. Ille quod celare debuerat, Martia uxori aperuit; Martia Livia: qua cū ea de re grauius apud virum conquesta esset, facillè intellexit Augustus, arcanum suum a Fabio proditum esse. Itaque postridie ab eo salutaris, ita enim resalutauit, vt insaniam obijceret. Iussit enim eum *ὑγιάνειν*, id est, sana mente esse. Percussit illico Fabii animum id quod erat. Itaq; peccati sui con-

sui conscius, domum rediit, moriendi certus, & cum uxore, se garrulitate illius perditum, conqueri cepit. Illa contra, Tua, inquit, prior culpa est, qui mecum tam diu versatus, non cognoueris me eo ingenio esse, ut tacere non possem, neque me celatam habueris id quod taceri, tantopere tua intererat. Sed de te quidem ipse videris. Ego, si quid peccaui, pœnas à memet ipsa exigam. simulque arrepto gladio, quæ marito mortis causam prabuerat, eadem ei fortiter moriendi dux, & exemplum fuit. Ita ferè Plutarchus in commentario περὶ ἀδολεισχίας. apud quem tamen Postumius pro Postumo, & pro Fabio Fuluius corruptè legitur. In eare narranda scripsit Tacitus; Gnarum id Cæsari: cùm significare vellet, id Cæsari cognitum, ac compertum fuisse. Nam quod tum alij, tum Dionysius Halicarnasseus in Thucydide notarunt, solere eum plerumque ad conciliandam orationi peregrinitatem, vti vocibus ἐπερρηπικῶς καὶ ἀντικῶς, & contrà. id ipsum & Tacitus qui quam maximè Thucydideus esse studuit, facere consuevit. Cùm igitur gnarus vñitatè dicatur qui scit, ignarus qui nescit: amat tamen ipse gnarum pro cognito, ignarum pro incognito dicere. Sic incautum iter dicit, de quo hostes non cogitarant, neque cauerant, ne illac Romanus transire posset. hoc ipso in libro: Inde saltus obscuros permeat, consultatq̃. ex duobus itineribus, breue & solitum sequatur, an impeditius, & intentatum, eoq̃. hostibus incautum. Sic in eodem nescium pro incognito dixit. Alijs gentibus ignorantia imperij Romani in experta esse supplicia, nescia tributa: Gnari autem, & ignari vocibus tam sæpe περρηπικῶς vñitur, ut difficile sit locos omnes enumerare. Hoc ipso in libro: Quod gnarum duci. & alibi: In paludem gnaram vincentibus. libro secundo: Per occulta, & vigilibus

ignara. libro tertio: *Gnarum id Tiberio fuit*. eodem libro: *Non quidē sibi ignara qua de Silano vulgabatur*. libro quarto: *Non quidem sibi ignarum posse argui*. libro quinto: *Sed quadam secus quā dicta sint cadere fallacijs ignara dicentium*. libro x i. *Non rumor interea, sed undique nuntij incedunt, qui gnara Claudio cuncta, & venire promptum ultioni adferrent*. libro x i i. *Nihil tam ignarum barbaris, quā machinamenta, & astus oppugnationum: At nobis ea pars militia maxime gnara est*. libro x v. *Idq̃, nulli magis gnarum, quā Neroni*. Sed & libro x i i i ubi est, *Cognitum id Neroni*: è veteris scripturæ vestigijs lego; *Gnarum id Neroni*.

Ex eodem libro alij aliquot loci.

CAP. III.

AGRIPPA interfecto, muntianti centurioni, ut mos militia, factum esse quod imperasset, neque imperasse sese, & rationem facti reddendam apud Senatū respondit. Verbis illis Taciti, ut mos militia, prope modū adducor, ut illā quasi solemnem quandā fuiſſe verborum formulā putem: *Factum est quod imperasti eō magis, quod hac ipsa in re narranda, eandem retinet & Suetonius, cuius hæc verba sunt: Tiberius renuntianti Tribuno factum esse quod imperasset, neque imperasse se, & redditurum eum senatui rationem respondit*. Itemque in Claudio: *Die ipso Claudij, & Agrippina nuptiarum in quinque & triginta senatores, trecentosque amplius equites Romanos tanta facilitate animaduertit, ut de nece consularis viri renuntian- te centurione, factum esse quod imperasset, negaret quidquam se imperasse: nihilominus rem comprobaret*. In eo autem, quod paulo post subiicitur; *Eam condicio-*
nem

*nem esse imperandi, ut non aliter ratio constet, quam si uni reddatur: frustra tentatur à quibusdam vetus scriptura, qui putant melius legi posse, ut non aliter rata constet. Hoc enim dicit Tacitus, rationem cuiusque facti constare non posse, si pluribus, ut senatui, reddenda sit. semper enim idem factum alios probaturos, alios improbaturos. vnum esse oportere, cui reddatur ratio, & cuius iudicio stet, si aliter fiat, imperij vim resolui: & pro monarchia Aristocratian quandam, aut oligarchian constitui. Paulo post autem, legendum puto: *Lacrimas gaudio, questus adulatione miscebant.* Nam hoc modo & venustior est, & numerosius cadit oratio. Iam verò ubi de testamento Augusti agitur, locus est mirificè corruptus, de quo quid mihi videatur exponam. Primum igitur quod ait, *Legata non ultra civilem modum.* nihil omnino arbitror ad legem Falcidiam pertinere: quæ cum, ut notum est, ne in militari quidem testamento locum habeat, multo minùs locum habere, potuit in testamento Imperatoris, quem huiusmodi legibus solum esse constat: neque hoc dicere Tacitum, non esse oneratam legatis ab Augusto hereditatem suam ultra modum Falcidia lege præscriptum: sed legata ab eo fuisse modica, & modesta, neque excedentia vsitatum locupletibus ciuibus in testamentis condendis modum. Certè enim *civile* etiam in libris iuris sæpè dicitur, quod moderatum est, & vsitatum, & ordinarium. Et ita dixit Cicero *odium civile*, non vlla propria, ac priuata de causa susceptum, sed quod omnium bonorum ciuium commune esse solet aduersus improbos. Quid enim odisset Clodiũ Milo, segetem, ac materiam suæ gloriæ, præter hoc civile odium, quo omnes improbos odimus? Peccat enim*

Victorius qui *commune* eo loco, non *ciuile*, aduersus omniū librorum fidem scribendum putat. Sic Ouid.

Exercet memores plusquam ciuilitas iras.

Augustus igitur legata non reliquit ultra ciuilem modum, præter pauca quædam, quæ subiungit his verbis: *Nisi quod populo, & plebi ccccxv. prætorianarum cohortium militibus singula nummum millia, legionariis autem cohortibus ciuium R. trecentos nummos viritim dedit. Hæc enim legata magna planè, & ampla sunt ultra ciuilem modum: & imperatoria potius, quàm ciuilia*. Sed verba Taciti, non dubito, quin corrupta, & ad hunc modum è Suetonio emendanda sint: *Nisi quod populo, & plebi quadringenties, tribubus tricies quinquies*. Vt intelligamus, præter quadringenties legatum populo, etiam in singulas tribus centena millia relictæ esse. Quod autem apud Suetonium professus dicitur Augustus, non plus ad heredes suos peruenturum esse, quàm millies, & quingenties, non ita intelligendum est, vt ex ea pecunia legata præstanda essent, sed omnibus legatis, atque omni onere deducto. Ita enim id verbū accipiendum esse, iuris auctores docent. quod non adscripsissem, nisi à quibusdam, quos minimè decebat, aliter accipi viderem. Aliquanto post, vbi ita legitur: *Cæsis Hirtio & Pansa, siue hostis illos, seu Pansam venenum vulnere adfussum, siue milites Hirtium, & machinator doli Cæsar abstulerat*. non dubito, quin illud posterius, siue, deleri debeat. Huius generis multa sciens omitto: non quin è re sit, ea quoq. indicari: sed quòd arida quodammodo, & legentibus nihil voluptatis allatura videam: cuius in hoc scriptorum genere aliquam habendam esse rationem puto.

In eodem libro notata, & emendata nonnulla.

CAP. IIII.

MODESTIÆ nomen tribus omnino locis apud Tacitum animaduerti longè aliter acceptum, quàm vulgo solet. Nam cùm *modestiam* ferè vocare soleamus affectionem animi de se modicè ac modestè sentientis, ipse contrà interdum *modestiam* pro tenuitate quadam, & infirmitate vitium dicit. Eorum locorum vnus est hoc ipso in libro, ex quo pleraque iam emendauimus: *Versæ inde ad Tiberium preces: & ille variè diserebat, de magnitudine imperij, sua modestia.* modestiam enim dicit modicas & exiguas vires suas, & nequaquam tanto oneri pares. Alter est libro tertio: *Simul modestia Neronis, & sue magnitudini fidebat.* etsi eo loco fortasse possit aliquis modestiam, animi moderationem interpretari. Sed mihi altera illa interpretatio verior videtur. Tertius est libro x i i. *Quindecim dierum alimenta vrbi, non amplius, superfuisse constitit: magnaq; deum benignitate, & modestia hiemis, rebus extremis subuentum.* Modestum quoque pro modico aliquoties dixit. Quando autem semel Tacitum in manus sumpsi, non tam facilè ab eo auellar: sed pauca quædam ex eodem illo primo annalium libro, quomodo mihi legenda videantur, aperiam. Vbi igitur Asinij Galli sententia refertur, puto legendū hoc modo: *Addidit de laudibus Augusti: non, vt vulgo, Addidit laudem de Augusto.* & paulo pòst ita lego: *Quippe Augustus supremis sermonibus cùm tractaret, quoniam adipisci principem locum suffecturi abnuerent, aut impares vellent: vel idem possent, cuperentq; M. Lepidum dixerat capacem, sed aspernantem: Gallum Asinium anidum, set minorem.* Verba autem Haterij, quæ tam va-

tam variè leguntur, ita puto, legenda: *Quousque patieris Cæsar desse caput reipublicæ?* Est autè vetus scribendi ratio, *desse*, pro *desse*.

Notatus rſus quidam verbi labor, aut dilabor.

CAP. V.

CUM cœtus aliquis dissoluitur, ſeque, aut domum quiſque aut quò vocant negotia, aut denique quò fert animus, alius aliò recipit, in eo ſignificando *dilabendi* verbum ponere Tacitus ſolet. Ac fieri po- teſt, vt & apud antiquiores quoque eius vſurpationis exempla reperiantur; rariora tamen, vt opinor: quo mihi putavi minus vitio datũ iri, ſi huc congeſta non nulla ſub vno aſpectu ponerem. Libro igitur primo annalium ab exceſſu D. Auguſti ita ſcriptum eſt: *Impellere paulatim nocturnis conloquiis, aut flexo in veſperam die, & dilapſis melioribus deterrimum quemque congregare.* Id eſt, cùm meliores iam ſe ad curanda corpora recepiffent. Et libro ſecundo: *Neque Cæſari copiam pugna obſeſſores fecere, ad famam aduentus eius dilapſi.* Et libro x i. *Ceteris paſſim dilabentibus affue- re centuriones.* Et libro x i i. *Vt anteirent populatores, vel dilapſis improniſi circumfunderentur.* Et libro tertio annalium ab exceſſu Neronis: *Donec fatiſceret ſeditio: & extremo iam die ſua quiſque in tentoria dilabere- tur.* Sed & æqualis Taciti Suetonius in Vitellio: *Cùm deſerta omnia reperiffet, dilabentibus & qui ſimulerant, Zona ſe aureorum plena circumdedit.* Ibi etiam pro eodem dixit Iuuenalis ſatyra ſexta: *Labente officio cru- dis donanda.* *Labente* enim officio, eſt, ijs qui ad cele- brandas nuptias officij cauſſa conuenerant, diſceden- tibus, ac dilabentibus.

Inanes

Iuanes videri regulas duas, quas super versibus heroicis & trimetris iambicis tradidit Gellius.

CAP. VI.

NON tantum in iure ciuili sed etiam in leuioribus artibus periculosa est omnis definitio: petrarum enim est, vt subuerti non possit. Certè duarum ad artem metricam pertinentium, quas Gellius libro duodeuicesimo tradit, quarumque alteram ad M. Varronem auctorem refert, neutram perpetuò veram esse, nullo negotio probari potest. Quod mihi eo magis indicandum putauì; quia memini quendā in vrbe magni nominis grāmaticum, quiq. etiā faciendorū versuum leges sibi aut vni, aut cum perquam paucis notas esse iactabat, duos illos canonas, tamquā abditum quiddam, & *μυστικόν* des, familiaribus suis ἐν ἀπὸρρητοῖς tradere solitum esse. Eorum prior est: *In longis versibus, qui hexametri vocantur, item in senarijs duos primos pedes, item extremos duos habere singulas posse integras partes orationis: medios haud umquam posse. Sed constare eos semper ex verbis aut diuisis, aut mistis atque confusis.* Sed nos quo ludicrum præceptū refutemus, ex ludicro poëmate sumamus. Homerus in *Ranis*:

Ὅστροχαεὶς δὲ τε τρίτον πτεροφάγον βασιλῆα.

Quæro, in eo versu tertius pes habeat ne integram partem orationis, an minus. & si grauius testimonium requiritur, arcessamus hoc ex *Iliade*:

Ὡς εἰπὼν, τὸς μὲν λίπεν αὐτὸς, ὅτ' ἢ μετ' ἄλλας.

Nonne hîc & tertius & quartus partem orationis absoluunt? Addam & alium ex *Lucretio*:

Concutitur tum sanguis: viscera persentiscunt.

& ex *Aristophanis Pluto*:

Ἀλλ' ἴδ'ι σὺ μὲν ταχέως δαμών. τί δ' ἐγώ; λίγη.

Altera

Altera regula est : *observasse M. Varronem in versu hexametro , quòd omni modo quintus semipes verbum finiret .* Sed hoc quoque quàm sit ἀρχαῖον , tamen et si ex ijs ipsis versibus quos suprà posui , cognosci potest : addamus tamē alios. Et primum quidem occurrit primus versus Odyssæ :

Ἄνδρα μοι ἔννεπε μῦθα πολύβοτον.

Et secundus Iliados :

Οἴλομένω , ἢ μὴ ἀχαιοῖς ἄλγε' ἔθηκεν.

Quid in illis Virgilianis : *Nil nostri miserere : & , Cum venti posuere : & Infit . eo dicente : ac similibus , num quintus semipes verbum finit ?* Sed si plura testimonia in re perspicua congeram , ipse mihi videor ridiculus fore.

Quiddam quod occultè significaverat Homerus , non minori artificio à Virgilio significatum esse.

CAP. VII.

UT inferos esse , vbi à sceleratis hominibus pœnæ post mortē exigantur , nemini vnquam sano dubium fuit , ita excubantem pro inferorum foribus Cerberum ; & Acheruntis transvectionem , & causæ dictionem ad Minois tribunal , & pertusis doliis aquam haurientes puellas , & Ixionis sibi assiduè imminentem fugam , & metuentem ne aut siti , aut impendentis saxi casu denuò moriatur ; Tantalum , & totam denique illam in Plutonis domo tragœdiam , quicumq. ex veteribus paulò cordatiores erant , in somniorum , aut anilium fabellarum loco semper habuerunt . Itaque & Cicero primo libro Tusculanarum ea irridere , ac pictorum , & poëtarum portenta vocare non veretur , quæ convincere nihil negotij sit : & aliorum quamlibet multa testimonia colligi possunt , ex quibus

bus constet eandem illorū quoque his de rebus fuisse sententiam. Sed & antiquissimus poëtarum Homerus testā quadam vrbānitate significauit, quæcumq. ipse de inferis cecinisset, talia esse, qualia interdum mulierculis & puerulis ad focum sedentibus aut salendi aut conciliandi somni gratia narrari solerent. Facit enim Vlixem moneri à matre, vt quamprimum superos repetat, quæque apud inferos vidit, mente condita teneat, vt habeat quod vxori narrare possit.

Ἀλλὰ φάωσδε τάχιστα λιλαιέο. ταῦτα ἢ πάντα

ἰδ', ἵνα καὶ μετόπισθε τεῖν εἴπωδα γυναικί.

vt tantum non apertè dicere videatur,

Πὰρ πυρὶ καὶ τοιαῦτα λέγειν χειμῶν ἐν ὄρῃ.

suminus autem Homericarū virtutum imitator Virgilius aliam rationem commentus est, qua idem obfcurè ac symbolicè indicaret. Nam cū duas, ex Homero hoc quoque, Somni portas fecisset, Corneā vnā, qua vera; Eburnā alterā, qua falsa insomnia mitteretur: Ænean, spectatis illis inferorum portæ, porta eburna egredientem facit, vt sagacibus lectoribus suspicandum relinqueret, talem esse totā illā περρατολογία, qualia somnia ex inferis eadē illa porta exire dixisset.

Veterum comicorum loci duo inter se collati.

CAP. VIII.

FACETE expressit Plautus in Menæchmis Peniculi parasiti edacitatē, qui cū Cylindrum coquum, iussu tribus parare prandium, interrogantem fecisset, qui nam illi tres futuri essent, respondissetq. meretrix, se, & Menæchmum, & parasitum eius, ita statim ratiocinantem inducit coquum:

iam isti sunt decem:

Nano

Nam parasitus octo munus hominum facile fungitur.
 Videtur autem Eubulum veterem comicum imitatus esse, qui Philocratem quendam in mensa facile pro duobus aut pro tribus esse dixerat. Sed Plautus, ut solet, modum excessit. Eubuli versus hi sunt apud Athenæum:

Εἰσὶν γὰρ ἡμῖν ἑ καλεσμένων δύο
 Ἐπὶ Διῖνον ἄμαχοι, φιλοκράτης καὶ φιλοκράτης.
 Ἐἴνα γὰρ ἐκείνον ὄντα, δύο λογίζομαι,
 Μᾶλλον ὃ τρεῖς.

sed Eubulus, ut mihi quidem videtur, urbanus. qui cum duos dixisset, unum Philocratem bis nominari fecerit. Nam insulsi profectò, & illepidi fuerunt, qui apud Athenæum in secundo horum versuum scripserunt, φιλοκράτης καὶ φιλοκράτης. corruerunt enim & urbanitatem dicti, & versus modum. Eodem autem sale condijt vetus quidam poëta distichon, quo cum quædam cauenda ac fugienda complexus esset, bis in eis Laodicensis nominavit. Id distichon in Synesij epistolis legitur; sed non satis emendatè. Sic autem legendum videtur:

Ἀπίδα, φρόνον, ὅφιν καὶ λαδικέας παίφαγε,
 Καὶ κυῖα λυσώδη, καὶ πάλι λαδικέας.

*Radians pro sole. Emendatus apud Ciceronem
 veteris poëta versus.*

CAP. IX.

RADIANTEM veteres poëta Latini interdum sine vlla adiectione vocabant solem. Et ita hoc nomine usus est Cicero in Arato:

Hoc motu radiantis, Etesie in vada ponti.

neque enim dubium est, quin expresserit illud Arateum,

Ἡλίου τὰ παῖτα συνερχομένοιο λείοντι,
 Τῆμος κ' καλὰ δόντις ἐτίσσαι δούρι τόντε
 Ἀθροοὶ ἐμπίπθουσι.

Quo fit, ut in versibus vetusti poetæ, qui citantur libro tertio De oratore,

Vine Vlixes, dum licet.

Oculis postremum lumen radiatum rape:
 non dubitem, quin melius omninò sit, quod in vetere libro meo legitur,

Oculis postremum lumen radiantis rape.

*Cur Iuno apud Homerum Vulcano blandiens,
 claudum eum vocet.*

CAP. X.

QVÆRIT P. Victorius libro XXI. Variarum lectionum, quo consilio Iuno apud Homerum Vulcano blandiens, verita tamen non sit eū *καλοποδίωνα* vocare: idque eò factum ait, quòd cùm vitium pedum ipsius apertum esset, neque vlllo modo tegi posset, nullo verbo magis eum mater ostendere potuit, quàm si inde ipsum vocasset. id autem fecisse *ὑπερχοιζομένον*, ut ostenderet eum à se valdè amari. Quæ fortassis vera sunt. Sed Plutarchus, grauis in primis & idoneus auctor, aliam huius rei causam adfert, nihilo, ut ego quidem arbitror, deteriore. Ait enim, voluisse summum ac sapientissimum poetam ostendere, neque bona neq. mala corporis talia esse, ut aut ad laudem, aut ad vituperationem cuiusquam valdè pertineant. Itaq. apud eum etiam qui aliquem obiurgant, ac reprehendunt, eo tamen ipso tempore commendare ipsius formam, si bona est, non verentur. Ut Hector Paridi conuicium faciens,

Δύσπαι, εἶδος ἄριστον, γυναιμανὲς ἡπεροπιδά.

T

& ipsi

& ipsi Hectori Glaucus,

Εκτος ὃς ἴδους ἀεῖτε, μάχης ἄρα πᾶλλον ἐδύεο.

neque vnquam in probri loco obijciunt ea quæ corporis sunt, sed quæ animi; vt Vlixes Therisitæ non quòd claudus esset, aut caluus, aut gibberus, exprobrat, sed quòd immodicè, & intempestiuè loquax. Contraq. mater ipsa ne tum quidem cùm filio blanditur, veretur cum claudum vt erat, vocare; quòd ea res nullo modo ad vituperationem ipsius pertineat, neque quidquam de dignitate ipsius detrahat. ἔπειτα, inquit, ὁμῆς ὁ καταγελᾷ τὴν αἰχμωμένον ὅτι χαλότησιν, ἢ πελώτησιν, ἔτε φεκτὸν ἠγέμεν ὁ τὸ μὴ αἰεδὸν, ἔτε αἰεδὸν τὸ μὴ δὲ ἡμᾶς, ἀλλ' ὑπὸ τύχῃς γινόμενον. eodemque modo Attius in Philocteta, quem Vlixi blandientem induxerat, ab eo id commemorari facit, Vlixem formosum non esse.

*Inclute, parua pradite forma,
Nomine celebri, clarq. potens
Pectore Achivis classibus ductor,
Grauis Dardaniæ gentibus ultor,
Laertiade.*

Vbi etiam illud notant, quòd patris nomen in vltimum locum reiecerit: quia in laudibus magnorum virorum postremum locum generis nobilitas teneat: ea autem posuerit primo loco, quæ ipsius Vlixis propria essent: in quibus nihil sibi neque Laërtes, neque Anticlea, neque Acrisius vindicaret.

Quod de Scipione & Lelio dictum est, idem de duobus antiquis Philosophis dictum esse. Diogenes Laertius locis aliquot illustrat.

CAP. XI.

SCIPIONIS, & Lelij amicitia nemini ignota esse
pau-

paulum modò humaniori potest. cùm autem præstaret sapientia Lælius, ex qua etiam ei cognomen inditum fuisse notum est: nihil admodum in rep. gerebat, nihil moliebatur, nihil suscipiebat Scipio, nisi de consilio, & sententia Lælij. Vnde qui aut tales viros inter se committere aut de Scipionis gloria aliquid deterere, ac deminuere volebant, actotem modò esse aiebant Scipionem, sed Lælium poëtam. Eadem autem orationis figura dictum vulgo erat & antea de duobus eruditissimis hominibus Eretrienti Menedemo, & Asclepiade. Qui cùm inter se ita coniunctè viuerent, vt Pyladea quædam esse ipsorum amicitia putaretur, essetque Asclepiades natu grandior: non deerant, qui dicerent, poëtam quidem Asclepiaden, nihil autem aliud quàm actorem, & histrionem quendam esse Menedemum. Hunc Menedemum, grauem postea, & seuerum philosophum, principio scenatum pictorem fuisse aiunt; id est σκηνογράφον, non, vt vulgo putant σκηνορράζον. Quod & ex vetustis Laërtij libris cognoscere poterant, & ex aliis quæ in ipsius Menedemi vita leguntur. Vt quod cùm psephisma quoddam scripssisset, dictum est in eum à quodam Alexini sectatore, ὡς ἔπε σκηνῶν, ἔπε ψήφισμα προσηύχεν τῷ σκηνῷ γράζειν. Loci enim venustas est in multiplici significatione verbi γράζειν, quod est & scribere, & pingere. Item quòd adolescentuli cuiusdam ferocientis audaciam compescuit, cùm in eum quidem nihil dixisset, sed tantum humi delineasset muliebria patientem: Hoc enim est, περιγινόμενον: quod malè interpres contierit, traiectum. Et eodem modo accipitur verbum illud paulo post in illo mordaci, & aculeato aduersus Hieroclem dicto, εἰς τί αὐτὸν ὁ ἀντίχρηστος περιγίγνεται. Et in vita Arcesilai: quem locum ita malè acce-

pit interpretes, ut veræ sententiæ ne vestigium quidem appareat: Diogenis enim verba sunt: *ὅτις ἢ τὴ αἰτίαν ἔχοντα περὶνέει, ὅς ἀνένευκιν αὐτῷ, ὅτι καὶ δοκεῖ ἔτερον ἐτίεσθαι μείζον ἔστι*, ἠρώτησεν, εἰ καὶ τὸ δεκάδακτυλον τῷ ἑξαδακτύλῳ. Ea ita reddit interpretes: *Quum retulisset ad eum quidam vitiose concludens, non videri altero alterum maius, Nec decem, inquit, digitorum longitudo senorum longitudine. Ego autem hoc modo: Cum quidā, quem, opinio erat, mollem, atque impudicum esse, ad eum retulisset, non videri sibi aliud alio maius: interrogavit eum, num ne id quidem, quod decē digitos longum esset, longius videretur eo quod sex tantum digitos longum. Quid autem significaret, neque difficile est cogitare, neque honestum eloqui.*

Ciceronis locus è Sophocle expressus.

CAP. XII.

PRÆCLARVM sapientiæ præceptum est, debere unumquemque nostrum maiorem curam habere eius temporis quod post mortem nostram consecuturum est, quàm brevis illius, & exigui, quo in hac vita sumus. Itaque graviter, & magnificè Cicero in quadam ad Atticum epistola: *Longum, inquit, illud tempus, cum non ero, magis me movet, quàm hoc exiguum.* Nam quod ita locutus est, *cum non ero*: in eo secutus est consuetudinem vulgi: non quòd eos, qui ex hac vita migrassent, non amplius esse opinaretur. Quamquam autem hæc sententia suapte sponte in mentem ei venire facile poruerit; tamen facile adducor, ut hominem eruditissimum, & in Græcorum poetarum lectione exercitatissimum cogitasse putem de loco Sophoclis, apud quē Antigone, cum fratrem insēpultū iacere noller, & certò tamen sciret, si eum aduer-

aduersus Creontis edictum sepelijsset, sibi quoque moriendum esse; non tamen propterea absterretur ab illius pij erga fratrem muneris functione: cùm dicat, multo longius esse tempus, quo se placere, ac probari oporteat inferis, apud quos perpetuò futura sit, quàm iis qui in hac vita versantur. Verba ipsius hæc sunt:

Φίλη μετ' αὐτῷ κείσθαι, φίλε μέτα,
 Οσα πανεργήσας· ἐπεὶ πλείων χεῖν' ἔσθ',
 Ο'ν δ' εἴ μ' ἀρέσκειν τοῖς κάτῳ, τῶν ἐνθάδε.
 Εκεί γ' αἰεὶ κείσθαι.

Eclogium. Conciliaturæ. Diuinaculi. *Tres loci emendati apud Suetonium in Vitellio.*

CAP. XIII.

SCRIPSERAM iam pridem *elogij* nomen neque Græcum esse, neque Latinum: deinde mirantibus quibusdam amicis dixeram, vbicumque *elogium* legeretur, neque *ellogiū*, neque *eulogium*, sed *eclogium* dici debere. Id duo ex ipsis à me acceptum in me torserunt: cùm enim de *elogij* nomine disputassent, vitioque eos accusassent, qui vocem probam, & antiquam nimis imperiose è ciuitate deturbare vellent: postremò eò venerunt, vt *elogium* quidem non, sed *eclogium* rectè & emendatè dici docerent. Ac mihi quidem, ne viuiam, si non & hæc, & talia omnia ridiculo sunt. Sed interdum tamen nescio quid stomachi mouent. Nunc expungamus præclarum istud *elogij* nomen è quodam Suetonij loco, in quo iam pridem insedit. Ita enim vulgo legitur in Vitellio: *Extatque elogij ad Q. Vitellium D. Augusti quaestorem libellus, quo continetur, Vitellios Fauno Aboriginum rege, & Vitellia, quæ multis locis pro numine coleretur, ortos, toto Latio imperasse.* Sed quis iste est libellus elo-

gij, aut à quo scriptus? An fatuū est id quærere: cū in
in vetere libro ita legatur; *Extat Q. Clodij ad Q. Vitellium D. Augusti quæstorem libellus*. eodem modo
peccatum est in omnibus libris editis lib. v. in Verrem: ubi legitur, *Posteaque Pompeius*, cū legendum sit, *Postea Q. Pompeius*. sed, ut ad Suetoniū redeam, in eodem vetere libro paulo infra eum locum ita legitur: *Cuius filius sectionibus, & conciliaturis vberius Compendium nactus*: non, ut vulgo, *consuturis*, aut, ut quidam emendare voluit, *cognituris*. Conciliatores autem erant, qui Græco vocabulo proxenetæ. & in eodem Vitellio: *Nullis tamen infensior quàm diuinculis, & mathematicis, ut quisque deferretur, inauditum capite puniebat*. Vbi vulgo ineptè legitur, *vernacalis*.

Restituti Ciceronis loci duo, in quibus librarij duorum veterum scriptorum nomina corruperant.

CAP. XIII.

LIBET duorum eruditiorum hominum nomina apud Ciceronem corrupta integritati suæ restituere: quando isti, qui tota plaustra librorum veterum habuisse se iactant, quorū collatione Ciceronem emendarint, aliquanto pauciora præstant, quàm pollicentur. Apud Ciceronem igitur in Lucullo ita vulgo legitur: *Nicetas Syracusius, ut ait Theophrastus, calum, Solem, Lunam, stellas, supera denique omnia stare censet: neque præter terram rem vllam in mundo moueri: quæ cū circum axem se summa celeritate conuertat, & torqueat, eadem effici omnia, quæ, si, stante terra, calum moueretur. atque hoc etiam Platonem in Timæo dicere quidam arbitrantur, sed paulo obscurius*. Hæc Cicero: sed, qui illius admirabilis sententiæ auctor putatus est,

est, ei Hicetas, non Nicetas nomen fuit. Laërtius in vita Philolai: *ὁ τὸν γῆν καὶ κύκλον περιεῖδεν ὡς ὅτιον εἰπὼν, οἱ δ' ἰλέταν συνεκκασίν φασιν*. Apud eundem Ciceronem lib. primo De diuinatione ita scriptum est: *Quid ego, quæ magi Cyro illi principi interpretati sunt, ex Dionysij Persicis libris proferam?* Sed præclare in vetere libro meo: *ex Dinonis Persicis proferam?* Dinonis enim Persica sæpe & ab Athenæo, & à Diogene Laërtio citantur. Neque verò addenda est vox, *libris*: non enim cùm dicunt, Indica, Persica, Iberica, & similia, intelligunt βιβλία: sed res Indorum, res Persarum, Iberorum: eodemque modo in ceteris.

De fideis quibusdam amicis, qui leuia amicorum peccata reprehendunt, ad grauiora conuincunt.

CAP. XV.

VEHEMENTER vituperare ac reprehendere solebat Hippolytus Cardinalis Ferrariensis, cuius ego memoriam perpetuò colere, ei que pacem ac veniam à Deo precibus omnibus exposcere debeo, sententiam Plauti de amici officio: neque vnquam audiebat hos versus,

Amicum castigare ob meritam noxiam,

Immane est facinus:

quin propè excandesceret, diceretque nihil potuisse stultius, aut à veri amici natura, ac consuetudine alienius cogitari. Vix enim vltum esse aut viri boni, aut amici hominis maius, ac præclarius munus, quam amicum vel peccare parantem retinere, atque impedire, vel cùm iam peccasset, reprehendere atque increpare: dum tamen constaret id non alio animo fieri, quam ad incutiendum ei pudorem, ne quid postea tale committeret, sed in eo magnam adhibendam esse

cautionem, ne deciperemur ab hominibus improbis, qui ut amicè ac liberè agere videantur, in iis, quibus se amicos esse simulant, leuia quædam, & pusilla peccata reprehendunt, ad maiora & grauiora interim conuiuentes: cuiusmodi ferè omnes esse dicebat Regum ac potentum tenuiores amicos: neque hac maiorem vllam esse in felicitate infelicitatem. Ac meminì olim eum Tibure, cùm inter prandium multa in hanc sententiam disputasset, meque postea, ut solebat, in cubiculum suum seuocasset, valdè gauisum esse, ut ex me audijt, aut eadem quæ ipse dixisset, aut certè valdè ijs consentanea à Plutarcho tradita esse eo in libro, quo adulatoris ab amico distinguendi viam, ac rationem doceret. Mirificè enim amabat Plutarchum: magisq; confirmabatur in sententia sua, cùm intelligeret eam, tam grauis, tamque cordati scriptoris iudicio comprobari. Verba autem quæ tum protuli, hæc sunt: ἐπεὶ τὰ ὅτι μὲν ἀληθινῶν καὶ μεγάλων ἀνθρώπων ἐδὲν εἰδέναι προσποιέμενος, ἐδὲ γινώσκον, πρὸς ὅτι τὰ μικρὰ καὶ τὰ ἐκτὸς ἐλλείμματα διγνὸς αἰσῆσι, καὶ μὴ τὸν κατὰ ψαυταὶ καὶ σφοδρότητος, ἀνὴρ σκεῖται ἀμελῶς ἰδὴ καίμενον, ἀνὴρ οὐκοῦντα βεβύλωτος, ἀνὴρ ὀλιγοῦντα κουράσας, ἢ ἀμπεχόντης, ἢ κυνός, ἢ ἵππου καὶ κατὰ ἐξέλιαν ὀπμιέμενον. γινέων ὅτι ὀλιγοῦντα, καὶ παίδων ἀμέλεια, καὶ ἀπρία γμετῆς, καὶ πρὸς οἰκείους ὑποφία, καὶ χρημάτων ὀλεσθῆναι ἐδὲν ὅτι πρὸς αὐτὸν, ἀλλ' ἄθωνται ἐν τύποις καὶ ἀτολμῇ. ὡς περ ἀθλητῶν ἀλείπτῆς ἔων μεθύειν καὶ ἀκολασταίνεσθαι, εἴτα πρὸς ἀγκύτου χελετὸς ὦν καὶ σλεγγίδος, ἢ γεσθημαπκὸς ὀπμιήπῃν τῶν παιδῶν πρὸς δέλτου καὶ γεσφείν, στροικίζοντα ὅτι καὶ βαρβαρίζοντα ἐδὲν ἀκούειν. Quæ cùm ei interpretatus essem, addidi huiusmodi præposteris amicorum reprehensores exagitari etiam ab Horatio: qui etiam duobus exemplis ijsdem, quibus Plutarchus usus esset, κουράσας καὶ ἀμπεχόντης. statimque recitauit hos Horatij versus:

Si cui-

*Si curtatus in aquali tonsore capillos
 Occurri, rides: si fortè subucula pexa
 Trita subest tunica: vel si toga dissidet impar,
 Rides. quid mea cum pugnat sententia secum:
 Quod petijt, spernit: repetit quod nuper omisit:
 Aestuat, & vita disconuenit ordine toto:
 Diruit, adificat, mutat quadrata rotundis?
 Insanre putas solemnia me, neque rides,
 Nec medici credis, nec curatoris egere
 A pratore dati: rerum tutela mearum
 Cum sis, & praua scētum stomacheris ob unguem
 De te pendentis, te respicientis amici.*

cumque cum huius loci collatione oblectatum vide-
 rem: addidi tertiū è sanctissimo & disertissimo scri-
 ptore Iohanne Chrysostomo in oratione πρὸς τὰς ἐγ-
 χαλέουσας ὑπὲρ τῶν μῆκους τῶν περιποιούντων: ubi ita scribit, Νυνὶ
 ὃ ἂν μὲν ἴδωμεν αἰσχροπρεπὲς τὸν χρωμίσκον ἔχοντα παραλευ-
 μένον ἐκ παλαιῶν, ἢ τιτὸν ἄλλω πολλῷ κακῶς περικειμένῳ, διορ-
 θεύμενον καὶ ὑπομμιήσκον. ἂν ὃ ἴδωμεν αὐτὸν τιτὸν ζῶντα παρ-
 λευμένῳ, ὃ δὲ λόγον περιέειναι. Huius generis sermoni-
 bus partem aliquam tēporis propè quotidie mecum
 consumebat ille omnium quos vnquam vidi pruden-
 tissimus, & consilij plenissimus senex: cuius aut ex-
 cellitatem animi, aut perpetuam erga eruditos homi-
 nes munificentiam ac liberalitatem qui exæquet, &
 adhuc requiro, & vereor, ne semper frustra requiram.

Quod Epicurum meritò à Plutarcho reprehensum

*A. Gellius frigide atque ineptè defendere cona-
 tus sit.*

CAP. XVI.

EPICURVM dialectices imperitum fuisse, ac pu-
 tasse etiam omnem operam ludi, quæ in ea cognoscen-
 da ac perdiscenda poneretur, ita notum est, vt confir-

T 5 matione

matione non egeat. Itaq. illius artis ignoratione ruebat in dicendo: sæpeque aliquid probare aggressus, ea sumebat, quibus datis ac concessis, id tamen quod probare instituerat, non concluderetur. Quale est, quod cùm docere vellet, mortem nihil ad nos pertinere, ita ratiocinabatur: Ο θάνατος ἐδὲν πρὸς ἡμᾶς. τὸ γὰρ διαλυθὲν ἀναιδιτητεῖ. τὸ δὲ ἀναιδιτητὴν ἐδὲν πρὸς ἡμᾶς. Neque enim sequitur, si id quod dissolutum est, sensu vacat; idcirco ipsam quoque dissolutionem non sentiri. Neque mors est τὸ διαλυθὲν, ἀλλὰ αὐτὴ ἡ διάλυσις. Meritoq. Plutarchus secūdo librorum quos de Homero composuit, imperfectè, atque præposterè, atque syllogismo vsum esse eum dixerat: non quod prætermisisset illud λήμια, ὁ θάνατος ψυχῆς καὶ σώματος διάλυσις: quo addito, nihilo magis efficietur, quod ipse voluit: sed quòd, stupiditate quadam, & crassitudine ingenij, non peruidisset, quantum inter id quod dissolutum est, & ipsam dissolutionem interesset. Nactus autem est patronum tali prorsus cliente dignū Gellium; qui dum alienā stulticiam tegere vult, prodit suam. Tantum enim abest ab eo defendendo, vt ne intellexisse quidem videatur, quid in eo reprehenderetur. Neque enim difficile est conijcere, ita eum à Plutarcho reprehensum, vt & ab eruditissimo Aristotelis interprete Alexandro Aphrodisiensi reprehēditur: cuius hæc sunt ex commētario in primum Topicorum: τοῦτος καὶ ὁ πρὸς τὸν θανάτου ὑπὸ ὁπικύρου λόγος εἰρημένος. ὃ γὰρ ἐκ τῶν γενομένων περὶ τῶν, τὸ διαλυθὲν ἀναιδιτητεῖ, τὸ ἀναιδιτητὴν οὐδὲν πρὸς ἡμᾶς, (σωζέμεν) τὸ, ὁ θάνατος ἐδὲν πρὸς ἡμᾶς, ὥς αὐτὸς ἡγῆται, ἀλλ' ὅτι τὸ διαλυθὲν ἐδὲν πρὸς ἡμᾶς. ἀλλ' ἐδὲ ὁ θάνατος τὸ διαλυθὲν ὅτι, ἀλλ' ἡ διάλυσις. ἐκ ἐδὲ καὶ ὃ ἐδὲ τὸ διαλυθὲν ἀναιδιτητεῖν, καὶ τὸ, τίς θάλασσαν γινέσται ἀναιδιτητὴς. Neque minus iustè ac graviter reprehenditur ab eodem

codem Plutarcho, quòd τὸ ἀλγούν posuisset ἀντὶ τοῦ ἀλγέρον. Cuius enim stuporis est, confundere id quod dolorem excipit, ac patitur, cum eo quod dolorem facit? At istas curas vocum, verborumque elegantias, ait Gellius, non modò non sectatur Epicurus, sed etiam insectatur. Nostra sanè nihil interest, quid ille aut sectetur aut insectetur. Sed qui tam sæpe monuerat, diligenter videndum esse, quæ vis, quæque notio vnicuique voci subiecta esset, tam negligens esse in loquendo non debuit, ut aliud sentiret, aliud diceret. Neque si Epicuro esse negligenti licuit, caussa vlla est, cur aliis diligentibus esse non liceat.

De duabus antiquis vocibus, Tamenetsi & Insuperhabere. CAP. XVII.

VOCES quasdam Latinas, quæ iam ita exoleuerant, ut propè à nemine agnoscerentur, retraxit ex fuga summus, & cum illis veteribus comparandus I. C. Iacobus Cuiacius: quas diligenter retinendas censeo, & quam plurimis testimonijs corroborandas: ne lingua satis per se inops, nostra negligentia, atque incuria magis etiam pauperetur. Ex illis vocibus est *tamenetsi*, pro tametsi: de qua, quoniam nonnullos adhuc dubitare video, proponam hîc locos aliquot, præter eos quos attulit Cuiacius: ex quibus constet frequentem apud veteres illius usum fuisse. Plautus Milite: *Deos sperabo, teque postremo: tamenetsi istuc mihi acerbum est, quia hero te carendum est optimo.* Cicero in Verrem: *Hoc si tuus inimicus tibi fecisset, tamenetsi animo æquo provincia tulisset, inimici iudicium graue videretur.* Idem libro XII ad Atticum: *& tamenetsi continuo congressuri sumus, scribes ad me, si quid habebis.* Cæsar lib. septimo De bello Gallico: *Quæ tamenetsi*

et si Caesar intelligebat, tamen quàm mistissimè potest, legatos appellat. Idem eodem libro: Ac tamen et si dextris humeris exertis animaduvertebantur. Ennius: At Romanus homo, tamen et si res bene gesta est, Corde suo trepidat. Lucanus in carmine ad Pisonem: tamen et si bella quierunt, Non perijt virtus. Seneca libro quinto De beneficijs: Cui, tamen et si malus est, ipse quoque in simili materia gratus esse debet. Eiusdem generis est verbum in superhabere, pro eo quod est negligere: cuius ipse testimonia multa ex libris iuris: vnum præterea ex Appuleio protulit. Sed & Gellius cap. xix. libri primi eo verbo usus est: Eam, inquit, constantiam, confidentiamque non in superhabendam intelligit. Ita enim planè, id est, non duabus vocibus, sed vno iuncto verbo legitur in vetere libro Fuluij Ursini. Appuleius quoque libro primo De asino aureo: Hic qui me is amoribus in superhabitis, non solum me diffamat probris, verum etiam fugam instruit. Ita enim habent veteres libri, non, vt editi, subterhabitis.

Locos quosdam è primo Rhetoricorum Aristotelis è Platone sumptos videri.

CAP. XVIII.

NON semper nominat Platonem Aristoteles, neque cùm ab eo dissentit, neque cùm ab eo aliquid sumit, neque denique cùm quid dicit, quod ad aliquem Platonis locum pertineat: sed interdum, quasi præteriens, & aliud agens, id facit: ita vt lectorem minùs attentum facile lateat. Vt libro primo De arte dicendi, cùm opus, ac finem Rhetorices, ait, non in persuadendo positum esse, sed in videndo, quid in quaque re aptum sit ad persuadendum: non dubium est,

est, quin verba illa, καὶ ὅτι τὸ πῶσαι ἔργον αὐτῆς, dirigantur aduersus id quod apud Platonem ait Gorgias: τὴν ῥητορικὴν πρὸς δὴμους ἀγαγόν τῇ, καὶ τὸ καφάλασεν αὐτῆς εἰς τὸ τελευτᾶν. Itemq. paulo post, cū ait τὸ σοφιστικὸν τῇ ἐκ ἐν τῇ δυνάμει, ἀλλ' ἐν τῇ προαιρέσει: & libro quarto νικομαχείων, cū idem dicit περὶ τῆ ἀλαζβονίᾳ, duobus verbis perfecit ea quæ apud Platonem in Hippia minore fusiùs, ac copiosius disputantur. Illud quoque quod paulo infra eum locum tradit, vnāquamq. aliarum artium esse διδασκαλικὴν, καὶ πιστικὴν in eo quod tradit, vt geometriam in ijs quæ magnitudinibus accidunt: in numeris arithmetice, similiterq. in alijs alias: manifestò sumptum est è disputatione Socratis aduersus Gorgiam. Hæc notare non alienum putavi: quia P. Victorius, qui mihi adhuc videtur solus in eos libros scripsisse, id facere omiserat. Neque sanè ab vno scribi omnia aut potuerunt, aut debuerunt. satis esse debet Victorio ad gloriam, quòd ea in illis libris præstitit, quæ nemo hac tempestate alius præstitisset.

Loci aliquot è Pænulo Plantina emendati, & illustrati.

C A P. XIX.

A P U D Plautum in Pænulo ita cum Milphione seruo Agorastocles adolescens colloquitur:

Quid nunc mihi & auctor Milphio? M I L. vt me verberes,

Atque auctorem facias. nam impunitissimè Tibi quidem hercle vendere hæc ædis licet.

AG. Quid iam? M I L. maiorem parte minore habitas mea.

AG. Superfede istis verbis.

Scd

Sed Turnebus è veteri, vt ipse ait, membrana vnâ litteram addit, legitque hoc modo:

maiozem partem minore habitas mea.

atque hanc sententiam esse dicit. Tibi licet impune hæc ædes vendere in auctione: maior enim pars tua est, minor mea: vt accessiuncula mea impedire venditionem, legemque mancipij non possit. quæ declaratio, si vera est, primum de Turnebi sententia nouum ius ciuile recipiendum erit, vt quarum ædium maior pars alicuius est, ei, etiam inuito eo, cuius est pars minor, eas totas ædes vendere liceat. Sed hoc ius, nisi obstat Turnebi auctoritas, valde controuersum futurum est: & vix, aut ne vix quidem, illius sententia obtinebit. Sed & aliud nobis multo absurdius deutorandum erit. Quomodo enim ædes domini, & serui communes esse possunt? aut qui sui domini non est, is partis ædium domini esse? An eam partem dicetur habere in peculio? At non ne dominus & serui, & peculij dominus est? An qui facile pronuntiant, facile etiam *παρολογίζον*: nosque ipsi ridiculè facimus, dum in declaratione tam ridicula confutanda tam multi sumus? legendum enim planè est,

maiozem partem in ore habitas meo.

hac sententia. Licet tibi hæc ædes impune vendere; vt quibus tibi iam opus non sit: ita enim sæpe mihi contundis os pugnis, & calcibus, vt, non in ædibus, sed in ore meo maiorem temporis partem habitare videaris. In eadem autem fabula, vbi legitur:

res serias

Omnis extollo ex hoc die in alium diem.

Pro festo festos habeam decretum est mihi:

vna littera mutata, legendum, *Pro festo*. Habere autem dies festos pro festo, ita dictum est, vt, *somnia, pro somniis*

somniis habēda. ut, apud hunc ipsum, pro sano: ut apud iuris auctores, pro herede, pro domino, pro possessore: ut apud Appuleium; neque pro amico, neque pro Philosopho facturum. Et cum ait, se res omnes serias extoltere in alium diem, procul dubio respexit ad illud vetus dictum, εἰς αὐριον τὰ πικρὰ. Sed & in eadem fabula, in Agorastoclis ἀναγραφῇ deprauiati sunt hi versus:

Ostende, ut inspiciam. iam aperi, audi, atq, ades.

AG. Mi patrue salve. POE. et tu salueto Agorastocles: Legendique hoc modo:

Ostende, ut inspiciam. aperi. AG. vide, eccum, adest:

Mi patrue salve. POE. & tu salueto Agorastocles: Sed in illo versu, qui in extrema fabula legitur,

Ἰνιριarum multo induci satius est,

qui vulgatam scripturam mutare conantur, nimis ingeniosi sunt. Induci est εἰσαγεῖν: & de hoc verbo consulendus est Budæus in commētarijs linguæ Græcæ.

Unde sumpsit Horatius, quod Amorem in Chia genis excubare dixit.

CAP. XX.

NEMINEM esse opinor, duntaxat græcarum deliciarum ἐν ἀγείῳ, quin peregrini, & transmarini saporis aliquid sentiat in his Horatij versibus:

Et cantu tremulo pota Cupidinem

Lentum sollicitas. Ille virentis, &

Doctæ psallere Chia

Pulchris excubat in genis.

Ego quidem quoties illum tremulum Lyces cantum cogito, videre mihi videor libidinosam illam & ἡρωικὴν anum, quæ apud Aristophanem, cerussa, & purpurisso fluentibus buccis, cantare se ait, ut virum aliquem sibi conciliet:

Εγὼ δ' ἔκατα πεπλασμένη ψευδίῳ
 ἔστηκα, καὶ κροκωτὸν ἡμφιεσμένη
 Ἀργὸς, μινυρομένη πρὸς ἑαυτὴν μέλθω,
 Παίζω τ', ὅπως αἶν' ἀειλάσοιμ' αὐτῶν πινά
 Παιέοντα. Μῦσαι θεῶν ἴτ' ὅτι τ' ἔμδον σόμα,
 Μελύδριον εὐρεῖσσι πῶν ἰωνικῶν.

Iam in ijs quæ sequuntur, Græca planè omnia. non
 in eo modo quod virentem Chiam dicit, id est, χλω-
 ρὰν καὶ ἡβῶσαν: sed multo etiam magis, quòd Amorem
 ait in pulchris illius genis excubare. Sumpsit autem
 hoc è grauissimo poëta Sophocle, apud quem ita in
 Antigona canit chorus:

ἔρωσ ἀνίκατε μάχαν,
 ἔρωσ, ὅς ἐν κτήμασι πίπτεις,
 ὅς ἐν μαλαχῇσι παρειᾷς
 νεανίδος ἐννυχεύεις.

Hoc certè quidam, si viueret, aut sibi subreptum
 esse, aut sibi alicubi in via excidisse diceret.

M. AN-

M. ANTONII MVRETI

I. C. AC CIVIS R.

VARIARVM LECTIIONVM

LIBER DVODECIMVS.

*Emendati loci aliquot è libro primo
Senecæ De beneficijs.*

CAP. I.



Temporis & venditoris, locatoris
& conductoris permutata esse inter
se aliquot in iure ciuili locis nomina
docuit princeps & nostræ & superio-
ris memoriæ iurisconsultorum Cuias-
cius, ita notasse mihi videor quodam
apud Senecam loco creditore pro debitore positum
essè. Ita enim vulgo legitur, lib. primo De beneficijs:
*Nemo beneficia in kalendario scribit; nec auarus exactor
ad horam & diem creditorem appellat.* Vbi, nisi me fal-
lit animus, legendum est, *debitorem*. Neq. hoc, quan-
do hæc rudioribus nauatur opera, monere omiserim,
non id dicere Senecam, ab avaro exactore non appel-
lari debitorem ad horam & diem, quod manifestò
falsum esset: sed eum qui beneficium dat, non facere
item vt avari exactores solent, qui, quod crediderunt,
id sibi ad horam & diem solui volunt. Similis ergo
locus est illi Horatiano: *Nec excitatur classico miles
truci.* non enim negat militem classico excitari; sed
eum, qui rus suum colit, negat ita excitari classico, vt
milites solent. Sic in epistola ad Pisones: *Nec verbum
verbo curabit reddere fidus Interpres.* negat enim bo-
num

num imitatorē id sibi studio habere, vt verbum verbo reddat, quemadmodum fidi interpretes solent. Emendabo & ex eodem libro alia. Vbi ergo de Gratijs loquens ait: *Inueniam alium poetam, apud quem praeingantur, & spissis prodeant*: legendum est ex veteribus libris, & *spissis auro Phrygianis prodeant*. Phrygianarum vestium mentio est & apud Plinium. *spissas auro* dicit, quibus Phrygio multum ac densum aurum intextuisset. Et, vt quaedam in medio leuiora omittam, veniam ad locum quendam mirifice deprauatum, qui cum minimo negotio ex vetere scriptura sanari posset, tales medicos inuenit, vt cui libet eorum dici potuerit,

Τὸ κάμαρόν σου τὴν ἰσὺν πρὶς ὡ πρὶν.

Vulgo enim ita legitur: *Ad hanc honestissimam contentionem beneficijs beneficia vincendi sic nos adhortatur Chrysippus, vt dicat verendū esse, ne quia Charites Iouis filia sunt, putemus certē paruum ingerere sacrilegium, si tam bellis puellis fiat iniuria*. Possem ostēdere, quomodo alij scribēdum cenauerint. Sed quid opus est, exagitandis illis, ostentare me? Veterum librorū scriptura hæc est: *parum sacrate gerere sacrilegium sit, & tam bellis puellis fiat iniuria*. Vbi est, *sacrata*, scribito, sc̄ *grate*: plana omnia & emendata erunt. Vnum etiam locum ex eodem libro appingam; qui vulgo ita legitur: *Itaque boni etiam farre ac fr̄ctili religiosi sunt: mali rursus non effugiunt impietatem, quamuis aras sanguine multo cruentauerint*. Libri veteres, & vt Turnebus loquitur, manuales, pro *fr̄ctili* habent *fr̄tilla*. Sed legendum, *fitilla*. Id genus erat pultis, quo utebantur in sacris. Arnobius lib. septimo aduersus Gentes: *Quid fitilla, quid frumen, quid africia, quid gratilla, catumen, conspolium, cubula?* ex quibus duo, quæ
prima

prima, sunt pultium nomina, sed genere & qualitate diuersa. series verò, quæ sequitur, librorum significantias continet.

Eiusdem Seneca locus illustratus.

CAP. II.

MULTI sunt, qui, cum & libenter & prolixè alios laudent, neminem tamen habent, qui se, quòd ab eis laudatus sit, quidquã propterea eis debere arbitretur. Laudant enim sine vllò dilectu ac discrimine omnes: vt id non aut iudicio aut beneuolentia adducti, sed morbo quodam animi facere videantur. Sed & in pecunia idem, quamquam rarius & à paucioribus, fieri videas. Eiusmodi igitur homines & eleuant auctoritatem iudicij sui, & omnem benefactorum gratiam amittunt. De quibus præclare Seneca: *Beneficium*, inquit, *quod quibuslibet datur, nulli gratum est. Nemo se stabularij aut tanponis hospitem indicat, nec conuiuiantis epulum: ubi dici potest, Quid enim in me contulit? Nempe hoc, quod in illum & vix notum sibi, & in illum etiam inimicum ac turpissimum hominem. Nunquid enim me dignum iudicauit? Morbo suo morem gessit. Puto autem hoc, quod postremo loco positum est, veteris poetæ Græci exemplo dictum esse, ex quo quadratum versum perelegantem citat Plutarchus:*

Οὐ φιλένδρος οὐδ' ἔσσι'. ἔχεις νόστον. χεῖρας δίδως.

Ibi enim quisquis ille est, qui loquens inducitur, negat, quòd alius quispiam multis pecuniam largiatur, id ab ipsius humanitate ac liberalitate proficisci: cum enim illo quasi morbo teneri, vt dandis pecunijs gaudeat.

Alins eiusdem scriptoris locus emendatus.

CAP. III.

EXCEPTA *Macedonum* gente, ait libro tertio De beneficijs Seneca, *non est in vlla data aduersus ingratum actio*. Sed vbi quidquam tale de Macedonibus lectum est? Immo verò apud solos mortalium Persas ingrati actionem dari, ex Xenophonte didicimus; cuius verba describam, non vt vulgo leguntur, sed vt legenda sunt: *δικάζουσι ὃ καὶ ἐγκλήματος ἔνεκεν ἀνθρώποι μισοῦσι μὲν ἀλλήλους μάλιστα, δικάζουσι ὃ ἥκιστα, ἀχαείστως*. Nunquid igitur Senecam memoria lapsum esse dicemus? At eam ipsemet profitetur sibi vsque eò firmam fuisse, vt non tantùm ad vsum sufficeret, sed in miraculum vsque procederet. Equidem vidi veterem Senecæ librum, in quo non *Macedonum* legebatur, sed *Medonum*. neque dubium habeo, quin legendum sit, *Medorum*. Medos autem pro Persis antiqui sæpe dicebāt: vt iam pridem docui in illum Catulli locum:

Cum Medi irrupere nouum mare.

Itaque Aristophanes gallinaceum, quem iocans ait olim Persis imperasse, ea de causâ *μῆδον ὄρνιν* vocat: *ἐπεὶ καὶ τὰς πέρας μίδες ἔλεγον*: ait qui scholia in eius fabulas scripsit.

*Vetus quaedam consuetudo satisfaciendi ijs,
quibus malè precati erant.*

CAP. IIII.

IN consuetudine apud veteres positum fuit, vt qui alicui malè precatuserat, is si eum placare ei que satisfacere vellent, optaret, eo præsente, vt in caput suum reciderent ea quæ in ipsum dixisset. Duobus hoc è Seneca locis cognosci potest: quorum vnus est libro tertio

tertio De beneficijs, ubi ita scriptum est: *Rufus vir ordinis senatorij inter cenam optauerat, ne Cæsar saluus rediret ex ea peregrinatione, quam parabat: & adiecerat idem omnes & tauros & vitulos optare. Fuerunt, qui illa diligenter audirent. Ut primum diluxit, seruus, qui cenanti ad pedes steterat, narrat, quæ inter cenam ebrius dixisset. Hortatur, ut Cæsarem occupet, atque ipse se deferat. Vfus consilio descendenti Cæsari occurrit. Et cum malam mentem habuisse se pridie iurasset, id ut in se & filios suos recideret, optauit, & Cæsarem ut ignosceret sibi, rediretq; in gratiam secum, rogauit. Alter est libro quarto: quem & ipsum subiiciam: loquitur autem de homine impurissimo Mamerco Scauro. Pollioni Asinio iacenti, obscæno verbo vsus dixerat se facturum id, quod pati malebat: & cum Pollionis attractiorem vidisset frontē: *Quidquid, inquit, mali dixi, mihi & capit i meo.* Sed & festiuissimus poëta Tibullus, cum ianuæ cuidam multa mala dixisset, eamque postremò placare vellet, ita canit:*

Et mala si qua tibi dixit dementia nostra,

Ignoscas. capiti sint precor illa meo.

Urbanissimè autem apud Aristophanem Dicæopolis cum Megarensē χαίρειν, id est, gaudere aut saluere iussisset: idque ille respondisset sibi ἐκ ἐπιχώριον εἶναι, precatur, ut id in caput suum recidat.

Πολυπραγμοσύνης νῦν, ἐς κεφαλὴν πέποιτ' ἐμοί.

Vbi Scholiastes eam, quam dixi, consuetudinē etiam Atheniensium fuisse tradit.

Linguarium quid vocarit Seneca.

CAP. V.

QVÆRIT Seneca libro quarto De beneficijs, si quis cui quid tamquam digno se daturum promiserit, quem

rit, quem postea indignum esse comperiat, quid facere debeat: num recedere ab eo, quod promisit, an etiam indigno dare. Et hanc quæstionem distinctione dissolvit: *Aut enim magnum aliquid promissum est: & tunc præstat semel pudere, quam semper panitere: aut exiguum aliquid: quo casu etiam indigno dari potest.* Hoc posterius ipse ita exprimit: *Si exiguum est, dabo: non quia dignus es, sed quia promisi. Nec tamquam munus dabo; sed verba mea redimam, & aurem mihi peruellam.* Id est, scribam hoc in animo diligenter, & in memoria infigam, ut mihi documento sit in posterum, ne temerè promittam. Aurem enim vellebant, cum quid volebant in memoria hære. Plinius libro undecimo: *Est in auro ima memoria locus, quem tangentes antestamur.* Et inde est illud Horatii: *licet antestari? ego verò Oppono auriculam.* Ac vidi veteres nummos æreos, in quibus viri duo insculpti erant, quorum unus alteri aurem vellebat: in orbem autem scriptum erat, M N H M O N E T E. Seneca ipse libro quinto: *Dicere solemus; Sine tu, loquar tecum: & Ego mihi aurem peruellam.* Sed in eo loco, de quo dicere cœperā, statim sequitur: *Damno castigabo promittendi temeritatem.* Ecce, ut doleat tibi, ut postea considerasius loquaris. quod dicitur, *linguarium dabo.* Quibus in verbis dubitari potest, quid sit *linguarium.* & Turnebus quidem ait esse tamquam linguarum thecam & repositorium, in quo dicat Seneca se linguam conditurum, ne temere promittat. Ego autem longè aliter eam vocem accipio: neque dubito, quin *linguarium* sit id quod pro lingua, quæ temere locuta est, penditur. Idq. mihi apertè ostendere videntur verba illa Senecæ, *Verba mea redimam: & Damno castigabo promittendi temeritatem.* Sic *vasarium* dicebatur pecu-

pecunia, quæ pro vasis, id est, pro utensilibus attribuebatur ex ærario magistratibus in prouincias proficiscentibus. Sic *cervarium* vocabat Verres pecuniam, quam quasi pro cera exigebat. Sic *salarium* antiquitus, quod dabatur pro victu, in quo principem locum tribuebant sali. Sic *unguentarium* apud Plinium libro secundo Epistolarum, quod Marius Priscus, à prouincialibus, quasi pro vnguentis exegerat. Sic *honorarium vinum*, quod regibus & potentibus honoris gratia offertur. Cato de innocentia sua: *Cum essem in prouincia legatus quamplures ad prætores & consules vinum honorarium dabant. numquam accepi nec priuatus quidem.* Sic *hordearium*, quod equiti pro hordeo ad alendum equum dabatur. Sic denique *uxorium*, pœna quæ publicè exigebatur ab ijs qui vxores non haberent.

De naturali quadam spei & metus coniunctione.

CAP. VI.

Cum spei nihil æquè aduersetur ac timor: notatum tamen est à sapientissimis viris, vbi omnis omnino sublata spes est, ne timorem quidem posse subsistere. Pendeat enim oportet metuentis animus: qui si spei, quo sustentetur, nihil prorsus reliquum sit, planè iacet. Atque hoc eleganter admodum expressisse videtur adolescens Terentianus:

Vae misero mihi.

Ut animus in spe atque in timore vsque antehac attentus fuit,

Ita, postquam adempta spes est, lassus, cura confectus stupet.

Itaque negat Aristoteles eos qui ad mortem ducuntur, timere; vt quos iam spes omnis reliquit. Et qui

timent, quærunt, si qua ratione id, quod imminet, vitare possint. At in rebus desperatis nemo consultat. Immo verò ita spe alitur metus, ut omni spe adempta, plerumque in audaciam transeat. Idque in extremum periculum adductis sæpe salutis fuit. Hac de re dictum Ilecatonis commemorat Seneca: *Desines timere, si sperare desicris*. Cui ipse postea addit: *Dices, quomodo ista tam diversa pariter sunt? Ita est, mi Lucili. cum videantur dissidere, coniuncta sunt. Quemadmodum eadem catena & custodem & militem copulat: sic ista, quæ tam dissimilia sunt, pariter incedunt*. Sed in his postremis verbis omnes editiones depravatae sunt. Non enim *custodem*, legendum est, sed *custodiam*. Vocabant autem custodias reos ipsos, qui sub custodia erant; ut alibi: *Cum adueheretur inter custodias quidam ad matutinum spectaculum missus*. Et sæpe ita accipitur hoc nomen in libris iuris civilis. Dabantur autem ferè militibus custodiendi.

De piscibus subterraneis emendati Seneca lici duo.

CAP. VII.

IMMENSAM quandam aquarum vim in subterraneis specubus latere philosophi tradunt, eam etiam interdum erumpant, secumque magnam piscium multitudinem efferant. Ceterum pisces illos, ut in tenebris saginatos, tum aspectu deformes atque horridos, tum gustatu noxios ac mortiferos esse. In Caria quidem cum id aliquando contigisset, quicumque illos ederant pisces, omnes ad unum periisse, litterarum monumentis proditum est. Sed quam ad urbem id contigisse Seneca dicit, is enim huius historiae auctor est, eius urbis nomen ita in libris ipsius corruptum circumfertur, ut sine veterum librorum ope vix quispiam

quispiam, non dicam ad verum peruenire, sed de mendo suspicari queat. *Circa Myndum enim Caria urbem id euenisse* in vulgatis libris legas. Ego olim librum veterem habui, quem postea clarissimo, & cum incredibili omnigenæ eruditionis copia, tum virtute atque integritate præstanti viro Vincetio Laureo episcopo Montisdiuitis dono dedi: quo in libro scriptum erat *factum id in Caria circa Iotuma urbem*. Ex qua leuiter deprauata scriptura facilè coniecici legendum esse, *circa Lorum urbem*. Nam & in epitoma Stephani De urbibus nominatur, *λάρυμα πόλις καρίας*: & à Strabone libro XIII I. & à Ptolemæo libro quinto, & à Plinio, & à Mela, nisi quòd apud hunc librariorū vitio, *Latumna*, non *Lorum* legitur. Emen- dabo & alium ex eodem libro locum, quem omnes vsque in hunc diem aliquot vocibus mancum ac mutilum ediderunt. Vbi enim narrat Seneca quosdam fluuios palàm in specum aliquem decidere, & terra absorberi, deinde in remotissimis locis exire, cursum- que ac nomen suum reperere: cùm id de Lyco amne exposuisset Ouidij versibus; subiungit; *Idem & in oriente Tigris facit: absorbetur & desideratus diu, tandem longè remoto loco purgamenta eiecit, ut Arethusa in Sicilia quincta quaque æstate per Olympia*.

De Arimaspsis, cur dicti sint unum tantum oculum habere: item de populis, apud quos pueri oblongo capite nascuntur.

CAP. VIII.

HOMINES esse quosdam in Scythia tradiderunt ex antiquis nonnulli, qui vnum tantum in media fronte oculum haberent. *Arimaspsis* nomen est, quos & Æschylus ex eo *μονῶπτος* vocat. Ipsum quoque

Arimasporum nomen ex re illis inditum putant, Scythica enim lingua *ari* vnum esse: *maspon* oculum. Sed quibus curæ fuit veritatem rerum diligentius indagare, eam gentem arcu & sagittis excelluisse memorant, quas cum dirigerent, alterumque, ut fit, oculum clauderent, assidue in eo studio essent, dicti sunt vno tantum oculo vii. Fortassis etiam, quod ei rei à pueris adfuerent, alterius oculi orbe erant contractiore: versaque paulatim, ut sæpe accidit, in naturam consuetudine, patrum similes filij nascebantur: quæq. in patribus deformitas ex oculorum inæqualitate *ἐπίκρυτος* & aduenticia, eadem in filijs innata atq. insita erat. Ita certè de quibusdam in Asia populis grauis auctor Hippocrates narrat; cum apud eos pulchrum haberetur oblongo capite esse: ob idque nutrices recens editorum infantium tenella capita manibus contrectando ac comprimendo, globosam & orbicularem figuram corrumperent, eaque fastigiarent, ac fasciis etiam adstricta in acumen crescere cogerent, paulatim studium in naturam vertisse; ut omnesea in gente oblongis capitibus nascerentur; ex eoq. Macrocephalos vocari. Idem & hodie, serio an ioco, de gente quadam in Italia dicitur.

De loco quodam Terentij ex Eunuchio confutata

Marcelli Virgilij sententia.

CAP. IX.

LOCOS E' quidem dictum est à Chærea in Eunuchio Terentiana, *Pessulum ostio obdo*: subestque omnino obscenior sensus: neque tamen adsentior Marcello Virgilio, qui putat respexisse poetam ad medicorum *πύλους*, qui mulierum naturalibus ad prouocandos menses subijci solent. Primū enim ex voce non Græca modò,

ea modò, sed & medicorum propria quotusquisque
 assecutus esset vim ioci? deinde non puto voces Græ-
 cas admittere eam formam imminuendi, quæ Latinis
 usitata est; neque si Græci exiguum πεισὸν dicunt πει-
 σάειον, licere continuò Latinis pessulum eo sensu di-
 cere: non sanè magis quàm logulum ἀντίλογον, aut
 eiusmodi alia. ipsumque Marcellum peccasse arbi-
 tror, qui πεισάειαν pessulos vertit. Sed pessulus est πεί-
 σαλον: quo nomine significabant interdum iocantes
 id quò mares sumus. Aristophanes:

Ταῖς παρεστύχαις γυναιξὶν ἔσω τ' νέον

Ἐλκειν ἀνατὶ λαβομένας τὸ πειτάλον.

Suspitor & Horatium in illo versu,

nec tanti ridentis

In Venerem tolerare pondus,

cùm allegoriæ seruiret, eò etiam respexisse, quòd il-
 lam partem Græci interdum πύρον vocant: vnde &
 λαπαύρος. Quin & temporibus Romuli, cùm consula-
 ra Iuno, matronas Romanas, si secundæ fieri vellent,
 à capro iniri oportere respondit, Græcè potius quàm
 Latinè locuta est, neque tam caprum intellexit, quàm
 illum κέρον, in quo præcipuum putatur esse reme-
 dium aduersus mulierum sterilitatem.

De quibusdam, qui pilas sunt corde.

CAP. X.

ARISTOMENIS Messenij, qui trecentos Lacedæ-
 monios occiderat, qui que & fortitudine & calli-
 ditate præstiterat, mortui cor hirtum & densa quasi
 silua pilorum oblitum reperiunt esse tradit Plinius.
 Idem de Lyfandro Lacedæmonio, qui & ipse tum
 fortissimus tum astutissimus fuit, Græci quidam me-
 moriæ prodiderunt. Ipse quoque memini, cùm Vene-
 tiis essem,

tiis essem, sumptum esse capitis supplicium de nobili quodam latrone, qui cum à carnifice dissecaretur, corde admodum piloso repertus est. Roboris quidā, astutiæ & calliditatis alij esse id argumentum volunt. Ab ingenti certè calore proficiscitur, quo qui abundant, ij & robusti esse, & callidi solent. Itaque eruditus & grandiloquus poëta Nonnus libro xxvi. Dionysiacon Sabiris populis ait esse cor densis vestitum pilis: ideoque audacissimos esse, neque vnquam in præliis metuere.

τοῖς ἐπὶ δουραίων πυκναὶ τρίχες, οἷσι καὶ αὐτῶν
φεικτὰ δασυτέρων ἐκρούσπετο φόλα σαβείρων.
τοῖσιν ἐνὶ κερδίῃ λάσαι τρίχες, ὧν χάειν αἰεὶ
ψυχῆς θάρσος ἔχρουσι, καὶ οὐ πῶπουσιν ἐνυώ.

*De aduerbiis quibusdam, quæ aliter apud veteres
interdum scribebantur, quàm nunc solent. Emen-
datus Ciceronis apud Fabium locus.*

CAP. XI.

QVOD nunc perpetuò istinc & illinc scribimus, veteres nonnumquam istim & illim scribere solitos constat. Recteque factum à Petro Victorio est, quòd in libris epistolarum Ciceronis, antiquam scripturam hac quoque in parte cum fide representandam putauit, vt in epistola ad Valerium: *Qui istim nunc veniunt*, & aliis locis. Huius autem rei ignorance deprauatus est Ciceronis locus ex epistolis ad Brutum, qui citatur à Fabio: neque correctus ab eruditis hominibus, qui Ciceronis fragmēta studiosè colligerunt. Ita enim vulgò legitur, *Verius fortasse, ne nos in Catonem nostrum transferamus illinc mali, quid et si argumentum simile non erat.* In vetusto autem Fa-

bij codice, qui penes me est, hoc modo: *Veritus fuisse, ne nos in Catonem nostrum transferremus illum aliquid: et si argumentum simile non erat.* Hoc ne cui leue videatur, moneo alios quoque primæ classis scriptorum locos eodem modo corruptos esse: quos aut nos ipsi, aut alij quandoque indicabunt.

De Thalete Milesio historia elegans.

C A P. X I I.

THALES Milesius magno vir & sublimi, ut notum est, ingenio fuit: multaque admirabilia cum in aliis disciplinis, tum in astrologia primus excogitauit. Is cum reperisset, quam rationem haberet magnitudo Solis ad magnitudinem eius circuli, quem Sol ipse annuo cursu metitur ac conficit, quoque inodo id Geometrica subtilitate demonstrari posset: eam rationem cum Prienensi quodam, homine & talium rerum curioso, & diuite ac copioso communicauit. Qui & acumen Thaletis, & inuenti pulchritudinem admiratus, præmium à se illum, quantum vellet, optare iussit. *Nullū te, inquit, aliud præmium posco, Thales, nisi, ut ne tibi unquam huius inuenti gloriam arroges: sed si quando eius alios participes facere volueris, auctorem illius esse me perpetuò profitearis.* Non igitur contemnunt gloriam ne sapientissimi quidem: nedum nos, qui sapientes non sumus, æquo animo feramus, si quid à nobis interdum, ex quo laus aliqua possit existere, animaduersum est, id iniuste atque impudenter ab aliis occupari.

De quibusdam locis è primo Rhetoricorum Aristotelis.

C A P. X I I I.

ARISTOTELES libro primo De arte dicendi.
vbi

vbi docet neminem sanæ mētis deliberare de iis quæ vno tantummodo euenire possunt, qui modò ea talia esse existimet: ita loquitur, *ὥς γὰρ οἱ ἀδυνατῶν ἄλλως ἢ γενέσθαι ἢ εἶναι, ἢ ἔχειν ἐδείξεν βουλευόμενος, ὅπως ὑπολαμβάνων:* vbi putat optimus interpretes, cum cōplecti tria tempora. & certè tria verba, quibus vtitur, facillè id alicui persuadere possunt. Sed tamen cum omnis deliberatio futurum tempus respiciat: quomodo, quæso, quis deliberare de rebus præteritis potest, siue illæ vno, siue pluribus modis aut esse aut fieri potuerint? Possunt quidem vrbes pluribus modis capi atque expugnari: Sed si quis hodie deliberet atq. in consultatione ponat, quemadmodum Troia capta sit, nōne ad agnatos & gentiles deducendus esse videatur? Quærere, quomodo id factum sit, possumus: deliberare non possumus. Omnis autem consultatio quæstio illa quidem est, sed non contrà. Ne præsentia quidem in deliberationem cadunt, nisi vtreis in posterum consulatur, ac denique omnis deliberatio ad futurum tempus refertur. Ita igitur interpretor, vt cum rerum, quemadmodum multis locis Plato & Aristoteles docent, quædam dicantur *ἔστι*, vt nummi, ædes: quædam *γίνεσθαι*, vt bellum aut nuptiæ: vtrumque genus hic Aristoteles complexus sit. Aoristus enim *γενέσθαι* non magis præteriti quàm præsentis aut futuri temporis significationem habet. Et rectissimè Victorius hoc ipso in libro verba illa Aristotelis, *ὅσα ἐνδέχεται καὶ γενέσθαι καὶ μὴ*, interpretatus est, *quæ eam naturā habent, vt fieri & nō fieri possint*. Sæpe autem consultamus non tam *ὥς γὰρ γενέσθαι*, ἢ *εἶναι*, quàm *ὥς γὰρ τῶς μέλει ἔχειν*. igitur & hoc addidit, non deliberare homines *ὥς τῶν ἀδυνατῶν ἄλλως ἔχειν*. Deinde subiungit: *ἐδείκνυτο πλεον, ἢ ὅπως ἐνδέχεται συμβεβηέναι*. Sed ego totum illud,

lud, ἢ ὅπως ἐνδέχεται συμβαλεῖν, delendum cenſeo: legendumque ſimpliciter, ἢ δὲν γὰρ πλεον, & ita interpretor: nullus enim uſus cuiuſmodi deliberationis eſſet. Sic Plato libro quarto De Rep. ὅπ' ἀνωρελὲς καὶ πλεον ἢ δὲν. Idem epiſtola quinta: εἰ μὴ μάλιστα μὲν κινδυνεύουσιν αἰετο, πλεον δ' ἢ δὲν ποιήσῃν. Ariſtophanes in Pluto: καίτοι τί πλεον πλεῖν; quod Scholiaſtes ita exponit, τίς χρεῖα ἐστὶ τοῦ πλεῖν; Hoc qui non viderant, putarant aliquid deeſſe.

Locus Virgilij expreſſus à Chærilò.

CAP. XIII.

VIDETUR Chærilus non ita contemptus & abiectus poëta fuiſſe, ut eum haberi voluit Horatius: quamquam & alij, quorum maior eſt auctoritas, malè de eo multo ante Horatium ſenſerant. Sed tamen & hic verſus ipſius:

Πέτρων κοιλάνει βανὶς ὕδατος ἐνδελεχέῃ,
multos magnosque imitatores habuit: & propè auſim dicere, locum quēdam optimi maximi poëtarum Virgilij ex eo mihi expreſſum atque effictum videri. Cū enim Chærilij verſus quidam legantur, quibus queritur præcipua argumenta ſcribendorum poëmatum à vetuſtis poëtis occupata iam eſſe: eadem etiam conqueſtio tertio libro Georgicon apud Virgilium legitur. Chærilij verſus hi ſunt:

Ἄ μάκαρ, ὅστις ἔλω κείνον χρόνον ὕδρις αἰοιδᾶν
Μυσάων θειάπων, ὅτ' ἀκείρεται ὡς ἐπ' λαιμών.
Νόν δ' ὅτε πάντα δέδασαι, ἔχουσι καὶ πείρεται τέχνη;
Ἵστατο ὥς τε δρόμον καταλειπομένη, ἢ δέ τοι ἴσαι
Πάντη παπαινόντα νοζυγὲς ἄρμα πελάσαι.

Virgilij autem hi:

Cetera, quæ vacuâ tenuiſſent carmina mentes,

Ομηρία

*Omnia iam vulgata. Quis aut Eurysthea durum,
Aut illaudati nescit Bufiridis aras?*

*Cui non dictus Hylas puer, aut Latonia Delos,
Hippodameq₃ humerog₃, Pelops insignis eburno
Acer equis? tentanda via est, qua me quoq₃ possim
Tollere humo, victorq₃ virum volitare per ora.*

Illud certè, *Omnia iam vulgata*, prorsus compar ac
geminum est illi, Νῦν δ' ὅτε πάντα δέσασαι.

Emendata multa in oratione Ciceronis pro Archia.

C A P. XV.

CICERO in oratione pro Archia cùm multis
verbis doctrinæ studia commendasset, eaq₃. magnam
vim ad laudem atque virtutem habere dixisset: addit
postea, etiamsi nihil ex eis aliud quàm delectatio pe-
teretur, nihil esse, quo quasi diuertere, & in quo ho-
nestiùs ac liberaliùs requiescere fessius grauium ne-
gotiorum tractatione animus possit. In hac autem re
explicanda verba ipsius hæc sunt: *Quod si non hic tan-
tus fructus ostenderetur: & si ex his studiis delectatio sola
peteretur: tamen ut opinor, hanc animaduersionem hu-
manissimam ac liberalissimam indicaretis.* Sed cùm
animaduersionis nomen pro certo aliquo studiorum
genere nusquam neque apud Ciceronem, neq. apud
vllum alium bonum Latinitatis auctorem legatur,
Lazarum Bonamicum aiunt, cùm eam orationem
interpretaretur, non *animaduersionem*, sed *animi re-
missionem*, ibi legendum censuisse, qui mihi videtur,
quòd *animaduersionis* nomen ei loco non conuenire
censuit, rectè ac verè iudicasse: sed in eo peccasse,
quòd à vetere scriptura nimis longè recessit. Ego cùm
eam orationē abhinc triennium publicè in vrbe in-
terpretarer, vsus sum vetere libro Fuluij Ursini, viri
optimi,

optimi & hominis eruditissimi: quo in libro scriptum erat *animaduerfionem*. Vnde ego vna littera detracta, scribendum censui, *animi auerfionem*. Auertere enim animum aut cogitationem à re aliqua, sæpe vt notum est, Cicero dicit. Eodem in libro vetere apertè scriptum erat: *Hæc studia adolescentiam agunt: non, vt vulgò, alunt*. Ferri tamen potest, *alunt*. Sic enim alibi Cicero, *ingenia melius ali Græcis exercitationibus*. Iam quod eadem in oratione legitur: *Bestiæ sæpe immanes cantu flectuntur atque consistunt*: si quis attentè consideret, videbit nullo modo referri posse ad Orphei & Arionis fabulâ: quod tamen erudito homini Paulo Manutio visum est. Nam quod perrarò factum poëtæ fabulantur, quo ore id Cicero dixisset sæpe fieri? Melius igitur Victorius, qui id iampridem ad serpentes retulerat: quos carminibus flecti ac consistere opinio est. Gotthicarum quidem rerum scriptores narrant vrsos ita delectari tibiæ & fistularum pastoriarum sono, vt, cùm in pastores impetum facturi sunt, sæpe ab eis cantu mulceantur: atq. hanc vsitatissimam pastoribus eius regionis rationem esse expediendæ ab vrsorum impetu salutis suæ. Vix tamen est, vt existimem id Ciceroni notum fuisse. Illa autem de Homeri patria ita in eodem illo libro leguntur: *Homerum Colophonij ciuem esse dicunt suum: Chij suum vindicant: Salaminij repetunt: Smyrnei verò suum esse confirmant*. melius omnino, quàm vt vulgò, *confitentur*. Quis enim in significatione gloriationis, confitendi verbo vititur? Quod autem statim sequitur: *Itaq; etiam delubrum eius in oppido dedicauerunt*: caussa nulla est, cur mutetur. Quamuis enim Ietæ quoque Homerum suum esse contenderent, non tamen Ciceroni propositum fuit eas omnis vrbes no-

minare, quæ sibi summum illum poetam vindicarent. Et notum est apud Smyrnæos Homeri delubrum fuisse. Strabo libro quartodecimo: ἐστὶ δὲ καὶ βελιοδίη καὶ τὸ ὀμῖρειον, τόα τετραγώνῳ ἐχρυσαιεὼν ὀμῖρα καὶ ξόανον. ἐντιστοιῶνται γὰρ καὶ ἥτοι διαφερόντως τῇ ποιητοῦ. καὶ δὴ καὶ νόμισμά τι χαλκοῖον παρ' αὐτοῖς ὀμῖρειον λέγεσθαι. Cuius me loci admonuit, vnumque eius generis æreum nummum perueterem ostendit idem ille, quem antea nominavi, summè doctus, & summè in amicos officiosus Vrsinus. Puto etiam in eadem oratione ita legendum: *Nam nisi Ilias extitisset, ille idem tumulus.* non ut vulgò: *Nam nisi Ilias extitisset illa.* Sed hoc leuiusculum est, & coniectura tantum nititur. Ad ipsum autem orationis finem ita vulgo legitur: *Hæc verò siue à meo sensu post mortem a futura sunt: siue, ut sapientissimi homines putauerunt, ad aliquam animi mei partem pertinebunt: nunc quidem certè cogitatione speq̃, delector.* Sed à libro vetere abest vox *animi*, quod verius puto. Ita enim veteres loquebantur: Horatius,

Non totus moriar, magnaq̃ pars mei

Vitabit Libitinam. Ouidius:

Parte tamen meliore mei super alta perennis

Astra ferar.

Sequitur locus, qui valdè torsit & alios homines eruditos, & ipsum in primis Manutium; vbi ita Cicero: *Quare conseruate indices hominẽ pudore eo, quem amicorum studiis videtis comprobari tum dignitate, tum etiam venustate.* Manutius autem ita: *Quem hic locum habet dignitas aut venustas?* satis valere debet ad conciliandam Archiæ iudicium voluntatem pudor ipsius & ingenium: plurimum verò ipsa caussa: quibus singulis aliquid addit, quo pateant illustrius. at hæc, *tum dignitate, tum etiam venustate*, nescio quo modo

modo intrusa, prorsus nuda sunt. Vt omittam, quòd hic loquendi modus, *Conseruate hominem tum dignitate, tum etiam venustate*, mihi quidem parùm satisfacit. Adde, quòd venustas iucunda quædam vel in vultu vel in corporis motu species est, quæ ad commendationem Archiæ, præsertim ætate prouecti, nihil pertinet. Itaque prorsus videtur abundare. glossæma dicerem, si, quo adiungi posset, viderem. nam glossæmata, quæ vocant, interpretandi causâ ponuntur. Sed ita hic aperta sunt omnia, de pudore Archiæ, de ingenio, de causâ, vt nullum interpretationis lumen desiderent. Hoc tamen, quicquid est, & omnino, quæcumque sentimus & scribimus, ita probamus, dum ne hominibus eruditis, & in hoc studiorum genere exercitatis improbanda videantur. Hæc Manutius: vt homo disertus ac copiosus, multa; vt in loco deprauato, non multum opis adferentia. Ego rem paucis expediam. Vox *Studiis*, abest ab omnibus antiquis libris. Delenda igitur: & pro *venustate*, legendum *vetustate*: Hoc enim dicit: pudorem & integritatem morum in Archia comprobari amicorum ipsius tum dignitate tum vetustate. Luculli enim & Metelli & Catuli, & alij præterea viri grauissimi, quos antea nominarat, non tantum Archiæ amici, sed veterrimi amici erant. Numquam autem ille, nisi planè vir bonus fuisset, talium virorum amicitiam aut tam facilè comparare, aut tam diu conseruare potuisset. Vocem *studiis* redundare, viderat & alius: sed ineptè in talibus viris, quasi in pulchellis pueris, venustatem commendari, non viderat. Idq; illorum qui cum nouerant, nemo miratur. Nescio, an hoc quoque addere debeam; quod paulo pòst legitur: *Quiq; est eo numero qui semper apud omnes sancti sunt*

*haberi atque dicti: non esse, cur quisquam calum-
nietur. Ita enim & pro Marcello: An ex eo numero,
qui vnà tecum fuerunt?*

Prouerbiū ab aliis prætermisſum è Plutarcho.

CAP. XVI.

REPERIUNTUR nonnulli homines, qui dum
faceti ac dicaces videri volunt, nullam falſè aliquid
dicendi occasionem prætermittunt, maluntque sæpe
amicum, quàm dictum perdere: faciliuſq. flammam
ardentem in ore, quàm dictum aliquod aculeatum
continere. Talis erat ille, de quo Horatius:

dum modoriſum

Excutiat ſibi, non hic cuiquam parcat amico.

Neque in priuatos modò ac fortis ſuę homines, ſed &
in principes immoderata illa maledicendi libidine
abutuntur: non cogitantes, quàm ſtultum ſit ſcribere
in eos qui poſſunt proſcribere; & vt Cicero alicubi
loquitur, gladio ἀντιμυκτηρίζειν. Vitæ igitur peticulo
dicacitatis famam aucupantur, ſparguntq. voces per
iugulum fortalſe redituras: ac plerunque leuiſſimæ
rei, vt Plato ait, verborum grauiffimas pœnas ſuf-
ferunt. Ac ne mortui quidem aliam mercedem fe-
runt, quàm vt de eis dicatur, quod de Tantalo Euri-
pides, ἀέλαστον ἔχε γλώσσαν, αἰχίς τε νόστον.

Eiuſmodi homines Plutarchus in commentario, quo
tradit, quibus notis adulator ab amico diſcerni queat,
ait, τὸ πρὸς τὸ φρεῖα ὄρχησθαι ἀπεχρῶς ὀρχεῖσθαι. Quod cùm
prouerbij figuram habere videatur, quaſij nuper,
num in illam præclaram congeriem adagiorum, quæ
Florentiæ cum tot ſpecioſis ac magnificis titulis im-
preſſa tum primùm prodierat, relatum eſſet. Sed hoc
dum quaero, ea vidi, quæ vidiffe piguit. Neque ego
vllum

ullum vmquam inspexi librum, qui magis confirmaret vetus dictum: *Magnus liber, magnum malum.* Sublata quidem omnia, quæ piorum animos offendere poterant, existimo: neque dubito, quin Episcopus Regiensis, qua rerum sacrarum intelligentia, & qua in rebus sibi mandatis diligētia est, quod suarum partium erat, egregiè præstiterit: sed vellem aliquid diligentia ab alijs collatum ad ea quoque tollenda, quæ ineruditis errorem obijcere, eruditis nauseam mouere possent. Nam cùm is, qui primus aliquot prouerborum millia collegerat, qui vtinam aut ne attigisset vmquam theologica, aut in eis religiosius & sincerius versatus esset, homo, qui neque legendo expleri, neque scribendo defatigari posset, multa in illo præcipiti scribendi calore malè interpretatus esset, multa coniecisset in illum aceruum prouerborum, quæ prouerbia non erant: decuit certè vtriusq. incommodi partem aliquam ab eis tolli, qui prouinciam illius operis perpurgandi susceperant: & in eorum quæ detracta essent, locum substitui, si qua ab eo omissa viderentur. Nunc omnes fatuas interpretationes intactas reliquerunt, eisque tanquam sacris pepercerunt: quæ prouerbia non sunt, non tantùm non rescuerunt, sed multa præterea, vt liber grandior fieret, addiderunt: & tamen sic quoque multa, quæ verè prouerbia sunt, omiserunt. Ac vellem suum cuique tribuissent, eorum saltem, quorum nomina damnata non sunt. Ita enim sciret quisque, quid in quoque aut laudaret aut reprehenderet. Nunc quicumque rudem illam & indigestam molem congeslit: Paulum enim Manutium fuisse, nemo mihi vmquam persuaferit: qui etiam breui scripto testatus est, se ea tantùm, quæ imprimenda acceperat, alijs imprimenda

dedisse: credo, quòd ipse non satis digna pleraque iudicaret, quæ typis suis excusa legerentur: illè igitur ἐλξας ἐφ' ἑαυτὸν, ὡς ὁ χαμλας, νέφη, omnes omnium reprehensiones in caput suum traxit. Cùm enim nobis interdictum sit lectione aliorum omnium librorum, quibus proueria explicantur: quicquid stolidè, quicquid imperitè, quicquid ineleganter dictum erit: id scilicet ei vni, cuius ille liber est, imputari oportebit. Ita homines interdum, dum aliorum gloriam ad se trahere conantur, alienæ stultitiæ succidanei, vt Plautus loquitur, fiunt. Sed hæc, si videbitur, aliàs. Nunc, quòd cœperamus, exequamur: *Quorum putecorum neque obstructa ora sunt, neque crepidines paulo altius exaggeratæ: neque denique quidquam est, quod obiectu suo prohibeat, ne quis in eos incantior prolatur: quales multos ruri videmus: si qui circa eos choreas agant, magnum periculum adeunt, ne, dum pragrediuntur, regrediuntur, corpus in orbem mouent, saltitant, in puteum delapsi mergantur.* Prouerbij igitur vsus esse poterit in eos, qui per ludum ac lasciuiam tale aliquid facit, vt eo ipso se in magnum aliquod periculũ conijciant.

De libro Prouerbiorum nuper edito Florentia.

C A P. X V I I.

NE quis me putet, quæ superiori capite dixi de Florétina Prouerbiorum editione, sine causa dixisse, & alienæ industriæ iniquum existimatorẽ fuisse: proponam hîc aliquot exempla, vt quiddq. occurreret: non enim mihi tantum est otij, vt plures horasea in re perdere libeat: ex quibus illa verè ac meritò dicta esse intelligatur. Atq. vt hinc exordiar: ait alicubi in Odis Horatius, se Veneri sacrificare velle, quam in se nimis scruam experiatur: sperare autem, vbi ei hostiam ma-
ctauc,

Etauerit, illam sibi leniorem fore. Atque hoc ita ex-
 primit: *Maetata veniet lenior hostia*. Inde Erasmus,
 aliud cogitans, prouerbium fecerat, *Maetata hostia
 lenior*. & adfirmarat, dici de spontaneis ac mansuetis.
 Nonne oportuit tam ridiculam interpretationem tolli
 ab iis, qui à se falsas interpretationes sublatas esse pro-
 fiterentur? Nam si quis vel inspecto Horatii loco, non
 viderit, quàm hoc ridiculè dictum sit: prope est, vt
 alia prouerbij figura dicat aliquis, minus ei esse leni-
 sus, quàm maetatae hostiae. Plautus ludens dixerat
 Amphitruonem suam neque tragœdiam, neque ta-
 men planè comœdiam fore, sed tragocomœdiam.
 Isti hanc ipsam vocem καμωδότης αὐθιῶν prouerbium
 esse dixerunt, de re, quæ ex lætis simul & tristibus
 constaret. Quis igitur modus prouerbiorum scriben-
 dorum futurus est, si talia quoque proueria accipi-
 mus? Cognouerant ex Varrone, in bulgam seu vesi-
 cam olim condi solitos nummos. statim natum pro-
 uerbium est: *Ad oculos magis, quàm ad vesicam perti-
 net*. Quo præclaro prouerbio quis, quæso, vniquam
 antiquus scriptor vsus est? Saltem vnum citassent.
 Eiusdem generis sunt illa: *Fluij cursus non detorquen-
 dus: Pauca malè parta, multa bene comparata perdunt:
 Conscientia crimen prodit: Patere legem, quam ipse tu-
 listi. Tonderi pecus, non radi debet: Temporibus serui-
 re decet: Pygmaei vel Thiodamas cum Hercule: Amor
 fit ira incundior: Voluptas malorum esca: & talia, ὅσα
 κτλ. Vtenim quibusdam hominibus malè affectis,
 quicquid edunt, in bilem aut in pituitam, ita istis,
 quicquid legunt, in prouerbium vertitur. Versus est
 Catulli ex Epithalamio: *Omnia omnibus annuit*. De-
 scripserunt ad verbum, quæ ego abhinc viginti annos
 ad eum versum scripseram, eaque pro suis sumentes,*

nouum prouerbium concinnarūt. Versus est, opinor, Euripidis:

ἐπ' ἐχθρὸς θυμὸς ὀπλίζει χεῖρα. id est,

In hostes ipsamet ira armat manum.

Eum isti ita verterunt: *inimicitias armabit ira manus.* Quid illa? φῶς ἀγαθόν: *Manuarium as: Sternutauerunt Amores: Bilis in naribus: Planus semel crura fregit: Absens heres non erit: Oleo fraudare lucernas: & illa, Noxa caput sequitur: Herculis clypeus: Ab aula recessit: Lenato velo de caussa cognoscere: & illud omnium stultissimum, Lex Africani: & qualia in eo libro tam multa sunt, vt ea quærere, sit aquam in mari quærere; tanti fuerunt, vt propter tales nugas librū in tantam molem excrefcere oporteret? Addam pauca quædam, vt occurrent, & si potero, insignia: quamquam ita multa sunt insignia, vt hoc ipso difficile sit reperire quæ dicantur insignia. Versus est Luciani: Πόρωνα τίλλει κυρέων ἕω' ὠλέναις. Hunc quidem ex illis prouerbium facit, & ita vertit: *Barbā velle à puerorum vlnis.* Quot verba, tot peccata. Πόρωνα id est *barbam* interpretatur pilos, qui in vlnis nascuntur. nihil ineptius. Τίλλει, non est *velle*; sed, *vellit*. Ridiculè autem ἐκ κυρέων facit *κύρις*: id est *ex tonsoribus, pueros*. Et ἕω' ὠλέναις, ineptè interpretatur, *ab vlnis*: cūn ἕω' ὠλέναις κυρέων, sit, *sub manibus tonsorum*. Versus est Aristophanis, principio τῆς εἰρῶνς. Αἶψ' αἶρε μᾶζαν ὅς τάχιστα παντάρῳ. Eum aiunt isti ab eruditis prouerbij loco referri. Quæro, qui sint isti eruditi: aut quis vñquam idoneus auctor hoc versu, vt prouerbio, vsus sit. Erasmus in quodam versu scripserat, facile videri, proueria scribere; idque se non negare: sed difficile esse chiliadas scribere. At si talia proueria recipiamus: iam non chiliadas, sed myriadum myriadas scribere facile*

facile fuerit. Quanto enim iustius in hunc ordinem referetur illud ex Pluto?

Ὡς ἀργαλέον πρᾶγμα ἔστιν ὧς ζῆν καὶ θεοί,

Δύλον γενέσθαι παρὰ φρονύματος δεσπότης.

Vt dicas prouerbij vltimum esse posse in eos, qui seruiunt libidinoso amor, aut avaritiæ, aut denique alicui cupiditati. & illa ex Nebulis:

Ὡς εὖ βασιλεῦ. τὸ χεῖμα τῶν νυκτῶν, ὅσον

ἀπέργον. ἥ ποθ' ἡμέτερά γινώσκονται;

Vt dicas prouerbio vti posse aliquem, qui, exempli causa, doleat, tot gentes hæreticorum præstigijs occæcatas tam diu in tam crassa errorum caligine versari: cuiq, longuin videatur, dum eis veritas illucescat. Sed non quicquid cōmodè in varios sensus flecti potest, statim prouerbiū est. *Insuere in saccum vel culeum*, ait, quicumque est ex illis paræmiologis, vulgò dicimus, pro circumuenire aliquē vel ludere. Nescio an ita loquātur in Germania, aut in alia quapiam gente, vnde est, quisquis est, qui hoc scripsit. Sed ego putabam non Germanica, aut Gallica, aut Italica, sed Latina tantum, & Græca vetera prouerbia eo libro contineri. Latini autem de parricidis loquentes, dicunt quidem eos in culeum insuendos esse, non tamen ludō, neque vt eos circumueniant: neque hoc prouerbio dicunt. Plato libro decimo De Rep. dixerat poetarum metra, spoliata musices coloribus similia esse eorum vultui, qui ætate quidem integra sunt, sed formosi non sunt: id est, τοῖς τῶν ὡρστῶν προσώποις, καλῶν δ' μή. οἷα γίνονται ἰδεῖν, ὅταν αὐτὰ τὸ ἄνθος ἀπολίπη. Isti prouerbium fecerunt: *Formosus sine pulchritudine*, in eos qui pigmentis exoticam, ita enim loquuntur, formam adsciuerunt. Persarum reges, quibus à populis potestatem omnium rerum sibi tradi volebant, ab eis sym-

bolicè per legatos terram & aquam petebant. quana
 qui dabant, significabant, se imperium accipere. Res
 vulgo nota est. Isti prouerbiu fecerunt, *Terram &
 aquam poscere, & terram & aquam dare*, pro, bellum
 alicui inferre, & bellum cum aliquo suscipere. *Mas-*
silienses mores colere dixerat Plautus in *Casina* cum
 senem, qui armigero filij sibi pro puella supposito fa-
 cere id voluerat, quod nouæ nuptæ solet, eò respici-
 ens, quòd *Massilienses*, etsi ab alijs vt seueri prædi-
 cantur, mollitici tamen nomine malè audiebant, vt
 est apud Athenæum, credebanturque *γυναικονομῶν*.
 At isti *Massilienses mores* apud Plautum, optimos &
 probatissimos interpretantur. S. Hieronymus verba,
 quibus vsus erat Iouinianus, irridens, ita scripserat:
Rogo, quæ sunt hæc portenta verborum? quòdne scri-
ptionis dedecus? Nonne vel febrem somniare eum putes,
vel arreptum morbo phrenetico, Hippocratis vinculis al-
ligandum? respiciens videlicet ad ea vincula, de qui-
 bus Hippocrates ἐν τῷ 4^{τῷ} ἰντρεῖον. At isti, quæ argu-
 mentis fortissimis roborata sunt, vel scripturarum te-
 stimonijs, ea tradūt ab Hieronymo dici vinculis Hip-
 pocratis alligata. Quod si quis obstinatiùs defendere
 audeat, ipsemet vinculis Hippocratis alligandus esse
 videatur. Sed hæc hydra quædam est, quo plura capi-
 ta amputaueris, plura succrescunt.

*Dictum elegans Io. Antonij Lucatelli episcopi
 Venusini.*

CAP. XVII.

VERÈ & grauitè dicere solitum memini Io. An-
 tonium Lucatellum, & virum & philosophum opti-
 mum, qui postea episcopus Venusinus fuit, tunc au-
 tē in familia magni illius Hippolyti Cardinalis Fer-
 rariensis mecum amicissimè coniunctissimeque vine-
 bat,

bat, quod Socrates in cibo ac potu faciendum esse monuisset, id contrà fieri oportere in ijs quibus animus aleretur. Etenim apud Xenophontem Socrates eos cibos summo studio vitandos esse dicit, quibus etiam, qui non esuriunt, ad edendum prouocantur: & eos potus, qui etiam non sitientem adducunt, ut bibat. Contrà autem ij sermones vtilissimi sunt, atque omni studio consecrandi, qui in animis languentibus excitant cognitionis & scientiæ cupiditatem.

Emendatus Plauti locus è Bacchidibus.

C A P. X I X.

DE MVs aliquid istis, qui Plautum alieno labore emendare cupiunt, quod, cùm libuerit, ut solent, arripiant pro suo. Versus sunt è Bacchidibus:

*Postquā aurum abstulimus, in nauem conscendimus,
Domum cupientes. fortè ut ad sedi in stega,
Dum circumspetto: atque ego tū lembum conspicio,
Longum est rigorem maleficum exornariet.*

Vbi illud *Atque*, ita positum est, ut in illo Virgilij,
Atque illum in præceps pronorapit alueus amni.

Sed hoc fortassis omnes vident. eorū autem versuum postremum quis, quæso, intelligit? *Strigas* vocabant mulieres maleficas, quas etiam noctu volare arbitrabantur. Eodemque modo *strigones*, homines maleficos. quorum vocabulorum utroq. hodieq. vulgus in Italia vititur. Vaser igitur ille seruus, quem lembum maleficum vocaturus erat, quod eo piratas vectos esse simularet, eum prius, quasi idem valente vocabulo, strigonem nominauit: ut planè legendum sit hoc modo:

Longum, strigonem, maleficum exornariet.

*Loci quidam ex Oratore Ciceronis ad
Brutum illustrati.*

CAP. XX.

M. CICERO etsi de laudibus suis non inuitus prædicabat, potiusque in eam partem peccabat, ut in eis immodicus atque immoderatus esset: semper tamen diligenter cauit, ne sibi ingenij laudem arrogaret: potiusque videri voluit labore & diligentia, quam ingenij præstantia aliquā dicendi facultatem consecutus. Intelligebat enim nihil esse inuidiosius, quam de ingenio suo gloriari: cum quauis laude facilius homines aliis, quam laude ingenij cedant, ut verè cecinit Martialis:

Aurum & opes & rura frequens donabit amicus.

Qui velut ingenio cedere, rarus erit.

Nota igitur illa sunt: Quominus ingenio possum, subsidio mihi diligentiam comparari: & Si quid est in me ingenij, iudices: quod sentio quam sit exiguum: & Aristoteles ait omnes ingeniosos melancholicos esse: ut ego tardiores esse me non molestè feram: & similia. Sed & in Oratore ad Brutum locus quidam est, in quo sibi ingenij laudem detrahit: quod tamen eo minus animaduertitur, quia locus ille aliquot vocibus mancus ac mutilus legitur etiam in iis libris, qui cum librorum veterum aceruis collati esse dicuntur. Ita enim eum vulgò scriptum videas: *Atque haud scio an plerique nostrorum Oratorum ingenio plus valuerint, quam doctrina; itaque illi dicere melius quam præcipere, nos contra fortasse possumus.* Sed cōplures iam anni sunt, cum Alexander Glorierius, tunc quidem magnæ spæ adolescens, nunc autem vir clarissimus, quique magnis in rep. muneribus præfectus, concitata iam pridem

dem expectationi præclarè omni ex parte respōdeat, librum veterem mihi vtendum dedit, in quo ita integriùs & emendatiùs legebatur: *Atque haud scio an plerique nostrorum oratorum, contra atq; nos, ingenio plus valuerint, quàm doctrina. Itaque illi dicere melius quàm præcipere: nos contrà fortasse possumus melius docere.* Eodē illo in libro ita scriptum erat: *Quomodo enim vester Axilla Ahala factus est, nisi fuga littera vastioris? Quam litteram etiam è maxillis, & axillis, & vexillo, & pauxillo consuetudo elegans Latini sermonis euellit.* & paulo infrà: *decemviro- rum stlitibus indicandis: non vt vulgò, litibus indicandis.* Neque hæc indigna visa sunt, quæ adnotarem.

M. AN-

M. ANTONII MVRETI

I. C. AC CIVIS R.

VARIARVM LECTIONVM

LIBER XIII.

Nigidij rationes quedam quibus contendebat natura inesse in vocibus vim significandi. unde sumpta sint, indicatum.

CAP. I.



DE V R prorsus & futili argumēto vsus est P. Nigidius, vt doceret nomina & verba naturalem quandam significandi vim habere, non quæ eis hominum arbitratu, quasiq. cōventionē quadā imposita esset. scripsit enim id perspicui posse ex vocibus, *Ego, Tu, Mihi, Tibi, Nos & Vos.* itemq. ex græcis prouocabulis quæ idem valerent. Nam, *Ego, Nos, Mihi,* neq. profuso intentoq. flatu vocis, neque proiectis labijs pronūtiari, sed & spiritu & labijs quasi intra nosmetipsos adductis atque compressis. At cūm *Tu, Tibi, Vos,* dicimus, labias sensim primores emoueri, ac spiritum atq. animam porrò versum & ad eos quibus cū loqueremur, intendi. Dignum sanè argumentum, quod ex multis seligeretur à Gellio, eiq. præter cetera lepidum & festiuum videretur. Existimo autem illud, qualecumque est, è Chrysippi fontibus haustum ac deriuatum fuisse. qui cūm superiorem animi partem, id est, τὸ νῆρον, in corde, non in cerebro, esse contenderet: vel ex eo id colligi posse dicebat, quod cūm dicimus, *Ego,* natura ipsa duce, & ita quodāmodo cogente natura

natura ipsius litteræ quæ eius vocis princeps est, mentum deorsum ad pectus, & ad cor mouemus: vt quasi nutu ostendamus eam partem qua præcipuè sumus id quod sumus: *Mens enim cuiusque*, ait Cicero, *is est quisque*. Addebat illud quoque, naturale esse, vt de nobis loquentes, nosque ipsos ostendere volentes, digitum indicem ad pectus referamus, non ad caput. ex quo effici, vt natura ipsa quodammodo docere videatur, præcipuè patris, & eius quæ hominem constituit, non in capite, sed in corde, sedē ac domicilium esse. Quoniam autem videbat Chrysippus, promptam ac paratam esse *ἐνστασιον* aduersus illud prius argumentum ex voce *ἐνεῖρος*, cuius idem esset principium, quod *τῆς ἐγώ*: subiecerat pulchram sanè & ingeniosam dissolutionem. neque enim tantum priorem syllabam vocis *Ego* ita conformatam esse, vt eam qui proferret, nutu se, id est pectus suum, ostenderet: verum & posteriorem, id est syllabam *go*, nihil habere, vt ipse loquebatur, apostematicon, id est, quo quidquam extra nos positum indicaretur. At vocem *ἐνεῖρος* incipere quidem ab eadem syllaba; sed sequi statim syllabam *νεῖ*: in qua inesset vis quædam significandi aliquid à nobis seiunctum ac separatum. Hæc tam ingeniosè fatua vix à summis viris dicta credemus, nisi ex Varrone didicissemus, nihil à quoquam ægroto somnari posse tam stultum, quod non aliquis Philosophorum seriò dixerit.

Virgilij locus è sexto Æneidos illustratus.

C A P. I I.

Q V I D est, quodd doctissimo poëtarum Maroni, qui infantes mortui sunt, eos dies ipsa abstulisse dicitur? noti enim sunt versus illi è sexto diuini poëmatis:

Con-

*Continuò audita voces, vagitus & ingens,
Infantumq; anima flentes in limine primo,
Quos dulcis vita exsortes, & ab ubere raptos,
Abstulit atra dies, & funere merfit acerbo:*

& existimo, cum ad consuetudinem & ad opinionem veterum respexisse: apud quos qui iuvenes immaturam, ut videbatur, mortem obierant, albescente celo, ante solis exortum, à propinquis efferri solebant: quòd nefas opinarentur, tanti mali, tantæque calamitatis spectatorem ac testem esse solem. Atque eam ob causam dies ipsa eos auferre ac rapere dicebatur: quòd ut primùm dies apparere cœperat, auferebantur. Qua de re ita Eustathius: *φασὶ γὰρ ὅτι τὰς τοιούταις νέοις αἶμα ἡμέρα ἐξωσόμεν ταῦτ' οἱ προσήκοντες, ὥς μὴ ἀνεκτὸν ὄν ἡλίῳ διαθιῶναι τοιοῦτον κακόν. διὸ καὶ ἐλέγχετο ἀρπάζειν αὐτοὺς ἢ ἡμέρα.* Sic raptum ab aurora, quæ eadem & dies est, Orionem fabulantur. Atque hoc colore usus est Nero cum Britannicum fratrem suum, qua nocte veneno sustulerat, ea ipsa humandum curauit. Qua de re ita prudentissimus historiæ scriptor Tacitus: *Nox eadem necem Britannici & rogum coniunxit. & paulo post: Festinationem exsequiarum editto Cæsar defendit, id à maioribus institutum referens, subtrahere oculis acerba funera, neque laudationibus aut pompa detinere.*

De Anchisæ morte varia veterum Scriptorum sententia. CAP. III.

VARIA admodum & inter se discrepantia de morte Anchisæ, qui Æneæ pater fuit, veteres prodiderunt. Sunt enim, qui annos natum octoginta in Phrygia obijisse dicunt; ostendi que tumulum ipsius in monte Ida: vbi pastores & bubulci quotannis per autumnum

autumnū sacra faciant. Pausanias mortuum in regione Laconica tradit, antequam in Siciliam perueniret: sepultumque in monte qui ex eo Anchisias vocetur. Virgilius in Sicilia: quam opinionem *νεωτέρον πινω* esse ait Eustathius. Cato, ut à Seruio relatum est, cum Ænea filio in Italiam peruenisse.

Versus Græcus in eos qui robusti cū sint, mendicant tamen, emendatus.

CAP. IIII.

MENDICOS quosdam videmus, qui mendicandi victus quasi artem quandam facitiant, quiq. cū robusto sint corpore, & validis lacertis, languori tamen & ignauix ita dediti sunt, quiduis vt malint, quā labore & industria sua sibi vnde viuant quærere. eis vetere versu iubemur panem dare: & insuper quasi pro opsonio pugnū impingere: illud quidem; quia homini panem petenti negare, vix hominis videtur; hoc autem, vt discant ab illa fœda parandi victus ratione abstinere, & intelligant se bonis omnibus meritò odiosos esse. Versus Græcus hic est:

Δὸς ἄρτον πωχῷ, καὶ κονδύλον ὄψον ἐπ' αὐτῷ.

est autem versus *ἀκέφαλος*, vt cuius prima syllaba brevis sit. Aliter eum ab Eustathio & legi & exponi scio; sed, vt suum cuique, mea mihi interpretatio magis arridet.

De loco quodam Horatii aduersus sententiam cuiusdam, qui eum corrūpit, disputatum.

CAP. V.

HORATIVS cū veteres tragicos ac comicos Latinos in componēdis Iambicis versibus mirè negligentes fuisse dixisset: indignamque eis veniam da-

tam esse: querit, num idcirco si quis scripturus sit, eorum negligentiam imitari debeat, & ut Teucer sub Aiaceis clypeo, ita sub auctoritate eorum latere; an potius imitari seueritatem ac diligentiam Græcorum, qui tantam sibi licentiam non sumpserunt, sed versus suos multo certioribus, multoque arctioribus legibus adstrinxerunt. Tum subiicit, eum qui nihil aliud in scribendo studeat nisi ut tutus sit à reprehensoribus, & ut se aliorum exemplo regat; neque ulterius cauere, quàm ne quid admittat, in quo veniæ spem promptam ac paratam non habeat, nullam laudem mereri: sed, ut liberalissimè cum eo agatur, hoc tantum dici posse, eum vacare culpa. Hortatur ergo Pisones, ne id sibi satis esse ducant: sed versent diurna ac nocturna manu Græcos poëtas, & ad eorum exemplum scripta sua dirigere conentur. Versus autem quibus id præcipit, hi sunt:

Non quinis videt immodulata poemata index:

Et data Romanis venia est indigna poëtis.

Idcirco ne vager, peccemq, licenter: an omnes

Visuros peccata putem mea? tutus & intra

Spem venia cautus, vitæ denique culpam,

Non laudem merui. vos exemplaria Græca

Nocturna versate manu, versate diurna.

Tutus, inquit, id est, si tantum me tutum alieno exemplo præstitero; & si cautus fuero intra spem veniæ: neque aliud cauero, quàm ne illos quasi cancellos & limites transfiliam, intra quos eandem veniam sperare possum, quæ iam alijs antè concessa est: culpam denique vitasse, non laudem meruisse dicar. Quæ sententia cum & vera & perspicua sit: quidam tamen, qui eam non intelligeret, ausus est locum deprauare: & ubi rectè legebatur, *intra spem veniæ*, quasi pro im-

perio

perio iubere, vt legatur, *extra spem venia*. Verba eius subieci, è quibus hominis & cautio & modestia cognosceretur. Mendosè in omnibus libris legebatur, *intra spem venia cautus*, quæ scriptura mirè torfit eos omnes, qui in hanc Epistolam commentarios scripserunt. Ego autem coniectura ductus, & ab ipsius veritatis voce admonitus, locum corruptum ita emendavi: & *extra spem venia cautus*. Neque hoc satis. addit sanctionem. Si quis dissentire audeat, è doctorum numero summotum iri. Sed ipsum audire præstat: Sic, inquit, *legendum; quicquid obstrepant semidocti seu potius indocti quidam. Nam quid peruersius lectione vulgata?* Hæc ille. Mihi verò siue semidocto, siue etiam, si quis ita malit, indocto sesquidoctus ille planè extra spem veniæ peccasse in Horatium non hoc tantum loco videtur.

Alius Horatij locus illustratus.

CAP. VI.

HORATII versus sunt è primo Epistolarum:

Rupit Hyarbitan Timagenis amula lingua

Dum studet vrbanus, tenditq, disertus haberi.

Quos in versus decuit interpretem illum, qui quicquid vsquam viderat, legerat, audierat, somniauerat, *ἐν τοῖς τοῖς συλλέγειν* in cōmentarios suos cōgerebat, de Timagene, si quid haberet, dicere. Et tamē in priori editione silentium: in posteriori pauca quaddā ex Suida. Prætermittenda certè non erant, quæ de eo leguntur apud Senecam libro tertio De ira: ex quibus & Timagenis maledicentia & contumax animus, & Augusti conritas ac facilitas optimè cognoscitur. Addi poterant & illa Plutarchi, ex libro De discrimine adulato-
ris & amici. Τιμαγένης ἐξέπτε τῆς Καίσαρος φιλίας, ἐλευ-

ἔρχεσθαι μὲν ἐδ' ἔποτε φωνὴν χηισάμενοι. ἐν δὲ τοῖς συμποσίοις, καὶ τοῖς πρὸς ἑαυτοὺς ἐκείνους, ὡς ἐδ' ἡν πρὸς ἀλλήλους. Ἀλλ' ὅ, τί ὅς ἐστιν τοῖς γὰρ οὐκ ἀργείοισιν, αἰτίαν φιλίας, ὡς περ σόφισμα λοιδόρίας περσφρεύμενοι. Sed non dubito, quin hæc quæ habuerit in scidis & aduersariis suis: in quibus iam pridem notauerat quicquid alij aut iam dixerant, aut quandoque dicturi erant.

Illustratus locus Tibulli.

CAP. VII.

DISTICHON est Tibulli ad amicam:

*Tunc veniam subito, nec quisquam nuntiet antè:
Sed videar celo missus adesse tibi.*

Cuius priorem partem interpretati sunt alij ex Plutarcho. eam videlicet Romanorum fuisse consuetudinem, ut domum ex peregrinatione redituri, præmitterent, qui vxoribus nuntiarent ipsos aduentare, siue ut illæ se diligētius ad viros decēter excipiendos præpararent: siue ne viri tamquam de illarum pudicitia dubitantes, subito eas opprimere velle viderentur: siue, ut quidam alij dixerunt, ne repentina vis gaudij ex subito virorum adspectu eas grauiore aliquo incōmodo adficeret. Sed ad posteriorem versum nemo adhuc, quod sciam, quidquā notauit, quo is illustrior fietet. Sciendum igitur est, fuisse illud vulgare loquendi genus, ut celo missos dicerent, quos inopinatò viderent. Neque mihi hoc credi postulo, sed graui & erudito scriptori Minucio Felici, qui ita scribit in Octauio: *In hodiernum, inopinatò visos, celo missos; ignobiles & ignotos, terre filios nominamus.*

*Refutatum impudens & impium mendacium
Petri Criniti.*

CAP. VIII.

PETRVS Crinitus Florentinus patrum nostrorum memoria libros aliquot scripsit De honesta disciplina: de quibus in vniuersum quid sentiam, non habeo necesse dicere. Illud quidem certè negari non potest, multa in eis vulgaria pro reconditis, falsa pro veris, noua pro veteribus legi. quale est turpissimum illud & impudentissimum, vt ipse vocat, Senatus consultum, ex quo concinnauit caput octauum libri vnderimi: quod nemo, nisi planè obesæ naris, non statim animaduertit, nihil prorsus redolere antiquitatis, sed aut ab ipso Crinito confictum esse, aut, quod credibilius est, à nebylone aliquo, qui ipsi Crinito illudere voluerit. At hoc quidem non magni momenti est: nisi quòd talia indigna certè erant, quæ referrentur in eos libros, quorum inscriptio honestam disciplinam polliceretur. Illud grauius & acriori reprehensione dignū, quòd veritus non est optimo & religiosissimo imperatori Theodosio violatę Religionis crimen adfingere. Etenim libri noni cap. 9. tradit Valentem & Theodosium Augustos ita scribere ad Eudoxium præfectum prætorio; & si ipse quidem Eudoxium non nominat: *Cùm sit nobis cura diligens in rebus omnibus superni numinis religionem tueri: Signum, Saluatoris CHRISTI nemini quidem concedimus, coloribus, lapide, aliãue materia fingere, insculpere, aut pingere. Sed quodcumque reperitur, tolli iubemus, grauissima pœna eos multando, qui contrarium decretis nostris & imperio quidquam tentauerint.* Atq. id referre se ait ex libris Augustalibus: ita enim, inepta quadam

ostentatione, Codicem Iustinianum vocat; nolens eum vſitato nomine appellare, vt reconditos aliquos libros tractare videretur. Sed profectò dignus fuit, qui falſi pœna plecteretur, auſus ſanctiſſimæ Conſtitutionis verba corrumpere, & eam ad impietatem detorquere. Ita enim legitur in Codicis Iuſtiniani libro primo, titulo octauo: *Impp. Theod. & Valent. AA. Eudoxio PP. Cùm ſit nobis cura diligens, per omnia ſuperſperni numinis religionem tueri: Signum Saluatoris CHRISTI nemini licere vel in ſolo, vel in ſilice, vel in marmoribus humi poſitis inſculpere vel pingere: ſed quodcumque reperitur, tolli: grauiffima pœna multanda eo, qui cōtrarium ſtatutis noſtris tentauerit, ſpecialiter imperamus. Dat. xij Kal. Iun. Hierio & Ardaburio Coſs.* Ac ne quis fortasſe putet, aliam veterum librorum ſcripturam fuiſſe: habeo ipſe Codicem ſcriptum annos ab hinc ſerè ſexcentos, in quo planè eodem modo, vt in vulgatis, legitur. Licuerit fortasſe Crinito in rebus ludicris ac leuibus leges ac Senatusconſulta confingere: certè in re ad cultum diuini numinis pertinente, imperatoris commemorabili pietate ac religione præditi conſtitutio corrumpenda non fuit.

Puerorum luſus quibus maximi momenti negotia præſignificata ſunt.

C A P. I X.

S O L E N T pueri interdum colludentes imitari ea quæ maximè ſeria ſunt; neque rarè animaduerſum eſt, eorum ludicris quandam futuræ ſortis ac conditionis ſignificationem cōtineri. Romulus certè, cùm adhuc ignarus ſuæ originis inter paſtores educaretur, rex ab illis per ludum creatus, & per eam occaſionem ad magnum patrum perductus, puerilis ſimplicitatis præſagitionem re ac factis comprobauit.

Quod

Quod ipsum & de Cyro aliisq. proditum nouimus. Sed & L. Septimium Seuerum, qui postea Romano imperio præsuit, tradit Spartianus, cum adhuc puerulus esset, nullum alium ludum inter pueros exercuisse, nisi ad iudices: cum ipse prælatis fascibus ac securibus, ordine puerorum circumstante, sederet ac iudicaret. Quod autem his omnibus multo maius ac præstantius est, sanctissimo viro Athanasio summus ordo in Ecclesia Dei puerili quodam ludo præsignificatus est. Nam cum eum æquales sui, festo quodam die in littore maris colludentes, Episcopum creassent: & ad eum alios quosdam puerulos nondum baptizatos perduxissent: ipseque eos, obseruatis ad vnguem omnibus Ecclesiasticis ritibus salutari aqua tinxisset: Alexander episcopus Alexandriae, qui totum illum ludum eminus spectauerat, atque etiam à principio iniquo animo tulerat: cum, vocatis ad se pueris, rem totam diligenter cognouisset: pronuntiauit, pueros illos ritè baptizatos videri, neque amplius baptizandos esse; adiicienda tantum ad illud mysterium ea, quæ more atque instituto Christiano à sacerdotibus obiri oporteret. Eius autem Alexandri S. Athanasius successor fuit. Neq. absimile est, quod de S. Ambrosio Episcopo Mediolanensi S. Paulinus Nolanus Episcopus memoriæ prodidit, eum adhuc puerulum solitum esse quasi per iocum manus fororibus suis osculandas dare; cum sacerdotibus eum honorem ab illis tribui videret; nam se aliquando Episcopum fore.

Locus Demosthenis à Cicerone, singulari artificio expressus.

CAP. X.

NON quicquid more fit, iure fit: aliudque multo
Y 4 est,

est, solere aliquid fieri, & aliud licere & hæc tamen turpiter factis excusatio plerumque prætexi solet: neque ferè quisquam est, quin iniuriam sibi fieri putet, quod alij complures diu impunè fecerunt, si à se potissimum eius vlciscēdi ducatur exordium. Sed acerrimus ac pugnacissimus oratorū Demosthenes, quem perurbanè amicus quidam meus Aristotelem oratorum vocat, quòd, ut in Aristotele, ita in Demosthene nihil otiosum, nihil redundans reperiatur, densa & compacta omnia & neruorū ac virium plena: is igitur grauitè labefactat ac concutit hanc rationem defendendi, eiusque fundamenta, impacto huius vehementissimi enthyemenatis quasi ariete quodam subruit: & γὰρ εἰ πῶποτε μὴ καὶ τὸς νόμοις ἐπαχθεῖν, σὺ δ' ὅτι ταῦτα ἐμιμήσω, διὰ τοῦτο ἀποφύγοις ἂν δικάως, ἀλλὰ πολλῷ μᾶλλον ἀλίσκοιο. ὥσπερ γὰρ εἰς ἐάλω, σὺ ταῦτα ἐκ ἂν ἔγχευας, ἕως ἂν εὖ τὸν ἀλῶς, ἀλλ' οὐ καὶ γὰρ ἐγὼ. quæ ita Latinè reddita sunt à Fabio: *Non enim si quid unquam contra leges factum est, idq; tu es imitatus; idcirco te convenit pœna liberari: quin econtrario damnari multo magis. Nam ut si quis eorum damnatus esset, tu hac non scripsisses: ita, si tu damnatus fueris, non scribet alius.* Summus autem Latinus orator, ut peritum imitatore decet, vim quidem ac pondus sententiæ retinuit: sed eam, toto dicendi genere immutato, suam fecit. Ita enim scribit libro tertio accusationis: *Quid igitur dices? fecisse alios? quid est hoc? utrum crimini defensio, an commitatus exilio queritur? Tu in hac repub. atque in hac hominum libidine, & ut adhuc habuit se statim indiciorum, etiam licentia, non ex iure, non ex æquitate, non ex lege, non ex eo quod licuerit, sed ex eo quod aliquis fecerit, id quod reprehenditur, rectè factum esse defendes?* & paulo post: *Ut ego adsentiar orationi, defensionem*
tamen

tamen non probabo. Potius enim te damnato, ceteris angustior locus improbitatis defendenda relinquetur, quam te absoluto, alij, quod audacissime fecerunt, recte fecisse existimentur. Talium exemplorum collatione velim studiosis eloquentiæ adolescentibus veram & rectam imitandi rationem indicari; non ut à plerisque fieri video: qui cum, ut picæ & psittaci, eadem voces reddiderunt, magnos se luculentorum scriptorum imitatores arbitrantur.

Oleum numquam congeliare, contra quàm à Gellio productum est. CAP. XI.

SÆPENVMERO miratus sum quæstionē quam Gellius libro xvij. propositam esse dicit in cena Athenis apud philosophum Taurum, cur oleum sæpe & faciliè, vina rariùs congelascant. ac doluit mihi quòd puer ille qui emptum oleum ierat, tam citò rediisset, aut non alicubi guttū fregisset in via: erat enim tanti, corrumpi ollam illam lentis Ægyptiæ, & cucurbitæ, dum quæstiones quæ propositæ erant, explicarentur. Saltem olla vacua, pleno ventre rediissent ad disputationes institutas. sed, ut opinor, vñ cum olla deferbuerat etiam ardor disputandi. Equidem ita semper accepi ab iis quibus omnis propè census in oleo est, oleum frigore crassescere quidem, sed nūquam congelascere. Quin & ij qui congeliare vsquam negant mare, inter ceteras eam quoque causam adferunt, quòd innatet mari pinguis quidam & olei similis humor. & Heracleo in Iliados ↓, numquam ait congeliare oleum, propter calorem qui ei admistus est: τὸ ἔλαιον, inquit, ἔκ ἀποκρυφαλλοῦται, πάλιν ἔχον ἐν αὐτῷ τὸ θερμὸν. Et hoc philosophus Taurus cognoscere potuerat ex Aristotelis libro quarto Meteorologicon,

vbi docet summus Philosophus, ὅτι ὑπὸ ψυχῆς πί-
 γνυται τὸ ἔλαιον, ὅτι ὑπὸ πυρὸς, ἀλλὰ ὑπ' ἀμφοῖν παχύνεται.
 propterea quòd aëris plenum sit: ex quo etiam fieri,
 vt aquæ innatet: quod ipsum tradit & libro secundo
 De generatione animalium, vbi ita legitur, ἐν τοῖς ψύ-
 χεσι ὃ καὶ πάρις παχύνει τὸ ἔλαιον, πῆγνυθ' οὐ. διὰ μὲν γὰρ
 θερμότητα ἐπύγνυθ'. ὃ γὰρ ἀπὸ θερμὸν καὶ ἀπικτον. Ac dicerem,
 Gellium ita intellexisse, non planè in crustam cōcre-
 scere oleum, sed crassius ac densius fieri, nisi puerum
 apertè vtentem fecisset verbo κεκρυφάλωται.

*Incunda narratio super ambiguitate vocula cuius-
 dam, qua duobus eruditissimis hominibus erro-
 rem obiecit.*

CAP. XII.

INTERPRETABAR nuper publicè librum Se-
 necæ, quo sanctus ille Philosophus quærit, quare ma-
 la bonis viris accidunt, cùm sit Prouidentia. Cumq̃.
 ventum esset ad eam partem in qua ipse grauiter in-
 sectatur luxum temporum suorum, accidit, vt ego
 quoque in eo loco tractando enumerarem multa ge-
 nera peregrinarum auium quas veteres Romani è re-
 motissimis totius orbis partibus petitas mensis in-
 ferre soliti essent. Venit ad me triduo pòst vnus eo-
 rum qui tum interfuerant, homo & suo iudicio eru-
 ditissimus, & meo non ineruditus. Isq̃. cùm aliquot è
 familiaribus meis mecum vnà esse vidisset, dissimu-
 lanter quidē, sed ita tamen vt artificium appareret, cœ-
 pit operam dare vt sermo noster, aliis de rebus susce-
 ptus, in mentionem eius disputationis quæ triduo
 antè à me habita erat, sensim delaberetur. Tum quasi
 occasionem nactus ostentandæ eruditionis suæ: Nol-
 lem, inquit, à te tum prætermittam vnus aui men-
 tionem, ex qua vna inexplebilis veterum libido in
 exqui.

exquilitis dapibus conquirendis vel maximè cognosci poterat. Quam, quæso? inquam. Phœnicem, inquit ille. Obsecro te, etiam phœnicem illi esitabant? certè, inquit. Neque multi, inquam, neque sæpè id facere poterant. aiunt enim eam auem vnicam toto orbe reperiri, & viuere annos, opinor, sexcentos sexaginta, & cùm ipsa sibi rogam construxerit, funusque fecerit, tum eodem illo ex rogo renasci. Sed ego figmenta esse illa poëtarum putabam. Tu verò, quem, ut illos raræ inuenta dapes, ita omnia in studiis rara & exquisita delectant, ede nobis nomen gulonis illius, qui tanti putauerit palato gratificari, ut tam pulchram auem in perpetuum sustulerit. certè enim, cùm vnica toto orbe sit, neque nisi ex se renascatur, interfecta vna, totum genus extinctum est. Atque ea fortassis causa est, cur nullus iam pridem Phœnix reperiatur. Ludis tu quidem, inquit ille, & solita illa tua dissimulatione vteris: sed si tum inspexisses librum Plutarchi De valetudine tuenda, didicisses ex eo, istius auis, quam tu nullam esse putas, cerebrum dulce quidem esse, sed dolorem capitis inducere, quod tam grauis auctor numquam prodidisset, nisi saltem ab iis qui id gustassent, audisset. Istud verò, inquam, magis etià mirum fuerit, qui semel eum cibum gustassent, neque enim potuere sæpius tam citò, & tam distinctè naturam illius percipere potuisse. Nam ego ita ex Aristotele didiceram, è memoria eius quod sæpè eodem modo contigisset, experientiam, è multis autem, scio hoc Latinum non esse, sed dabitis veniam, experientiis artem effici. De isto, inquit, tu videris: mihi satis erit, si tibi Plutarchi locum ostendero. Simulque librum è sinu protulit, in quo cum aliis quibusdam erant & vñerit Plutarchi, Erasino, ut puto,

puto, interprete: nomen enim ita deletum erat, ut tamen ex ductibus litteratum agnosceretur. In eo autem ita planè scriptum legebatur: *Nam Phœnicis cerebrum cum sit admodum dulce, tamen aiunt capitis dolorem parere.* Homo igitur qui eam unam ob causam venisset, atque id unum operis habuisset, cum dicto, vix salutatis nobis, caulatus sibi nescio quid negotij esse, discessit. Eo digresso, visum est ijs qui aderant, etiam Xylandri interpretationem inspicere. Is autem ita locum illum reddiderat: *Cerebrum Phœnicis dulce admodum est, sed dolores capitis inducere fertur.* Tum ego, Vna, inquam, Græca vox paulo negligentius expressa, videte, quantum errorem & sodali illi nostro, qui modò discessit, & fortasse etiam aliis obiecerit. Φοίνιξ enim Græcè palma est, cuius arboris non tantum fructus esui sunt, sed etiam medulla, quam & Græci ἐγκεφάλου, & Latini cerebrum vocant. De illa autem loquitur Plutarchus, non de Phœnicis commenticiæ ausis cerebro. Theophrastus libro secundo περὶ φυτῶν, vbi de Palmarum generibus agit: *ὃ γὰρ ἐξ αἰρεθέντων τῶ ἐγκεφάλου, ζῶντι, καὶ κοπέντι ἀπὸ τοῦ ριζῶν ἀναβλάσκει.* Plinius: *Sunt & caduæ Palmarum quoque silvæ germinantes rursus ab radice succisæ. Dulcis medulla earum in cacumine, quod cerebrum appellant: exemptaq; vivunt, quod non aliæ.* Meminit & Galenus libro octavo De facultatibus simplicium medicamentorum, & alij. Quod autem hic ait Plutarchus, è Xenophonte videlicet sumpsit, apud quem id relatum est libro secundo Anabaseos.

Quiddam de Vrsorum adipe dictum à Theophrasto, non satis ex fide à Plinio relatum videri. CAP. XIII.

V I D E T U R Plinius nō semper inspexisse veterum libros,

libros, cùm quæ ab eis scripta erant, referre vellet: sed interdum nimis fidens memoriæ suæ, quædam non satis fideliter tradidisse. Quale est quod scribit libro octauo, Theophrastum credere, certo quodam tempore anni, quo latere vrsi & supra modum pinguescere, altissimo somno oppressi solent, coctas quoque eorum carnes, si asseruentur, increfcere. Neque enim id Theophrastus de coctis carnibus, quod prorsus incredibile est, sed *ωὲν σέιαι*, id est, de adipe dixerat. Adscribam verba nobilissimi Philosophi ex libro De odoribus, vt ea politissimns & accuratissimus interpres Turnebus reddidit: ita enim nunc quidẽ malo, quàm Græcè: *Huiusmodi autem nature consensio atque contagio in alijs etiam quodammodo euenit. Vinum enim cum vna efflorescens tentari videtur: & allia cepa q̃, tum acerrimi sunt odoris cùm in terra germināt. Sed præterea accidit, vt vnà etiā ipsa germinēt: atq; omnino omnia quæ tunicata constant radice, modò non exaruerint, germinationis tempore mouentur: cùm insita cuique vis sollicitetur & excitetur. Sed omnium istorum admirationem facile superat, quod in adipe vrsino euenit, qui latebrarum tempore exūdat, intumescensq; vasa implet.* Theophrasti verba paulo altiùs repetij, vt è similium collatione magis intelligeretur, id quo de agebatur.

Cur maior in nonnullis ciuitatibus, quàm in alijs, existere fortium virorum copia soleat, ex Hippocrate explicatum.

CAP. XIII.

QVOD lauti ac sumptuosi homines facere in cibis solent, vt ijs quæ in mari nascuntur, magis in mediterraneis, quàm in maritimis locis gaudeant: contraque cùm in mari versantur, iis vescantur libentiùs, quæ nisi in continenti reperiri non solent, vt ipsa peregrini-

regrinitas pro condimento esse, & cibis præcipuam
quandam gratiam conciliare videatur: idem ego in
studiis interdum facio: & si quid aut apud gramma-
ticos, quod ad ius ciuile; aut apud physicos, quod ad
politice; aut denique apud quemque, quod ad aliam
artem quamcam, quæ ab eo præcipue tractatur, per-
tineat, reperio, eo mirificè capior: multoque magis
afficior, quam si id ipsum reperissem apud alium scri-
ptorem, cuius ea tractatio propria esset. Vt nuper,
cùm quæstionem politicam, & magni quidem mo-
menti, deprehendi à principe medicorum Hippo-
crate verissimè ac sapientissimè explicatâ. Cùm enim
constet maiorem copiam virorum fortune existere
solere in ciuitatibus liberis, quam in ijs quæ vnus do-
minatu tenentur: vt in historijs veteribus multo plu-
res legimus Athenienses, Lacedæmonios, Romanos,
quam Assyrios, Persas, Medos, fortitudinis laude
excelluisse: quæri non inuitia potest, quæ id causa
efficiat. Ait igitur Hippocrates, id ex eo euenire, quod
homines pro suis quam pro alienis commodis, pro
sua quam pro aliena gloria, longè alacrius atque ani-
mosius pugnant. In ijs autem ciuitatibus, quæ suis le-
gibus viuunt, si quid bello partum sit, eius intelligit
quisque ciuium aliquid ad se pro virili parte pertine-
re. At vbi summa rerum omnium penes vnum est, ibi
labores quidem militares, & pericula, & vulnera &
cædes pertinent ad eos qui imperio subsunt: gloriæ
autem & imperij amplificatio, & omnis denique fru-
ctus qui ex victoria capitur, ad eum vnum redit, qui
ceteros oppressos tenet, eosque. habet in mancipiorum
aut in pecudum loco. Hac in hanc ferè sententiam
disputantur ab Hippocrate in libello, quo explicat,
Quid efficiant cæli, aquarum & locorum varietates.

Bacides tres. CAP. XV.

RECTE iudicauit P. Victorius, apud Aristotelem in Problematis, vbi vulgo legebatur, *σέβουσαι καὶ βακχίδες*, legendum esse, *βάκιδες*. Sed non veram causam reddidit, cur Aristoteles Bacidas ac non potius Bacidem dixerit. Putauit enim, vnum quidem fuisse Bacidem: sed numero multitudinis, nota figura vsus, summum Philosophum dixisse *Βάκιδες*, cū intelligeret non illum solum sed ceteros omnes eius generis atque illi similes. Id autem secus est. Duo enim Bacides fuerunt: quorum vterque futura prænoscere ac prædicere putabatur. Docet id Clemens Alexandrinus, cuius hæc verba sunt è primo *στοιμαίων. Ηδὲ καὶ παρ' ἑλλήσι χρησιμολόγοι συχνοὶ γεγονέναι φέρονται, ὡς οἱ Βάκιδες, ὁ μὲν Βοιωτῶν, ὁ δ' ἀρκὰς πολλὰ πολλοῖς παραγορεύσαντες.* Sed & tertium Atheniensem addit Philetas apud Suidam. Bæotij tamen frequentissima apud veteres mentio.

Locus Virgilij è Thucydide effictus.

CAP. XVI.

QUI collegerunt indicaruntque locos Virgilij ex alijs scriptoribus expressos, ad illum versum ex quarto Æneidos,

*Ille dies primus lethi, primusq; malorum
Causa fuit,*

alii alia notarunt. Ego autem existimo, Virgilium habuisse tunc in animo dictum Melchippi Spartiatæ, qui principio belli Peloponnesiaci cū ad pertentandos animos Atheniensium missus esset: eumque illi inauditum statim ad suos redire iussissent, ex Atticæ finibus excedens dixisse fertur, illum diem Græcis magno-

magnorum malorum principium fore. qua de re ita Thucydides libro secundo: ὁ δὲ ἐπειδὴ ὅτι τοῖς ὀρίοις ἐγένετο, καὶ εὐελλε διαλύεσθαι, τὸν δὲ εἰπὼν, ἐπερένετο, ὅτι ἦδε ἡ ἡμέρα τοῖς ἑλλησι μετὰ τῶν κακῶν ἀρχή. fait autem Virgilius grauiissimi illius rerum scriptoris studiosissimus: ut multis certisque argumentis peruinci facile potest.

*Probam vocem esse, Exanclare, & temerè
ab alijs damnatam.*

CAP. XVII.

EXANTLANDI verbum numquid à Latinis scriptoribus vsurpatum sit, pro certo & explorato statuere non ausim. Si quis tamen ex me, quid sentiam, roget, peregrinum esse existimo: & Græcè quidem rectè dici ἐξαντλεῖν: sed Latinè loquenti *exanclare*, non *exantlare*, dicendum. Quo magis miror, quid acciderit cuidam, qui eam vocem, ipsa enim hominis verba ponam, neque ab vllà Latina, neque ab vllà græca voce originem habere posse, & ex totius linguæ Latinæ finibus ablegandam esse, audacter pronuntiauit. Poterat certè, qui tam multis locis alienam in hoc genere audaciam accusat, ipsemet modestiùs loqui. Sed non est nouum, ut quo quisque vitio maximè laborat, eius se in alijs acerrimum ac vehemētissimum reprehensorem profiteatur. Ἀγκύλον curuum est: & inde est *angulus*, & *ancylia*, scuta, ut ait Nonius, grandia: & *ancyle*, ut ait Hesychius, poculi genus: id est, ut ego arbitror, scutella: & inde est Latinis *anculare*, id est, haurire: & συγκεκαυμένον *anclare*, & *exanclare*, id est, exhaurire: eadem forma, qua *poplum* pro *populo*, & talia multa dicebant. Neque hæc vel ex Festo & Nonio ignota esse debebant. Itaque apud Plautum, Ciceronem, aliosque scriptores Latinos vbicumque *ex-*
antlare

antlare legitur, vna littera mutata, *exanclare* legendum puto.

Emendatus è Plauti Bacchidibus locus.

CAP. XVIII.

THESAVRVM quendam malorum Plautinæ fabulæ cōtinent: ita quo plura in eis hulnera cōeunt, ac consanescunt, eo plura erumpunt ac deteguntur. Itaque non est verendum, ne istis, qui ex veterum scriptorum emēdatione ingenij gloriam aucupantur, quid agant, desit. Vt omnes omnia conferant, vnus eis Plautus satis superque negotij vsque & vsque exhibebit. Quando igitur nos quoque in eis quorundam opinione censemur: agendum, opis ei aliquid pro nostra virili parte, quantula ea cumque est, adferamus. Mnesilochus in Bacchidibus cum amorem suum, quem per litteras sodali Pistoclero, commendarat, rectè & cum cura ab eo procuratum esse audiisset: itemque bonam sibi operam à seruo Chrysalo datam in reperienda techna, qua patrem argento interuerteret, negat, committendum sibi esse, ut ingratus habeatur: ideoque diligenter sibi videndum, quomodo gratiam Chrysalo referat. Id exponit his versibus:

*Nam vt in Ephesum hinc abij, hoc factum est ferme
abhinc biennium.*

*Ex Epheso huc ad Pistoclerum meum sodalem litteras
Misi, amicam ut mihi inueniret Bacchidem. illum
intelligo*

*Inuenisse, vt seruus meus mihi nuntiauit Chrysalus.
Condignè is quam technam de auro aduersum meum
fecit patrem,*

Vt mihi amanti copia esset. Sed ecce n video incedere.

Sed quis, quæso, ille est, quem ait videre se incedere? certè enim neque patrem suum, neque sodalem, neque Chrysalum videt: quos nominarat vnos. Atque hoc non modò non emendauit is qui se Lynceum, ceteros Hypsæa cæciores putabat, sed ne mendum quidem subesse animaduertit. Legendum autem videtur hoc modo:

Sed æquum id ei reddere.

idque apertè declarant, quæ statim subiicit:

Nam pol meo quidem animo, ingrato homine nihil impensur' est.

Illa autem deprauata scriptura extitisse videtur ex eo quod paulo post scriptum est:

Vint eris, moneo, haut celabis. Sed eccos video incedere

Patrem sodalis, & magistrum. hinc auscultabo, quam rem agant.

Loci aliquot veterum scriptorum apud

Nonium emendati.

CAP. XIX.

CORPORA nostra vi animi moueri, ex se autem immobilia esse dixerat Varro, Mutuum muli scabunt. cuius ea de re verba citantur à Nonio, sed ita deprauata, ut difficile sit eorum sententiam consequi. leguntur autem in voce Grallatores, hoc modo: *Grallatores, qui gradiuntur grallis, quæ sunt pertica lignea ab homine isto qui in ista tangitantur, siciliani nostri sunt, galea crura ac pedes nostri efficiuntur: sed ab animo mouentur.* Puto autem ita emendari posse, partim veterum librorum auctoritate, partim coniectura fretus: *Quæ sunt pertica lignea sine animo: sed ab homine, qui in eis stat, agitantur. sic illi animi nostri sunt: gralle,*

gralla, crura ac pedes nostri, ex se ἀνέντοι: sed ab animo mouentur. Aliter diuinarat Iunius. Erit igitur aliorum iudicium. Addam & corollarium ex eodē grammatico in voce Deprecor: vbi enim legitur, Ennius: *Eripite oculi nunc arumnam à libertate para quibus seruitutem meam miseram deprecor*: ita emendat Iunius:

Ennius: Eripite ô cines quibus

Nunc arumna mea libertatem paro,

Quibus seruitutem mea miseria deprecor.

Ego, Ennius Erechtheo:

Quibu' nunc arumna mea libertatem paro.

In ceteris Iunium sequor. In voce Obscenum: versus Lucilij ita lego:

Vos ite aētutum, atque opere magno edicite

Per urbem, vt omnes, qui arcem astug, accolunt.

non, vt Iunius, *Arpinam & Arsam*: quorsus enim necesse est, præcones, quibus per urbem aliquid edicendum est, in Elidem & in Hispaniam mittere? Video hæc quàm leuia & pusilla sint: sed, vt horū temporum mos est, talia multa ab alijs quoq. in censum deferuntur.

De Nili & Istrī magnitudine non idem videri sentire Sallustium & Arrianum. tum pœna cuiusdam militaris ratio aliter, quàm à Gellio, explicata.

C A P. XX.

TRIA maxima Europæ flumina esse Nilum, Istrum, & Rhodanum, traditum est: sed principem locum omnes tribuunt Nilo. ab eo autem secundum Istrum facit Sallustius. At Arrianus Istrum omnium maximum esse adfirmat his verbis: Ἀπὸ τῆς τῆς μάχης βι-
ταῖς ἀζικνεῖται Ἀλέξανδρῳ ὅτι τῆς πόταμον τῆς ἰστροῦ, ποτα-
μαῖν τῶν ἡμετέρων τὴν Εὐρώπῃ μείζον ὄντα καὶ πλείω γὰρ ἐπερχό-
μενον.

muror. hoc igitur appingi poterit ad ea quæ de his fluminibus tradidit Gellius capite septimo libri decimi. Sed & hoc, quod dicam, adijci poterit ad id caput eiusdem scriptoris quod proximè sequitur. Ibi enim sanguinis missionem narrat fuisse olim inter ignominias militares: neque causam eius rei ullam à veteribus proditam esse. Se igitur putare id factum, quasi minus sani viderentur omnes qui delinquerent: ob idque tali purgatione egerent. Ego autem potius id factum puto ut sanguinem quem cum gloria fundere pro patria noluerant, cum ignominia amitterent.

M. AN-

M. ANTONII MVRETI

I. C. AC CIVIS R.

VARIARVM LECTIIONVM

LIBER XIII.

*Duo grauissimorum scriptorum loci, quorum in
utroque eadem macula hæserat, emendati.*

CAP. I.



EREO inter dum, ne sint quibus hoc totum scriptionis genus leue ac contemnendum esse videatur, quod ad maculas è veterum libris eluendas refertur. Vt enim vera sint quæ scribimus: ferè tamen, simulatque quis vnã aut alteram litterã vocẽmve in libro suo aut mutauerit, aut deleuerit, aut addiderit, ita singula horum librorum capita concerpat licet: vt quorum vix vsus præterea vllus esse alius possit. Sed tamen si quis tecum reputet, primùm, quanta vtilitas ex veterum scriptorum lectione capiatur, deinde, quantam difficultatem deprauata scriptura illorum studio- sis exhibere soleat, magnam gratiam habendam esse iudicabit iis, qui suo labore laborem aliis minuunt: &, in quibus ipsi fortassis aliquãdo hæsitauerunt, in eis ne alij quoque hæsitent, elaborant. Qua spe fretus, subsecuius horis, eorum librorum, quibus olim vsus sum, oras inspicio, & si quid in eis notatum video, quod vsui etiam aliis esse posse arbitrer, colligo: atq. ita hæc qualiacumque concinno: vt, si minus ipse de meo excudere possum digna quæ legantur; at certè

aliquid efficiam, quo ij qui lectione digna scripserunt, facilius intelligantur. Nunc igitur duos locos indicabo, quorum in utroq. διάνοια legitur, cum utrobique αἴνοια legi debeat: idque eo libentius faciam, quod in utroq. & eruditissimi interpretes lapsi sunt: neque id isti animaduverterunt, qui, quasi ipsi nusquam offendant, exultant in aliorum erratis, eaque mimico orationis genere tam cupidè persequuntur. Eorum prior est apud Thucydidem lib. sexto, in oratione qua Alcibiades aduersus Nicias de mittendis in Siciliam copiis disserit. Cum enim prior eum tetigisset Nicias, quod maiores sumptus quam pro re faceret; respondet delicatus ac sumptuosus adolescens, sumptus illos ad ostentandam externis hominibus ciuitatis magnitudinem ac potentiam pertinere: neque illam imprudentiam inutilem esse (ita enim εἰς ὠνδύμενον vocat) cum quis sumptibus suis non sibi solum prodest, sed etiam ciuitati. Verba eius hæc sunt: καὶ κ' ἀρχιστοῖς ἢ δ' αἴνοια, ὅς αὖ τοῖς ἐδίοις τέλεισι μὴ ἐαυτὸν μόνον, ἀλλὰ καὶ τὴν πόλιν ὠφελῇ. Ita enim legendum esse, non ut omnes peruulgati libri habent, διάνοια, vel de scholiis Græcis intelligi poterat, in quibus ita notatum est: εἰρωνδῶται ὁ Ἀλκιβιάδης, λέγων ὅτι, εἰ καὶ ἀνόητος φαίνομαι πῶν, ἀλλ' οὖν τῇ πόλει καὶ ἀρχιστοῖς μου ὅτιν' ἢ αἴνοια, ἀλλὰ καὶ ὠφείλω. Idemque planè confirmat, quod in eadem oratione haud ita multo post legitur: καὶ ταῦτα ἢ ἐμὴ νεότης καὶ αἴνοια ὥστε φύσιν δοκοῦσι εἶναι, ἐς τὴν πελοποννησίαν διώαμιν λόγοις τε ὑπέπευσιν ὁμίλῃσι, καὶ ὁρῇ πῖσιν παρεχόμενῃ, ἐπεισε. Alter locus est in libello, qui Plutarchi quidem non videtur, sed inter ipsius opuscula tamen legitur, De liberis educandis: vbi grauiter peccare ostendit eos, qui paruulos quidem liberos sub magistris ac pædagogis habent; sed puberes iam factos,

Etos, suo more ac modo viuere patiuntur: ait enim, eos non animaduertere, se in eo imprudentiæ ac temeritati licentiam ad faciendas iniurias dare Atque hoc exponit his verbis, ὥστ' οἱ μὴ τ' ἡλικίας ταύτης ἐρρωμένως ἀντιλαμβάνονται τῇ ἀγοίᾳ διδόντες ἐξυτίαν ὅτ' ἡ τὰ ἀδικήματα, λανθάνουσιν. Sed hic quoque τῇ διαγοίᾳ perperam in vulgatis libris legitur.

Illustrati loci duo ex Æneide.

CAP. II.

NIHIL temerè aut inconsideratè à Virgilio dicitur: omnia propriis & accommodatis ad id quod agitur vocibus exprimuntur: &, vbi minimè putes, aliquid plerumque reconditæ eruditionis latet. Vt in illis versibus è sexto Æneidos:

Sed non antè datur telluris operta subire,

Auricomos quàm quis decerpserit arbore fetus,

nemo, quod sciam, veterum, ac ne Fuluius quidem aut Guellius notarunt, cur *operta telluris* dixerit. Bonam deam & Tellurem eadem esse, vel ex Macrobio constat. Vbi autem Bonæ deæ fiebat, opertum vocabant, quò viris ingredi nefas erat. Cicero primo Epistolarum ad Atticum: *Quasi in operto dicas fuisse.* Et in Paradoxis: *Vt, si in opertum Bona dea accessisses, exulares:* Iam igitur constat, cur *telluris operta* dixerit. Sed & in illis è quinto versibus:

Stans procul in prora pateram tenet, exta q̃, salso

Porricit in fluctus, ac vina liquentia fundit.

vt veterem esse illam porriciendi exta in mare cōsuetudinem notarunt: ita vellem, aliquid de fundendi meri consuetudine notassent. Poterant autem è Thucydidi libro sexto: vbi Nicias, Lamachus, & Alcibiades soluentes è Piræo aureis & argenteis pateris vi-

num in mare fudisse dicuntur. Verba scriptoris omnium grauiissimi hæc sunt : *κετῆρας τε κινεσάντες παρ' ἅπαν τὸ κράτευμα, καὶ ἐν ταύμασι χρυσῶς τε καὶ ἀργυρῶς οἷον ὀπλάσαι καὶ οἱ ἀρχόντες ἀνέχοντες.* Quod & à Diodoro libro tertio decimo bibliothecæ, in eiusdem historiae explicatione memoriae proditum est.

Emendati loci aliquot è tertio libro Ciceronis De officiis. CAP. III.

CICERONIS è lib. tertio De officiis verba sunt: *Tollendum est igitur ex rebus contrahendis omne mendacium. non licitatorem venditor, nec qui contra se liceatur, emptor apponet. Vterque, si ad loquendum venerit, non plus, quàm semel loquetur.* Quibus in verbis meminimus ab eruditis hominibus dubitatum esse, cur diceretur emptor neminem, qui contra se liceretur, appositurus. Certè enim solet interdum venditores in auctionibus licitatore aliquem apponere, qui se emere velle simulet: & pluris liceatur ea quæ venum exposita sunt, quàm quanti sunt: ut eo modo ceteri emptores inducantur. Atque hoc sæpè fieri vidimus. Emptor autem cur, quæcûq, quemquam, qui contra te liceatur, apponat? Id enim si faciat, obstabit sibi: neque hoc dubium est, quin qui emere aliquid vult, illud potius optare debeat, ut nemo, qui contra liceri velit, reperiatur. Quare si qui contra se liceatur apponat, non sibi consulit, sed venditori. Quid igitur est? Multa ab istis *παρρησιαστικὰ* allata sunt, quæ qui accuratè refellere velit, ridiculus sit: ita sunt ridicula ipsa & leuia. Peccatum hic est, ut & in aliis libris sæpe, & in Pandectis Florentinis sæpissimè, ut semel tantum positæ sint litteræ, quas geminari oportebat. Legendum enim est, *qui contra se liceatur*, id est, qui
contra

contra asse liceatur. Vt enim venditor dolosè apponit, qui pluris liceantur, ita emptor qui minoris: vt sibi faciliùs res addicatur. Assem autem pro minimo pretio veteres sæpe dicebant: eoque nomine in rebus extenuandis & abijciendis utebantur. Socrates apud Varronem: *Asse vinum, asse pulmentarium*. Cato: *Quod non opus est, asse carum est*. In ludicro poemate: *Non assis faciunt, euntq; recta*. Catullus: *Omnes unius astimemus assis*. Horatius: *In triniis fixum qui se demittit ob assem*. Persius: *Et centum Gracos curto centusse licetur*. Asse igitur liceri, est pretium rei extenuare & abijcere; quod qui faciat, si emptor apponat, improbè eum facturum Cicero putat. In eodem libro quod vulgò ita legitur: *vt omnes simul in rostra post meridiem descenderent*. vetus liber meus habet, *escenderent*. Rectè omninò. Neque enim *descendere in rostra* dicebant, sed *ascendere*. *Escendere* autem vetere lingua & *ascendere* idem est: vt alibi docui. In eodem libro ita legitur etiam in ijs libris, qui vt hiantes indicantur emptores, cum totis plaustris librorum veterum collati esse dicuntur: *Nunc abeo ad vulgi opinionem, qua maior vtilitas quàm regnandi esse possit? nihil contra inutilius ei qui id iniuste consecutus sit, inuenio, cum ad veritatem cæpi reuocare rationem*. legendum autem hoc modo: *Non habeo ad vulgi opinionem, qua maior vtilitas, quàm regnandi esse possit. nihil contra inutilius ei qui id iniuste consecutus sit, inuenio, cum ad veritatem cæpi reuocare rationem*. Sed vt pifces sale, ita correctores isti correctore indigēt. Quid autem est, quod in versu Ennij, qui eodem in libro citatur, *fides alma, apta pinnis* dicitur? Plerisque simulacris Deorum, vt Victoriæ, vt Famiæ, affingebant alas: vt Deos vbique præsto esse indicarent. *Apta au-*

tem pinnis est *ἡρώεσσιν*. Appuleius apologia prima: *Sed verba, ita ut poëte aiunt, pinnis apta vulgo valarent*. Expressit autem illud Homericum, *ἑπεα πτερόεντα*. Attij autem versus eodem in libro ita legendus est:

Neque do infideli cuiquam, neque dedi fidem.
ut sit senarius.

Addam & alia, quæ cum addidero, sic quoque alia supererunt: ita diligenter præstant isti quæ pollicentur. Vbi ergo de Epicureis ita scriptum est, *Dicunt enim voluptatis magnitudinem doloris detractio fieri*: non fieri legendum est, sed *finiri*. Hoc enim dicebant Epicurei, ubi dolor detractus esset, finiri ac terminari, & quo verbo ipsi utebantur, *ὀπίσσω* voluptatem: neque crescere amplius, sed variari tantum, id est, *ποικίλλεσθαι*. Sed & paulo post, ubi vulgò legitur: *Nec verò finis bonorum & malorum qui simplex esse debet, ex dissimilibus rebus misceri & temperari potest*. ibi ergo, si quis attentè rem ipsam considerauerit, animaduertet duas illas voces & *malorum* ab hominibus fortasse minimè malis, sed certè non satis intelligentibus, additas esse.

Plinij locus emendatus.

CAP. IIII.

RISI nuper Plinium legens, cum in ea, quæ ille de bonaso refert, incidissem. Hæc enim ipsius verba sunt: *Tradunt in Polonia feram quæ bonasus vocetur, equina iuba, cetera tauro similem, cornibus ita in se inflexis, ut non sint utilia pugnae. quapropter fuga sibi auxiliari, reddentem & finem interdum trium iugerum longitudine, cuius contactus sequentes, ut ignis aliquis, amburat*. Sanè enim mirificum siphonem illius bestię esse oporteret, quo illa suū illud causticum sterminus ad cxx. passus, tot enim efficiunt tria iugera, iaculare.

cularetur. Quæ autē ballista aut quæ catapulta cum illa igniuoma fistula comparari posset? Sed modestius Aristoteles, qui id ipsum referens, ait bonasum iacere stercorem illud incendium eis τέσσαρες ὀργυῖαι αὐτὸ ἐκυσθῆναι, id est, ad quatuor passus. Quare aut sædè errauit Plinius, aut quod verius puto, peccatum est à librariis: & vbi legitur III. *ingerum*, legendum est IIII. *orgyiarum*. Quòd autem orgyiae nomen in Latine loquentium consuetudine non esset, eam erroris causam fuisse librariis arbitror.

Plauti loci aliquot illustrati.

CAP. V.

EPICHARMVM tradidit Aristoteles, & post eum Demetrius in commentariolo περὶ ἑρμηνείας, risus captandi causa, interdum sententias quasdam ita conformasse, vt è contrariis constare videretur, cum tamen in eis bis idem diceretur: quarum exemplum hoc vterque ponit: Τόχα μὲν παρ' κείνοις ἐγὼν λῶ, τόχα δ' παρ' κείνοις ἐγὼν. Ita enim legendum est, vt trochaici metri ratio constet, quo gaudebat Epicharmus. Risum autem comouet illa stultitiæ imitatio, καὶ τὸ ὅτι πρὸς ὁμιλίαν: cum auditor qui aliquid aliud expectabat, sua se spe delusum videt, quo in genere facetissimum est illud Ciceronis ad Atticum: *Noli putare, pigritia facere me, quòd non mea manu scribam; sed me hercule pigritia: nihil enim habeo aliud quod dicam: & tamen in tuis quoque epistolis Alexin videor agnoscere.* Plautus autem, quem dixit Horatius ad exemplar Siculi prope-rare Epicharmi, & frequenter ita ludit: & interdum sine illa simulata contentione contrariorum, ridiculi causa eiusmodi enuntiationes ponit, in quibus, vt dialecticorum more loquar, idem sit τὸ καταρρέμενον τὸ ὑποκείμενον.

ἔτοιμμένον, idq. non numquam paulo alijs, non numquam etiam planè ijsdem verbis. Sic ille in Curcutione leno:

Quoi homini di sunt propitij:

expectes dum dicat, ei omnia succedunt sub manu: aut aliquid eiusmodi. at ille,

ei, inquit, non esse iratos puto.

quod tale est, ac si quis diceret, *Vinum quod album est, nigrum non esse arbitror*. Itaque ridiculè quidam illic acutus esse voluit, & argumentari eum, à contrarijs dixit. Simile illud è Sticho:

quanta mea sapientia est,

E malis multis malum quod minimum est, id minimum est malum.

Talia erant illa quæ ridentur in Stoicis: *Si dies est, dies est. Est autem dies. Est igitur dies*. Cui enim dubium esse potest, quin quod malum minimum est, id sit minimum malum? Sed sunt quidam μαρόθυνοι, qui hæc perinde accipiunt, ac si serio dicerentur. Simile est illud è principio Captiuorum:

Hos quos videtis stare hic captiuos duos,

Illi qui stant, hi stant ambo, non sedent.

Hoc enim dicit, eos captiuos qui illic stant in conspectu omnium, eos igitur stare, non sedere. neque dictum est, Hos duos captiuos, pro horum captiuorum duorum, vt quidam putat: sed talis verborum constructio est, qualis illa,

Urbe[m] quam statuo, vestra est: & illa,

Eunuchum quem dedisti nobis, quas turbas dedit?

& in Amphitruone,

Naucraten quem conuenire volui, in nani non erat.

Deinde, quasi res dubia sit, aut testibus egeat, itidem risus causa,

Vos vos,

Vosvos, inquit, *mibi testes estis, me verum loqui*.
 Vbi, *Vosvos*, valet vosmetipsi: quomodo *meme* dici-
 mus me ipsum, & *rete*, teipsum. Hæc omnia præter-
 missem, vt per se vel pueris nota, nisi istos sua &
 quorundam opinione Lynceos nihil in eis vidisse vi-
 dissem.

*Dubitatum de iis quæ tradit Gellius super vi musico-
 rum cantuum in morbis quibusdam sanandis.*

CAP. VI.

APUD Gellium cap. xij. libri quarti hæc legun-
 tur: *Creditum hoc à plerisque est, & memoria manda-
 tum, Ischiaci cum maximè doleant, tum si modulis le-
 nibus tibicen incinat, minui dolores. Ego nuperrimè in
 libro Theophrasti scriptum inueni, viperarum morfi-
 bus tibicinem scitè modulatèq; adhibitum mederi*. Hæc
 Gellius: quæ vereor, vt ab eo satis fideliter relata sint.
 Certè quidem Theophrastus non lenibus modulis
 leuari ischiacos scripserat: sed harmonia Phrygia, quæ
 omnium vehementissima est, & aptissima ad animos
 audientium diuino quodam furore incitandos. Ideo-
 quæ eam adhibebāt in orgiis Bacchi & Berecynthiæ.
 & hoc est quod ait Catullus:

Tibicen vbi canit Phryx curuo graue calamo.

E T propterea ait Aristoteles tibiam adhibendam
 esse ἐν οἷς ἡ θεωρία κάθαρσιν μᾶλλον δυνάσθῃ ἢ μάθησιν. quod
 non animaduertunt, qui eum Aristotelis locum in-
 terpretati sunt. Verum autē esse quod dixi de Theo-
 phrasto, constat ex his quæ sunt apud Athenæum li-
 bro xiiij. ὅτι ὁ καὶ νόστις ἰᾶται μουσικῇ Θεόφραστος ἰσόρησεν ἐν
 πρῶτῳ ἐν δουσιασμοῦ, ἰσχυρὸς φάσκει ἀνόςτις διατελεῖν, εἰ κα-
 ταυλίσσι τις τὸ τόπου τῇ φρυγικῇ ἀρμονίᾳ. Sed & quod sta-
 tim subiicit de morfu viperarum, vereor ne non de
 viperis

viperis scripserit Theophrastus, sed de iis phalangiis, quæ hodie vulgò Tarantolæ vocantur, quarum morsus hinc Romæ, quod sciam, innoxius, in Appulia si negligatur, lethalis est: neq. aliud mali vñtati, aut exploratius remedium, quàm in citharædis & tibicinibus: quibus auditis, velut è graui somno excitatus, qui morsus est, attonitus & extra se positus saltare ac tripudiare incipit; neque vnquam desinit, dum ne illi quidem intermittant, donec delassatus, ac sudore fluens, propè exanimis concidat. Hoc quidem & certissimum ac notissimum est, & à præstanti medico Matthiolo litteris proditum. Apud Gellium autem eodem loco vbi legitur *ὡς τοιμῶν ἢ λογιῶν*, non dubium est, quin *τοιμικῶν*, non *λογικῶν*, legi debeat.

Quid significet vox ὡς περ δέωδαι.

CAP. VII.

VERBUM *ὡς περ δέωδαι*, quo vtitur M. Tullius in epistola quadam libri primi ad Atticum: (verba eius sunt: *Ego autem ipse, diu boni, quomodo ἐνεὶ ὡς περ δέωδαι nouo auditori Pompeio?*) quoque vsus est & Paulus Apostolus in priore epistola ad Corinthios, ἢ ἀγάπη, inquit, ἢ ὡς περ δέωδαι, rarò admodum in scriptoribus Græcis legitur: ideoque variè & à Grammaticis & ab aliis exponitur. Est autem *iactare & ostentare se, & inanis gloriolæ fructum ex re aliqua aucupari*. Id didici ex illo verè magno Basilio, cuius hæc sunt ἐν ἀποκρίσεως. Πάντ' ὃ μὴ δια χειρὸς, ἀλλὰ δια καλλωπισμὸν ὡς λαμβάνει, περπερείας ἔχει κατηγορίαν. Neque vsquam melior eius vocis interpretatio reperiri potest.

Loci aliquot ex epistolis ad Atticum emendati.

CAP. VIII.

EMENDABO, aut saltem emendare conabor ex
ijsdem

ijſdem epistolis alia. Libro igitur ſecundo ita vulgò legitur: *Cura, amabo te, Ciceronem noſtrum. ei nos deũ videmur.* vbi quam, quẽſo, idoneam ſententiã efficere poteſt illud *deũ*, ſiue patruos, ſiue diuinos interpretere? Sed nõ libet *deũ me deũ*. In libro ſatis vetere, quo me donauit vir multis nominibus illuſtriſſimus Guilielmus Sirletus Cardinalis, ita ſcriptũ eſt: *Cura amabo te Ciceronẽ noſtrũ CINOS CYNOCIN videmur.* Ex quibus deprauatã veteris ſcripturę veſtigiiſ conijcio legendum: *Cura, amabo te, Ciceronem noſtrum: cui nos συννοστέιν videmur.* Agrotabat apud Atticum Q. Cicero Q. F. Eum igitur patruus auunculo diligenter commendat: & quo magis declarat ſuam erga illum voluntatem, ait, ſe ſibi videri vnã cum eo agrotare. In ea autẽ epiſtola quę ſtatim ſequitur, vbi vulgati libri habent, *SED ME KATAKPICIC MEA ILLA COMMOMET.* in meo eſt: *ſed me pecis mea illa commouet.* vt ſuſpicer pro *κατέκειρος* legẽdum *πείσος*. Ita enim veteres *πείσος* nomine vſos ſcio. Illud autem miror in eodem libro à nemine emẽdatum eſſe, *Subitò cùm mihi dixiſſet Cæcilius quaſtor puerum ſe Romam mittere, hæc ſcripſi raptim.* Non enim ſubitò legendum: ſed ſ. v. b. quo ſcribendi compendio ſignificabant, *Si vales beneſt.* & ita iam pridem emendarat Riuſius eodem modo corruptum locum nono earundem Epistolarum.

E libro quarto earundem Epistolarum emendata alia.

CAP. IX.

SUPPVDET me interdum quãdam referre in litteras, verentem ne nimis obuia & protrita ſint: ſed cùm in eis animaduerto erraſſe eos, qui quaſi columnina quãdam litterarum habentur; venio in ſpem, fore,

fore, vt ea, quamuis leuia & pusilla sunt, aliquos tamē inueniant amatores. In epistola quadam libri quarti ad Atticum ita scriptum est in libris Manutianis: *Sed quoniam qui nihil possunt, y me nolunt amare: demus operam vt ab iis qui possunt diligamur: Dices, vellem iam pridem, scio te voluisse: & me ast nugigeram manum fuisse.* sed illud, *ast nugigeram manum*, quid tandem monstri est? Manutius ingenuè fatetur, locum sibi depositum ac desperatum videri. Malaspina, sanè fidenter, *maſtigiam germanum* legit: & est qui occinat, nihil hac coniectura diuinius. Eò enim iam stultitiæ ventum est, vt satis non sit in his quifquiliis laudandis dicere, eleganter, acutè, ingeniosè, εὐσώχως: dicendum, nihil diuinius: ne frigide laudasse videaris. In libro Victorij est: *scio te voluisse, & me. Ast num germanum fuisset?* Manutius in quodam se legisse ait: *Ast num gerammanum fuisset.* meus habet, *Ast num germanum fuisse.* Muta vnā litteram vt sit, *& me asinum germanum fuisse*: vitium omne sustuleris. Hoc enim dicit, se merum asinum fuisse, qui bene monenti Attico non obtemperarit. Erat autem illa iocularis contumelia. Terentius: *qui status esset, flabellum tenere te asinum tantum.* idem, *Quid? tu asine huic auscultas?* in eodem autē libro, in epistola cuius principium est, *Epistola tua.* in extremo ita lego: *Quid superest? etiam, Puerum Ciceronem curabis, & nos amabis vt facis.*

Item alia ex eodem libro.

C A P. X.

Q V A N D O quartus epistolarum ad Atticum est in manibus: vnum etiam locum ex eo emendabo, qui in omnibus editis libris mirabiliter deprauatus est.

Legitur

Legitur autem in libris quidem, Victorij ferè ad finem eius epistolæ, cuius principium est, *Occupationum mearum*: at in aliis, in epistola, *O expectatas*. Vulgò igitur ita scriptum reperias: *Quid aliud novi? & tamen absoluto Gabinio stomachantes alij iudices, hora post, Antiochum Gabinium nescio quem, accensum Gabini, solidis pectoribus libertum, lege Papia condemnarunt*. Itaque dixit statim reus lege maiestatis, * * ο τ c o i m p i c a m a φ i η i. Ego autem ita emendo: *Quid aliud novi? Est tamen. Absoluto Gabinio, stomachantes alij iudices, & quæ sequuntur*. deinde Græca illa hoc modo: ο τ c τ m ε π ρ ο i κ' α φ i η i c. Hoc autem dicit, Libertus ille Gabini, cùm patronum suum tam turpiter absolutum videret, se quoque sperabat absolutum iri, etiam si nulla mercede iudices corrupisset. At ubi se præter spem, lege Papia condemnatum vidit: reus factus lege maiestatis, intellexit iudices eadem via sibi expugnandos, qua Philippus Macedo omnia castella expugnari posse dicebat. itaque cœpiti eos circumire, & illam eis cantilenam occentare, & σὺ μὲ πρὸ iκ' ἀφίης. qua significabat, qui se absolvisset, gratis id facturum non esse. Suspicor autem fuisse hemistichium veteris alicuius poetæ; cuius eadē esset sententia cum illo Homérico, Ζῶργε Ἀγέθ' ὦϊ, σὺ δ' ἄζια δέξαι ἄπειρα.

E libro quinto earundem emendata quadam.

C A P. XI.

P E R S E Q V A R & alia ex iisdem epistolis. dignissimæ enim sunt ad quas perpurgandas omnia ab omnibus conferantur. Quod igitur est in epistola secunda libri quinti in Manutianis, cùm me è Pansa villa, numquid vellem; rogasset: certo certius est exturban-

dum hinc esse *Pansam*. Victoriani & veteres habent, *cum me expensè sua villa*. Vnius litterulæ mutatione locus integer fiet: vt sit *cum me exiens è sua villa*. Epistola duodecima vbi vulgò ineptissimè legitur: *Itaqz erat in animo, nihil festinare, nec me Delo mouere, nisi omnia ἀπερτίων iura vidiissem*. è deprauatis veteris scripturæ vestigiis, quæ hæc sunt, ΑΚΡΑ ΤΗ ΚΙΤΥΡΑ: ex eis igitur legendum puto, ἀνεγὼ τὴν ἕναι. Hoc enim dicit non esse sibi consilium nauigare, nisi serena & tranquilla, ac secūda omnia viderit. In illa quæ sequitur, mirum est, homines eruditos, Manutium, Corradum, alios, tam nihil vidisse, vt cum paulum modò vetus scriptura abesset à recto, ipsi tam longè deflexerint. Veteres libri; *Verumtamen Decumanus venissem cum imperio*. At illi, *Verumtamen cum ciuis Romanus venissem cum imperio*. Erat autem rectum, *Verumtamen decumani, vt si venissem cum imperio*. Ne intellexerunt quidem id quod statim sequitur: *Ex quo te intelligere certò scio, multorum annorum ostentationes meas nunc in discrimen esse adductas*. Quorum verborum sententia hæc est: Et ostentarat se Cicero semper amicissimum ordini publicanorum: & semper item seruire instituerat prouincialium commodis. Nunc cum inter decumanos & prouinciales malè conueniret: periculum erat, quicquid inter eos decreuisset in prouincia sua, ne in alterorum offensionem incurreret. Ait igitur, se vsurum ea palæstra, quā ab Attico didicerat. Multa sciens prætermitto: neque enim omnia huc cōgerere decreui. In epistola, *Quam vellem*, ita legitur: *Stamus animis: & quia consiliis, vt videmur, bonis utimur, speramus etiam manu; tuto consedimus, copioso à frumento, Ciliciam propè conspiciente, expedito ad mutandum locum*. Sed neque illud sperare

rare manu, rectè dici arbitror: & illa tam multa epitheta, *tuto, copioso à frumento, conspiciente Ciliciam, expedito*; cum quo cohaereant, non habent. Quid, quòd illi ipsi qui ita legunt, fatentur, se hoc excogitasse, cùm in antiquis libris extaret aliud? Illi enim habent: *Stamus animis: & quia consiliis, ut videmur, bonis utimur, speramus etiam arno tuto confedimus copioso à frumento*. Vbi si minima mutatione facta legas, *speramus & iam arno tuto confedimus*: rectè, ut mea quidè opinio est, legeris. Sic locutus est & poëta:

Nec venit in mentem, quorum confederis arvis?

Taurum autem montem, vbi tunc erat Cicero, magna ex parte aruum esse, notissimum est vel è Tibul-lo, cuius illud est,

Quantus & intonsos Taurus alat Cilicas.

Emendatus locus è secundo Politicorum Aristotelis.

CAP. XII.

NOTA est lex Pittaci, qua cauerat, ut, qui ebrij peccassent, ijs non modò pœna non imminueretur, sed duplaretur. Meminit eius Aristoteles tertio Ethicorum, secundo Rhetoricorum, & secundo Politicorum. Nisi quòd in politicis dicere videtur, id tantùm constitutum in eos qui ebrij aliquem pulsassent, aut verberassent. Ita enim ait: Εχέτο ὃ καὶ πῖπλος νόμων δημιουργός, ἀλλ' ὃ πολιτείας. νόμος δ' ἴδιος αὐτῇ, τὸ τῆς αἰσούντας ἀντιπῆπαι, πλείων ζημίαν ἐποτίειν ὅτ' ὑπὸντων.

Quid igitur, si in alio aliquo genere peccauerint? Aut tantùm crescet pœna, si quem percusserint? Et verius est, idem in ceteris quoque peccatis constitutum. Nam & in secundo Rhetoricorum, καὶ θόλου dicitur, maiores pœnas statuissè, ἐὰν τις μεθύων ἀνὴρ ὕβρις. quare non dubito, quin locus ille è secundo politi-

corum deprauatus sit, vt, vbi legitur *ἀντιπλήσσει*, legendum sit, *ἀντιπλάσσει*. Neque hoc vlla confirmatione egere arbitror.

Qui sint versus ἰσόψηφοι. Declaratum epigramma Græcum. Item aliquot quaestiones ludicrae, quae apud Gellium proponuntur, dissolutae.

CAP. XIII.

NON equidem vnquam cuiquam auctor fuerim, vt quærat apud Homerum versus ἰσοψήφους: si quis tamen neque habet quod agat, & nihil agere non potest, indicabo ei, qui versus dicantur ἰσόψηφοι: quos si quærere postea volet, præstabo, non de fore illi vbi se exerceat. Cum igitur litteræ Græcorum etiam ad numeros significandos, vt notum est, adhibeantur, quorum versuum omnes litteræ pro numeris acceptæ eundem numerum efficerent ac constituerent, eos versus ἰσοψήφους vocabant. Eius rei exemplum ostendam in duobus nominibus: eademq. declarabo epigramma Græcum incerti auctoris è libro secundo anthologias; quod qui explicarit, neminem adhuc video extitisse. Primum igitur illud adscribam:

Δαμαγόραν ἢ λοιμὸν ἰσόψηφόν τις ἀκέσας

ἔστη' ἀμφοτέρων τὸν πρόπον ἐκ κανόνου.

Ὡς τὸ μέτρον ἢ χαλεπαίνει' ἀνελευθερὸν τὸ τάλαρτον

Δαμαγόρου. λοιμὸν δ' εὐρεῖ ελαφρότερον.

Iocatur quisquis est in flagitiosum quendam, Damagoran nomine: cuius nomen cum pestis nomine ἰσόψηφον esse, quidam cum audiisset, quasi in statera expendit ingenium pestis & ingenium Damagoræ: præponderasse autem eam lancem, in quam Damagoræ ingenium impositum erat: quod videlicet multo leuiora essent mala, quæ à peste, quàm quæ à Damagora;

magora, importarentur. Sunt autem ἰσόψηρα planè nomina δαμαγόρας, & λοιμὸς, vt è subiecta descriptione perspicui potest:

Δ	4	λ	30
α	1	ο	70
μ	40	ι	10
α	1	μ	40
γ	3	ο	70
ο	70	ς	200
ς	100		
α	1		420.
ς	200		

420

Multum igitur negotij habuit, aut potius multum ei ab re sua otij superfuit, quicumque ille fuit Gellij familiaris, qui conquisierat, quinam ita inter se affecti versus apud Homerum forent. Quod autem præterea notarat, quorum nominum in Homericò poëmate reperiretur *ῥασιχὺς*: notat Eustathius, è primis litteris quinque primorum versuum vltimi libri Iliados effici nomen *λῶχη*, vbi etiam tradit veteres eiusmodi quæstiunculis lusitare solitos esse, quales aliquot ponit & explicat, leues illas quidem & ludicras, sed tamen cognitu non iniucundas. Nam quod ibidem amicus ille Gellianus quærit, quis Homeri versus sit, qui per singula vocabula singulis syllabis increseat: non dubito, quin illum significauerit è tertio Iliados,

Ω μάχαρ Ατρεΐδῃ μοιρηγνὲς ὀλβιοδαίμων.

Sed & illius quæstionis explicationem, qua ratione dicat Homerus, singulas pecudes in Africa, in singulos annos terna pàtere, reperiet, qui hoc tanti putabit,

bit, apud Eustathium in quartum *Odyssæ*. *Leuia* hæc esse fateor: sed ut in eis quærendis defatigari stultum fuerit, ita cum se sponte offerunt, non omnino repudianda esse arbitror.

Emendatus locus è septimo Politicorum Aristotelis.

CAP. XIII.

C V I vnquam vel fando auditum est, vel persuaderi potest, eas domos eaque cubacula quæ Aquiloni exposita sunt, esse ad hiemandum accommodatiora? Certè enim si ita est, magnam hominum partem in magno errore versari necesse est, qui hiemi quidem loca tepida præoptant, æstate autem alsiola. Notum autem est, quæ ad Aquilonem obuersa sunt, omnium frigidissima esse. Itaque Horatius villam suam commendans, *Est, inquit, ubi plus tepeant hiemes?* Illæ verò in locis Aquilonaribus minimè tepent. Et Cornelius Celsus ad salubritatem monet habitandum esse ædificio lucido, perflatum æstium, hibernum Solem habente. Et hoc est quod Aristoteles ait in *Oeconomicis*, *oportere domum πρὸς ὑγίαιαν εἶναι εὐπνοῖαν μὲν τοῦ θέρους, εὐήλιον δὲ τῆ χειμῶνος*. Quomodo autem ad septentriones exposita, hibernum Solem habitura sunt? Mirari igitur non immeritò possit aliquis, cur Aristoteles lib. VI. *Politicorum*, ut nunc quidè libri illi collocari solent: mihi enim dubium non est, quin quartus liber sit, qui vulgò numeratur septimus: sed cur in eo libro, quotuscumq. tandem ille sit, obuersas ad Boreā habitationes, aptiores esse dicat ad hiemadum. Nam cum omniū saluberrimas esse dixisset eas quæ excipiunt eos ventos qui ab Oriente flant, statim subiicit: *δευτερον δὲ καὶ βορέαν. εὐχείμεροι γὰρ αὐταὶ μάλλον*. At quomodo, si Aquilonē spectabūt, futuræ sunt εὐήλιοι? Tales autem, ut ex *Oeconomicis*

micis retulimus, hieme esse oportet: sed non dubito, quin ubi legitur εὐχέλαιοι, legendum sit εὐδέριοι: quod cum per me suspicatus essem, magis etiam confirmatus sum in sententia, cum veterem interpretē eodem modo legisse animaduerti. Vertit enim, *recentiores*. Sunt autē εὐδέριοι μᾶλλον, altiores & salubriores: quales esse, quæ Aquilonē excipiunt. Siquis fortē dubitat, audiat verba Varronis è libro primo De re rustica: *Per magni interest, ubi sint posita villa, quanta sint, quò spectent porticibus, ostiis ac fenestris*. An non ille Hippocrates medicus in magna pestilentia, non vnum agrum, sed multa oppida scientia seruauit? Sed quid ego illum voco ad testimonium? Non hic Varro noster, cum Corcyræ esset exercitus ac classis, & omnes domus repletæ essent ægrotis ac funeribus, immisso fenestris nouis Aquilone, & obstructis pestilentibus, ianuaque permutata, ceteraque eius generis diligentia, suos comites ac familiam incolumes reduxit?

Himeræ mulieris de Dionysio tyranno somnium eodem propè modo Græcè à Timesia, quo Latine à Valerio relatum.

CAP. XV.

NON inutilem studiosis elegantioris doctrinæ nauauit operam Sebastianus Corradus, qui breuibus notis ad Valerij Maximi libros additis, aliorum scriptorum locos, vnde ille singula sumpsisse videretur, aut certè in quibus eadem historia legeretur, indicauit. Pauca autem quædam reliquit, quæ vnde sumpta essent, peruestigare non potuerat: quale illud est quod libro primo legitur de somnio Himeræ mulieris, quo Dionysij tyrannis præsignificata est. Ego igitur cum deprehenderim antiqui scriptoris Timesiæ locum è libro sexto historiarum, quem propè ad verbum interpretatus est Valerius, vtriusque verba

proponenda duxi, ut conferri queant. Valerij igitur hæc sunt: Intra priuatum habitum Dionysio Syracusanus adhuc se continente, Himerea quadam, non obscuri generis femina, inter quietem opinione sua calum con-
 scendit: atque ibidem deorum omnium lustratis sedibus animaduertit praevalentem virum, flauo coloris, lentiginosi oris, ferreis catenis vinctum, fons folio pedibusque subiectum: interrogatoque iuvene, quo considerandi calum duce fuerat usque, quisnam esset; audiit illum Sicilia atque Italia dirum esse fatum, solutumque vinculis, multis urbibus exitio futurum: quod somnium postero die sermone vulgavit. Postquam deinde Dionysium inimica Syracusarum libertati, capitibusque, insontium infesta fortuna celesti custodia liberatum, velut fulmen aliquod, otio ac tranquillitati iniecit, Himereorum moenia, inter effusam ad officium et ad spectaculum eius turbam, intrantem visum affexit, hunc esse quem in quiete viderat, vociferata est. Id cognitum tyranno caussam tollende mulieris dedit. Timestias autem hoc modo: γυναικά πνα τὸ ἡμέτερον ἱμεραίαν ἰδὲν ὄντα ἀνιοῦσαν αὐτὴν εἰς τὸν ἕβανον, καὶ φῶς πνέοντα ἀγροῦ διασπέντων τὰς ἡμέρας οἰκίαις. ἔνθα ἰδεῖν καὶ τὴν Δία καθεζόμενον ὅτι θρόνῳ, ὃν ἔδεδετο πύργῳ περὶ ἀνδρῶπις καὶ μέγας ἀλύσας καὶ κλοιῶν. ἐρέδουσαν τὸν πατέρα γενναῖος περὶ δὲ αὐτὸν δὲ εἰπεῖν· ἀλᾶς περὶ τὴν Σικελίαν καὶ Ἰταλίαν· καὶ εἰς ἀσπείδῃ, τὰς χώρας φερεῖ· ἀναστᾶσαν δὲ, χόνοις πύργῳ περὶ αὐτῆς Διόνυσον πρὸ πυράνῳ μετὰ θηροφάνων ἰδοῦσαν καὶ ἀτακτάσαι, ὡς ἔπος ἐστὶν ὅτι αὐτὴ ἀλᾶς περὶ δὲ αὐτῆς αἶμα ταῦτα λέρυσαν, περὶ εἰς πύργῳ ἐκλυθεῖσαν. μετὰ καὶ πρίμηνον ἐκ ἐπὶ ὁφθαλμοῖς τῶν γυναικῶν, ὑπὸ τῇ Διονυσίου διαφασσέσαν λάδρα. Putavi autem horum inter se neque inamœnam neque inutilem collationem fore.

*In Plauto & in Euripide notata quadam non satis
ex arte facta.*

CAP. XVI.

MULTA admodum notavi in Plauto, in quibus puto illius æconomian meritò reprehendi posse, ni vetustatis auctoritas obstat. Quale est quod in Captivis, vix vnius horæ spatio Philocratem ex Ætolia euntem in Elidem, & rursus ex Elide, confecto negotio, quod certi aliquid temporis postulabat, redeuntem in Ætoliam facit; vt non multo citiùs senex è foro domum se receperit, quàm ille totum illud iter confecerit. Itaque ridiculus est Hegio, cùm ei profecturo dicit,

Sequere me, viaticum vt dem hinc à Trapezita tibi.

Quid enim ante horã vnã rediturus viatico eguit? Nisi fortè & seni ipsi, cùm in forum iret, viatico opus fuit. Sed si in peccatis magna exempla ad defensionem valent, tueri se Plautus Euripidis exemplo potest: qui in Supplicibus tam citò redeuntem Thebis Athenas nuntium facit, vt volasse, & ea quæ interea facta refert, vix tantulo temporis spatio somniare potuisse videatur. At in Amphitruone nimis cerrè sibi Plautus licentiæ sumpsit, qui eadem illa nocte quam triplo longiorem esse voluit Iuppiter in Hercule procedendo occupatus, redeuntem è bello Amphitruonem, & eo ipso die qui illi nocti proximus illuxit, decumo post mense Alcmenam parientem facit. Siquis quid hodie tale faceret, exhiberetur: sed quadam antiquitatis maiestate fit, vt quæ in nostris reprehenderemus, in veteribus admiremur.

Diuerbium Plautinum è Rudente restitutum.

CAP. XVII.

PRINCIPIUM Stichi Plautinæ iam pridè emendauit:

dani : & meam in ea re sententiam secuti sunt , qui
 postea Plautum ediderunt . Sed vellem , ipsi quoque
 ad versus distinguendos aliquid operæ contulissent .
 Quod quando facere aut non potuerunt , aut nolue-
 runt , alia quoque eodem modo à me emendata , his
 libris inferam : si fortè tam venustus poëta paulatim
 pristinum nitorem recipere possit . Nam vt nunc
 quidem est , qui ei post Ioachimum adinouerunt ma-
 nus , magna professi , parua admodum præstiterunt .
 Sed mihi quidem neque aliena abijcere animus est ,
 neque mea venditare tanti videtur . In Rudente , ad
 ipsum finem actus primi , colloquium est aniculæ ,
 quæ Veneris sacerdos erat , cum puellis eiectis , ita cõ-
 fusum ac perturbatum , vt nullus propè versus integer
 sit . Id igitur proponam , ita vt legendum censeo :

SACERDOS.

Qui sunt , qui pacem à patrona expetunt mea ?

Nam vox precantum me excitauit huc foras .

*Bonam deam sequuntur , obsequentemque hand
 grauatim*

*Multumq; benignam . PALÆSTRA . Mater
 hem . saluere te iubemus .*

S A . *Saluete puella . Sed vos vnde cum vniua
 Vestre ire dicam , tam vestitas mastiter ?*

P A . *Hand longulè imus illicò hinc ex hoc loco ,
 Verùm longè hinc abest , vnde huc vecti sumus .*

S A . *Nemped equo ligneo caruleas per vias
 Vecti estis .* P A . *admodum .* S A . *Equius ergo
 vos eras*

*Venire candidatas hostiatastq; : ad hoc
 fanum istunc admodum veniri non solet .*

P A . *Quæne eiecta sumus è mare nunc amba , obsecro ,
 Vnde hostias nos agere voluisti huc tibi ?*

Ample-

*Amplectimur tibi nunc genua, egentes opum,
 Qua nescia spe in nescius locis sumus,
 Tecto recipias ut tuo servésque nos:
 Utique te miserarum ambarum misereat:
 Quibus neque spes parata est vlla, nec locus:
 Neque quidquam est nobis amplius, quàm hoc
 quod vides.*

S A. *Manus mihi certè ambæ, à genibus exsurgite.
 Me feminarum nulla est misericordior.
 Sed res, puella, hæc pauperes inopésque sunt.
 Ego me vix vitam colo. Veneri cibo meo
 Servio. A M. Veneris fanum, obsecro, hoc est?*

S A. *Sanè. Ego*

*Huius Sacerdos clueo. Verùm, quicquid est,
 Fient comiter à me omnia, quorum copia
 Cluebit. ite hac mecum. P A. amicè nostrum habes
 Honorem mater, ac benignè. S A. oportet.*

Sunt autem tertius & quartus versus iambici quadrati catalectici: postremus trimeter catalecticus: ceteri omnes trimetri acatalecti.

Num qui capiuntur in bello, ignavi propterea habendi sint. Illustratus Planti è Captivis locus.

CAP. XVIII.

FORTIVM virorum videtur in præliis aut vincere aut mori: qui enim capiuntur, vix interdum effugiunt ignaviæ aut certè *ὀμόθυλος* notam: Atque hoc significavit Philocrates Plautinus, qui cùm ex Hegione apud quem vincetus adservabatur, audiisset,

*Ut vos hic, itidē illic apud vos meus adservatur filius,
 Captus est* inquit: deinde adfirmante sene; *Non igitur,* inquit, *nos soli ignavi fuimus.* Sed tamen Lacedæmonius quidam ex iis qui ab Atheniensibus capti sunt

sunt in Pylo, urbanè à se ignauitæ notam amolitus dicitur. Cùm enim Atheniensis quidam ei per ludibrium dixisset, *Ex vestris videlicet optimi ac fortissimi quique ceciderunt: Magni, inquit, faciendus esset fusus, si viros fortes dignoscere ac discernere ab ignavis posset.* fusum autem, Lacedæmoniorum more, vocabat sagittam: & significabat, non fortissimos quosq. mortuos esse, sed eos, qui casu sagittis icti fuissent: ut qui hostium potiti erant, non propterea minus fortes habendi essent, quàm qui ceciderant. Eminus enim cum illis præliati erant Athenienses. Ita hoc à grauiſſimo historiæ scriptore Thucydide accepimus.

Nihili esse verbum excolubrandi, quod quidam pro Plantino obtrudere conatus est.

CAP. XIX.

SÆPE contingit, ut in magnis scriptoribus vitia lateant, & quæ corrupta atque ὑπερλα sunt, integra putentur: nonnumquam etiam, ut quæ recta & incorrupta sunt, hominibus non satis intelligentibus corrupta videantur. Ut autem medicamenta bene valentibus, ita rectis & veris correctiones ac mutationes nocent. Eius rei exemplum proferam è Sticho Plautina, ubi Dinacium è portu rediens, iniquo animo fert, sibi à parasito Gelasimo molestiam exhiberi. Versus hi sunt:

G E. *ἴβο, atque hunc compellabo.*

Saluos sis. D I. Et tu salue.

G E. *Iam tu piscator factus?*

D I. *Quampridem non edisti?*

G E. *Vnde is? quid fers? quid festinas?*

D I. *Tua quod nihil refert, ne*

Cures. G E. Quid istic inest?

D I.

D I. *Quas tu vides colubras?*G E. *Quid tam iracundus? D I. Si in te
Pudor assit, non me appelles.*

Illud igitur de colubris Ioachim^{us} quò pertineret, nō videns, hanc notam ad illum locum addiderat: *Suspecta hæc scriptura mihi est. Ac si sciam, quid hoc verbi sit, suspicor sic fecisse poetam, Qua tu id re excolubras?* Hæc ille: frustra quidem, sed modestè tamen, & alioqui homini erudito, qui Plauti fabulis hoc tempore, fatendum enim est, saluti fuit, sicubi falsus sit, facilè condonari potest. Vetus est, non omnia vni deos dare. Secutus est alter multo confidentior, qui illam tenuè & obscuram Ioachimⁱ cōiecturam, nihil dubitans, arripuit pro vera: & contestatus, sic sine vlla litura esse in suis veteribus libris (habebat autem plerumque bonos & obsequentes libros) interpretatus est etiam nobis verbum *excolubrandi*: ut sit *excolubrave*, illo quidem auctore, curiosè, & oculis eminentibus, quales sunt oculi colubrorum, & ceruicibus inflexis, & oculis extantibus exquirere. Verbosa sanè declaratio: sed, cui si crediturus sim, locupletiores eius auctorem requiro. Atque ut sine fūco & fallacijs agam, emendationem illam non tam reputatione, quàm risu, dignam puto. Insanum enim dicit esse parasitum puer, & à furijs atque intemperijs agitari: ideoque ex eo quærit, quas colubras videat: quod furiae non tedis modò ardentibus, sed colubris quoque ac serpentibus insectari eos quos agitabant, putabantur. Et inde est illud è vetere tragœdia,

Ω μήτηρ, ἰκέλευσέ με, καὶ πιστεύει μοι

Τὰς αἰματώδεις καὶ δρακοντάδεις κέρας.

Quare excolubrandi verbum, qui pepererunt, sibi habeant licet.

Detectum Ciceronis erratum in quinto De finibus.

CAP. XX.

MAGNORVM virorum errores qui notant, dum id modestè & sine scurrilitate faciant, publicè prodessè arbitror. Nam neque quidquam propterea de illorum existimatione detrahitur: & ceteri, vt cautiores ac consideratiores in scribendo sint admonentur: & siquid cui, vt sunt humana, tale contigerit, habet exempla quibus aut excusare se aut solari queat. Eo igitur animo indicare hoc loco institui insignem Ciceronis negligentiam, quam à nemine vsque adhuc notatam esse demiror. Quinque sunt, vt notum est, illius libri De finibus, quibus explicatæ & excussæ veterum philosophorum, sed præcipuè Epicuri, Stoicorum, & Peripateticorum, de summo bono sententiæ continentur. Et prima quidem disputatio, qua Epicuri sententia examinatur, habita fingitur in Cumanò Ciceronis, cùm eò L. Torquatus & C. Triarius salutandi Ciceronis causa venissent: neque quicquam præterea alius interesset. Secunda autem in Tusculano Luculli, inter Ciceronem ipsum & M. Catonem, cùm se illi in Luculli bibliothecam sine arbitris abdidissent. At tertia Athenis in Academia, cùm ibi vnà essent M. Q. & L. Cicerones, & Atticus, & is, cui disputandi partes tribuuntur, M. Piso. Certè igitur apertè constat tres illas disputationes & locis, & temporibus, & personis esse distinctas. Et tamen, perinde ac si vnus & idem, iisdem superstitionibus præsentibus, vt in formulis dicebant, & aduersus Epicurum, & aduersus Stoicos disputasset: ita Piso loquens inducitur: *Quoniam igitur & de voluntate*

ptate cum Torquato, & de honestate, in qua vna omne bonum poneretur, cum Catone est disputatum: & quæ sequuntur. Hæc si Cicero ipse in præmio eius libri ex sua persona diceret, ferri possent: à Pisonem quidem quomodo aptè & conuenienter dici queant, neque video, neque videre quemquam puto. Sed certè Cicero, cùm illa scriberet, oblitus erat, non se, sed Pisonem loqui. Quod ei tum quoque contigisse arbitror, cùm eodem in libro versus Homericos, quibus Sirenes Vlixem alloquuntur, Pisonem sibi tribuentem ac vindicantem facit. Non enim dubium est, quin eos Cicero suos, vt erant, videri voluerit.

M. AN-

*Sermo habitus cum Dario Bernardo de stultitia
quorundam qui se Ciceronianos vocant.*

CAP. I.



ENERANT ad me in Quirinalem
visendi ac salutandi causa nobiles
aliquot Germani adolescentes, qui,
cum totam propè Italiam perlustras-
sent: neque quemquam ferè præter-
misissent eorum qui nomen aliquod
habent in litteris, quin eum vidissent, allocuti-
que essent, me quoque ut ipsi quidem dicebant, eadem de
causa videre, mecumque colloqui voluerant. Cum-
que ipsi me de studiis meis, ego contra eos de Ger-
maniae statu, deque iis qui illic hodie florere diceren-
tur, eruditis hominibus interrogarem, quæ cuiusque
ætas esset, quæ habitudo corporis, quæ fortuna ac
condicio viuendi, in primis autem quinam ex eis pa-
tritam atque auitam religionem constanter tueren-
tur, neque illo se pestiferarum opinionum æstu ab-
ripi sinerent: variè illis ut de quoq. interrogati erant,
respondentibus, una atque altera hora consumpta
est. Complexus igitur illos, & abeuntes faustis omi-
nibus prosecutus, dimisi. Interfuerat illi sermoni ac
colloquio nostro Darius Bernardus iuuenis & festiuo
ingenio, & sanctis planè atque incorruptis moribus,
qui eis

qui eis digressis, Verum omninò, inquit, est quod dicitur, in nullis hominibus hoc tempore, præterquam in transalpinis, promptam atque expeditam reperiri Latinè loquendi facultatem: Vel ij, qui modò abierunt, ut nusquam in loquendo hærent, nusquam titubant, nusquam offendunt, ut omnia in numerato habent, ut tota eorum sine vlllo impedimento ac salebris decurrit oratio. At nostri homines, etiam ij qui sibi è studiorum laboribus pallorem & maciem & senium contraxerunt, si quando Latinè loquendū est, ut luctantur, ut sudant, ut anhelant. Credas eos magna vi ex imis pulmonibus verba eruere: cū istis contrà sine vlla cura ac cogitatione iugis quædam ac beata Latinarum vocum copia vltro ex ore manare ac decurrere videatur. Est istuc quidem, inquam, ita ut dicis, Dari: sed tamen habet & Italia præclaros viros, quique & ornatissimè scribant, & disertissimè ac copiosissimè, cū opus est, loquantur. Manutium, inquit, fortasse dicis, & Sigonium, & Petrum Ioannem Maffeium, aut ex eadem sodalitate eum cuius audita morte vbertim tibi nuper lacrymas isse meministi, Perpinianum: & si quos tales vix singulos singulæ ætates ferunt. Et istos, inquam, & alios, quamquam is quidem quem tu postremo loco nominasti, Hispanus non Italus fuit: sed ita diu in Italia fuerat, ut pro Italo haberi posset. Quem tu virum Dari vtinam audire potuisses, neque te, quo tempore ille in hac vrbe eloquentiæ præcepta tradebat, alio vitæ genere implicatum aula tenuisset. Nunquam enim quemquam audiisti, ac ne audies quidem, ut opinor, in quem illud de Nestore eclogium melius conueniret; *Cuius ex ore melle dulcior fluebat oratio.* Sed quid est quod tu, colloquentibus nobis, bis tæue, nutu

mihi nescio quid significare visus es? Ego ne? inquit: Dolebam excidere interdum graviori illi, qui tecum colloquebatur, voces quasdam minus Latinas, quibus ille perpetuus subitæ orationis nitor quasi maculis quibusdam infuscaretur. Quas quæso? inquam: nam me quidem alia cogitantem præteruolarunt.

Celos, inquit, & *calorum orbis* aliquoties dixit, & *eam doctrinam qua calitus ad homines lapsa esset*. Quid tu? rectè hæc dici non putas? *Calestia*, inquit, *corpora*, & *orbis calestes*, & *calo lapsam doctrinam* dixissem lubentius. Non malè tu quidem: sed tamen ne illa quidem suos auctores non habent. Citat hæc Seruius è Ciceronis Hortensio, *Epicurei plures volunt esse calos*. Et Lucretij sunt hæc è libro secundo:

*Quis regere immensi summam, quis habere profundi
Endo manu validas potis est moderanter habenas?*

Quis pariter calos omnis convertere?

Quamvis autem calos illi dicebant mundos, quos putabant esse innumerabiles: tamen ex eo satis constat, *cali* nomē apud Latinos & singulare esse & multitudinis. Nam de illo *calitus*, me quoque olim reprehensum memini à quodam, qui nisi quod Ciceronis esset, nihil Latinè dici putabat. Itaque irridebat me, non modò cùm citarem Seruium, qui verum illum è primo Georgicon;

Si te digna manet divini gloria ruris;
ita exponit, *si id tibi concessum est calitus, ut gloriam ruris habeas*: sed etiam, cùm multo meliorem istis omnibus Ciceronis imitorem Lactantium, cuius hæc sunt è libro quinto Institutionum: *Nemini dubium potest esse, quin is doctor qui calitus mittitur, tam scientia sit rerum omnium quàm virtute perfectus*. Quid tu igitur? inquit: satisne istos idoneos auctores Latinitatis

nitatis putas? Ego dicam tibi, inquam, Dari. Diu & ipse in eo errore versatus sum, ut nisi qui aut Ciceronis ætate, aut paulo antè vixissent, aut certè illi ætati suppare fuissent, non satis dignos esse arbitrarer, quorum exemplo qui Latine aut scribere aut loqui vellent, niterentur. Sed postea, re tota mecum accuratius considerata, visus ipsi mihi sum nimio plus mihi sumere, qui de Seneca, Liuzio, Valerio, Celso, Quinctiliano, Columella, utroque Plinio, Tacito, Suetonio, Velleio, Q. Curtio, Lactantio, alijsque eiusmodi scriptoribus, quos & ab iis ipsis temporibus, quibus Latina lingua floruisse diceretur, propius afuisse, & suo quemque sæculo, disertissimos habitos esse constaret, temerè pronuntiare auderem. Certè enim neque quisquam vnquam veterum eos malè Latine locutos esse dixit: neque nos, tam longo intervallo, valdè boni eius rei existimatores sumus. At multa simplicia vocabula, multa etiam loquendi genera in eorum libris leguntur, quæ apud Ciceronem & eius æquales nusquam reperias. Primum quis hoc præstare audeat? Ciceronis scriptorum vix decimam partem reliquam habemus, eamque multis partibus mancā ac mutilam, multis vulneribus, multis cicatricibus deformatam: Sallustij vix ceterisimam, Varonis tantundem, Catonis è tam multis voluminibus vnum De re rustica commentariolum: tot philosophorum, tot oratorum veterum, tot poetarum, tot historicorum, tot iurisperitorum scripta perierunt; & ex illis fractis ac laceris, quæ ad nos peruenierunt, Romani sermonis reliquiis adfirmare audemus, si quid in eis non reperiatur, id apud veteres in vñ non fuisse? Quanto credibilius est, noua multa atque inusitata nobis videri, quæ si eorum libri exstarent, in fre-

quentissimo vſu poſita fuiſſe conſtaret? Illi autem, quos ſtultè & arroganter, vt minus eleganter locutos, deſpicere audemus, cùm & bibliothecas haberent omni genere librorum inſtructiſſimas, & eas diligentiffimè peruolutarent, & acerrimo iudicio præditi eſſent; quis ſcit, an ea ipſa ex vetuſtioribus ſumpſerint, quæ fruſtrà nobis aut nouitatis aut peregrinitatis nomine ſuſpecta ſunt? Cùm ſæpe contingere videamus vt multæ voces diu ab iſtis cenſeantur inter nouas quæ poſtea vſque ab vltimâ antiquitate à nobiliſſimis auctoriſus prodiſſe ac propagatæ reperiuntur. Quid quòd in iſtis ipſis Ciceronis reliquiis multæ ſunt, quæ ſemel tantùm leguntur? Ergo ſi paululum chartæ, aut muſ, aut tineæ adroſiſſet, aut ſitus & caries corrupiſſet, aut ſcintilla è lucerna in certam aliquam libri partem inciſiſſet, hodie *pigrandi & controuerſandi* verba, multaq. alia iſtis delicatis barbara eſſent: quæ nunc ita non refugiunt, vt inculcent. Et vt magis intelligas totum hoc è ſtulta quadam opinione pendere, ſcito multos ex iſtis ineptè ſaſtidioſis, quibus qui quid dicunt, quod Ciceronis non ſit, meros lapides loqui videntur, quibus, vt olim athletis in arenam deſcendentibus, circumdandæ eſſent amphotides, quoties in publicum prodeunt, ne delicatæ ipſorum aures vocum non Ciceronianarum ictibus contunderentur, ſæpè eſſe à me magnam cum voluptate deluſos. Nam cùm voces quaſdam obſeruaſſem, Ciceronis quidem illas, ſed minus contritas, neque à Nizolio in illum præclarum indicem, qui iſtorum obruſa eſt, relatas: admiſcebam eas de industria orationi meæ, cùm ad me audiendum amici quidam hoc, de quo loquor, morbo laborantes veniſſent. Illi vt earum quamque audierant, ceruicem contor-

contorquere, humeros attollere, frontem contrahere, alius alij in aurem insusurrare, excuti sibi cerebrū, perire aures, cū talibus vocibus verberarētur. Quin etiam cōtu dimisso, cū me, vt sit, officij causā domum reducerent, malē se à me habitos atque accēptos esse conquerebantur. Ego aliquandiu eos ambiguo sermone frustratus, tandem sponsione laceſcebam, ni illæ ipsæ voces quibus auditis, caput sibi condoluisse dicerent, ipsius Ciceronis essent. Quid quæris? cū id ita esse peruicissem: iam voces illæ omnem duritiā atque asperitatē deposuerāt; iam lenes, suauēs, iucundæ auditu factæ erant: & vt lupini aqua imacerati, omnem amaritiem exuerāt, simul atq. eas Ciceronis esse constiterat. Meministīne cū vox *illustrissimus* apud istos cēsores in vrbe ius togæ tueri non poterat, sed pro peregrina habebatur?

Nec misera prodesse in tali tempore quibat, quod Gellius *illustrissimas orationes*, & *illustrissimos philosophorum* alicubi dixisset. Itaque si quis Latinè loquens *Cardinalem quempiam illustrissimum*, vt sit, vocauerat, in eum ὁ λόγος μωκτηῖς, vt Græci dicunt, utebantur. Neque extorqueri eis poterat, vt non *maximè illustrem*, pro *illustrissimo* dicerent, nisi, postquā ex Varone audierunt, *illustrissimum quemque ex veteribus pastorem fuisse*. Et quidem eam vocem nemo maiori cachinno excipere solitus erat, quā ille quem sui ita esse Ciceronis similem prædicabant, vt dicerent, σύκω μὰ τὸν Διὸς ἡμῶν: ei quæ illud occinerent, ἢ παῖς ἀρχιτέως, ἀλλ' ἀρχιτέως αὐτὸς εἶ. Qui cū aliquando ad me libros tum Aristotelis ad Nicomachum interpretantem venisset, audisset quæ adfirmantem innumerabilia esse in omnibus philosophiæ partibus, quæ Latinè dici non possent ab iis qui tam seueri esse vellent:

egresso mihi, cum circumfusa nobis esset magna eruditorum hominum corona, mirari se dixit, quid ita mihi videretur fieri non posse, quod iam egregiè Perionius præstitisset. Credo, inquit, illum dicis, qui quod quinto quoque anno faciendū significari vellet, id *singulis quinq; annis* fieri oportere scripsit. Eum ipsum, inquam, & Ciceronis eloquentiam vides. Sed ut me ad propositum referam, etiam si hoc demus, nouata esse multa ab iis qui post Ciceronem fuerunt, quid causæ est, cur ea reijcere debeamus? Quorsus igitur illud Horatij? *Ut folia in siluis*. & illud: — *licuit semperque licebit*

Signatum presente nota producere nomen.

Nonne Cicero & multa nouauit ipse, & Catonem, Varronem, Brutum, aliosque ut idem facerent hortatus est? An fortassis personale illud priuilegium fuit: ut cum Cicerone, & cum iis,

Qui tum vivebant homines atque eum agitabant, extinctum esse videatur? *Incomprehensibile* Ciceroni fingere licuit: quid ni aliis alia ad eundem modum postea licuerit? Equidem existimo Ciceronem, si ad Quinctiliani & Plinij, & Taciti tempora vitam producere potuisset, & Romanam linguam multis vocibus eleganter conformatis eorum studio auctam ac locupletatam vidisset, magnam eis gratiam habiturum, atque illis vocibus cupidè vsurum fuisse. Nam istorum quidem audire est operæpretium amentiam. Ad Taciti aut Suetonij voces nauseant: ipsi eas scriptis suis intexunt, quæ ne in culina quidem illorum patienter audiri potuissent. Mentior, nisi tibi, cum voles, in scriptis quorundam qui huius sectæ coryphæi habentur; *speculationem, ingritudinem, contrarietatem*, aliaq. eiusdem generis plurima ostendero:

Sed,

Sed, satis est dixisse, ego pulchra poemata pango. Cùm semel in hanc disciplinam nomen dederis, quocumque modo & scribas, & loquare, dicas licebit;

Ταύτης τοι δυνῆς τε καὶ αἵματος εὐχμαιεῖν).

Fuit hæc de principio laboriosa quædam, & exquisita diligētia. nunc in ignauiam vertit. quid enim magis in promptu est, quàm, cùm quid scribere ingressus sis, de singulis oculis Nizolium consulere? *Quid tu igitur?* inquires. ex omnibus antiquis scriptoribus, nullo discrimine, verba quibus vtare, depromes? Immodè verò adhibebo iudicium, habebō dilectum, & cùm ex iis potissimùm qui antiquitatis quoq. ipsi principes visi sunt, Cicerone, Cæsare, Terentio, aliis, quamplurima sumpsero: cùm orationis meæ genus ad eorum exemplar quàm maximè potuero, conformaro, ex aliis quoque bellissimum quodque carpam: & quo quisque maximè excelluisse videbitur, id imitari atque exprimere conabor: neq. in iis modò quos paulo antè nominaui, sed in Tertulliano, Arnobio, Hieronymo, Augustino, Ambrosio, & quod magis mireris, Appuleiò, Cassiodoro, Martiano etiam & Sardonio Apollinari multa reperiam, quibus suo loco positis oratio vberior & ornatior fiat. Tibi quoque, Dari, auctor sum, vt idem facias, in primisque vt ne eorum stultitiam imiteris, qui vsque eò antiquitatis studiosi sunt, vt voces quoque Christianæ religionis proprias refugiant, & in earum locum alias substituant, quarum nonnullæ etiam impietatem olent: qui non *fidem*, sed *persuasionem*; non *sacramentum corporis Dominici*, sed *sanctificum crustulum*: non *excommunicare*, sed *diris deuouere*: non *Angelos*, sed *genios*: non *baptizare*, sed *ablucere* dicunt: aliaque eodem modo deprauant: qui, vt opinor, nisi sibi metue-

rent, etiam pro Christo *Iouem optimū maximum* dicerent. est enim magis Ciceronianum. Quæ autem infania est, cum *porricere*, cum *impetrare*, cum *tripudium solistimum*, cum *pateras* & *sympinia* legimus, notare ea tamquam dicta sapienter: quod ex auguralibus & pontificalibus libris deprompta sint; propria Christianæ fidei, & Christianorum rituum verba, ut non satis Latina contemnere? Plura dicere cum pararem, amicorum quorundam interuentus institutum sermonem abrumperet coëgit.

*Conatus emendandi locum quendam Taciti
pessime a librariis acceptum.*

CAP. II.

SOLENT interdum medici eos quoque ægrotos, quorum salus ab omnibus deposita iam ac desperata est, curandos suscipere, interposita prius cautione, fraudi sibi non fore, si quid eis interea deterius acciderit. Eadem ego quoque conditione locum quendam Taciti suscipiam, ita malè affectū & in vulgatis & in veteribus libris, vix ut vlla spes eius sanandi superfit. Si quid igitur boni efficere potuero: sin minus, veniam tamen ut spero, ab æquis iudicibus consequar. Ita ergo scriptum est libro xlv. annalium ab excessu Diui Augusti: *Nec tamen ludicra tantum imperatoris artes notescerent, carminum quoque studium affectavit contractis quibus aliqua pangendi facultas. Nec dum insignis ætatis nati considerare simul, & allatos vel ibidem repertos versus connectere, atque ipsius verba quoquo modo prolata supplere: quod species ipsa carminum docet, non impetu & instinctu, nec ore vno fluens.* Neque multum opis in veteribus libris, in quibus ita legitur; *Nec dum insignis ætatis tati considerare simul & natos*

natos vel repertos ibidem versus connectere. Nunc quomodo ei mederi coner, aperiam. Primum illud *tati*, ex quo ab aliis factum est, *nati*, deleo: & puto frustrà geminatas esse ab indocto & oscitante librario litteras eius vocis quæ proximè præcesserat. Deinde ex illo *etatis*, facio *erat*. Ij. Postremò ubi est & *natos vel repertos*, deleo illud *vel repertos*: & puto dubitationem fuisse librarij legere nescientis. Quæ si mihi concedantur, præstare ausim, locum integrum esse hoc modo: *Ne tamen ludicræ tantum imperatoris artes notescerent, carminum quoque studium affectavit, contractis quibus aliqua pangendi facultas, nec dum insignis erat. Ii cōsidere simul, & natos ibidem versus connectere, atq. ipsius verba quoquo modo prolata supplere: quod species ipsa carminum docet, non impetu & instinctu, nec ore vno fluens.* Si quis igitur melius aliquid novit, impertiat: si non, his mecum utatur licet.

*Emendata quædam apud Tacitum in vita
Iulij Agricola.*

CAP. III.

IN vita Iulij Agricolæ, quam idem ille Latinus Thucydides scripsit, oratio est ducis Britannorum Galgaci, ardoris & vehementiæ plena, qua ille milites suos ad fortiter pugnandū cohortatur, facilemq. eis, si præsentī animo sint, spem victoriæ ostentat. In ea ita vulgo legitur: *Brigantes, femina duce, exurere coloniam, expugnare castra, ac, nisi felicitas in secordiam vertisset, exuere iugum potnere: nos integri & indomiti, & libertatem non in præsentia laturi, primo statim congressu unde ostendamus quos sibi Caledonia viros seposuerit.* In quibus acutè vidit Lipsius, legendum, *prima*
statim

statim congressione. Idq. ipsi mihi magis placet, quàm quod ego antea suspicatus eram, vocem *unde* delendam esse: tamenetsi utroque modo eadem sententia efficitur. Sed ea quæ proximè antecedunt, ut obscuriora, & ad corrigendum difficiliora sint, Rhenani temeritate factum est, qui, ut in Taciti libris nonnulla correxerit, multo certè plura corripuit. Libri Romæ impressi habebant, & *in libertatem non in præsentiam laturi.* Rhenanus fecit, & *libertatem non in præsentia inlaturi.* & stultæ mutationi stultiorem interpretationem addidit. Significat, inquit, prius ipsis libertatem fuisse, pro qua adipiscenda non erat opus pugnare, sed conseruanda. In præsentia dixit de futuro. Equidem Rhenanum, cùm illa scriberet, sobrium fuisse non puto. Sed, eo omisso, adferamus si quid verius possumus. Censeo igitur ubi est, *in præsentiam laturi,* legendum esse, *in P. R. seruitium nati.* ut totus locus legatur hoc modo: *Nos integri & indomiti, & in libertatem, non in populi Romani seruitium nati, prima statim congressione ostendamus, quos sibi Caledonia viros seposuerit.* Non magnam neque violentam esse mutationem, qui in hoc genere exercitati sunt facile vident: vulgus quid prober, quid non prober, numquam laboraui.

Quid sit apud Ciceronem amor amicitiae: & cur idem in flagitiose amoris mentione, dixerit, more Græciæ.

CAP. IIII.

VETERES philosophi Græci libentiùs ferè verfabantur cum adolescentulis, quàm ut sermones hominum, & aliquam turpitudinis suspicionem effugerent: quanquam enim illorum se ingenia amare dicebant,

cebant, ea tamen ferè potissimùm amabant, quæ bene habitarent. Itaque id Cicero in eis urbanè, vt solet, exagitans, ita scribit libro quarto Tusculanarum: *Ad magistros virtutis philosophos veniamus: qui amorem negant stupri esse, & in eo litigant cum Epicuro, non multum, vt opinio mea fert, mentiente. quis est enim amor iste amicitiae? cur neque deformem adolescentem quisquam amat, neque formosum senem?* Quibus in verbis, quæsitum est ex me, quem aut Cicero, aut illi amorem amicitiae dicerent. Respondi hoc eos *καλὺμμα* nequitiae suæ obtendere solitos esse, vt dicerent, amorem suum non ad fœdam & nefariam corporum commissionem, sed ad constituendam amicitiam referri: atque ita eum vocasse *ἔρωτα ὅπῃ φιλία*, id est, vt Cicero interpretatur, *amorem amicitiae*. Plutarchus: *ἔρως γὰρ εὐφροδὸς καὶ νέας ψυχῆς ἀλγάζμενος*, eis ἀρετικῶς διὰ φιλίας τελευτᾷ. & paulo pòst: *ὁ ἔρως, καὶ ἀπὸ τῆς γυναικῶν*. Idem in Numa: *ἀνδρὶ δ' ἔκ ἐστὶ σύμμιξις πρὸς θεὸν, ἐδὲ οὐιλία σώματος. ἀγνοῶσι δ' ὅτι τὸ μισγνύμενον ὧ μίγνυθ', τὼ ἴστω ἀνταποδίδωσι κοινωνίαν. ἔμω ἀλλὰ φιλίαν πρὸς ἄνθρωπον* ἦν δὲ καὶ τὸν ὅπῃ ταύτη λεγόμενον ἔρωτα. Fuisse autem amores illos in Græcia vñtatos, etiam illud indicio est, quòd qui eo vitio laborabant, *more Græcorum* facere dicebantur. Cicero quinto Tusculanarum de Dionysio tyranno loquens: *Cum abundaret & aequalium familiaritatibus & consuetudinibus propinquoꝝ, haberet etiam, more Græciæ, quosdam adolescentes amore coniunctos, credebat eorum nemini*. Æmilius Probus in Alcibiade: *Incunte adolescentia, amatus est à multis, more Græcorum*. Xenophon libro secundo παιδείας. *Ἀλλ' ἢ καὶ σὺ, καὶ τὸν ἑλληνικὸν τρόπον, ὅτι καλὸν ὅτι, ἀειάγει τοῦτο τὸ μεράκιον*.

*Vetus quaedam Emiliij Probi reprehensio aduersus
eruditum virum qui Emilium defendere vo-
luit, confirmata.* CAP. V.

SCRIPSI iam pridem, errasse mihi videri Emi-
lium Probū, qui negasset, turpe fuisse Cimoni, sum-
mo Atheniensium viro, sororem germanam habere
in matrimonio, quippe cū ciues eius eodem vte-
rentur instituto. Extitit biennio aut triennio pōst ho-
mo non indoctus, qui in notis, quas ad Plutarchi vi-
tas in Latinum sermonem à se conuersas addidit, à
me dissentiens, Emilium defendere conatus est. Ait
enim Cimodem pulsum esse in exilium, non quòd
sororem duxisset vxorem: sed quòd ea citra nuptias
abusus crederetur: idque ex ipsis Plutarchi verbis
colligi posse, si quis attentius ea consideret. addit
Athenæum libro xiiii. hac ipsa de re loquentem
non simpliciter dicere, τῇ ἀδελφῇ σιώντῃ, sed addere
ἡδονήσας: ex quo intelligi damnatum Cimodem, non
simpliciter quòd cum sorore germana corpus com-
miscuisset, sed quòd id fecisset aduersus leges, id est,
priusquam illam vxorem duceret. Postremò Plutar-
chum apertè idem quod Emilium dicere, qui The-
mistoclis filio Mnesiptolemam Themistoclis ipsam
quoque, sed ex alia matre filiam, ex ea consuetudine
nuplisse narret. Ego autem non eram nescius licuisse
Atheniensibus, sorores eodem patre, dum ne eadem
matre, natas vxores ducere. Docuerat me id Theon,
qui in Nebulas Aristophanis ita scribit: παρ' Ἀθηναίοις
ἔξεστι γαυεῖν τὰς ἐκ τῆς πατέρων ἀδελφάς. Sciebam hoc
interfuisse inter Solonem & Lycurgum, quòd ille
τὰς ὁμοπατρίους ducere permiserat: hic τὰς ὁμομητρίους.
Docuerat me id Philo, cuius hæc sunt: Ὁ μὲν οὐδ'
ἀθηναῖοι σόλων ὁμοπατρίους ἐφεῖς ἀγᾶται, τὰς ὁμομητρίους
ἐκάλυ-

ἐκάλυσεν. ὁ δὲ λακεδαιμονίων νομοθέτης ἔμπαλιν, τὸν ὅτι ταῖς ὁμογενείοις γάμον ὀπιπύεσθαι, τὸν πρὸς τὰς ὁμοπαῖδας ἀπέπειπεν. At de germanis sororibus nusquam tale quidquam legere memineram. Ita enim semper existimavi, qui eodē patre, sed non eadem matre geniti essent, consanguineos; qui eadem matre, sed non eodem patre, vterinos; qui iisdem & patre & matre interdum quidem consanguineos, sed suo ac proprio vocabulo germanos vocari. Itaque neque vnquam apud Athenienses germanam sororem habere in matrimonio licuit: & si Elpinice consanguinea tantum Cimonis fuit, non etiam ὁμομήτειρα: bis errauit Æmilius, qui eam germanam ipsius sororem fuisse dixit. Imò verò si consanguinea tantum fuit, dicere ausim, causam non fuisse, cur Atheniensium legibus Cimon in exilium pelleretur. Stuprum enim, non incestum fuisset. Incestum siquidem non committitur cum ea, quam quis ducere vxorē potest. Sed certè verisimilius est, germanam fuisse: & eo illum exulasse, quòd eam ὁμόνομος, vxorem ducere ausus esset. Nam illud quidem argumentum ex Athenæo, non fuisse additum ὁμόνομος, nisi idem fieri posset etiam ἑτερονόμος, æquè bellum est, ac si quis, quia Cicero alicubi dicit, Catilinam pestem patriæ nefariè moliri, colligat, idem non semper nefariè, sed interdum etiam sine scelere fieri posse. Postremò sanctissimus & eruditissimus vir Cyrillus Alexandrinus libro sexto aduersus Iulianum, non furtiuos concubitus, sed nuptias cum sorore Cimoni, vt scelus nefarium obijcit: non facturum, si id apud Athenienses legitimum & vsitatum fuisset. Tunc enim accusari Solonem oportuerat, qui id permisisset, non ciuem qui patriæ suæ legibus paruisset.

*De Chaldais Ciceronis locum è Theophrasto
conuersum videri. CAP. VI.*

CHALDÆI, ait Cicero libro primo De diuinatione, non ex artis, sed ex gentis vocabulo nominati diuina obseruatione siderum, scientiā putantur effecisse, vt prædici posset, quid cuique euenturum, & quo quisq. fato natus esset. In quo, quòd ait Chaldæos ex gentis, non ex artis, vocabulo nominatos, pertinet ad communem errorem refellendū, quo genethliacos, cuiuscumque gentis forent, Chaldæos vocabant: ita vt id artis, non gentis, vocabulum haberetur. Quod autem ait de illorum scientia, aut vanitate potius, & falsa opinione scientiæ, ex Theophrasto sumptum videri potest: qui eos temporibus suis in magna admiratione fuisse dicit: quòd non ea tantūm prædicerent, quæ communia essent, vt tempestatem, serenitatem, & iis similia, sed etiam quomodo quisque victurus, quomodo moriturus esset. Atque hoc de Prociulo cognouimus: apud quem ita scriptum est: Θαυμασιώτατον ὃ εἶναι φησὶν ὁ Θέοφραστος ἐν τοῖς κατὰ αὐτὸν χρόνοις τὴν τῶν χαλδαίων περὶ ταῦτα θεωρίαν, ἵα τε ἄλλα περιέχουσαν, καὶ τὰς βίους ἐκείων, καὶ τὰς θανάτους, καὶ τὰ κοινὰ μόνον, οἷον χειμῶνα, καὶ εὐθείας ὥσπερ καὶ ἀσέρεα τῶν ἔρμων. Οὐ μὲν ἐκφανῆ γινόμενον φύσιν σημαίνειν, καὶ ματα ὃ θέρεος εἰς ἐκείνους ἀναπέμπει. πάντα δ' οὐκ αὐτὰς καὶ τὰ ἴδια, καὶ τὰ κοινὰ περιγράφειν ἀπὸ τῶν ἐργείων, ἐν τῇ περὶ σημείων βίβλῳ φησὶν ἐκείνῳ.

De honore qui Olympionicis & interdum imperatoribus re præclare gesta habebatur. Emendatus Æmilij Probi locus. CAP. VII.

QUANTO in honore fuerint antiquitus Olympionica,

pionica, nemini, qui paulum inodò versatus sit in hoc litterarum genere, ignotum est. Solebant autem inter cetera, donari coronis aureis: vnde & Pindarus Olympiam vocat *μητέρα χυστεφάνων ἀέδλων*. Imperatores quoque, re bene & feliciter gesta, interdum quamquam admodum rarò, eodem honoris genere afficiebantur. Sic Cyro, post tam multas tamque insignes victorias in autum regnum redeunti Cyaxaris filia, quæ ipsius postea vxor fuit, coronam auream offert. Xenophon libro octauo: *ὁ δὲ κυζάρης ταδτα μὲν ἐδέξατο, προσέπεμψε δὲ αὐτῷ τίνω θυγατέρα σέφανόν τε χυστῶν, καὶ ψέλλια φέρονσαν*. Habitus est hic honos Alciabiadi quoque, cùm domita Lacedæmoniorum superbia in patriam rediret: qua de re ita Probus: *Hic ut naui egressus est, quamquam Theramenes, & Thrasybulus eisdem rebus præsuerant, simulq; venerant in Piræum, tamen illum vnum omnes prosequiebantur: & id quod numquam antea vsuenerat nisi Olympicis victoribus, coronis aureis æneisq; vulgò donabatur. Sed cur æneas quòque coronas addat, non immeritò quæri potest. Nam ut Glauci Homerici vācordia ridetur permutantis χρύσα χαλκείων, ita ridicula videri potest hæc χυστῶν καὶ χαλκείων permixtio. Ego verò non dubito, quin Probi verba corrupta sint, ita ut vbi est æneisq;, legendum sit τανύςq;. Solebant enim ferè tæniæ cum coronis coniungi. Empedocles:*

Ταινίαις τε πείσειμι, σέφεισι τε θαλείοις.

Idque manifestò confirmat quod apud Thucydidem de Brasida legitur: quem Scionæi, re præclarè gesta, ut Olympionicen excepisse, & ut Græciæ liberatorem, corona aurea & tænijs reuinxisse dicuntur. Thucydidis verba hæc sunt: καὶ οἱ μὲν σκιωναῖοι ἐπὶ ῥηθυσίαν τε τοῖς λόγοις, καὶ θαρσύναντες πάντες ὁμοίως, καὶ οἷς μὴ ἑρότερον ἦεν τε

ἤρεσχα τὰ πρᾶσσόμενα, τόν τε πόλεμον διανοῶντο παρθύμως οἶσιν,
καὶ τὸν βρασίδαν τὰ τ' ἄλλα χαλῶς ἐδέξαντο, καὶ δημοσίᾳ, μὲν
χρυσῶ σφάνῳ ἀνέδησαν, ὡς ἐλάθερον ὄντα τιμῇ ἐλλάδα, ἰδίᾳ
τε ἐταϊνίουτε, καὶ παρσηέχοντο, ὥσπερ Ἀθηναῖοι. Athletam
autem cūm dicit, Olympionicen intelligit.

*Emendata quedam è libro sexto Epistolarum ad
Atticum.* CAP. VIII.

IN hoc scribendi genere non modò exigi ordo
non solet: sed ipsa potius ἀτάξια & melius Variarum
lectionum nomen tueri, & minus satietatis adferre
lectoribus creditur. Ego itaque qui horis exceptis
hæc qualiacumq. procudo, ut quisque liber venit in
manus, ita ex eo aliquid excerpo, quo mea hæc au-
ctiora fiant. Nunc igitur percurram sextum librum
Epistolarum ad Atticum. In cuius prima epistola
haud procul à fine ita legitur: *Nam Cælius libertum
ad me misit, & litteras accuratè scriptas, & de panthe-
ris, & de ciuitatibus.* Puto pro ciuitatibus legendum
cibyrtis: idque iis qui rem totam accuratè confide-
rauerint, probatum iri confido. In eadem epistola
paulo infra libri editi sic habent: *C. Vennonius domū
Vindulli venit. cūm omnia obsignaret, in Vedianas res
incidit. In iis inuenta sunt quinque imaguncula ma-
tronarum, in quibus una sororis amici tui hominis Bru-
ti, qui hoc utatur; & illius Lepidi qui hæc tam negligenter
ferat.* Vetus liber meus pro illo amici tui habet
amici tuos. Bruti autem & Lepidi nomina non habet.
Quare totum locum ita lego: *In quibus una sororis
amici tui. Os hominis, qui hoc utatur; & illius qui hæc
tam negligenter ferat.* Significat enim duri admodum
oris esse & Brutum, qui utatur eo, propter quem so-
ror sua adulterij suspecta esse possit: & Lepidum, qui
tam

tam turpem suspicionem in vxore tam lentè ac negligenter ferat. Neque dubium est, quin de Bruto & Lepido loquatur: sed in talium rerum narratione, ac significatione, propria eorum, de quibus agitur, nomina multo venustiùs multoque verecundiùs subti-centur. Addita autè puto iampridem ab aliquo erudito homine, qui locum declarare vellet. Iam illud, *os hominis*, ita dictum est, vt apud Martialem;

Santonica medicata dedit mihi pocula virga.

Os hominis. mulsum me rogat Hippocrates.

Libet & notare vsum verbi *placet*, sanè elegantem: si quis fortè cum minus aduerterit. Cùm igitur in manifesto peccato aliquemprehenderant, ita vt ne ipse quidem factum suum defendere posse videretur: ita cum interrogabant: *Placet hoc tibi?* Sic Thais Terentiana deprehensum Chæream leuiter obiurgans, *Satin' hoc tibi placet?* Cicero epistola sexta eius libri in quò nunc versamur: *Sed heus tu pupis eis dñuor. placet hoc tibi?* Tibullus in carmine obscæno: *Placet qui sub arborum coma:* & quæ sequuntur. piget enim adscribere. In eadem epistola, vbi vulgò legitur, *At nunc Cælius, non dico equidem, quid egerit:* legendum est, *quidquid egerit.* In octaua, *meros terrores*, nòri vt vulgò, *miros*. In vltima verò, *Accepi ab Acasto; meo statore, tuas litteras.* non vt editi libri habent, *Accepi ab Acasto seruo meo statim tuas litteras.*

Emendata multa è libro tertio De officiis.

CAP. IX.

CICERONIS verba sunt è tertio De officiis: *Accedit eòdem testis locuples Posidonius, qui etià scribit in quadam epistola, P. Rutilium Rufum, qui Panatium audiuerat, dicere solere, vt nemo pictor esset in-*
c nentus,

uentus, qui *Veneris* eam partem, quam *Apelles* inchoatam reliquisset, absolueret: oris enim pulchritudo reliqui corporis imitandi spem auferbat: sic ea quæ *Panætius* prætermisisset, & non perfecisset, propter eorum quæ fecisset præstantiam, neminem persecuturum. Quibus in verbis sæpè admiratus eram, cur additum esset illud, & non perfecisset. certè enim quæ prætermiserat *Panætius*, ea non modò non perfecerat, sed ne inchoauerat quidem. Sed veteres libri admirationem sustulerunt, quorum in plerisque postrema eius comprehensionis pars ita legitur: Sic ea quæ *Panætius* prætermisisset, propter eorum quæ perfecisset præstantiam, neminem persecutum. In eodem libro, vbi de *Cæsaris* cæde, etsi eum non nominat, loquitur, ita vulgò legas: *Vicit igitur utilitas honestatem: imò verò honestas utilitatem secuta est.* At in vetustioribus quanto melius? *Vicit igitur utilitas honestatem? imò verò honestatem utilitas consecuta est.* Significat enim factum illud honestū fuisse per se, vtile *καὶ συμφέρον*. Vnum præterea locum subijciam, qui nusquam ille quidem in vulgatis libris emendatè legitur: sed in libris præclari illius correctoris ita deprauatus est, vt ipsius sententiæ, aliquot vocum temerè additarum congestu obrutæ, vix, quasi per nebulam, tenue quoddam vestigium appareat. Et fuit ea illius consuetudo, vt non tam quæreretur interdum, quid dixisset *Cicero*, quàm, quid ipse eum dicere oportuisse censeret. Sed tota res mihi paulo altius repetenda est: vt etiam in iis *Ciceronis* verbis quæ non multò antecedunt eum quem purgare instituimus locum, maculæ quædam eluantur. Quærit igitur *Cicero*, liceátne interdum viro bono alium lædere, de quæ illius commodis aliquid detrahere. Ac primùm illud quasi principium ponit,

huma-

humanæ societatis arctissimum vinculum esse; magis arbitrari esse contra naturam, hominem homini detrachere sui commodi causâ, quàm omnia incommoda subire vel externâ, vel corporis, vel etiam ipsius animi, *seruantem iustitiam*. Ita enim planè legendum est, non vt vulgò, *que vacent iustitia*. Vetus scriptura deprauata est, *ceuantem iustitiam*. Deinde, paucis interiectis, addit: *Quid? si Phalarin, crudelem tyrannum, & immanem, vir bonus, ne ipse frigore conficiatur; vestitus spoliare possit, nōne faciat?* Hic libri mei veteres habent, *ne ipse algore pereat*. sed vtroque modo eadem sententia efficitur. Deinde totam quæstionem, adhibita distinctione, explicat his verbis: *Nam siquid homini ad nullam partem utili, utilitatis tuæ causâ detraxeris, inhumanè feceris contraq. naturæ legem*. quibus verbis ne homini quidem planè inutiles significat, quidquam sapientem detrachere debere, utilitatis suæ causâ. At ille, quem dico, ita edidit: *Nam siquid homini, homo ad nullam rem utilis, utilitatis tuæ causâ detraxeris*. Ineptè. Instituta enim quæstio est hoc modo, *Num sapiens homini ad nullam rem utili aliquid aliquando detrachere possit*. non autem: *Num homo ad nullam rem utilis*. Ita enim paulo antè quæsitum erat: *Nōne igitur sapiens, si fame ipse conficiatur, abstulerit cibum alteri homini ad nullam rem utili?* Negat igitur Cicero, id utilitatis priuatæ causâ licere. Deinde addit: *Sin autem is tu sis, qui multam utilitatem Reip. atque hominum societati, si in vita remaneas, adferre possis: siquid ob eam causam alteri detraxeris, non sit reprehendendum*. Ob eam causam; id est, non ob tuam utilitatem, sed publicam. Sequitur: *Sin autem id non sit eiusmodi: suum cuique incommodum ferendum est potius, quàm de alterius commodis detrachendum*. Liber

autem vetus, quo nunc utor, ita habet: *Sin autem is non sis eiusmodi*. unde colligo librarium, primò per errorem, cum scripsisset *sin*, rediisse denuò ad superius membrum, cuius principium erat, *sin autem is tu sis*. deinde, errore animaduerso, non deleuisse quidem duas voces, quas frustrà repetierat, *autem is*, sed cetera persecutum. Ut sit vera lectio: *sin nō sis eiusmodi*. Solebant enim homines imperiti, qui auorum aut proauorum nostrorum temporibus, victum sibi describendis libris quærıtabant, quæ perperam scripserant, non delere: ne libros suos, multis lituris deformatos, minus vendibiles redderent. iterumue totas paginas describere cogerentur: sed iis ut erant omıssis cetera persequi. Atque ea res innumerabilem errorum copiam in omne scriptorum genus inuexit.

Xenophontis loci duo emendati. CAP. X.

LIBET hoc loco proferre coniecturam meam de duobus locis Xenophontis è primo ἀραάσιως: de quibus dubium non habeo, quin & in omnibus usque in hunc diem editis libris corruptè legantur, & tutò ac facیلè corrigi possint. Eorum primus est, vbi Cyrus in Ciliciam transit, superatis montibus in quibus Syennesis præsidium collocarat. Cum enim Cilices ad primam Cyri aduentantis famam sese in fugam dedissent, sine vlllo negotio Cyrus & mōtes conscendit, & Cilicum castra cepit. Ibi Xenophontis verba sunt: Κόρη δ' ἀέλει ὅπ' τὰ ὄρη, ἐδενδς καλύοντο, καὶ εἶδε τὰς σιλωὰς ἢ ἐρύλαστον οἱ Κίλικες. Quid autem attinuit dicere cum, superatis montibus, vidisse castra quæ Cilicum fuerant? Certè enim ita necesse fuit, nisi aut cæcus fuisset, aut clausisset oculos. Sed nos quoque cæci, opinor, fuerimus, nisi videamus, εἶλε, non εἶδε legenti-

legendum esse. Alter locus est, vbi Cyrus ad flumen Chalum peruenisse dicitur: cuius pisces Syri, vt & columbas, pro diis habebant. Ibi enim ita legitimus: Αἱ ἢ κῶμαι ἐν αἷς ἐσκήλυνον, Περυσταπιδος ἦσαν, εἰς ζῶντῶν δεδωμέναι. Sed mihi excuti non potest, quin ζῶντῶν, non ζῶντῶν legere oporteat: vt dicamuseam totam regionem reginæ Parysatidi in cingulum adtributam fuisse. Reginis enim Persarum multa oppida, multæque regiones in singulas mundi muliebris partes adtribui solebant: verbi causa, in *strophium*, in *amiculum*, in *cingulum*, in *sandalia*. Idque locupletissimus testis confirmat Plato in Alcibiade primo his verbis: ἐπεὶ περὶ ἡκουσα ἐγὼ ἀνδρὸς ἀξιόπιστου τῆς ἀναβιβηκότων τοῦ βασιλέως, ὃς ἔφη περὶ δεῖν χώραν πάντῃ πολλῶν καὶ ἀγαθῶν, ἐγγὺς ἡμερησίαν ὁδὸν, καὶ καλεῖν τὰς ὀπιχωρίους ζῶντῶν τῆ βασιλείας γυναικός. ἔνθ' ἢ καὶ ἄλλῃ, καὶ αὐτὴ καλεῖται καλὴ πῆραν. καὶ ἄλλοις πολλὰς τόποις καλὰς καὶ ἀγαθὰς εἰς τὸν κόσμον ἐξηρημένοις τῇ τῆ γυναικός, καὶ ὀνόματα ἔχον ἐκάστῃ τῇ πότειν ὅτι ἐκάστῃ τῶν κόσμων. Sed & Lutetiæ Parisiorum vectigal quoddam vino impositum est, quod vulgò *cingulum reginæ* vocant. Sic Themistocli apud eosdem Persas quinque vrbes, Magnesia, Lampascus, Myus, Percope, & Palæscopsis, in panem, vinum, opsonium, stragula & vestitum adtributæ fuisse dicuntur.

Suetony in Galba vnus, & alter in Otthone emendatus & illustratus locus. CAP. XI.

MIRAM & propè sordidam Galbæ Imperatoris parsimoniam fuisse & Tacitus & Suetonius, & alij tradiderunt Cuius exempla multa cum retulisset Suetonius, adiicit: *Quare aduentus eius non perinde gratus fuit: idque proximo spectaculo apparuit. Siquidem Atellanis notissimum canticum exorsis, Venit io simus*

a villa: cuncti simul spectatores, consentiente voce, reliquam partem retulerunt, ac saepius versu repetito egerunt. Quæ Turnebus libro quinto Aduersariorum emendaturum se & explicaturum professus, nihil de suo adfert, nisi *Ipse* esse interiectionem exultantis omnibus notissimam. Miror autem cur tantus vir, cum manus deprauato loco admouisset, nihil protulerit, nisi quod pueri paulo grandiores in schola si ignorarent, caderentur. Certè si nodus ille tam faciliè solui poterat, non tali vindice indigebat. Quomodo autem populus, iterando eam vocem quæ exultantium propria est, declarare potuisset, parùm sibi gratum esse imperatoris aduentum? Sed nos tentemus, siquid melius possumus. Seruis olim & libertis interdum nomina ex moribus ipsorum imponi solebant, atque id magis etiam fiebat in comœdiis. Puto igitur in veteri Atellana vel seruum vel libertum dispensatorem fuisse, qui, quod frugi & parcus, & dominis vtilis foret, ex re Onesimus vocaretur. Seruile autem illud nomē esse, etiam è S. Pauli epistolis notum est. Eum igitur conserui cum in Atellana fabula viderent redeuntem è villa, intelligerentque parciùs sibi iam edendum ac bibendum fore, quod eos Onesimus durè contentēque habiturus esset, cecinerant, *Venit Onesimus à villa*: & addiderant, opinor, alia quæ ad parsimoniam & seueritatem ipsius exagitantem pertinerent. Eadem igitur illa cum in Galbam, qui nuper venerat, præclarè conuenire viderentur, populus iocans crebrò iterasse dicitur. Planè autem in veteribus libris legitur *Venit one simus*, quod testati sunt & alij: & minimo negotio mendum tolli potuerit. Sed sæpe fit, vt etiam perspicacissimos ea quæ sunt ante oculos posita, fugiant. Fuit autem ipsi Suctonio pater

vir for-

vir fortissimus, & spectata virtutis: cuius nomē cū in filij libris decurtatum ac deprauatum legatur, restituere, operæ fuerit. Sic ergo legimus in Otthone: *Interfuit huic bello pater meus Suetonius Lenis, tertie-decimæ legionis tribunus, angusticlanus*. Ita vulgò. At vidi ego librum qui cariem & tincas senserat, in quo post nomen *Suetonius* foramen erat exiguum: deinde sequebatur *linus*: & suprà alia manu emédatum *lenis*: Omnino autem legendum est *Paullinus*. id enim ei verum cognomen fuit. Testem in eam rem laudabo Tacitum, qui fortis viri neque nomen, neque virtutem tacitam esse fuit. Eius enim & sæpè in annalibus & in Agricolæ vita perhonorificam mentionem facit.

*Aristoteles è primo Politicorum Hippocratis è libro
ἰσὲν τροφῆς emendati & illustrati loci.*

CAP. XII.

ARISTOTELES libro primo Politicorum eruditè ac copiosè disputat de origine seruitutis: ostenditque verè seruitutis causam in natura positam esse: ita vt ij qui mente ac consilio valent, corpore autem sunt ad obeunda necessaria munera non satis habili, natura facti sint ad imperandum: qui contrà valido ac robusto corpore, sed ingenio hebeti ac stolido, tantum vt imperata facere, non etiam ipsi, quid agendum sit, prospicere possint, eos natura ipsa eorum qui plus sapiunt imperio subiecisse videatur. Qui autem bello capti, aut alio modo in seruitutem redacti sunt, ij, si liberali sint ingenio, fortuna quidem ac conditione serui sunt, sed naturali liberi. Sunt igitur quidam liberi natura, quos in seruilem sortem casus aliquis deduxit: sunt contrà multi quos seruire oportet, quiq.

natura serui sunt, qui melioribus & natura liberis imperant. Neque omnis aut libertas, aut seruitus contra naturam est: neque omnis congruens ac consentanea naturæ. Sed ad ipsum eius disputationis finem ita legitur in libris emendatis à Victorio, & in aliis propè omnibus: ὅτι μὲν ἐν ἔχῃ πνᾶ λόγον ἡ ἀμφισβήτησις, καὶ ἐκ εἰσὶν οἱ μὲν φύσει δοῦλοι, οἱ δ' ἐλῶδεροι, δῆλον. quæ ita interpretatur Victorius: *Continere igitur in se rationem quandam hanc controuersiam, & non esse, hos quidem natura seruos, hos autem liberos, planum est.* Atqui Aristoteles ipse nihil tam docere conatus est, in iis quæ antecesserunt, quàm esse quosdam natura seruos, & quosdam natura liberos. Itaque in libris Aldinis hoc modo legimus: καὶ εἰσὶν οἱ μὲν φύσει δοῦλοι, οἱ δ' ἐλῶδεροι, id est, *& esse alios natura seruos, alios liberos.* Sed ne hoc quidem ferri potest. Vtrumque enim docuit, quosdam natura, quosdam præter naturam, & seruos & liberos esse. Verum igitur est, quod ego, cum prius coniecissem, postea scriptum repperi in eis libris, quos Aldi heredes edidere: καὶ εἰσὶ καὶ ἐκ εἰσὶν οἱ μὲν φύσει δοῦλοι, οἱ δ' ἐλῶδεροι, id est, *Et esse, & non esse alios quidem natura seruos, alios autem liberos.* Similis locus est in libro Hippocratis De alimēto: qui ita lacer ac mutilus est, vt & Cardanus & ceteri, quos ego quidem viderim, ætatis nostræ medici, qui cum declarare voluerunt, meras nugas attulerint. Ego autem eum ita interpretabor, vt non verear, ne quis mihi illud obijciat: τέκτων γὰρ ὡν ἐναρπῆς ἐ πεκτωνικά. Exposuerat Hippocrates varias super tempore puerperij sententias. dixeratque aliis quidem videri tempus id esse dierum c c x, qui quidem efficiunt septem menses, siquis Ægyptiorum more, quem tum ferè sequebantur, trice-nos dies singulis mensibus tribuat: aliis trecentorum, qui

qui eadem ratione efficiunt decem menses : aliis denique c c x l : qui eadem ratione octo menses efficiunt. Deinde ad hanc postremam opinionem respiciens, subiicit : *ἐκ ἐστ καὶ ἐστ*. Quæ verba quid sibi velint, ne Mopsus quidem aut Oedipus diuinarit. Legendum autem hoc modo: *ἔστ ὅ καὶ ἐκ ἐστ ὁκτάμηνος γένεσις*. Atque ita intelligendum esse quodammodo partum octimestrem, & quodammodo non esse. Potest enim mense octauo mulier parere : sed fetus vitalis non est. Atque idè Sabinus, Galeno, vt notum est, antiquior medicus, ea sic exposuerat : *ἐστ μὲν φαινόμενα ὡς ζῶντα, μὲν τινὲς ἐκτρώσιν, ἐκ ἐστ δὲ, ὡς θνήσκοντα μὲν ταῦτα καὶ ἐστὶν οὐ φαντοσίᾳ μὲν παρῶντι καὶ ὄντι, δυνάμει ὅ ἐκ ἐστ*. ex quibus etiam Sabini verbis, conijcio, vbi apud Hippocratem legimus *ἐκτρώσιν*, legendum *ἐκτρώσιν*. Sunt &, quæ sequuntur, deprauata in Hippocratis libris : quæ quomodo emendanda sint, cognosci poterit è Gellio, libri tertij capite xv i. vnde etiam sumpta sunt quæ modò attuli. vt mirum sit ea tādīu latuisse, cū tam aperto ac celebri in loco paterent. Eodem autem loquendi genere vsus est & Plautus in Trinummo:

Est atq, non est mihi in manu Megaronides.

Quin dicant, non est, meritò vt ne dicant, id est.

Emendati è Trinummo Plautina loci duo.

CAP. XIII.

FACTA me Trinummi mentio admonet, vt insignem ex ea locum emendem : in quo & versus perperam collocati sunt, & personarum nomina, locis non suis posita, & deprauati versus, & denique *ὁ δὲ ὕψις*. Nolo autem otium, quo minimè abundo, inanibus verbis consumere. tantū proponam locum

ipsum, ita ut mihi legendus videtur:

PHIL.

*Non edepol tibi pernegare possum quidquā quod velis.
Cui egestatem tolerare vis? loquere audacter patri.*

LYSITELES.

Lesbonico huic adolescenti, Charmida huius filio.

*Qui illic habitat. PH. qui comedit, quod fuit, quod
non fuit?*

LY. *Ne opprobra pater. eveniunt multa homini quae
vult quae ne vult.*

Sapientia aetas condimentum est: sapientia aetati cibust.

PH. *Mentire edepol nate. atque id nunc facis haud
consuetudine.*

Nam sapiens quidem pol ipse fingit fortunam sibi.

Nulli quae ne vult eveniunt, nisi fictor malus fiet.

LY. *Multa est opera opus fictura, qui se fictorem probat
Vita agenda esse expetit. sed hic admodum adolescen-
tulust.*

PH. *Non aetate, verum ingenio apiscitur sapientia.*

*Agedum, eloquere. quid dare illi nunc vis? LY. nihil
quidquam pater.*

Tu modo ne me prohibeas accipere, siquid det mihi.

Quod autem ait Lysiteles ad excusandum sodalem, sapientiae esse condimentum aetatem, & sapientiam aetati cibum; hanc sententiam habet. Quidam cibi sunt, qui recentes quidem non sunt esui; sed reponi solent in longam usionem, & muria aut aceto, aut sale, aliisque modis condiri. mitescunt autem, ac concoquuntur tempore, & ad vescendum utiles fiunt. sic sapientiam ait in iuuenibus immaturam esse: procedente aetate condiri ac mitigari, quasque maturescere. In eadem autem fabula iocularis quidam versus qui à Stasimo pronuntiatur, & corruptè legitur, & malè explicatur.

Lambinus hoc modo:

Cena

Cæna hac annona est, sine sacris hereditas.

& exponit, Cæna hæc est instar annonæ. At Lipsius ἐρωτηματικῶς: *Cæna hac an non est?* Ego veterem scripturam retineo:

Cæna, hac annona, est sine sacris hereditas.

Est autem, *hac annona*, ablativus, ut grammatici vulgò loquuntur, absolutus; & hoc significat, hac annonæ caritate quæ nunc est. Sic alibi:

Mirum est lolio victitare te, tam vili tritico:
id est, cùm triticum tam vile sit.

*Notata quedam apud Livium, in quibus ipse sibi
pugnare videri potest.*

CAP. XIII.

LIVII historiarum scriptoris disertissimi ac copiosissimi errores quosdam notavit olim Laurentius Valla, vnum etiam homo eruditissimus mihiq. amicissimus Carolus Sigonius, qui hoc tempore tantum in Livij annalibus præstitit, quantum vix spectare fas erat. Superfunt & alij, quos notare non ab re fuerit: ut incendatur scribentium industria; & ut intelligatur τὸ ἀναμάρτυρον maius quiddam esse, quàm ut ab homine præstari queat. Libro igitur annaliũ quarto, multis argumentis docet, errare eos, qui tradunt A. Cornelium Cossu tribunum militum, secūda optima spolia Iouis Feretrij templo intulisse. At eodem in libro Mam. Æmilium dicentem facit, se eundem dictatorum esse, qui antè Veientium Fidenatiumque, adiunctis Faliscis, ad Nomentum exercitus fuderit: & magistrum equitum A. Cornelium eundem in acie fore, qui priore bello tribunus militum, Larte Tolumnio, & rege Veientium, in conspectu duorum exercituum occiso, spolia optima Iouis Feretrij templo

plo intulerit. Ne illud quidem defendi posse puto, quod libro nono in laudando L. Papirio Cursore ita scribit: *Haut dubie illa aetate, qua nulla virinum firacior fuit, nemo vnus erat vir, quo magis innixa res Romana staret. quin eum parem destinarunt animis magno Alexandro ducem, si arma, Asia perdomita, in Europam vertisset.* At paulo post ait, se arbitrari, Alexandrum ne fama quidē Romanis notum fuisse. Quomodo igitur L. Papirium, quem ei opponerent, animis destinare potuerant? Sed & illud rectē ac verē notauit Glareanus, inanifesto eum sibi pugnare, cū Hannibalem vixdum puberem Hasdrubalis literis accersitum scribit, cū ex ipsis Liuij verbis necessariō colligatur, Hannibalem eo tempore annos non minus viginti tres natum fuisse. Qua aetate qui alium tutore egere dicat, ipsemet curatore potius indigere videatur.

Cur videatur Assa nutricibus dici solum. Emendatus quidam Varronis locus. CAP. XV.

QVOD Nonius *assas nutrices olim vocatas* esse scribit, quia *assint eis quos nutriant*, id quā verum sit, videbimus. Fortassis enim verius est esse à Græco ἀσσι. ἐστὶ δὲ τὸ μὲν τέτρα, εἰλε, τὸ δὲ ἄσσι, τροφῆς, τὸ δὲ πάππη, πατρὸς, τὸ δὲ ἡδύτη, ἁλκροδ, ait Eustathius. Sed quod homo eruditus putat, se apud ipsum Nonium eius vocis exemplum reperisse in exemplo Varronis ab eo adducto, cū verbi Betere notionem explicat, de eo mihi quidem longē aliter videtur. Verba Varronis in veteribus libris ita scripta sunt: *Assanos multos quod ea parere non poterat mulier, eum betere foras iussit.* quæ is, quem dico ita emendat: *Assa non multo post, quod ea parere non poterat mulier, eum betere foras iussit.* & tamen

tamen ait ibi *assam* vocari non *nutricem*, sed *obstetricem*. Quod si admitteremus, nō tamen dicendum esset, repertū exemplum eius quod Nonius dixerat; sed repertam aliam significationē nominis *Assa*, quæ ipsum quoq. latuisset Nonium, neque vsquam à veteribus tradita esset. Id autem quàm credibile sit, non disputo: mihi certè nondum displicet, quod de illis Varronis verbis iam pridem existimaui: ea pertinere ad Sp. Catuiliū, qui primus Romanorum uxorem repudiassē dicitur, nō quòd eius mores aut ingenium parum probaret, sed quòd coniugem se velle diceret liberorum quarendorum gratia: illam autem sterilem esse. Lego igitur hoc modo: *A se annos multos quòd ea parere non poterat mulier, eam betere foras iussit.* Erat enī hoc quoque verbum vsitatum in repudiis. Cicero: *Claues ademit. foras exegit.* Martialis: *Vxor vade foras, aut moribus vtere nostris.*

Emendati complures variorū scriptorum loci in quibus à librariis eodem modo peccatum erat.

CAP. XVI.

AD medicinam meliùs & certius faciendam, non mediocriter vtile est, scire, quibus in rebus is qui ægrotat, peccare solitus sit: quo & causa morbi facilius reperiat, & ad eam incedendi ratio accommodetur. Sic & iis, qui se veterum scriptorum quasi medicos quosdam esse profitentur, nosse expedit, quibus potissimū modis veteres librarij peccare soliti sint, ut latentia hucera quæ in optimis quibusq. scriptoribus inueterarunt, sagaciùs deprehendant. Inter cetera igitur sanè multa genera depravationum, animaduerti, solitos eos, siquando vetustioris libri, ex quo aliquid describebant, scripturam satis certè ac liquidè

liquidò perspicere non poterant, dubitabantque hoc an illo modo scriptum foret, aut si quando aliud in aliis exemplaribus scriptum reperiebant, vtrumque ponere, & lectorum iudicio permittere; vtrum verius videretur. Eo modo, vix credibile est, quàm multa in optimis & nobilissimis quibusque scriptoribus maculata sint. Libet eius rei aliquot exempla proponere: vt ab aliis quoque alia consimilia notentur. Apud Xenophontem libro primo Anabaseos ita legimus: τὸ ὅ σρατευμα ὁ σῖτος ἐπέλιπε, καὶ πρίανθαι ἐκ λυγρῶν, εἰ μὴ ἐν τῇ λυγρῇ ἀρρεῖ, ἐν τῇ Κύρου βαρβαρικῇ, τὴν κατὰ τὴν ἀλφίτων, τεπάρων σίγλων. vbi qui diligenter attenderit, facile videbit, legendum tantùm esse, τὴν κατὰ τὴν ἀλφίτων. Apud Aristotelem libro primo De arte dicendi: Ανάγκη συλλογισθῆναι ἢ ἐπ' αὐτῷ δεικνύειν ὅπου ἢ ὀνπεῖν. vbi frustra se torquet Victorius. illud enim ἢ ὀνπεῖν planè delendum est: quod ego cùm iam pridem coniecissem, confirmatus sum in sententia, auctoritate Halicarnassei, qui hunc locum ita citat, vt illam librariorum περὶ δὴ κελῶν non agnoscat. Apud Ciceronem in Academicis: *Et veluti amantes Socratem.* vbi docui legendum, *Et iam ante Socratem.* Apud Liuium libro xxiiii. in libris à doctissimo Sigonio emendatis: *Cùm illud potius agendum, atque eis cogitandum sit, si quomodo fieri possit, ne qui socij à populo R. desiscant: Et non vocitent. documentum autem ducant, statui oportere, si quis resipiscat, Et antiquam societatem respiciat.* Libri autem veteres ita habent: *Documentum aut ducant, statui oportere non nocitium.* Ita igitur emendò eum locum quem insanabilem esse pronuntiauit Sigonius. Primùm illud, *Documentum aut ducant*, aio librarij esse, vtro modo scriptum esset, ambigentis. Deinde illud, *Et non vocitent*, factum esse ex eo, quod paulo

paulo pōst sequitur *non nocituum*, & positum loco non suo. Quibus positus ita lego: *Documentum statui oportere, non nociturum, si quis resipiscat & antiquam societatem respiciat*. Est autem optima & grauiſſima ſententia, & Thucydidea: ἕτε ἀνέλπιδον κατὰ νόσον τῆς ἐποσῶν, ὡς ἐκ ἐστὶ μεταγνώαι. Apud Senecam libro primo De beneficiis: *Ergo & Mercurius vnà stat, non quia beneficia ratio commendat vel oratio, sed quia pictori ita visum est*. legendum: *Non quia beneficia commendat oratio*. Apud eundem epistola xxxiii. *Ego verò viar via veteri: sed si priorem planioremq; inuenero, hanc muniam*. Libri veteres: *Sed si priorem vel planiorem*. Ego, *sed si planiorem inuenero*. Apud Plinium capite xxii. libri xiiii. *Spectante, miraculi gratia Tiberio principe in senectutem ſenero, atque etiam aliàs ſauro, sed ipsa inuenta ad meorum priorior fuerat*. Totum illud, atque etiam aliàs ſauro; delendum est. Apud eundem capite iiii. libri xxv. *Abstinentiā cibi, aliàs vini*. Dele illud, *aliàs vini*. dicit enim ἀστιάρι. Apud Tacitum libro xi. ab excessu Diui Augusti: *Ut sacrificantes vel insanientes Bacche* Vtrum non facilè dixerim: alterum certè παρέλκει. Apud eundem libro xiii. *Audiretur hinc Germanici filia, inde vilis rursus Burrus*. Liber vetus: *inde denilis rursus aut Burrus*. legendum, *inde debilis Burrus*. debilem autem vocat, quia truncā erat manu: vt statim subiicit. Apud eundem libro xiiii. *Per insidias seruiles, quas nemo prohibuit, aut prodidit*. delendum illud, *aut prodidit*. Apud Plutarchū in Theseo: ἐπεσον αὐτὸν ἢ διαπάτηται τῇ αἰδέει συγγενείῳ. delendum illud, ἢ διαπάτηται. Parcā plura congerere: ne ipsa copia lectoribus molesta sit.

Rectè scriptum à Donato, his verbis, Hoc age, silentium & attentionem imperari. CAP. XVII.

DONATVS in Phormionem Terentij scripserat, hoc loquendi genere, *hoc age*, silentium imperari. Gabriel Faërnus, homo Latinæ quidē linguæ non ignarus, sed Græcæ prorsus expertus: neque hoc detrahendi studio dico: ita esse sciunt, quibus ille notus fuit: neque id ipse diffitebatur: ne poterat quidem: is igitur hoc, quia nusquam alibi legerat, ferre non potuit: & ut erat ingeniosus, confugit ad illud suum, ut diceret in veteribus libris Terentij scriptum fuisse *hoc age st* sed vnam aut alteram litteram erasam esse: & verba illa Donati ad illud *st*, non ad verba *hoc age* pertinere. Credo hoc acutè excogitatum esse: & agnosco ingenium hominis, non tantum quid in vetustis exemplaribus scriptum esset, legere soliti, sed diuinare etiā quid deletum fuisset. Sed quia tardior sum, quàm ut illam tantam celeritatem ingenij subsequi possim: continebo me intra septa, & contentus ero iis quæ ab aliis confirmata reperio. Videor autem legisse, in sacris imperari solitum silentium his verbis, *faucete linguis*. & Græcè *σῆρα τὰς ἑσπερας λέως*. & eadē de causâ clamari solitum, *hoc age*. & hoc puto dicere non malum auctorem Plutarchum in Numa: *ὧν ἰχθῆρος τὸ μέγιστον διασώζοντες, ὅταν ἀρχῶν πρὸς ὀφείσιν, ἢ δυσταίαις διατίσῃ, ἐρωτῶν, ὧν ἀρχή*. Hoc igitur tenebo: curam legendi ea quæ erasa sunt, perspicacioribus delegabo.

Confirmatum quod de Aristotele & Hippodamo in superioribus scriptum est aduersus frigidam defensionem eius qui quod ipsemet ignorauit, aliis pro certo & explorato obtrudere voluit. CAP. XVIII.

SCRIPSERAM, non satis bona fide versatum
Aristo-

Aristotelem videri in Hippodami rep. reprehendenda: idque cognosci posse de quibusdam ipsius Hippodami fragmentis quę apud Stobæum extarent. Exstitit, qui decennio post, Aristotelis defensionem susciperet: meque eius rei historiam ignorasse diceret: se autem planum facturum, fideliter, ut docebat, se summum philosophum in toto illo negotio præstitisse. Expectabam igitur, ut ipse quoque se in suscepto negotio fideliter præstaret: & quando me inani argumento usum dixerat; solidis ipse ac grauibus argumentis in mea opinione refutanda vteretur. Reperio historiam quidem nullam: argumenta autem ita leuia, ut ea dum refello, videar mihi cum Ænea Virgiliano persequi tenues sine corpore vitas. Alium esse ait Hippodamum, cuius multa apud Stobæum leguntur, alium qui ab Aristotele reprehenditur. Illum enim Italicum, hunc Milesium fuisse. Vellem alicuius veteris scriptoris testimonium protulisset, à quo horum duorum Hippodamorum Milesij & Italici, quorum vterque optima reip. speciem informasset, mentio fieret. Quamquam enim plurimum illi tribuo; non tantum tamen, ut satis sit, αὐτὸς ἔφα. Hęc videlicet illa historia est, cuius ignoratione lapsum esse medicit. Quę si in ipsius ingenio delituerat, neque à quoquam veterum prodita erat, quā, quęso, cam non ignorasse potui? At quia testimonia non suppetunt, ab argumentis auxilium mutuatur. *Hippodamus*, inquit, *Aristotelis Milesius fuit. Fateor: Stobæi verò ut existimare licet, Italicus, quod disciplina illius, & sermo etiam Doricus, quo utitur, declarat. alter Hippodamus Jonico vsus fuisset. Miletus enim Ionia ciuitas fuit.* Nego quidquam hac ratione concludi. Nam neque omnes qui Italicam philosophiam

coluere, fuerunt genere atque origine Italici: cùm Pythagoras eius disciplinæ auctor Samius fuerit: neque omnes Dorico sermone scripsere. Empedocles certè Ionicè scripsit; qui tamen Pythagoreus fuit: *At alter, inquit, Hippodamus Ionico vsus fuisset. Miletus enim Ionia ciuitas fuit.* Quasi verò necesse sit, vnumquemque eius gentis lingua in scribendo vti, in qua ipse natus est. Frustrà certassent septem vrbes de stirpe insignis Homeri, si vlla in hoc argumento firmitas esset. Neq. ego puto ea lingua vlos Stagiritas, qua Aristoteles scripsit: aut, quia ἀπὸ τῶν ἰωνίων scripsit Theophrastus, ideò italocutos Ephesios. Petrū Bembum optimè Etruscè scripsisse ait bonus in primis eius rei existimator Ioannes Casa. at Bembus Venerus fuit. Quid autem vetat, Hippodamum, cùm Miletii quidē natus esset, sed diu versatus in magna Græcia, in qua philosophia illa florebat, eius gentis sermone scripsisse, non in qua natus esset, sed in qua viueret, & cui fortasse potissimùm scriberet? Doriensis fuit Hippocrates, ait Ælianus: sed in Democriti gratiam Ionicè scripsit. Quī magis licuerit Doriensi Ionicè, quàm Ionico Doricè scribere? Hoc saltem admonere debuit ipsum, non minus acri iudicio, quàm acuto ingenio præditum, vt non statim propterea duos Hippodamos esse concluderet. Addit: *Quanto autem plura sunt, quæ in iudicio Stobæi, in scriptis ipsius Hippodami discrepant à sententiis Aristotelei, tanto facilius intelligere poterat, ipsos sògè alios esse. neque enim existimandum est, philosophum ita perfricuisse frontem, vt tam aperiè mentiretur: præsertim eo tempore, cùm omnes nullo negotio hoc redarguere potuissent.* Hoc loco arduam mihi & lubricam defensionē esse fateor, nam neque de Aristotele, quem quanti faciam,

ciam, norunt, quicumque me norunt, quidquam sequius loqui velim: & tamen res ipsa subigit me, ut dicam, eum non nunquam reprehendendorum veterum paulo quam par erat, cupidiores fuisse. Plato ciuitatis salutem in eo positam esse dixerat, si quam maximè vna esset. Quàm id sophisticè Aristoteles calumniatus est? Non libet de Ideis dicere. Sed tamen non desunt ex ipsis Aristoteleis, qui Aristotelem in eis labefactandis non optima fide cum Platone egisse fateantur. Parmenidem quidè defendit Simplicius, nihil Aristotelis auctoritate deterritus. Et Platonis aut Parmenidis scripta non minùs illa tempestate in manibus erant, quam Hippodami. Sed si duo Hippodami fuerant, quorum vterque de republica scripserat, cur eorum alterum Aristoteles infectatus est, alterum ne nominauit quidem? cùm præsertim quosdam nominauerit, quorum nusquã alibi memoria extat. An illud verius est, ex his duobus Hippodamis alterum Mileti, alterum, ut Palladem è Iouis, ita ex hominis eruditissimi cerebro Florentiæ natum? Et addit postremò: *Quod autem Aristoteles significauit, eum, quem improbat, Milesium fuisse, putari debet id fecisse, ut distingueret ab altero hoc, eodem nomine vocato, Pythagoreo.* Non video, cur ita putari debeat: multos enim à patria nominat, etiã vbi nihil opus est distinctione. ut cùm dicit, Γοργίας ὁλοκρῆν. Et libro primo cùm dicit: οἶον καὶ τὸ Θάλεω τῆς Μιλήσις, non opinor, Milesium dixit, ut eum ab aliquo Thalete Italico distingueret. Illum igitur ὁλωμένον Hippodamũ omittam: pertinaciùs contententi occinam,
 Σὺ δὲ μὲν ταῦτα δοκῶντ' ὅτιν, ἐμοὶ δὲ τὰς.

D litteram vocibus in vocalem desinentibus antiquitus interdum addi solitam. Et eius rei proposita aliquot exempla.

CAP. XIX.

A LATINIS veteribus concursum vocalium non amantibus fieri sæpe solitum, ut vocibus in vocalem desinentibus adderent litteram *D*, tum maxime, cum subsequens vocis prima littera vocalis esset, notum est & ex Fabio, & è fragmento columnæ rostratæ C. Duillio positæ, quod è foro superioribus annis erutum, nunc in Capitolio visitur. Atque idem observatum est in iungendis verbis, ut ex *re* & *eo*, *redeo*: ex *re* & *emo*, *redimo*: ad eundemque modum plurima. Sed & *mederga*, *tederga*, *sederga*, ad *sed eas*, ita frequenter apud Plautum leguntur, ut nemini ignota esse possint. Superessent & in posterioris ævi scriptoribus multa eius consuetudinis vestigia, nisi per errorem oblitterata essent. Nam & apud Catullum planè ita legendum: *At tu Catulle obstinatus obdura*. quod ex me in sermone familiari auditum probavit Turnebus: & apud Horatium duo loci sunt huius vetustæ consuetudinis ignoracione depravati. Nam & libro tertio Carminum, ubi vulgò est,

vos o pueri & puella

Iam virum experta male ominatis

Parcite verbis;

Ex quo alij fecerunt, *malè nominatis*: plerique veteres libri habent, *maled ominatis*. quod ut verum est, & libro primo epistolarum:

Omnem crede diem tibi diluxisse supremum.

ex quo factum est, *tibi diluxisse*. Est autem ita locutus Horatius, ut Livius in illo: *Hic speciosus ultimus dies P. Scipioni illuxit*. Apud Plautum quoque in Rudente,

dente, in extrema fabula, vbi vulgò ita legitur:

Tibi propino decuma fonte: tu tibi inde, si sapias.
non habeo dubium, quin ita legendum sit:

Tibi propinod eccum à fonte: tu tibi inde, si sapias.

Aquam enim conferuo propinat: & eum iubet vinum sibi ipsum miscere. Quin etiam lib. xliii. Digestorum, sub titulo, Ne quid in loco publico vel itinere fiat, vbi legitur: *Idem ait, si odore solo locus pestilentiosus fiat, non esse ab re de ea interdicto vti: legendum cenſeo, non esse ab re eo interdicto vti.*

Essentia nomen à Cicerone nouatum esse. Emendatus Seneca ex epistolis locus. CAP. XX.

MAGNAM sæculo suo laudem consecutus est & dicendi facultate, & philosophiæ scientia & grauitate morum Ser. Flavius Fabianus: multaq. de eo cū alij, tum locupletissimus testis Seneca honorificentissimè scripsit. Is cū philosophiam ciuitate donare veller, multa vocabula nouauerat: neq. enim aliter fieri poterat; cū in Græco quoque sermone, qui Romano immensum quantū copiosior est, veteres illi necesse habuissent multa procudere. Putabatur autē primus, quam Græci *vsiam* dicunt, eam Latinè *essentiam* nominasse. Ita certè Quintilianus credidit, qui libro secundo, cū rhetoricā à quibusdam Latinè loquentibus oratoriam aut oratricem vocari dixisset: & *hæc*, inquit, *interpretatio nō minus dura est, quàm illa Flauij essentia.* & libro tertio: *vsiam, quam Flavius essentiam vocat, neque sanè aliud est eius nomen Latinum.* & libro octauo: *Multa ex Græco formata noua, ac plurima à Ser. Flauio: quorum dura quedam admodum videntur, ut ens & essentia: quæ cur tãtoperè aspernemur, nihil video: nisi quod iniqui indices aduersus nos sumus:*

ideoq; paupertate sermonis laboramus. Primus tamen eam vocem finxerat Cicero: sed quod eam Fabianus primus vſu triuiſſet, quodq; alias multas fabricatus eſſet, huius quoque origo ad eum referebatur. Sed eam Ciceroni vindicat Seneca epistoſa LIX. niſi quod locus corruptus, ne id vulgò animaduertatur, impedimento eſt. Ita enim legitur: *Cupio, ſi fieri poteſt, propitiis auribus tuis quid ſentiam dicere. ſin minus, dicam & iratis*. Ciceronem auctorem huius verbi habeo, puto locupletem. Si recentiorem quæris, Fabianum, diſertum & eloquentem, orationis, etiã ad noſtrum ſaſtidium nitidæ. Sed pro illo *quid ſentiam*, omnino legendum eſt *eſſentiam*. alioqui enim cuius illos verbi habere ſe auctores diceret? Idq; manifeſtò declarant, quæ ſtatim ſequuntur: *Quid enim fiet mi Lucili? quomodo dicetur OTZIA, res neceſſaria naturam continens, fundamentum omnium?* Rogo itaque permiſſitas mihi hoc verbo vti. Quamquam autem res aperta eſt, ne quis tamen calumniatur, alium teſtem in eam rem dabo. Is erit Sidonius Apollinaris: cuius hæc ſunt ex epistoſa quadam ad Polemium: *Leſturus es hic etiam nouum verbum, id eſt, eſſentiam. ſed ſcias hoc ipſum dixiſſe Ciceronem. Nam eſſentiam, nec nō & indolentiam nominauit, addens: Licet enim nouis rebus noua nomina imponere.* & rectè dixit: Nam ſicut ab eo quod eſt, verbi gratia, ſapere & intelligere, ſapientiam & intelligentiam nominamus regulariter, & ab eo quod eſt eſſe, eſſentiam non taceamus. Iam igitur qui ad Nizolij epulas bellaria inferunt, eſſentiæ nomine auctiorem eius librum faciant licet. *Indolentiam*, me quidem auctore, non addent. nam & apud Sidonium ipſum *indolentiam* legi debere arbitror.



APPROBATIO.

*In hoc Variarum lectionum volumine nihil
reperitum est, quod fidei sinceritati ac inte-
gritati contrarietur:*

VValterus vander Steeghen S. Theo-
logiæ Licentiatus, & Ecclesiæ Ant-
werpiensis Canonicus.







